

# سرائیکی مرثیے وچ ننثر

مرید عباس عارف



---

# سرائیکی مرثیے وچ نثر

مرید عباس عارف



**جھوک پبلشرز** دولت گیت ملتان

061-4511568 ، 0308-7385765

**،2016**

---

## جملہ حقوق محفوظ ہن

سرایکی مرثیے وچ نثر	ناں کتاب :
مرید عباس عارف	لکھاری :
ملک خرم شہزاد 0300-7361252	کمپوزنگ :
جون ۲۰۱۶ء	سن اشاعت :
عجب خان	ٹائٹل :
زبیر دھریجہ	ترنمین :
مشہد رضا، محمد تقی جواد	پروف ریڈنگ :
جھوک پرنٹرز ملتان	چھاپہ خانہ :
شعیب بلال، ریحان حیدر	ترتیب :
620 روپے	مُل :

---

انتساب

آپٹے بابا سکیم جام اللہ بخش چاچڑ (مرحوم)  
تے

اماں سکیم سردار مائی (مرحومہ)  
دے نانویں



## تذیر

8	☆	سرائیکی مرثیے تے مرید عارف دی تحقیقی انفرادیت اسلم رسولپوری
11	☆	سرائیکی ایچ ذکر حسین دی روایت ڈاکٹر گل عباس اعوان
14	☆	کریل کتھا مرید عباس عارف
17	۱-	غلام سکندر خان غلام
25	۲-	مولوی فروز بھکری
32	۳-	مولوی محمود مولائی
42	۴-	سید علی شاہ چھینوی
50	۵-	سید گانموں شاہ واصف
70	۶-	مولوی نذر حسین ترک
81	۷-	آغا شرف حسین شاہ نقوی
91	۸-	غلام حسن شاہ تائب
117	۹-	مولوی غلام حیدر قدا
133	۱۰-	گل محمد عاشق ملتانی
144	۱۱-	قاضی خدا بخش محزون
166	۱۲-	غلام علی ناظم
178	۱۳-	نور محمد گدائی



191	غلام علی لنگا و مداح	۱۳-
206	مولوی منظور حسین	۱۵-
214	سید امام علی شاہ شفیق	۱۶-
225	فدا حسین مشکور جھنڈیر	۱۷-
238	مولوی اللہ بخش غمناک	۱۸-
247	نذر حسین ارشاد عباسی	۱۹-
261	سید تصدیق حسین شاہ شیرازی	۲۰-
268	سید جعفر الزمان نقوی	۲۱-



## سرائیکی مرثیے تے مرید عارف دی تحقیقی انفرادیت

سرائیکی وچ ترائے اصناف عام طور تے اپنے فکری اتے نظری حوالے نال استعمال وچ آندیاں رہن۔ کافی جیند از یادہ تر تعلق تصوف نال رہیے۔ مرثیہ جیڑھا عام طور تے واقعہ کربلا دے ڈکھ تے ارمان دی نمائندگی کریندا آئے۔ جڈاں جو نظم زیادہ تر سماجی جبر دے خلاف یا احتجاج دی صورت وچ اساڈے سامنے آئی اے۔

انہیں کافی تے مرثیہ اوہی نوعیت دے حوالے نال مخصوص حلقے دے نال نال مخصوص علاقے نال تعلق رکھدن۔ جڈاں جو نظم دادا ترہ ڈوہڑہ یا مثنوی دانگوں چارے پاسوں پھیلا رہیے۔ مرثیہ دا گھیرا نسبتاً وسیع تے غربا شرقا رہیے آتے دیرہ اسماعیل خان توں لکھنؤ تیس اپنا اثر ڈیکھیندا رہیے۔ حتیٰ کہ لکھنؤ دے معروف اردو شاعر مرزا محمد رفیع سودا نے وی سرائیکی وچ مرثیے لکھیے۔ جڈاں جو کافی شمال (اُبھے) کنوں جنوب یعنی (لے) تا کیں مقبول رہی اے۔ ایہ شمال کنوں شاہ حسین توں جنوب وچ شاہ لطیف دے حوالے نال سُجھاٹی دیندی رہی اے۔

مرثیہ آتے کافی عام طور تے بک ڈو جھ دے متوازی رہن۔ آتے انہیں وچ مقابلے بازی تے شاعرانہ نکر او دار جھان نہیں ملدا۔ اگرچہ مرثیہ دی حدتیں سودا آتے مسکین دے درمیان بک ڈو جھ دی بھودی روایت ملدی اے۔ صدیں دے ایس پھیلے سفر دی وجہ کنوں انہیں اصناف دے دڈے دڈے ذخیرے ملدن۔ آتے بعض کویات دی شکل وچ چھاپا دی گئی لیکن مرثیہ دے سلسلے وچ پروفیسر مرید عارف داکم آوہی نوعیت دا ہے۔ جیڑھا آپنے طور تے پہلی قسم دا دی ہے۔

انہیں دیہہ (۱۹۲۰) اچھے مرثیہ نگاریں داکم کٹھا کیٹے آتے انہیں دے منفرد نمونے ڈتن جیڑھے مرثیہ دی مجلس وچ شاعری دے نال نال نثر کوں زیادہ استعمال کریندے ہن۔ انہیں



دے مطابق ایہ سلسلہ غلام سکندر غلام کنوں شروع تھیا۔ اُتے ۱۹۸۰ء تئیں مک ہکيا۔ کیوں جو جدید دور وچ مرثیہ وچ بند دا استعمال عام ہے جیڑھا پہلے وی ہا۔ لیکن اوندے وچ نثر استعمال نہیں تھیندی۔ اینویں قصیدے دا سلسلہ ہے۔ اُج ”نوئے“ وی کافی مقبول ہن۔ اُنہیں ویہہ (۱۹،۲۰) مرثیہ نگاریں وچ بعض ہوں اہم ہن۔ جنہیں دی آہنی اہمیت ہے اُتے انہیں دا اسلوب وی آپٹا ہے۔ وڈے فنکار دا ہمیشہ آپٹا اسلوب ہوندے جیڑھا او آپٹے فن نال پیدائشی طور تے گھن تے آندے۔

اینویں انہیں مرثیہ نگاریں، نثر نگاریں دا وی آپٹا آپٹا اسلوب ہے۔ جیڑھا انہیں دی آہنی اہمیت واضح کریندے۔ قاضی خدا بخش محزوں دا اسلوب صاف اُتے شگفتہ تے موثر ہے۔ اوندی نثر موثر ہے تے دل تے اثر کریندی ہے۔ اوہک ڳالھ کون نویں نویں انداز وچ بیان کریندے، اُتے سامع، قاری نویں چس چیندے۔ قاضی خدا بخش محزوں دی نثر دا ہک نمونہ ملاحظہ ہووے۔

”قیمی او مصیبت ہے جنیں کنوں رہا تھیوٹ مشکل ہے۔ قیمی او مرض ہے جیندا دوا تھیوٹ مشکل ہے۔ قیمی والا ایہو جہاں غم دا بحر ہے جیندا کوئی کنارا نہیں۔ کوئی قیمیاں کون جھٹک ڈیوے تاں بے وس تھی کے آپ چپ کرویندن۔ ہر وقت قیمیاں دے میلے لباس اُتے چہرے کماٹے ہوندن۔ شکستہ حال اُتے اوراٹے رہندن۔ جڈاں جونذر حسین ارشاد عباسی جھنڈیر دی نثر نسبتا بھاری بھر کم اُتے عربی، فارسی لفظیں نال لڈی ہوئی ہے۔ نمونہ نثر نذر حسین ارشاد عباسی جھنڈیر۔

”خیر آدم بر سر مطلب بندہ جناب حمزہ دا جگر چہایا اُتے تاہیں قارین دے وچ کلہ الہا یعنی ہاں کڈھن والی ڈہن مشہور ہے۔ جنیں مقام تے سرور کائنات موجود ہن۔ عبد اللہ ابن قمریہ ملعون نے آکے ہک واریں زور دا کیتا۔ جو خود دیاں ڈوڑیاں پیشانی دے وچ لہہ گیا۔ سعد ابن ابی وقاص



دے وار کنوں دو دندان داشکستہ ہويا۔ شیطان ملعون نے ہک پہاڑی تے  
چڑھتے ہوکاڈ تا۔ محمد قتل“

جڈاں جو غلام علی ناظم دی نثر ڈوہیں مرثیہ نثر نگاریں کنوں مختلف ہے۔ ایہ نثر وی ارشاد  
عباسی دی نسبت سادہ مگر محزوں کنوں زیادہ موثر ہے۔ نمونہ نثر غلام علی ناظم:

”دوستو! سارے احباب اصحاب دے درجے بل احیا پاچکے ہن۔ تمام

ضعیف آتے جوان موت دے ہنکے مہندی عشق حقیقی دی لاچکے ہیں۔

باوجود ترے ڈے۔ نہاں دی تر یہہ دے جو ہر لڑائی دے ڈکھاچکے ہن۔“

بلاشبہ ہر مرثیہ نثر نگار دا آپنا اسلوب ہے لیکن اپنے مرثیہ دے حوالے نال ایہ انتخاب  
معیاری اتے معتبر ہے۔ آتے آپنے ادبی شناخت واسطے خصوصی طور تے قابل ذکر ہے۔ کیوں جو  
آج تیں وی مرثیہ نگار مرثیہ دی مجموعیں کوں کہیں لکھاری نہ نثری حوالے نال مرتب کیتے آتے نہ  
عام طور تے اوندے ادبی رتے کوں بنیاد بٹائے بلکہ زیادہ تر مجموعے واقعات کر بلا دی تفصیل  
اوندے وچ جذبات دی شدت دے اظہار وغیرہ کوں سامنے رکھیا گئے۔

چونکہ مرید عارف مرثیہ دا چنگا تے تفصیلی مطالعہ رکھدن اتے انہیں کنیں مرثیہ دا وڈا  
ذخیرہ وی موجود ہے۔ ات واسطے انہیں دا ایہ انتخاب ادبی، فنی تے ڈوجھے تمام حوالیں نال معتبر  
تے مستند ہے۔ میڈا خیال ہے انہیں دے کم دی پذیرائی تھیںسی۔ اگر او آپنے ایس سلسلے کوں مکمل کر  
کھندن تاں او مرثیہ دی تاریخ وچ تاریخی حیثیت وی رکھسی۔

محمد اسلم رسولپوری

ایڈووکیٹ جام پور



## سرائیکی اچ ذکر حسین دی روایت

ڈاھویں محرم، ۶۱ ہجری دا واقعہ ابجھاں دردناک واقعہ ہے، جو اچ تئیں اساڈیاں صدیاں اونڈے تے ویٹ کریندیاں پکین۔ ذکر حسین تے پیروی حسین، اساڈی نجات دے رستیاں اچوں ہک رستہ ہے۔ ایں سانگھے اسا کوں اسلامی تاریخ تے سرائیکی وسیب دی تاریخ اچ ذکر حسین متسلل نال ملدے۔

چونکہ اے ذکر، صدئیں توں تھیندے آئے، لہذا اہو کی نسل کیے اے ڳالھ ضروری تے ذمہ داری دی ہئی جو ذا کرین کرام دے ذکر کوں کتابی صورت اچ محفوظ کر گھداونے۔ و ت اے وڈے کرم دے فیصلے ہوندن تے وڈے نصیب دی ڳالھ ہوندی ہے جو اے منصب کیکوں حاصل تھیندے جو ابجھاں سوہٹا تے نویکلا کم کرے۔ رب سکس ایں سوہٹے کم سانگے ساڈے عزیز سکس مرید عارف کوں منتخب کیے تے انہاں سرائیکی اچ مجلس دی روایت کوں محفوظ کر گھدے۔ سرائیکی اچ ذکر حسین دی روایت تے مشتمل اے کتاب اساڈے تے علم تے عقیدت دے نویں درکھولین۔ اے کتاب پڑھن توں بعد اسا کوں اندازہ تھئے جو کیڑھے ذا کر محترم داکٹر ہا عہد ہا۔ ایندے نال ای اساڈے سامنے اوں عہد دی زبان تے لفظیات دا پورا نظام ساڈے سامنے آویندے۔

اے کتاب لسانیات دے ماہرین واسطے ہک انمول خزانہ ثابت تھیں جو ایں کتاب نال ای او کہیں عہد دی زبان دا بخوبی اندازہ لاسکسن۔ ایں کتاب نال او اندازہ وی لاکھنسن جو زباناں، کیویں عہد بہ عہد اپنا رنگ و ٹیندیاں راہندن۔ محاورہ کیویں زبان دا حصہ ہلدے۔

ایں کتاب دی ہک خوبی اے وی ہے جو سکس مرید عارف (مؤلف) نے ایں کتاب اچ ہر ذا کر محترم دا تعارف وی کرائے۔ ایں تعارف نال اے پتہ لکھدے جو ذا کر محترم دا اصل



وطن کیڑھا ہا۔ وطن دی نسبت نال اسا کوں اوں علاقے دی زبان تے اوندے لب و لہجے دا اندازہ  
تھی ویندے۔

ایں کتاب ایچ اہل بیت دے خطبے وی موجود ہن۔ انہاں خطبیاں نال اساڈے تے  
اہل بیت دی علمیت تے عظمت مزید واضح تھی ویندی ہے۔ اساڈے سامنے اہل عرب دا اے انداز  
وی سامنے آویندے جو میدان جنگ ایچ او آپنے حریف نال کیوں مخاطب تھیندے ہن۔ ایں  
کتاب دی وساطت نال اساڈے سامنے بی بی زینتؓ دا خطبہ وی سامنے آندے تے اندازہ  
تھیندے جو انہاں دا علمی مقام و مرتبہ کتنا بلند ہا۔ ایویں ای لہ دے ہک ذاکر، سید گانموں شاہ  
واصف نے کر بلا میدان ایچ امام عالی مقام حضرت امام حسینؑ دا ہک خطبہ بیان کیتے۔

میڈا والد ماجد حیدر صفدر جد امجد سردار سید  
میڈی امڑی مالک ڈوہاں جہاناں عم جعفر طیار سید  
سردار جواناں جنت دا، میڈا ویرن خوش اطوار سید  
ہاں مرد مجیب نجیب اصل دا، رب دا شکر گزار سید

ذاکرین نے واقعہ نگاری تے منظر نگاری کوں خوب نبھائے چونکہ واقعہ کر بلا، واقعات دا  
بیان ہے لہذا ہر ذاکر اپنے اپنے انداز ایچ واقعات کوں بیان کیتے۔

”خاتون قیامت وال کھولے، مستوراں وچ خیام دے، خاکاں پایاں  
جیویں جو درد دا ماری اُتے دروازے دے کھڑی ہئی، ویرن ویرن کر  
کے کڑ چلی۔ راوی آہدے یار ہاں قد ماں تیں، بی بی زینب خاتون چادر  
محکم سنبھلی۔ جیویں نیم بسل پکھی تڑپ تڑپ ول ڈھیندے، سکیں میڈی  
قدم قدم تے جمن پوندی ہے۔“

اے کتاب سرائیکی نثر وچ ہک قابل ذکر و دھارا ثابت تھیسے۔ اُمید ہے جو سکیں مرید  
عارف نے جیویں محنت نال ایں مواد کوں جمع کیتے، اُمید ہے ایویں ای محنت نال ایندی کمپوزنگ،



املا زبان و بیان تے توجہ ڈیسن تاں جو اصل متن قارئین تیں چُکے۔ بلاشبہ اُنہاں دا اے کم لائق تحسین ہے تے اُمید ہے جو سرائیکی اہل زبان کوں اُنہاں دی اے کوشش ضروری پسند آسی۔

ڈاکٹر گل عباس اعوان  
گلش عباس، وارڈ نمبر ۵  
لیہ



## کر بل کتھا

مرثیہ جگ جہان دیاں سموریاں پولیاں وچ لکھیا ویندا پئے۔ دنیا دی کوئی زبان اتیجھی  
 کینی جیندے وچ مرثیے دی صنف نہ لکھی ویندی پئی ہووے۔ پر سرائیکی زبان وچ بیاں پولیاں  
 کنوں ودھیک لکھیندا پیا ہے۔ ایویں چا پدے جو سرائیکی زبان بٹی وی مرثیے واسطے اے۔ میں  
 سمجھدا سرائیکی زبان دی بقا اتے ہمیشگی دی ضمانت ایندے وچ ذکر حسین داتھیوٹا اے۔ سرائیکی  
 وچ مرثیے دے منڈھ بارے ہالی تیں اے نیں آکھیا ونج سگیندا جو کڈاں کنوں تھیا ہے۔ کیوں  
 جو حالی اے گالھ تحقیق طلب اے۔ ہن تیں دا معلوم سرائیکی مرثیے داموہری شاعر سید زمان شاہ  
 شیرازی اے۔ انہاں دا کلام پڑھتے اے گالھ چیتے وچ آندی اے جو انہاں توں پہلوں  
 سرائیکی مرثیے دی ہک تکرری روایت موجود کھڑی اے۔ سید زمان شاہ شیرازی اتے اوں دور دے  
 شعرا دے کلام وچ صرف شاعری ملدی اے پر نثر دا اتہ پتا کتھاؤں نیں ملدا۔ شاعری وچ وی  
 شیرازی دے دور وچ اسا کوں صرف ”دفعہ“ ملدے یاؤت نوچے دے نمونے ملدن۔ ایس توں  
 علاوہ ہی کوئی صنف شاعری دی نیں ملدی۔

غلام سکندر غلام مرثیے دا پہلا شاعر اے جنہیں شاعری اچ نوں پتاں اتے اسلوب کوں  
 درتائے۔ اوں پرانا سانچہ جیڑھا ”دفعہ“ تے نوحہ دی صورت وچ ہاؤ کوں وی نال نال ٹوریے تے  
 نویں تجربے دی کپن۔ سرائیکی وچ نثر دا منڈھ وی غلام سکندر غلام ہدھے۔ ول انہاں دے ہم  
 عصر تے بعد وچ آؤں والے اوکاں وچ نثر اٹنی ہک پکی لکھی جاوے گھدی۔ اوں ویلھے نثر کوں  
 مجلس وچ تقریر آکھیا ویندا ہائی۔ بعد وچ تے اہو کے عہد وچ اینکوں نثر دا ناں ڈتا گئے۔ اہو کے عہد  
 وچ ناں نثر کرن والے ذا کر کوں نثری ذا کر اتے قصائد پڑھن والے ذا کر کوں قصیدہ گوذا کر آکھیا  
 ویندے۔ سرائیکی نثر دا آغاز غلام سکندر غلام کنوں شروع تھیا تے اہو کے عہد تاں جاری اے۔  
 مرثیہ سرائیکی دی سب توں وڈی صنف اے۔ پر اہج تیں ایس صنف تے کم نیں کیا



کہا (اے ہک الیے توں گھٹ نیں) سرائیکی مرہیے اُتے تھوڑا جئیں کم دل دی کجھ لوکاں نے کیجے پر مرہیے وچ نثر تے کم اصلوے نیں تھیا (اس ڈومضمون چھپے ہوئے ملدن جیڑھے دلشاد کلا نجوی تے ڈاکٹر قاسم جلال دیاں کتاباں وچ ہن)

حالاں جو ڈٹھا ونجے تاں مرہیے وچ نثر ہوں لکھی گئی اے۔ جیڑھی کھنڈی ہوئی صورت ایچ موجود اے۔ اینکوں کٹھا کر ڈی ہوں لوڑاے۔ میں ایں کتاب وچ صرف اکوین (۲۱) نثر نگاریں دے حالات زندگی تے انہاں دی نثر دے نمونے ڈتن۔ میں کوشش کیجی اے جو موٹھی نثر نگار غلام سکندر غلام توں گھن تے اہو کے دور دے نثر نگار سید جعفر الزمان نقوی تائیں دے نثر نگاریں وچوں چوٹ کرتے قاری دے سامنے پیش کراں تاں جو قاری کوں ہر دور دی نثر دا سونہاں کیتا ونجے۔ نثر نگاریں دی تندیر لمبی ہائی۔ انہاں وچوں اکوین لوکیں دا انتخاب پیش کیتا ہکے۔ ایں توں تہا کوں سرائیکی مرہیے وچ نثر دے ارتقائی مراحل توں آگاہی ملسی تے ہر دور دا اسلوب وی۔

اے میڈی پہلی کوشش اے انہاں توں علاوہ اکوین تے ہوں سارے مرہیے دے نثر نگاریں تے کم جاری ہے جیڑھا ہوں جلدی تہا ڈے سامنے پیش کیتا ویسی۔ جہاں وچ سیں بخشندوی آف ڈیرہ اسماعیل خان، نواب شاہ نواز خادم آف ٹانک، سید ذوالفقار علی شیرازی ڈی آئی خان، فشی کمال خان سائل بکھر، اللہ داد شاہ صفائی، کمال خان گکسی نواں کوٹ لیہ، سید علی شاہ ذاکر ملتانی، سید سردار علی شاہ جھنگ، سید محمد شاہ ماہر بہاولپوری، شیزادہ خادم حسین آف چھینہ، نبی بخش مضطر ملتانی، میاں عاقل محمد آصف، شرف الدین شرف ملتانی، صفدر علی صفدر، کوٹ ادو، محمد خان خوشابی، غلام حسین خان نمکین، حسن بخش کمر ملتانی، محمد رمضان بہار ملتانی، فشی مرید حسین راز، پہاڑ پور، سرشار، سید مداح حسین شاہ شاد، مولوی سردار علی فوق، حاجی نبی بخش شوق، فتح محمد ناز، غلام حیدر شاہ بیکس، احمد بخش بھٹی سیف دے ناں شامل ہن۔

میں تھوڑی آں سیں محمد اسلم رسول پوری، ڈاکٹر فکیل پٹانی تے ڈاکٹر گل عباس اعوان دا انہاں اپنے ہوں قیمتی ویلے وچوں کجھ وقت کڈھ تے میڈی کتاب تے ہوں سوئے اکھر لکھ ڈتن



تے میڈا ملن ودھایا پیئے۔ ایس توں علاوہ میڈے ہوں سارے دوست میڈے ایس کم ایچ ہانہہ ہلی رہ گن، جہاں وچ دلبر حسین مولائی، علامہ ثقلین گھلو، ڈاکٹر مشتاق مہدی، سکس صفدر کر بلائی، ایاز عباس کنڈاٹی، سید مالک اشتر، وجاہت علی عمرانی، محمد اقبال دریشک، ماجد منظور تے فخر عباس جعفری شامل ہن۔

کچھ احباب ہمیش میڈی کنڈ تھپی رہ گین اتے میڈی حوصلہ افزائی فرمائی ہانے۔ انہاں وچ سکس صوفی تاج گوپانگ، ڈاکٹر جاوید چانڈیو، طارق اسماعیل احمدائی، سکس شوکت مغل، ظہور احمد دھریجہ، عاشق بزدار، ڈاکٹر حمید الفت ملغانی، ڈاکٹر غلام رضا، ڈاکٹر حاکم علی برڑو، ڈاکٹر مقبول گیلانی، ڈاکٹر سجاد حیدر پرویز، ڈاکٹر ممتاز بلوچ، استاد نذیر فیض، سکس اجمل مہار، سکس جاوید آصف، سکس محمد صدیق ملک، رائے کاشف حسین، میاں باسط فرید، سلیم انب، فاروق فارس، فریاد ہیروی، سینئرسیم اختر، سینئرسید قاسم، سینئرسرخندہ بخاری، سینئرسدرہ رشید ملک، سینئرشہلا اقبال، سینئسطلعت نقی تے سینئرانعم ساجد دے ناں شامل ہن۔

آخر ایچ میں اپنے بھرانویں بلال حسین، امداد حسین، حسنین رضا دامشکور آں جو میڈے ایس کم ایچ میڈے بھائیوال رہ گھین تے میڈے حصے داکم کیتی رہ گھین۔ ایندے نال نال میں خرم شہزاد تے عجب خان داوی ممنون ہاں ایس کتاب دے سٹہپ وچ انہاں دا حصہ وی شامل اے۔

جیویں میں پہلے آکھے اے میڈی پہلی کوشش اے ایندے وچ ڈھیر ساریاں غلطیاں ہوں۔ میں امید کریندا جو تساں انہاں غلطیاں دی نشاندہی کریو تاں جو اہکوں تے ایسے جیہاں غلطیاں نہ تھيون۔ سوئے مشورے ڈیو، تہاڈی آراء داتا نگھی راہساں۔

مرید عباس عارف

۲۸ مارچ ۲۰۱۶ء

شعبہ سرائیکی

گورنمنٹ پوسٹ گریجویٹ کالج

راجن پور

فون نمبر: 0333-6439050



## سلطان الشعراء غلام سکندر غلام جسکاٹی

غلام سکندر غلام قصبہ سیال ضلع بھکر وچ جے ہن۔ انہاں دے بابے داناں فتح محمد خان  
ہا۔ غلام دے وڈے وڈے بھائی بلوچستان کنوں ہجرت کرتے قصبہ سیال آن ویسے ہن۔ اُوں ۱۸۰۲ء وچ  
پیدا تھے ہن۔ انہاں دا خاندان زمانہ قدیم کنوں راسخ عقیدہ شعیہ اثنا عشری ہا۔ اتے اے لوک  
عزاداری وی کریندے ہن۔

غلام سکندر خان غلام دے زمانے وچ کچھی دی سرزمین وچ ”دفعہ“ آکھیا ویندا ہا۔ چار  
مصرعیں دا ڈوہڑا پڑھیا ویندا ہا تے ڈوہڑے ہرے تے ڈوہڑا پڑھیا ویندا ہا۔ نثر شامل کیناں کریندے  
ہن۔ غلام سکندر غلام نے آٹھٹی شاعری دا آغاز دفعہ توں کیتا ہائی۔

غلام سکندر خان نے مرعے کول ہیت دے لحاظ نال نواں چولا پوایا۔ مرعے کول پرائی  
ہیت کنوں تبدیل کرتے اوندے وچ بحر، مسدس، ڈوہڑا، مخمس، مسدس، مثنیٰ، ترکیب بند، ترجیع  
بند اتے نثر کول سرائیکی مرعے وچ رلاتے سرائیکی مرعے کول چار چندر لاڈ تے۔ خمسہ دی صنف دا  
موجد وی غلام سکندر خان ہے۔ خمسہ وچ پہلے ترانے مصرعے آپت وچ ہم قافیہ تے ہم ردیف  
ہوندن۔ آخری ڈوہڑے مصرعے آپت وچ ہم قافیہ تے ہم ردیف ہوندن۔ ہک خمسہ ڈیکھو۔

اے پارہ جگر رسول ﷺ دا ہے  
دلہند جناب بتوں دا ہے  
اے ہر مرشد مقبول دا ہے  
سرساگ تے وطن مدینہ ہے  
ہویا کتواں یار مہینہ ہے




غلام سکندر خان مرہیے توں علاوہ یوسف زلیخا دا منظوم قصہ تے وار تھل دی لکھی اے۔  
جیہڑی انہاں دی شاعری دا شہکار اے۔ ہک بیا قصہ ”گیرا و باز“ وی انہاں دی شاعری وچ  
ملدے۔ ایں توں دکھ انہاں معاشرتی شاعری وی کہتی اے۔

غلام سکندر خان نے نثر کوں وی سرائیکی مرہیے وچ سونہاں کیے۔ انہاں توں پہلے نثر  
سرائیکی مرہیے وچ شامل کیناں ہائی۔ انہاں دی نثر سادہ سرائیکی الفاظ دا مجموعہ اے۔ انہاں کوئی  
عربی، فارسی یا ڈو جھیاں زبانوں کوں ہروں بھروں وچ نہیں رلایا۔

غلام سکندر خان دے شاگرداں وچ مولوی فیروز بھکری، سید گانموں شاہ و اصف فنی  
کمال خان ساہل تے مولوی نذر حسین ترک شامل ہن۔

غلام سکندر خان غلام دیاں کتاباں دی تعداد خلش پیر اصحابی نے ۲۳۸ لکھی اے۔ کجھ  
دے ناں اے ہن۔ آئینہ ماتم، بحر المصائب، بحر ماتم، براہین غم، بروج غم، بیاض غم، تحفہ العشاق،  
تذکرہ الشہداء، صبح غم، جامع المصائب، جوش غم، خجر غم، دوحہ غم، ذائقہ ماتمی، روضہ ماتم، رونق ماتم،  
سامان ماتم، طوفان غم، عروج غم، فغان غم، گلدستہ مرثیہ ملتانی، ماتم حسین عرف بیان غم، مجلس ماتم،  
مجموعہ مرثیہ غلام، محیط غم، مخزن المصائب، مرثیہ جات غلام، مرثیہ حر، مشکوٰۃ المصائب، میدان غم،  
میزان غم، نثر غم، یوسف زلیخا، تھل وار تے قصہ گیرا و باز شامل ہن۔

سرائیکی مرہیے دا اے آفاقی شاعر سو سال دی عمر گزار تے ۱۹۰۲ء کوں اللہ کوں پیارا تھی  
بکيا۔



## در حالات شام و داخلہ در بار یزید عنید

لکھت: غلام سکندر غلام

اے محبان شبیر علیہ السلام لکھدن خاتمہ مصیبتاں دا جو اتے اہمیت نبوت دے آلتھے وچ شام دے جیویں کہیں امام زین العابدین کنوں پچھیا ہا۔ حضرت ایڈیاں مصیبتاں تمں لکھیاں ہن۔ بھاری مصیبت اتے تہیڈے کیہڑی آئی ہے۔ حضرت فرمایا الشام الشام الشام یعنی ترائے واری آکھن ہا۔ مومنین لکھدن جیہڑے ویلھے پہلی رات وچ قید خانے شام دے گزری تے بھلوے صبح صادق دے آن ظاہر تھئے تے آفتاب وچوں شفق مشرق اتے غریب پھوے دی سُرخی پوشاک وٹا کے ابھریاں تاں یزید عنید ہر ہک مشیر و وزیر امیر سپاہی پٹھے جو لہج جلسہ ہے سب تیار تھی کے وچ دربار بدکار دے حاضر تھیو جو اُچ نر وار تھسی۔ پھوے حسین دے واپس اوں ناری ہک ماشکی کوں سڈیاں تے آکھیں اہج میں امتحان کھنداں صبر اہل بیت دا کیوں جو رات ساری شام وچ خوشی دی آہی۔ طعام پانی قیدیاں کوں کہیں نہیں ڈتا۔ بند یواں ڈاڑھے تے پٹھے ہوسن۔ توں مشک پانی دی بھر چا اتے در قید خانے دے ہوکا وچ ڈے۔ کوئی ہووے تاں آوے پانی پیو۔ جیہڑے ویلھے قیدی آون تے پانی منگن توں پانی نہ ڈیویں تے مشک کوں سامنے قیدیاں دے اتے زمین دے چا وٹیں تے ٹریا آویں۔ یزید پتر ارقم دا آہدے اوں ویلھے وچ کچھری ناری دے موجود ہم۔ میں آکھیا یزید عبس ذلیل توں خیال کران اللہ مع الصبا برین وچہ انہاندے شان دے خدا فرمائے۔ ایہ تاں مشک پانی دی ہے۔ جیکر دریا پانی دا اہگوں قید خانے دے وہانویں۔ او انہاں دا خیال وی نہ تھسی۔ جیہڑے ویلھے ماشکی در قید خانے دے ہوکا آڈتے۔ جے اتے قیدی کوئی تے ہووے تاں آو پانی پیو۔

سبحان اللہ وڈے تاں بجائے خود بلکہ چھوٹے ہاں حسین دے جو موجود آہن۔ خیال



وی نہ کیتو نے جیہڑھے ماشکی پاٹی دے ہو کے ڈتے تے غرض پاٹی دی کہیں نی رکھی۔ تاں سید  
ساجدین دے تن وچ ڈوری طاقت تھی گئی ہے تے فرمالیں

ہم ہیں اللہ کے بندے نہیں ہے آب سے مطلب

ہے دل کو یار سے مطلب نہیں تالاب سے مطلب

بس ماشکی مشک چا ویٹی لعنت اتے یزید دے کر کے ٹر پیا۔ جیہڑھے ویلھے دل آیا یزید  
نے آکھیا گالھ سٹا۔ اوں آکھیا یزید ایہ تاں مشک ہے جے کرتوں قید خانے دے دریا وھاڈ یوئیں تاں  
بھی انہاں کوں پرواہ نہ ہوسی۔

بس یزید آکھیا شمر کوں پچوڑے حسین دے کوں جلدی وچ کچھری دے حاضر کرو۔ جو  
دربار تیار ہے۔ بس جیہڑھے ویلھے شمر در قید خانے دے آکے آکھیا۔ ائے بیمار تیار تھی۔ تے جل  
وچ کچھری دے جو حاکم شام دے تیکوں یاد کیجئے۔ قربان تھیواں اوں ویلھے دا جیہڑھے ویلھے بیمار  
اٹھی کے روانہ تھئے۔ تاں یزید پتر ارقم دا آہدے میں وچ کچھری دے موجود ہم۔ جو اوں وقت ست  
سوکری نشین بے دین پٹھا ہا۔ تے ہر ہک مشیر وزیر امیر کوں یزید آکھیا جو وار واری پچوڑے حسین  
دے کنوں سوال کر رہے۔ قربان تھی ونجاں اوں ویلھے دا جو کمر کوں خم پیا ہو یائے۔ تے منہ زرد تھیا  
ہوئے تے منہ تے نور الہی آندا وسدے۔ مگر میں ڈٹھے جو لب مبارک ہو لے ہو لے چلدے  
آندن۔ جیہڑھے وچ کچھری دے سامنے تخت ناری دے آکھڑے۔ تاں ست سوکری نشین پٹھا  
ہا۔ زبان ہر ہک دی بند ہو گئی۔ کوئی ایسے جہیا پر تو امام دا پیا۔ جو کہیں کوں توفیق جواب سوال دی نہ  
رہی۔ بس یزید آہدے میں سمجھ گیم۔ لب امام دے جو ہلدے آندے ہن۔ شاید اسم اعظم آندے  
پڑحدے ہن سبحان اللہ سر امام حسین کجا، مجلس لعین کجا، ہجوم عام کجا، ال بو تراب کجا، پس یزید آہدے  
میں خیال کیجا جو ڈیہاڑے قیامت دے انہاں دے نانے دے اہکوں وچ عدالت دے ونج  
کھڑنے ایہ مناسب نہیں جو پچوڑا حسین دانر وار کھڑاڈ یوے تے میں کچھری وچ پٹھا رہاں۔ پس  
لحاظ یزید کر کے کنڈ دے پچھوں سیٹم۔ امام صاحب میں ڈوڈیکھے فرمایا اے یزید توں صحابی ہیں

نانے میڈے داتے ضعیف العمر ہیں تے میں وت نروارڈ یوٹے چرتائیں توں کھڑنہ سہکسیں۔ اوں  
وقت یاروسرا طہر سید الشہد ادا وچ تھالی سونے دے رکھ کے اہگوں تخت اوں ناری دے آکھیا۔  
تاں لعنت کیجے ہوئے آکھیا۔ خدمت گار کنوں اہگے پہونتا تے آکے نال رومال دے او توں منہ  
پاک سید الشہد ادا دے خاک پونجھ کے تے آکھیں۔ اے یزید سخاں ہاں۔ اے اوہو حسین ہے کہ  
تاں جیندیاں لبیاں کوں رسول ﷺ چومیندا ہا۔ ڈیکھ ہاں ایہ اوہو حسین ہے کہ جیہڑا وچ نماز دے  
نانے دیاں موٹھیاں تے چڑھدا ہا۔ تے حضرت فکر کیتا ہا جے کرسر سجدے وچوں چیندا ہاں تاں  
حسین معصوم ہے ڈہہ پوسی جیکرو وچ سجدے دے دیر تائیں سر رکھی پیار ہاں تاں رکوع سجود پورا نہیں  
تھیندا۔ پس اوں ویلھے جرائیل نال تعیل دے پہونتا تے آکھیں اللہ فرمیدے اے دوست میڈا۔

سجداتیرا مقبول کجھ اندیشہ نہ لانا

سر کو نہ اٹھانا نہ اٹھانا نہ اٹھانا

پس یزید آہدے جزاک اللہ اے یزید اہج پوری خدمت حسین دی اہج ادا کیتی ہائی۔  
القصد اولعنت کیتا ہویا جواتے تخت تکبر دے پٹھایا۔ تاں سر سید الشہد ادا وچ ڈیکھ کر آکھیں اے ناز  
پروردہ رسول ﷺ دا ڈیکھ ہاں جو نانے سونے کوں حرام کیتا ہا۔ لہجہ سرتیڈ اوچہ تھالی سونے دی  
رکھے۔ بیاناں تے تیڈے شراب کوں حرام کیتا ہاول ڈیکھ ہاں میں شراب پیندا پٹھایا ہاں پس او ناری  
شراب دا چلوں بھر کر طرف سراقہ شاہ دے سٹیا۔ پس ہوا دارا جو پیاول کے او چلوں پھر کر طرف  
یزید دے منہ تے مار لیس۔ پس یزید شرمندہ تھیا تے طرف شمر دی ڈیکھ کر آکھیں۔ ایڈے ظلم جوتیں  
اتے حسین دے کیجے ہن کہیں ویلھے تیکوں رحم وی آندا ہا۔ اوں بے دین آکھیا ڈو ویلھے ڈاڈا رحم  
آئے اتے حسین دے۔ ہک داری میں جیڑھے ویلھے ذبح کرن لگاں۔ ڈٹھم تاں لب حسین دے  
تھوڑے تھوڑے ہمدن۔ میں سمجھیا نفرین کریندے یا بد دعا کریندے یا تے پاٹی منہ دے۔  
جیہڑھے ویلھے میں کن لاتے سٹے۔ ایہا دعا پیا منہ دے الہی میں بندہ ہاں تیڈا میں وعدہ پورا کیتا۔  
توں وی وعدہ آپنا وفا کرتے امت نانے میڈی دی کوں بخش۔ تاں اوں وقت آکھیں۔ اے شہیر



پاٹی چمیس۔ بیا اوں ناری آکھیا جیہڑھے ویلھے تکبیراتے گل حسین دی رکھی ہم۔ تاں بھین حسین  
دی جو در خیمے دے کھڑی آہی۔ کوکاں جناب دیاں نکل گیاں اتے اکھیں اے شمر اللہ دے تاں  
تے ہک واری پرے ہٹ ونج جوڑ اڈھی تتی ریت ہے۔ میں بھرا دے بیٹھ چادر وچھا گھناں۔ بیا  
کیا آہی آہی۔

صدقہ تھیواں ویرن آں ناہیں ریت تتی دے ڈا  
ہک زخم اے تے زمین تتی تھیوی صدقہ بھین بھرا  
بیا جناب فرمندی اے

ایویں آکھیا من پردیاں دا اللہ دے تاں تے شمر  
وقت ذبح دے ویر میڈے دیاں اکھیں تے گھت چا کپڑا  
جو بھین کوں ڈکھ پو ہے تے داغ نہ جھلے ڈکھڑا  
آئی کوک زہرا دی بھین مسافر رل بکھو میڈا پھڑا  
اتے یزیداں ویلھے وی میکوں ڈاڑھا رحم آئے۔ مگر تیڈی خفگی دے واسطے جناب کوں  
نہیں آوٹ ڈتا۔

پس اوں ویلھے وکیل بادشاہ روم دا وچ کچھری ناری دے موجود ہا۔ اوں آکھیا یارو  
کہیاں شور گھت ڈتا ہوئے۔ ایہ کیہڑھا حسین ہا۔ شامیاں آکھیا۔

ختم:

اے پارہ جگر رسول ﷺ دا ہے  
دلہند جناب بتوں دا ہے  
اے ہر مرشد مقبول دا ہے  
سر سامگ نئے وطن مدینہ ہے  
ہویا کتواں یار مہینہ ہے

اول آکھیا افسوس ہے اتے دین تہاڑے دے جو بادشاہ روم تاں ہر سال میکوں تحفے  
تخائف ڈے کے خدمت رسول ﷺ وچ ٹھہندا ہا۔ جناب رسول ﷺ خدا نے میڈا تاں  
عبدالوہاب رکھیا ہا۔

ہک ڈینہ شہر مدینے میں  
ہکوم آپنے نال قرینے میں  
ڈٹھم اتے رسول ﷺ دے سینے میں  
حسین ایہو جڑھ سما ہا  
رسول ﷺ ایندا گل جدا ہا  
اتے یا کیہڑا حال ڈٹھم

میں ایں حسین کون ڈٹھا ہا  
ہک ڈینہہ روندنا آن نکھتا ہا  
رسول ﷺ ممبر توں لتھا ہا  
ودا چوٹیاں آپ جمیندا ہا  
حسین حسین کریندا ہا

اینڈی خاطر سب اصحاب کرن  
سکھے وڈے جناب جناب کرن  
یا سید شباب شباب کرن  
پچھتم کون ایہو شہزادہ ہے  
آکھن ہجڑا سائیں خہرا دا ہے

پس میں قدم ایندے چم تے آکھیم اے شہزادہ میکوں دعا کریں۔ بس دعا فرمیونے



تے آکھونے:

اے عبد الوہاب خیال کریں  
 وچ دل دے میڈی گال رکھیں  
 وچ شام دے میڈی بھال رکھیں  
 گواہی میڈی آسیا  
 قلم انصاف دی واہسیا

میں کجھیا اوہو ویلھا ہے  
 لگا سر شبیر دا میلا ہے  
 پیا دھوڑ کنوں اہج میلا ہے  
 کرناڑی توبہ توبہ توں  
 کر بند نقارے چوہاں توں  
 سنبھال توں اٹھی کرسی توں  
 صفیاندی کرسی عرشی توں  
 او بھیڑا لہہ پو ظلم دی کرسی توں  
 جو نور خدا دا پیٹھ پیا  
 جن زہرا دا پیٹھ پیا

پس یزید حکم ڈتا ایکوں مار کھتو۔ حکم اوں ملعون داسن کر بسم اللہ پڑھ کر سراہکوں نکوار  
 دے جھکالیں جو شہید تھیا۔ اتے قربان تھیا۔ اتوں سر حسین دے۔ پس یزید حکم ڈتا پچوڑے حسین  
 دے کوں داخل کروں وچ قید خانے دے۔ پس پچوڑا حسین داروندا ہو یا وچ بندی خانے دے آیا  
 جواہکوں تے حاجت بیان دی نہیں۔

## مولوی فیروز الدین بکھری

مولوی فیروز الدین دستی گیڈ ولہ ضلع بھکروج جے ہن۔ آپ دے والد داناں حافظ قادر بخش ہا۔ مولوی فیروز داڈاڈا الاہور دے محلہ عطارانوالہ وچوں لڈتے ایں دستی آن آباد تھئے ہن۔ پر مولانا ظہور الحسن ہک انٹرویو وچ آکھے جو مولوی فیروز موضع ترک ضلع جھنگ توں دستی گیڈ ولہ آئے۔

مولوی فیروز دینی تعلیم مدرسہ دینیہ ٹاٹے پور ملتان توں حاصل کیتی۔ تعلیم دے بعد گھر واپس ولے تاں ڈاڈھے بیمار تھی گئے۔ دوا داروں تھیا پر خیر نہ آئی۔ نکلے بھرا غلام یسین تے اللہ بخش بلوچ دے آکھے تے مجلس عز وچ شرکت کیتی تے صحت یاب تھی گئے۔ انہاں چوڑی سالاں دی عمروچ شیعہ مسلک اختیار کیتا اتے استاد الشعراء غلام سکندر خان غلام دے شاگرد بن گئے۔ اتے ول مجلساں پڑھن دا منڈھ بدھ ڈتوئے۔

مولوی فیروز دا تعلق مغلاں دے خاندان نال ہا پر کجھ لکھاریاں انہاں دی ذات ترک لکھی اے۔ دائرہ دین پناہ تحصیل کوٹ ادو ضلع مظفر گڑھ دی ہک بلوچ ترمیت نال شادی کیتوئے انہاں وچوں ڈو پتر مولوی نذر حسین ترک تے مولوی منظور حسین جائے ہن اتے ڈو ہیں شاعر تے ذاکر ہن۔

مولوی فیروز دی شاعری دا ہوکا ہوں پرے تاں نہیں بچیا ہویا ہا۔ ات گالھوں کتاب "لینکوسٹک سروے آف انڈیا" جیہڑی کلکتہ وچوں ۱۹۱۹ء وچ چھپی ہائی۔ ایں کتاب وچ فیروز دے مرے دا انگریزی ترجمہ وی شامل ہے۔ جیہڑا ہک انگریز سرجمیز ولسن نے کیتا ہائی۔ اے انہاں دی گرائمر ڈکشنری آف شاہ پوری وچ شامل ہے۔ اوں مرے دے ڈو شعر ڈیکھو۔

کتھ مدینہ کتھ شاہ نجف تھیا شام مقام سکینہ دا



ملک پیغمبر ذات خدادی      کرن ارمان سکینہ دا

سن آوازہ عمر شمر دا      روح معصوم دا ہا پہوں ڈر دا

ساگک دے اتوں پوا کبر دا      رکھے دھیان سکینہ دا

مولوی فیروز کون سرائیکی خطے وچ اردو مرثیہ داوی بانی آکھیا ویندے۔ جنیں سب کئے پہلے باقاعدہ طور تے فن دی صورت وچ فنی پاکپ دے نال مرثیے کون اردو زبان وچ سونہاں کروایا۔

مولوی فیروز الدین دیاں ہوں ساریاں کتاباں چھپیاں ہوئیاں ہن۔ جہاں دے ناں اے ہن۔ سفینہ غم، شمع ماتم، صحیفہ ماتم، گلزار ماتم، مجمع البحرین، مجموعہ مرثیہ، فرش ماتم، مہتاب غم، گنجینہ تقاریر، نہر ماتم تے موج کوثر شامل ہن۔

سرائیکی مرثیے وچ نظم تے نثر دا امتزاج دا پتہ پہلے پہل مولوی فیروز کون ملدے۔ انہاں کون پہلے وی نظم دے نال نثر دے رواج دا منڈھ بدھج گیا ہا۔ پر باقاعدہ فن دی صورت انہاں ورتایا۔ انہاں دی نثر وچ عربی تے فارسی دے الفاظ ہوں ملدن۔ کیوں جو او عربی تے فارسی زبانوں دے وی چاٹوں ہن۔

مولوی فیروز ۱۳۰۲ھ تا ۱۳۵۹ھ تک زندہ ہن۔ انہاں دی وفات بعد وچ تھئی انہاں دی وفات دا سال ۱۸۸۹ء ہے۔

## تقریر داخلہ اہلیت بہ شہر شام

لکھت: مولوی فیروز الدین بھکر

اے مجبان حسین علیہ السلام دے جیہڑھے ویلھے شہادت شہر دی ہو چکی تے اہلیت  
 قید تھی کے نزدیک شام دے آپو پتے تاں حکم یزید داناں ایں تاکید دے پوہتا جو سر شہیداں دے  
 تے کچا دے اہلیت دے نکھیر دچا۔ جو سر شہیداں دے دروازے فرادیس دے کنوں آٹو تے قیدی  
 پچڑے حسین دے کوں دروازے ساعات والے کنوں داخل وچ شہر شام دے کرو۔ آکھے یارو  
 اوں بے پیر شریر دے کیہڑی تدبیر آہی جو دروازے ساعت والے کنوں یہودی تے مجوسی ہوں  
 رہندے ہن۔ اتے یہودیاں تے مجوسیاں کوں آکھیا آہس جو ہاج اوہے قیدی تھی کے وچ شام  
 دے آوندے پئے ہن جیہناں تہاڑا دین منسوخ کر کے آپا دین ودھایا ہا۔ سواج پنج تن پاک دا  
 ترکہ ہک ایہو بیمار باقی ہے جو اوں کوں اسیر کر کے گھن آیاں۔ جیہڑے ویلے وچ بازار دے داخل  
 تھیوے جو کجھ مرضی آوے سخن طعنے دے بیمار کوں آکھیا ہے، جواج جواب ڈیوٹ جو کجھ نہیں رہ  
 ہکيا۔ جو پندھاں ذلیل تے علیل کر ڈتس۔ آکھے یارو جیہڑے ویلے سر شہیداں دے دروازے  
 فرادیس دو دلائے ہن تے امام کوں آکھیا ہن توں مہارکوں دلا طرف دروازے ساعات دے۔  
 قربان تھیواں اوں ویلے دا جیہڑے ویلے پردسیاں کنوں پردیسی نکھرن لگے ہن تاں زین العباس  
 پیوڈ وڈ کجھ کے نیر دہا کے عرض کیتس: یا ابن رسول اللہ ہن غلام کوں رخصت فرمایا ہن ہے بابل  
 سائیں۔ جیہڑے ویلے ظلم دیاں موجاں جھاگ کے ٹانگ تے آچڑھیاں تاں میکوں ہکلا چھوڑ  
 ڈتا ہن۔ ہے بابل سائیں۔ اگے تاں پندھیڑو آہم ڈکھاں دے مونہہ تاں ہن آیاں۔ کیوں جو

ہک مہاری ڈوجھا خلقت ساری سن خبراں دھرک پئی ہے

اگے آہم غماں ماریا جندڑی مرک مگنی ہے



بابل سائیں اہج منتظر دیوان قضا دا ہاں، جوزین العابدین دے ظلم دا گرم بازار ہے بیا  
وت چہ ہے۔

تھی ملاح مسافر پور دے پندھ کیتے رت رت دے  
وچ تکیاں بیمار دے بابل خار پیتے رت رت دے  
آکھے یارو ساگ توں صداسر حسین دے آئی۔ اے غریب پھڑامو، نجھانہ تھی پھڑا۔  
جے کرتوں میکوں نہ چھوڑ کیوں تاں میں تیکوں نہ چھڑیاں۔ اے پھڑا جند پودی صدقہ صدقہ  
تھیوے۔ تیڈے ایں عشق دا ایہہ ہلال کمال غریب شہیر دا خیال کر۔ اہج یوسف علیہ السلام وچ  
بازار شام دے مشتاق مونہہ تیڈے دا کھڑا ہے۔ اتے ایسے رت دے پھینگے جو رخسار سوئے  
تیڈے توں ڈھیندے ہن تاں صدقہ صدقہ تھی کر آہدا ہے۔ جو نال اوہناں بونداں پنگھر دے دُر  
شہوار وچ رلن تے بیا۔

لکھ خریدے یوسف دے اہج بیکھر تیڈا یوسف  
تیڈے صبر دا اللہ وسایا صفت کرین واصف  
آکھے یارو جیہڑے ویلے سر شہیداں دے تے کچا وے اہلیت دے آپت وچ نکھرن  
لے ہن تاں اوں ویلے کوکاں جناب زینب خاتون دیاں نکل گیاں۔ تے فرمایس:  
ایسے نماشاں شہر دیاں یاد کریاں روساں  
تیڈے کون سنیہڑے ڈے۔ بسم خبر نہیں کتھ ہوساں  
امڑی جایا کوئی پاسہ تاں بھین غریب کوں ڈی وچ۔ آکھے یارو جیہڑے ویلے کوکاں  
اہلیت دیاں سلایاں ہن دیوان اٹھ اہلیت دے مہاراں چھکا کے کھڑ گئے تاں امام حیران تھی گیا۔  
اتے تائیں شمر لعین آیا تے آکھیس: اے بیمار اجلدی مہار چھک جو لوک وچ انتظار تیڈی دے  
کھڑے ہن، ایڈے پندھ کیتے تیں ہن جیہڑے ویلے شام آیا ہیں تھک پیا ہیں۔ امام فرمایا: میں  
کوئی نہیں تھکا۔ میڈا تاں مہار چھکن وں ہے، اٹھ نہیں رڈے۔ او بھیرا خیال کر ایڈے ظلم دے جو

پندھ ڈتے ہن، شاید حیوان شوہدے تھک پئے ہن۔ مگر معلوم تھیندا ہے جو وچھوڑا سر بھرا دابھین  
 حسین دی کوں منظور نہیں۔ پس ایہیں واسطے دلیل قلیل جناب دی سمجھ کے اوٹھاں قدم بند چا کیے  
 ہن۔ جے تائیں سر امام حسین علیہ السلام داناں سنگت دے نہ آں رلائیں۔ اتنے تائیں اٹھ نہ  
 ٹرسن پس جیہڑے ویلے اوخس بے وس تھی کے سر شہیداں دے ولاگھن آئے تے دروازے  
 ساعات والے کنوں داخل وچ شام دے آتھے ہن اتے جیہڑے ویلے نزدیک محلے یہودیاں تے  
 مجوسیاں دے آئے ہن تاں ہک فرنگ وچ اوہناں دے کھڑی ہئی۔ جیہڑے ویلے دیداؤں دی  
 اُتے سر حسین دے پئی ہے تاں سٹیس جو سر پاک حسین اُتے نوک نیزے دے ایہا آیت شریف  
 آوند اڑھدا ہے: ”ام حسب ان اصحاب الکھف لرقیم کانوا من ایتنا عجبا۔“ پس  
 اوں عورت ڈکھ کر ہناں یہودیاں کوں آکھیا خبردار! ڈکھیا ہے متاں زبان طعنے دی کھولیندے  
 ہوو۔ کیوں جو جیہڑے ویلے جنگ مباہلہ نال رسول خدا ﷺ دے اساڈ اتھیا ہا تاں اوں وقت  
 میں موجود آہم، میں ڈٹھا ہا جو ایہو حسین جیں داسرا اُتے نوک سانگ دے سورت کہف آوند اڑھدا  
 ہے جیہڑے ویلے رسول خدا دامیدان مباہلے دے داخل آتھیا ہا تاں قسم خدا دی ایہو حسین نال  
 تانے دی بجی انگل دے آوند اپیا ہاتے تانا ایں دے مونہہ دوول ول آوند اڑھدا ہا۔ پس رسول خدا  
 دے جھک کے کائی گالھ ایں دے کن وچ کیتی ہئی تاں اوں ویلے مونہہ ایہو جیہاں وچ جلالی  
 دے آہیا ہا۔ قسم خدا دی اوں ویلے جے کرکھو ایہو حسین بددعا کرے ہا تاں طبقے زمین دے او  
 پترن وچن ہاتے جے کرہن وی ایں دے تانے دی امت دی عدالت اُتے قیامت دے  
 موقوف نہ ہووے ہا تاں تہہ شام دا بیچ ونچے ہا۔ پس جیہڑے ویلے گذر زین العابدین دا اوں جاہ  
 توں آتھے تاں ہک عالم یہودیاں دا کھڑا ہا۔ اوں آکھیا اے بیمار! تاں جو آپٹے آپ کوں امام  
 زمانے داسٹہ بندے ہو ہک مسئلہ میکوں ڈس۔ امام فرمایا: بیان کر اوں یہودی آکھیا کوڑتے سچ  
 وچوں کتنی تھہ ہے (کتنا فرق ہے) امام فرمایا چونہ انگلیں دا۔ کیوں جو کناں نال سلجے تاں کوڑا کھیں  
 نال ڈکھجے تاں سچ ہوند ہے۔ امام فرمایا توں وی عالم ہیں۔ حضرت موسیٰ دے دین دامیکوں دی




ڈس، اُوں آکھیا فرماؤ۔ حضرت فرمایا: رب سائیں جو حضرت موسیٰ کوں فرمایا ہا "فاخلع نعلیک انک بالواد المقدس۔" یعنی جتی لاه چا جو ایہ ڈھوڑا پاک ہے۔

میکوں ایہ ڈس جو پیغمبر دی جتی کوں کیہڑی پلیدی آہی۔ اوہ ڈھوڑا جو چہ اگاہ ہا او ایہو جیہاں پاک کیوں ہا۔ یہودی چپ تھی کیا۔ امام فرمایا حضرت موسیٰ دی امت سڈ ویندے ہو۔ آپٹے پیغمبر دے حال دی خبر کائی نہیں۔ پس ہک بیا عالم نصاریٰ دا آیاتے سوال کیتس: ایہ فرماؤ جو کیہڑی زمین ہے جیکوں ہک داری بچھ لگا ہے نہ اگے لگا ہے تے نہ ول قیامت تائیں لکسی۔ امام فرمایا اوراہ رورنیل دا ہے۔ جیہڑے ویلے موسیٰ لنگھیا ہا تاں اوں ویلے دریا پڑج کیا ہا اتے جیس ویلے حضرت موسیٰ گذر کیا تاں ول دریا مل گیا ہا۔ اوہ زمین ہے۔ حضرت فرمایا توں وی عالم ہیں اتے علم دا دعویٰ رکھدا ہیں۔ میکوں ہک مسئلہ ڈسا۔ حضرت عیسیٰ جو زمین کنوں اسمان تے ہگئے۔ کیہڑے ویلے زمین توں اُڑے تے کیہڑے ویلے اسمان تے پونہ اتے کیہڑا اور دہا جیہڑا حضرت عیسیٰ پڑھدے ہگئے۔ اوہ عالم چپ کر گیا۔

حضرت فرمایا: فجر آہی جو اُڑے اوہا، فجر آہی جو وُج پونہ اتے ایہو پڑھدے ہگئے: "اللہم صل علی محمد وعلی آل محمد بارک وسلم" جیہناں دے اُتے خدا تے خدادے فرشتے درود بھیج دے ہن او اسان اہلبیت محمد ﷺ صلعم دے ہاں۔ پس تمامی یہودی تے مجوسی مسلمان تھی ہگئے۔ عجیب اوہ لوک ہن جیہڑے امت محمد ﷺ دی سڈ ویندے ہن تے کیہڑے ظلم اُتے فرزند محمد ﷺ دے کیجے ہا نہیں۔

یا شبیر امیر خلق دا ہن تیڈے فیض نرالے  
شب روز فیروز جناب تیڈی کوں سڈے دم دم نالے  
صدقہ آپٹے بچڑیاں دا کر میڈے دور کشالے  
ہر مومن تے غور کریو تیڈا ناں سید لج پالے

امام برحق ہے علی ساری خدائی واسطے  
 موجود مہدی مومنوں دی پیشوائی واسطے  
 مومن کو مشکل آنے والے عقدے کھلیندا ہے علی  
 نادر علی پڑھدے پٹھے مشکلکشائی واسطے  
 مرضاں دے وچ درداں دے وچ جیہڑا کوئی منکدا دعا  
 تانواں علی دا کافی اے حاجت روائی واسطے  
 وچ حدیثاں انت منی بمنزلت ہارون دے  
 حیدر کون کیا حق مقرر رہنمائی واسطے  
 مغفور تے ماخوذ ہون ہے مصر ایں پاک تے  
 ہے قلم بخشش دی حیدر ہر خطائی واسطے  
 جے تائیں جیندا رہا خاطر دے وچ آہا کبھی  
 محکم رہا کراں بدھی شاہ حق ادائی واسطے  
 فیروز بیکس کون جڈاں کوئی سوز ہووے رونما  
 صدقہ فہرہ دا پہنچیں توں اوں دی رہائی واسطے





## مولانا محمود مولائی

آپ دا اصل ناں محمود ہا اتے تخلص مولائی استعمال کریندے ہن۔ اتے نال مولانا وی لکھدے ہن۔ مولائی صاحب اردو تے سرائیکی ڈوہیں زبانیں وچ لکھدے ہن۔ اتے انہاں دے سرائیکی دے مرھے وچ سنسکرت دے لفظ دی نظر آندن انہاں دے پڑپوتے وجاہت علی عمرانی دا آکھن اے انہاں دے ہتھ دے لکھے ہوئے نسخے وی اساڈے کول موجود ہن۔ اتے انہاں تے تاریخ ۱۸۷۶ء تک دی درج ہے۔ انہاں دی وفات ۱۸۸۹ء دے نیڑے تیرے تھئی ہائی۔ انہاں دی شاعری وچ علامتیں دا بر محل استعمال نظر آمدے۔ ایندے نال نال انہاں دے کلام وچ قرآنی آیات تے حدیث نبوی دا ورتاوا جاء تے ملدے۔ آپ دے کلام تے انہیں تے دیر دے اثرات وی واضح ملدن۔ انہاں دا سارہ کلام سادہ ہے۔ روانی تے تسلسل وی انہاں دے کلام دی خوبی اے۔ آپ دے کلام وچ صنائع بیدائع دیاں یکیاں خوبیاں موجود ہن۔ تکرار لفظی دے حوالے دا ہک بند ڈیکھو۔

شاہ جو ذالبحاج اُتوں، یارو لتھا جیویں لتھا  
ڈنہہ وی تا لو وی تتی، ٹہہ تھل دا تا  
ہتھ دی رتے، پیر دی رت اے، متھارت وچ رتا  
لہیندے واری بھین بے کس کوں، ونج لگا ویر دا پتہ

انہاں دے والد دا ناں مولوی عبدالرحیم ہا۔ پہلے پہلے مجلس پڑھنی شروع کیتونے تے ول شعر گوئی۔ انہاں دا بھرا محمد صدیق وی اُناں نال مجلس پڑھویندا ہا۔ کجھ مدت بعد انہاں دے ڈو پتر عبدالحق تے عبداللہ نال رہندے ہن۔ انہاں دے پوترے عبدالحق دے مطابق انہاں دی ستر سال دی عمر وچ وفات تھئی یعنی ۱۹۰۲ء کوں۔ انہاں دے چھوٹے پتر خدا بخش دا پتر محسن علی عمرانی وی شاعر ہائی۔ انہاں دا کلام ہن شجاعت علی عمرانی دے کول موجود اے۔

## تقریر دلپذیر شہادت علی اکبرؑ ہم شکل پیغمبر

لکھت: مولوی محمود مولائی

حضرت محمد رسول اللہ ﷺ فرمیں دے ہن کہ رات معراج دی خدا پاک میگوں فرمایا ہے۔  
جو تحقیق رکھیا ہے میں پنجاں چیزاں وچ پنجاں جائیں دے اتے لوک انہاں کوں ہکولیندے، نہاں  
جائیں توں پوشیدہ کیتا ہے۔ میں عزت کوں وچ عبادت دے لوک ہکولیندن دیناراں کوں۔ میں  
خوشی کوں وچ جنگل دے اتے لوک ہکولیندے جہان دنیا وچ۔ اتے رکھیا اے میں رضا آہشی کوں  
وچ مخالف نفس دے رنج اتے مصیبت کوں منظور کیتا وچ راہ خدا دے۔

جیہڑے ویلھے ڈیکھ کھڑا رنگ دنیا دا عباسؑ جنیں بھرا کوں ٹور کھڑا، قاسمؑ جنیں ماہ لقا کوں  
ٹور کھڑا۔ ہر پاسے دید بھنوائیں۔ سوا علی اکبرؑ دے کوئی نظر نہ آئیں۔ پچڑے دو منہ ولا کے آہدا  
ہے۔

شاہ فرمایا علی اکبرؑ کوں پچڑا ڈاڑھی لاہندا  
سنگتی تیڈا بن تیڈے ہن باقی کوئی نہیں رہندا  
درد اولاد دا ماء پو کوں، نہیں جہان تے سہندا  
ٹرو یار کہیں پاسے دو، جو زخم نہ جھلاں ہاں دا

درد عباسؑ دے گرد کیتا نے قاسمؑ لایا تیرے  
رنگو رنگ زمانے دے ڈیکھ کھڑاں دھیرے  
میں جنگ کراں توں ڈیکھ کھڑا ہو دے میگوں دھیرے  
ماء پو نہیں سہندا پچڑا، پچڑیاں والی پیڑے



شاہ فرمایا جنگ دے رنگ ہن سیڑا چھوٹا سن نے  
 آکھیا اکبر عباس سکھائے، ہتھیار سکھے ہنھے  
 شاہ فرمایا دشمن نال دی کرٹاں پوندائے فنے  
 آکھیا اکبر ڈیکھ کے کھڑے ہے چڑھ کران انے

جاں وت موت دی رخصت منکٹن آیا امڑی کنوں اکبر  
 منہ مدینے دو کر کھڑوتا تے ہنجوں آیاں برتر  
 آکھیں ماء اے نور نظر کیوں روندیں کولوں آ کر  
 یاد آئی اج وطن مدینہ جو پیار رہی ہے مفطر

آکھیا اکبر امڑی میڈی وجے موت نقارے سرتے  
 وطن کتھاں تے بھٹ کتھاں جیوں کیندے سرتے  
 کہ ہے کم آیاں اماں بھل حرف نہ آوے جڑتے  
 کھیر دا حق چا بخشیں اماں نام خدا اکبر تے

سین فرمایا اٹھاراں ورہیاں رہیم دل وچ آسے  
 تیکوں سہرے پا پرناواں، رسول ﷺ دے روضے خاصے  
 آکھیا اکبر امڑی میڈی دل وچ بہوں دسواسے  
 کلہا رہ بکھا بابا میڈا نہ قاسم نہ عباسے

کنتے کمران ہدھیاں نی پٹھی پھوپھی زُھی ماہی  
 اتنے تائیں کول اکہڑ دے آئی فضہ دائی  
 آہدی پھوپھی کیوں یاد نہ کیتو تے کھڑا کر ہٹائی  
 دل ڈہدی کھڑی آں تیڈو، دید فراق دی لائی

ٹریا اکہڑ ٹری بانو کول زینب دے آ کے  
 رنی بانو تے رنا اکہڑ پھوپھی دو سر جھکا کے  
 آکھیا بانو بخشو تیڈی ذات صاحب لولا کے  
 آکھیا زینب میں دعوے ٹے کربلا وچ آ کے

گل لالیں پچڑے کول تے آکھیں ڈاڑھی لہندا  
 تیڈا نکھرٹن ماء پو توں، میڈا ہاں میں سہندا  
 رنا اکہڑ تے آکھیں پھوپھی ویندا وقت وہاندا  
 میں کھڑوتاں کول تہاڑے، کھڑا کلہا شاہ شاہاندا

آکھیا زینب خیر و پچڑا دل دی دل وچ رہی  
 تیڈی شادی کان پو شاکاں بنڑوایم انویں رہی  
 آہی دل دی آس اساڈی ہئی تے ہئی اج رہی  
 پاچا پوشاک ڈکھائی وچ ڈکھیا۔ دل جے سہی



سُجّان اللہ پوشاک جو پاتی اکبر شادی والی  
 مل گئی بی بیوں آسوں پاسوں آس مراد سمہالی  
 فاطمہ کبریٰ آکھنڈ لہایا تے دید بھرا دو بھالی  
 یاد آئیونے شہر مدینہ، چھری پلوں نٹن والی

پلوں نپ کے سین سکینہ ویلھے گھنڈ چھوڑن دے  
 گھنڈ دی پائی دید بھنواکی تاں کراٹ رووٹ دے  
 بیا پلو ہناوی دی منگی سکینہ ویرن دا باعث سنوٹ دے  
 رنیاں بی بیوں رنج رنج، ویلھے اکبر دے ٹورن دے

اے مولائی ٹرن اکبر دا رووٹ اہل حرم دا  
 کمر کوں نپ پہہ ویجے خاک تے شاہ اُم دا  
 نیں توفیق قلم کوں لکھے، وداع نور رسول ﷺ اکرم دا  
 قیامت تائیں روشن مومن، سن سن وقت ظلم دا

لکھن جیڑھے ویلھے کراٹ رووٹ دا زیادہ تھے امام زین العابدینؑ فرمیدن۔  
 اے فحہ رووٹ زیادہ اے۔ فحہ آہدی اے بیمار علی اکبر جو وداع کریندا کھڑا ہے۔ جیڑھے  
 ویلھے حرم توں وداع کر کے کول بھرا دے آیا۔

جڈاں عاہد کوں گل آدمے لایا  
 رتاں اکبر تے آکھیں امڑی ہایا

۔ وداع کریندا رخصت جنگ دی۔ فرمایا اکبر، رکھیاے یاد جاں وٹنے وٹھوں تے بھین  
 صغریٰ کول آوے۔

ڈکھ اکبر دی تیاری ہے  
 رووے عابد زارو زاری ہے  
 ہے میکوں تار بیماری ہے  
 تیکوں در تائیں آ اڑانواں میں  
 نپ رکاب چڑھاواں میں  
 لکھدن جیڑھے ویلے شہزادہ وچ میدان دے آئے۔ گھوڑے کوں جھولاں ڈے کے  
 منہ توں برقعہ لہا کے لشکر دو منہ والا کے آہدے کوئی ہے جو ان جو تیغ دی لذت کوں چاوے۔ توڑیں  
 تسہ ہازور از میندار ہا۔ علی دے ڈھنگ تے جنگ کریندا ہاں۔

شامی کوئی دنگ تھے  
 ہک ہئے کوں بیڈنگ تھے  
 کہیں ٹرن رسول ﷺ دا سنگ تھے  
 ہم شکل رسول ﷺ دی آئی ہے  
 ایندے نال اہج کفر لڑائی ہے

عمر آہدے اپنے لشکر کوں مارو کیوں شرماندے ہو۔ سوا ایندے جنگ کنوں جھنکاندے  
 ہو۔ رسول ﷺ نیں پتر حسین دا ہے۔ او بھی کوئی ہن جو رسول ﷺ نال لڑے۔ بتوں دا گھر ساڑ  
 کے حسن دی جنگ چڑھے۔ انہاں دے قتل کرن وچ شام ڈہیسی۔ روم ڈہیسی۔ عرب تے عجم  
 ڈہیسی۔ جنگ نہ ہارو۔ اے ہک ہے تساں لکھ ہو۔ مارو۔ ہک ہک نہ لڑو۔ ہکوواری بھیڑ کرو۔ ہزاراں  
 نابکار یکبارگی داگاں چا کے شہزادے دو آوٹ لگے۔ علی اکبر پیو دا سلام گھن کے گھوڑے دی داہک  
 ہلائی۔ گھوڑے وانگوں شہباز دے آوٹ کیتے۔ علی اصغر دے نام دا آوازہ آیا۔ قبضے تلواردے کوں  
 ہتھ دمساز کیتا۔ سر اٹھاوٹ وچ ہوادے۔ بدن کوں زمین تے لگدن پر قضا دے۔ خیمے گاہ کنوں  
 آواز آئے۔ واہ وے پچر اداہ۔



صدقے صدے پجڑا میڈا تیڈا تہ لڑناں  
 در خیمے دے ماء غریب دا کھڑ دعائیں کرناں  
 تیڈے جنگ دے ڈھنگ کیجے شاہ واہنے چڑھناں  
 اچکل کروں ہا پجڑا وچ وطن دے تیڈا پرناں

بجیوں کھبوں پھرٹ اکبر دا فوج دا دھجڑاں نے  
 شاہ فرمایا بھجڑیاں کوں، مارٹ دی پجڑا کے  
 ولٹ اکبر دا آکھن پو کوں، بابا ڈاڈھی تے  
 ہولی ہولی شاہ فرمایا تیڈا پو تاں یار بے وسے

ڈوجھی وار میدان وچ اکبر آن کے واگ ولائی  
 وانگ ہوا دے صرصر دے گھوڑے کیستی جلد لکھائی  
 صف تے شامیاں نے، لڑن دی تاب نہ چائی  
 لکھاں مارے لکھاں پھٹے، ٹے جا بجائی

اچن چیت کہیں وار کیتا پچھوں تیر دا لگ کے  
 چھٹی واگ گھوڑے دی ہتھوں بکيا اکبر جھک کے

ماء غریب دیاں نکھتیاں کوکاں سرور واگ اٹھائی  
 وچ میدان دے دوا ہولیندے اکبر ماہی ماہی  
 فقیر ملیا شہر کوں راہ وچ پکول پانی دا چائی  
 او دی دوا ہولیندا ہا، میدان وچ خاک روائی

شاہ فرمایا اے فقیرا کیوں و دیں گولیندا  
 آکھیا فقیر نوجوان ودا، ہا تہ جنگ کریندا  
 پاٹی آندا اوندے کیتے نمھیں یار لہھیندا  
 کر دعا اے بندہ رب دا، جو یوسف ملم جیندا

شاہ فرمایا یار فقیرا گولوں ڈوہیں رلے  
 میں بھی اوکوں ودا گولینداں توں نہ گول اہلے  
 اللہ کرے تیکوں اوہو شالا جیندا ملے  
 آکھیا فقیر متاں پتر ہا تیڈا شاہ فرمایا بھلے

قصہ کوتاہ آئے گولیندے اوہیں جا دے اُتے  
 جتھ یوسف یعقوب دا شاہا سر ہوا دے اُتے  
 رت دیاں بھریاں زلفاں پیاں ماہ لقا دے اُتے  
 ہتھ پیا سینے دے اُتے اکھیں راہ دے اُتے

ڈیکھ پجڑے کوں عاشق رب دے اُتے قدم چا ڈکے پرے  
 یا اللہ جناب سیڈی وچ عرض اے پہانہ کرے

”سیڈے راہ تے تے آنہ، بندے نال مبر دے -  
 جے توں اکھیں دہج کرچاںواں، جھولی پانواں مہر دے



آیا آواز بس او عاشق کبدے عرش الہی  
 اگلیاں پچھلیاں لوکاں کنوں، ودھ ودھ صبر ڈکھائی  
 کر ہجڑا ونج پا جھولی، جے چاہیں امت بخشائی  
 رضا قضا ہن آہدی ہے، واہ عاشق واہ ماہی

جیڑھے ویلھے علی اکبر کوں شاہ چھولی وچ پایا  
 نکل نہ گئی جنڈری شاہ دی، جاں تہہ سینے توں چایا  
 منہ تے منہ چا رکھیا سروڑ، اکبر دی بگل لایا  
 صدقے تھیواں او ویلھے دا، جو ڈاڈھا ویلھا آیا

وچ صغی ہک اہکے شاہ لاش اکبر دی چائی  
 جڈاں کول خیمے دے آیا، آواز بانو دی آئی  
 سیڑی شادی کیے علی اکبر آہم دل سدھرائی  
 متاں آنڈیں سہرے پائی، متاں آندا امت بخشائی

نسب خاتوں کجھ دچھائی اتے بانو جوڑ سہایا  
 ٹھڈا ساہ بھریا اے اکبر تے سو سو نیر دہایا  
 پچھیا بانو کیوں دے ہجڑا ڈاڈھا درد مونجھایا  
 آکھیا اکبر چپ کر اماں، میکوں یاد وعدہ ہن آیا

ٹردے ویلھے فاطمہ صغریٰ پلوں نپ کر رنی  
 ہے ارمان جہان اتے اساڈی آس نہ پنی  
 اللہ جاٹے اُتھ کیا بنڑی تے ایتھاں کیرھی بنی  
 دعویٰ دی کوئی جاء نیس، قضا رضا سب بُنی

شاہ فرمایا اُٹھی آ پھڑا نال سینے دے لاناواں  
 جے ملٹاں ہووے بھین بیکس کوں آتاں چا ملاناواں  
 وطن ڈیکھ ہاں نال خوشی دے روضہ چا ڈکھاناواں  
 توں رو ہر کوئی رووے میں سارا جگ روانوں

ہے روایت اوں ویلھے شاہ انگشت اٹھائی  
 نکل گئی جندڑی شودی جو ڈٹھا بھین کوں بھائی  
 دھپ تے کھڑی آہی شودی چادر سروں لہائی  
 آہدی کھڑی ہائی آ وے ویرن، مرویا امڑی جائی

بھین دو ڈیکھ علی اکبر دی روح کیتا پروازے  
 اے مولاآئی تھام قلم کوں، طول بہوں لحاظے



## استادالذاکرین، سیدعلی شاہ چھینوی

سیدعلی شاہ چھینوی قصبہ چھینہ ضلع بھکر دے رہن والے ہن۔ انہاں دے والد داناں سید شاہ نواز شاہ ہا۔ انہاں دے والد وڈے متقی انسان ہن۔ جہاں دی ذات دا اثر سیدعلی شاہ دی ذات اچ ڈٹھا وچ سکدا ہا۔ سیدعلی شاہ دارمگ رتاتے قد دے درمیانے ہن۔ ڈاڑھی کوں مہندی لیندے ہن۔ آپ دی ڈاڑھی مٹھ جتی ہائی تے کالے رنگ دے کپڑے پندے ہن۔ نخیاتی ہن جو ہک بندے ہک دفعہ پوشاک دا سوال کیٹا تاں آپ ہو ریں انہاں کوں پوشاک لہاڈتی۔ حالاں جو آپ اول ویلھے سفر دی حالت وچ ہن۔ شاہ صاحب اپنے ویلھے دے مشہور ذاکر ہن تے مجلس پڑھن دا معاوضہ اصلوں نہ گھندے ہن۔

سیدعلی شاہ او پہلے ذاکر ہن جہاں سوزیاں نال مجلس پڑھن دا منڈھ بدھا۔ انہاں توں پہلے ذاکر اپنے نال سوزی کیناں رکھیندے ہن۔ سوزی رکھن دار وراج پہلے پہلے سیدعلی شاہ نے شروع کیٹا ہا۔ تے او ایس نوں فن ذاکری دے موجد ہن۔ ایس گال کوں انہاں دے ہک شاگرد جیڑھے خودوی ہوں وڈے شاعر تے ذاکر ہن جہاں داناں مولوی غلام حیدر فدا ہا ایس لکھدن۔

ہے سیدعلی استاد میڈاجیڑھافن جدید دابانی ہے

انہاں اپنے توں پہلے شاعراں دے برعکس اپنے مرثیاں دی ابتداء حمد تے نعت (مولود) تے منقبت اہلیت نال شروع کیتی ہے۔ لوکاں انہاں دیاں مرثیاں کوں ہوں پسند کیٹا۔

سیدعلی شاہ چھینوی سید غلام حسین شاہ شیرازی جیڑھے کوئلہ شیرازیاں تحصیل پنڈداد خان ضلع جہلم دے رہن والے ہن انہاں دے شاگرد ہن۔ تے سیدعلی شاہ چھینوی دا اے ہوں وڈا اعزاز ہے جو چوڑویں صدی ہجری دے تقریباً یکے مداح خوان اہلیت تے مرثیہ نگار انہاں دے شاگرد ہن۔ انہاں وچ مولوی غلام حیدر فدا، غلام حسن شاہ تائب، مضطر ملتان، محمد حسین گدا،

صفدر حسین صفدر، غلام محی الدین، بلبل پنجاب سید شیر شاہ، غلام حسین غمگین تے مولوی منظور حسین  
ترک شامل ہن۔

سید علی شاہ دی نثر دا انداز نو بکھا اے۔ انہاں دی نظم دے نال نثر چھکی کھڑی ہوندی  
اے۔ انہاں نثر مقفی وی لکھی اے۔ جیکوں سٹن دے نال غم دی کیفیت ودھ دیندی اے۔ مرے  
وچ موقع محل دے مطابق نثر دا استعمال انہاں واسوہٹپ ہا۔  
سید علی شاہ ڈوہرا لکھن دے لاجواب شاعر ہن۔ انہاں دے ڈوہرے وچ درد دا بے  
انت سمندر ہا۔ انہاں دے ڈوہرے وچ دیکھو۔

ہم صلاح وچ راہ خدا تھی پہلے توں قربانی، اول جوانی  
ہر کوئی آکھے صابر ڈتی عجب نذر سنجانی، دل دا جانی  
ہے وقت قبول نظر آندا ہج وچ میدان حقانی، وقت امتحانی  
درو دو کوں پڑھدے مرسل ڈیکھے کے نبوی نقش نشانی، یوسف ثانی

اتنے تائیں خاتون زینب تے دید پئی ہنداں دی  
جو پٹھی روندی ہک ہکلی لا کے ٹیک کندھاں دی  
پٹھی آہدی ہو لیس یا رب ڈاڈھی پیڑ بھایاں دی  
علی عابد ڈو پٹھی ڈیکھے لا بہار ہنجواں دی

سرائیکی ادب دا اے جدت پسند شاعر ۱۹۰۸ء کوں ایس دنیا توں جھوک لپڈا گیا۔



## تقریر بیان محفر نامہ حضرت امام حسینؑ

لکھت: سید علی شاہ چھینوی

کیا ذات ذوالجلال غفور و رحیم ہے      روزی ڈیندا کل کوں وہ ایسا کریم ہے  
ارض و سما پیدا کیا کیسا فہیم ہے      پیدا محمد ﷺ کو کیا رتبہ دیا عظیم ہے  
محمد ﷺ کو پیدا نہ کرتے خداوند عالم  
تو پیدا جہان بھی نہ ہوتا قسم

دوستان اہلبیت محمد ﷺ علیہ السلام دے۔ لکھاں مہربانیاں پاک پروردگار عالم دیاں  
اتے اساں کہنگاراں دے جو ٹھیس واسطے ہدایت اساڈی دے ہادی محمد مصطفیٰ خاتم نبیاء کوں  
جیکوں چٹ گھدوس ہک لاکھ چودی ہزار پیغمبراں کوں۔ امت اوں سوہنے نبی ﷺ کوں۔ اللہ  
تبارک و تعالیٰ لائق نبوت علیہ الصلوٰت و سلام دے ڈتی۔ کل پیغمبراں دی امت تے امت محمد ﷺ  
علیہ الصلوٰت دی فخر کریسی۔

ہمیشہ سوہنے نبی ﷺ کوں خیال امت بد خصال دارہ ونجے ہا۔ ہر وقت درگاہ کبریٰ دے  
دعا منگن ہا۔ خداوند بخش گناہ میڈی گناہ گار امت دے۔ او امت جیڑھی اول کوں آخر تا کیں اُتے  
ایمان دے راہی اُتے ایمان دے مری۔

ہک ڈیہاڑے سرور کائنات، خواجہ موجودات، غلت نمائی ممکنات، مجسمہ حسنات، حلل  
مشکلات، علیہ الصلوٰت گناہ کثیر امت دے ڈیکھ کے وچ مسجد دے غمگین پٹھے ہن۔ ایں اثنا  
وچ حضرت جبرائیل نال تعجیل تنزیل کیتا تے عرض کیتس، یا پیغمبر خدا ﷺ اللہ دی ذات بعد تحفہ  
درود سلام دے فرمندی اے۔ میڈا محبوب، میڈا مطلوب، میڈا مرغوب مونجھانہ تھی واسطے امت  
دے۔ بخشش امت دی چاہندیں تاں ایں نوشتہ قدرت کوں لفظ بہ لفظ پڑھ تے تحریر دیوان تقدیر  
تے عمل کر۔ حضرت ﷺ نے اوں مکر کوں پڑھیا تے لکھیا ہو یا ہا۔ جو حیہٗ افرزند حسینؑ نور عین تہی

ریت کوں وطن بنڑیسی وچ پردیس تے تریں ڈہنیاں دی کجھ ترہہ نبھسی۔ پُتر بھرا بھتر سبجے کوہسی۔  
 قید تھیو کُن ناموس دا اے بار اُٹھسی۔ آخر آپ مار یا ویسی۔ پہلے دل نال سہاؤ۔ جے ایس بارے بار  
 کوں چاؤ۔ تے ایس محفرتے مہر رضا مندی دی لاؤ۔ اوں ویلھے امت کوں بخشاؤ۔ سر ڈیوٹ حسین  
 واسب چھکار امت تیڈی دا ہے۔ نہیں تاں کہیں حیلے امت نہ بخشیا۔ راوی اہدائیے۔

جاں پڑھیا محفرت موت پھڑے دا پاک طے لیسین اے  
 جڈاں موت حسین دا حرف آیا، تھیا صاحب ہوں غمگین اے  
 نال ہنجواں دے پُس پُس ویندا صفحہ قرآن مبین اے  
 ڈیکھ نبی ﷺ کوں روندنا روئے، حضرت جبرائیل امین اے

ہر کہیں کنوں زیادہ ہے، مختار حسین دی امڑی  
 ہے سخی او بہاٹی رب دی کل سخیاں توں وکھری  
 پہلے مہر خاتون قیامت ہے دلیل پیغمبری  
 جو ڈکھاں نال حسین کوں پالے، میڈی صابر پھڑی  
 فرمایا پیغمبر جلیل، اے اخی جبرائیل اے محضر خاتون کوں سٹا آناں۔ اتے مہر رضا  
 مندی دی کروا آواں۔ جیڑھے ویلھے صاحب لولاک اوں محضر کوں چاتے وچ گھرنی بی پاک دے  
 آئے۔ دستور ہے مغموم چہر آپے آپے کھڑڈ سیندا ہے۔ بیا رونوٹ والیاں اکھیاں گجھیاں نہیں  
 رہندیاں۔ بی بی صاحب رنج و ملال اوتے چہر انور محبوب ذوالجلال دے ڈیکھ تے عرض کیتا۔

کڈاں نہ رونوں اکھیں آہدیاں یا رسول اللہ دا  
 کیڑھی مونجھ مونجھایا تیکوں، بابل سین زہرا دا  
 آپ دے رونوٹ نال ہے قبلہ مل ویسی عرش خدا دا  
 اور ہے تھی قیامت قائم ویسی اے والی شاہ گدا دا



بابا کیوں مونجھے ہو۔ حضرت فرمایا: بچو از ہر آئیہ محضر ہے موت حسینؑ دا ذات اللہ دی  
 ٲٹھے۔ جبرائیلؑ گھن آئے لکھیا ہویا اے یا محمدؐ شہادت حسینؑ دی نال کتی مصیبتاں دے منظور  
 کریں تاں امت دی بخشش دی فکر نہ کر۔ بچو ایتھڑی مرضی کیا ہے۔ مومنین توڑیں درد پتراں دا  
 مانواں کیجے صدمہ ہوندے لیکن بھیاں دے جائے نئی ہوندن۔ سینؑ عرض کیجا۔

سینؑ فرمایا بابل میڈا ہے حاضر گھر سارا  
 ہک منگی تے پہانی نہ ڈیوے فرق آندے ہوں سارا  
 جے حسینؑ غریب دے ڈیوٹ وچ ہے امت دا چھٹکارا  
 میں راضی ہاں میں راضی ہاں، اے امت دے سردارا

قبلہ جے حسینؑ دے سر ڈیوٹ نال امت تیڈی بخشید دی اے۔ اور ہے ڈے محضر میں  
 رضامندی لکھ ڈیندی آں۔ حضرت ہوں خوش تھیندے ہوئے بہر آئے۔ جبرائیلؑ نبیؐ کوں  
 آندا ڈیکھ کے عرض کیتی۔ سوہٹا ایں بار کوں بی بی پاک نے چایا تے امت کوں بخشایا۔ حضرت فرمایا  
 کوئے نہ، جے تک پو حسینؑ دارضامندی نہ ڈیوے۔ محضر کیویں پکے۔ پس حضرت نے اپنے وصی  
 مولا علیؑ کوں فرمایا کیا مرضی اے تیڈی۔ قربان تھی پونواں۔

عرض کیجا دل حیدر صفدرؑ نالے عجز کمالے  
 غلام کنوں کیا سمجھدے ہو مولا سب کجھ آپ دا مالے  
 پتر دی حاضر میں دی حاضر لکھ ڈیوے فی الحالے  
 ہک امت حضورؐ دی چھٹ پوے، مٹ ونجے مونجھ ملاے  
 حضرت نے او محض نامہ اکھوں علیؑ دے چار کھیا تے فرمایا۔

آیا علیؑ پر چاؤنی ہووی ایں کاغذ تے مہر لا چا  
 احسان نبیؐ تے جیکر لیندیں، ایہو دل تے بار سہا چا۔  
 راہ خدا دے ڈے کر بچو، امت میڈی بخشا چا  
 صبر تیڈے دی واہ واہ تھیوے، کھل ہس بار اٹھا جا

محبت حسین دے، حضرت غنی وی رضا مندی لکھ ڈتی۔ حضرت فرمایا، محضر پکا۔ جبرائیل عرض کیا سوہٹا بھرا بھرانوں دے کمر دا زور ہوندا۔ جے تائیں حسن تحریر رضا مندی دی نہ ڈیوے۔ محضر کیویں کپے۔ ایں اثنا وچ حسن کھیڈ دا ہویا گھر آیا۔ امڑی کوں روندھا ڈیکھے بھین توں کچھیں۔ امڑی جائی کیوں اج امڑی روندی پٹھی اے۔ سین فرمایا ویرن ہی تاں کوئی پتہ نیں ہنڑیں نانا ہک کاغذ چائی ودا ہائی۔ روند اگھر آئے۔ امڑی اساڈی کوں کجھ فرما کے روند اہو یا باہر تشریف گھن گئے۔ میں پچھدی آں ہے بچرا کر کے ہڈ دیندی اے۔ خبر نیں جو کیندی موت امڑی صاحب کوں رویندی پئی اے۔ حسن حال رونوں دا امڑی صاحب کنوں دریافت کیا۔ سین فرمایا اللہ بھانویں بھرنواں دے جوڑ سلامت رہو۔ اے حال سارا مانے تے بابے کنوں دہنج پچھ۔ حسن کول مانے دے آیا۔ بزرگاں کوں عرض کیا۔ خیر ہے کیوں روندے ہو۔ حضرت فرمایا اساڈے رونوں دا حال نہ پچھ۔ پہلے ایں محضر کوں پڑھ۔

پڑھدا پڑھدا کاغذ کوں کیا حسن زمین تے پہرے کے  
 جڈاں موت بھرا دا حرف آیا پیا محضر ہتھوں ڈھبہ کے  
 کر ویرن ویرن ہڈ ونجے جو دم آنون رہ رہ کے  
 ڈیکھے گھر رسول ﷺ دے ماتم، ونجے ہاں جبرائیل دا لہہ کے  
 آخر حسن مجتبیٰ رضا مندی لکھ ڈتی۔ حضرت فرمایا جبرائیل محضر پکا۔ جبرائیل عرض کیا۔  
 جے تک سر ڈیوٹ والا رضا مندی نہ ڈیوے۔ محضر کیویں کپے۔ اتنے تائیں حضرت حسین، نور  
 عین، رسول اعلیٰ گھر آیا۔ بی بی نے اٹھی کے گل لایا تے فرمایا۔

گل امڑی دے لپ ونج بچرا، ویندم جگر چریندا  
 سٹی پٹھی آں موت تیڈی دیاں خبراں، بچرا نور اکھیندا  
 ہے موت تیڈی دا بچرا میڈا، اج محضر پیا لکھیندا  
 تھی مسافر مرسیں بچرا، معلوم پیا ہم تھیندا



حسینؑ عرض کیا امڑی کوئی چٹان نہ کرو۔ بس شہزادہ امڑی کوں تسلی ڈے کے خوش تھیدا  
 ہو یا کول نانے دے آیا۔ عرض کیتس نانا کیوں روندے ہو۔ حضرت فرمایا۔ اے پڑھ اتے محضر  
 منظور کر۔ جیزدھے ویلھے محضر دا مضمون، جگر گوشہ خاتون پڑھیا عرض کیتس۔ نانا سائیں کیوں  
 روندے ہو۔ اے بھی کوئی مشکل ہے۔

توڑیں بھکا تہ ترائے ڈیہاں دا، تھی حسینؑ مرتے  
 اتے شاخ جوانی علی اکبرؑ دی قلامت چڑ کچے  
 قید تھیوے ناموس میڈا یا سارا گھر لٹچے  
 حسینؑ کوں سب منظور ہے نانا ہک امت تیڈی بخشید جسے

حسینؑ کوں جلدی جلدی چاہگل لایا پاک نبیؑ علیؑ اے  
 وت روندہ ہو یا گل بھرا دے لگا حسنؑ ولیؑ اے  
 سٹ کے موت اتھی دیاں خبراں خوش کھڑا حسینؑ سخیؑ اے  
 قربان تیڈے مبراں دا فرماوے پاک نبیؑ اے

(مناقب)

سوا شاہ کر بلا دے کون ہجوے راہ خداؑ اے  
 جو آوے ہار عشقیہ، قدم مولاؑ ودھاؑ اے  
 علی اکبرؑ جنیں ہجوے مبر کر کے کہاؑ اے  
 تھیوے صدقے میں صابر دا عہاسن جنیں بھراؑ اے  
 نشانی حسنؑ دی قاسمؑ بمعہ سہریاں سہاؑ اے

تے حضرت حؓ جئیں مہمان راہ حق کر فدا ڈیوے  
آندے ہوئے تیر دے وچ سیڑھ خود سینہ ٹکا ڈیوے  
تلے تکبیر دے شبیر امت کوں دعا ڈیوے

سید علی ہن بس کرتے کرٹا طول فضولے  
ذاکر ڈھیر وقت ہے تھوڑا کیا فائدہ وچ طولے  
چا کتاباں بھج پوندے جینویں لڑکے وںجن سکولے  
بس چا کرا تبھھا پڑھن پڑھاوٹ نہ سامع تھیوے ملولے



## میر سرائیکی، سید گانموں شاہ واصف

سید گانموں شاہ واصف بمقام احسن پیر والا ضلع لیہ دے رہن والے ہن۔ آپ دے والد داناں سید سلطان اکبر شاہ نقوی البھا کری ہا۔ اوسرائیکی مرثیے دے نامور شاعر تے ذا کر ہن۔ انہاں ہوں سادہ زندگی گزاری اتے ساری حیاتی مدحت اہلبیت کریندے رہے۔

سید گانموں شاہ واصف اپنے دور دے استاد الشعراء غلام سکندر غلام دے شاگرد ہن۔ انہاں دے اپنے وی ہوں سارے شاگرد ہن۔ جہاں وچ سید کرم حسین شاہ آف ضلع لیہ جیکوں ڈندے مار آہدے ہن۔ او اپنے دور دے طوفان غم ہن۔ سید نور زمان شاہ آف ہرنولی میانوالی اے جوگ تے سروچ اٹھی مثال آپ ہن۔ حسن بخش کتر سید طالب حسین شاہ آف مظفر گڑھ۔ مولوی محمد یار جریدہ آف ضلع لیہ۔ احمد دین مسکین، خادم حسین آف جھینہ۔ انہاں توں علاوہ ہوں سارے شاگرد ہن۔

سید گانموں شاہ واصف دی شاعری سہل ممتنع دی اعلیٰ مثال اے۔ سہل ممتنع او شاعری ہوندی اے جیڑھی ڈیکھن اہج تاں سوکھی جیکر کوئی شاعر ایس صفت اچ لکھن چاہوے تاں اوکھا تھیوے۔ واصف دی شاعری ایس صفت کنوں ڈٹی پئی اے۔

تھڑ تھڑ تھڑ کے سیک توں سینہ، تھیس پسینہ جاری  
ساکت ہو یا، پکڑس گویا، سکتے دی بیماری

سید گانموں شاہ واصف دا ڈوہرا درد وچ پڑیا ہو یا اے۔ انہاں دا ڈوہرا سدھی سادی سرائیکی اچ ملدے۔ شہادت بی بی زینب دے حوالے نال بند ڈیکھو۔  
تھی تجروح مسافر بی بی، جھن پئی شجر دے نالے  
مالک صبر دی حاصل کیتے ورثے امڑی والے

منہ تے موت دی پھری نشانی ہو گئے دم ابھالے  
ہتھ ناں ہلے پیر نہ ہلے آگئی غش وچالے

انہاں دے کلام وچ زبان دی صفائی، اہل زبان دار و زمرہ تے محاورات و تشبیہات  
دے اعلیٰ نمونے ملدن۔ انہاں انٹی شاعری اچ نوایاں ترکیباں دی ایجاد کیتن۔ انہاں دے کلام  
وچ اکثر مصرعیں وچ ترائے ترائے قافیے ملدن۔

سید گانمواں شاہ واصف دا ہک وکھرپ انہاں دا عالمانہ تے مناظرانہ رنگ اے۔  
انہاں اپنے کلام وچ دلیلاں ڈکے کال واضح کیتی اے۔ ایں گالھ دا ثبوت انہاں دیاں نظماں در  
ثبوت گریہ، حضرت حسینؑ، در ثبوت گریہ و ماتم و تعزیہ اتے مسائل میراث دا تجزیہ شامل ہن۔  
شاعری دے نال نال انہاں نثر وچ وی اپنے کمال ڈکھائے۔ انہاں دی نثر وچ نثر  
عاری تے نثر مقضیٰ ڈوہیں ورتیاں کھڑن۔ انہاں انٹی شاعری اچ اپنا تعارف ایں کرائے۔

میں سخن وری وچ انوری ہاں وچ علم عروض دے جامی  
ہاں نثر نفیس دے کیتے سعدی نظم دے کاٹن نظامی  
وچ رمز رموز دے رومی دانگوں، پایا قدر گرامی  
ہاں فردوسی ہم چشماں وچ کرن قبول تمامی  
بن کاہ لیس تو نگراں دے او رہے ہمیش سلامی  
میں ازل کنوں پنج پاک دے گھر دا پایا طوق غلامی  
او رہے لکھنڈے بادشاہاں ذکر اذکار مدای  
میں واصف بن سادات دا ہویم، نام ودھا کر نامی

انہاں دی شاعری دی کتاب "گلدستہ کونین" ۱۹۲۰ء وچ چھپی اے۔ سید گانمواں  
شاہ واصف ۱۹۲۷ء کوں وفات پاتی۔ انہاں دامن فن دربار سرکار سید محمد علی راجن (سدا بھاگ) ضلع  
لیہ وچ موجود اے۔



## شہادت حضرت امام حسین علیہ السلام

جاں آخری وداع کرن دے کاٹ آیا خیمے فخر کلیے  
اہل حرم اکرم وچ کیتس ہجراں دی تقسیمے  
بھینٹ کوں آکھیں شام نگر دی آپ دے کاٹ میہ  
ہن تہاڑے سفر دے سنگتی میڈے چھوٹے ہال تیتے

جیڈاں مظلوم کر بلا آخر وداع کرن دے کیتے خیمے آئے۔ بھینٹ دے کول آکے آدھن۔  
علق دی دھی میڈا اچھیکڑی سلام ہووی۔ بھینٹ بھرا دی گالھ سٹی فرمندی ہے بی بیاس شمع بتول دی  
امت بھیندی ہے۔ کائی تدبیر کرو ہا جو حسین مرٹ کولوں بچ پو دے۔ چوگردوں مولا دے تمام  
مستوراں سالیاں ہو گیاں۔ بھینٹ غریب کوں جو کئی رمز یاد آئی ول ول بھرا دے گل کوں بو سے  
ڈیوے۔ حضرت ڈوہیں بازو ہمیشہ دے چم کے فرمایا امڑی جائی وجہ کیا ہے جو ول ول نال پیار  
دے میڈے گل کوں مچدے ہو۔ سنیں فرمایا بھائی میکوں یاد اے جو ہمیشہ نانا ایں ڈے۔ نہہ کوں یاد کر  
کے تیڈے گل کوں حمد اہا۔ قسمت بھینٹ غریب دی جو نال اکھیں دے اے ڈے۔ نہہ ڈے یکھٹاں  
ہائی۔ ایں واسطے رنج رنج کے تیڈے گل کوں بو سے ڈیندی ہاں۔ ہن تساں ڈے سو جو میڈے بازو  
کیوں حمد دے ہو مولا دیاں اکھیں ایویں ویاں جیویں سانوں دے بدل و سدن۔ فرمایاں امڑی  
جائی تیڈے بازو ایں گالھوں حمد اہاں جو اے شام تائیں قید دیاں تھکلیاں ڈے یکھسن۔ بھینٹ دیاں  
اکھیں دس لک ہکیاں تے فرمایاں جس حسین کیا ہو گیا۔ جو کمر میڈی کوں غم پئے ہکے حضرت فرمایا  
بھینٹ قوت کردی نال بھراواں دے ہوندمی ہے۔ جے تک عباس ہا کمر حسین دئی کمزور نہی۔ جیس  
ویلے داعی عباس گھوڑے توں لٹھے میڈی کمر ترٹ گئی ہے۔ سنیں میڈی دامن بھراواں چاہیہا۔ تے عرض

کتیس حسینؑ ویلے صبح دے تیڈی ڈاڑھی تے زلفاں دے وال سیاہ ہن۔ اے کیا وجہ ہے جو ہن سارے وال سفید ہو گئے ہن۔ مولا دیاں اکھیں وسن لگ گیاں تے فرمالیں بھین مہینے دا کیڈا عرصہ ہے جو ۳۰ ڈھاڑے ہوندن جے کر کے مہینے کہیندے ڈول قصبے ہوو، نجن ملک خدا دا عبرت کریندے۔ جو فلاٹے دا وسدا ویڑا ہا برباد ہو گئے۔ ایہہ جیہاں ہتھ موت دا پیا جو ڈول قصبے اکٹھے تھے ہن مولا فرمائے توں آپ ڈس۔ کیڈا سوہٹہ وسدا ویڑا حسینؑ دانہ عرصہ سال دا گزرے ناں مہینے دا ویلے فجر دے حسینؑ دا گھر آباد ہا۔ ۳ پہر نہیں گزرے جو بہتر قصبہ ہو گئے حسینؑ دا آسمان مصیبت دا پلٹ پئے اُتے سردے ایں واسطے وال حسینؑ دے سفید ہو گئے ہن۔ بی بی رو کے عرض کیتا ہیں حسینؑ نہ عباسؑ اے، نہ اکبرؑ ہے، نہ قاسمؑ ہے، نہ عونؑ و محمدؑ ہن، سجاڈ بیمار ہے۔ تساں ویندے ہو پاسے جنگ دے اساں پردہ دار ہیں ساکوں وطنان تے کوں پچھیں۔ مولا روڈتے تے فرمالیں میڈی درداں ماری بھین تیکوں کھیں و نجن ڈیوٹائے پاسے وطنان دے۔ جیڑھے ویلے ڈول نہہ ڈھل ویسی حسینؑ مرتج ویسی خیمہ گاہ کوں بھائیں لکھن۔ تیڈیاں قیداں بلسن پاسے شام دے سین دیاں کواں نکل گیاں تے آکھس وطنوں ٹری ہم تیڈی سنگت دے سانگے ہن بھین غریب دی سنگت چھریندائیں۔

### ڈوہڑہ

رو فرمایا زہرا جائی واہ سنگت، کتوہی بھلی  
آپ تیار کھڑو تائیں پار دو چھوڑ ہمیشہ ہکلی  
سنگت تیڈی دے سانگے میں تاں وطن کنوں ٹر جلی  
توں کہوں وچ بھانڈے ہک بھین ناں سنگت رلی

### ڈوہڑہ

یہ فراق عراق دے وسدے ظالم لوک پرانے  
گھول گھتاں ایں مگرمی کوں دل جلوں ہا وطن بوائے



ہوں مد ہوئی ڈلیس پر اے قسمت پئے اڑانے  
لوہندی ہوسی فاطمہ صغرا مونہہ ڈیکھن دے کانے

### ڈوہڑہ

پُر حوادث مارو بن وچ آن لووئی دیرہ  
وقت جوانی اکبر ماریا اُجڑیا وسدا ویڑہا  
تیں باجھوں ہمشیر غریب کوں وطن پچھپی کیڑہا  
جُل کروں زیارت روئے دی ڈوہیں بھین بھرا ہک پھیرا

مظلوم کر بلا بھین کوں آکھا اگر بھرا تیڈا سر نہ ڈیوے تاں امت تانے دی نہیں  
بخشید دی۔ توں شام نہ و بختیں تاں رسیداں نجات دیاں نہ ملسن۔ بی بی شہر بانو عرض کیتا مولا بی بی  
زینب تے کلثوم دھیاں ہن خاتون دیاں امید ہے جو مسلمان انہاں دا ادب کریں میں جو بیگانی  
کف دی ہاں۔ میڈے واسطے کیا حکم اے حضرت فرمایا شہر بانو میں ونج لہنداں اُتے منزل مقصود  
دے تیڈے واسطے ذوالجناح آسی میڈی رات دی پر نی ڈی۔ نہہ دی لٹی دھی فاطمہ کبرا کوں نال لا  
کے طوس دے پاسے ٹرپوویں معصوم سکینہ عرض کیتا بابا سکیں میڈے واسطے کیا حکم ہے جناب فرمایا  
پچڑا تیڈی قبر داسا نکا وچ شام دے ہوسی۔ پھوپھی تیڈی فاطمہ صغریٰ دیاں خبراں گھن کے تیڈی  
سنگت اچ شام آسی۔ وچ خیام دے قیامت برپا ہو گئی بیمار کر بلا جو بستر مرض تے ستا ہویا ہا کوکاں  
پردے داراں دیاں سن کے اٹھی پٹھا۔ ما امام محمد باقر جو موجود ہائی فرمالیں کیا ہو کیا ہے۔ سین  
عرض کیتا مولا اُجڑ گئے ہیں۔ جو بابا تیڈا بھین نال آخری وداع پیا کریندائے۔ امام تلوار کوں نال  
کمر دے بنھ کے وچ خدمت پیو دے عرض کیتس بابا لازم نہیں جو میڈے ہوندے تہاں ونجو  
پاسے جنگ دے مولا دیاں اکھیں وسن لگ ہیاں تے فرمالیں پچڑا توں بیمار ہیں شریعت دے  
وچ بیماراں تے جنگ منع ہے۔ ڈو جھاتوں اولاد رسول دا آدم ثانی ہیں تیں کنوں نسل سادات دی  
جاری ہوسی امام عرض۔ کیتا بابا سکیں بیا ہر کوئی درجے شہادت دے حاصل کر گئے میکوں محروم پئے



کریندے ہو۔ امام فرمایا پھر اجیر دھے ویلے ڈکھ تقسیم تھئے ہن۔ کنہاں دے حصے تلواریں آیاں،  
کنہاں دے حصے سانگاں، کنہاں کوں تیر ملے، تیڈے حصے وچ طوق تے زنجیر آئے۔ جیر دھے  
ویلے وچ راہ رضا محبوب حقیقی دے طوق تے زنجیر پیسیں ہزاراں گنہگار زنجیراں بھاء دوزخ دیاں  
کنوں آزاد ہوئیں جیر دھے ویلے پیر پیادہ ٹریں پاسے شام دے نال ہک ہک قدم دے ستر ستر  
شہید داتیکوں درجہ ملسی۔ مظلوم کر بلا علم امامت دا بیمار کوں سوئپ کے باہر آیا ذوالجناح دی واگ  
پکڑ کے ولاڈ ٹھس پاسے آسمان دے روکے فرمالیں واہ قسمت ویلے فجر دے پتر بھرا بھتر تیجے یار  
انصار موجود ہن کوئی رکاب پیدا ہا کوئی درد شریف کوں پڑھدا ہا کناہوں آواز نادعلی دے آندے  
ہن کناہوں صدا تکبیر دی ہن کوئی نہیں رہ گیا جو رکاب نپے۔ بھین غریب دی صدا آئی امڑی جایا  
حکم ہووے تاں میں رکاب کوں آن نپاں۔ خاتون قیامت دی صدا آئی باہر نہ آنویں خیمے کنوں  
بھین حسین دی بھرا دے جیندیں باہر نہ آنویں اگر بھرا دے جیندے باہر آیوں۔ تاں اگے حسین  
کوں اکبر دی موت مکا چھوڑے بھرا مرٹ توں پہلے مرویسی آ۔ مولا مقتل گاہ دوڈ ٹھے تاں علی اکبر  
تے عباس دی لاش نظر آئی۔ کوکاں نکل گیاں تے فرمالیں

### ڈوہڑہ

آ دو پھرا آ دو پھرا پیو کوں یار چڑھا ونج  
آخری وقت حسین غریب کوں لہندی مس ڈکھا ونج  
ماتے پھوپھیاں روندیاں کوں آ آخری وقت رہا ونج  
سینے والے زخم اُتے آ پھرا ملم رکھا ونج

### ڈوہڑہ

آئی صدا اکبر دی بابا جیر دھا سینے تے ساگ دا پھٹے  
اُوہیں زخم تے رکھی پیاں بیمار صغرا دا خطے



اے ملم سکھانی میکوں بابا ہی نہ رکھساں وتے  
صدا عباس دی آئی دن ہانہہ دے کیویں آن چڑانوں اُتے

جبرائیل امین کوں حکم ہو یا خداوند پاک دا جو صورت عباس دی بن کے رکاب مولا دی  
نپ، حکم سن کے جبرائیل امین حسین دے گھوڑے دی واگ پنی مظلوم فرمایا ہٹ و بچ توں  
جبرائیل ہیں میں حسین ہاں عباس دی شکل نہ بنڑا متاں میڈی سکینہ ہا ہر لگی آوے مظلوم کربلا  
میدان آیا بسم اللہ پڑھ کے فرمیونے۔

### خطبہ

میڈا والد ماجد حیدر صفدر جد امجد سردار سید  
میڈی امڑی مالک ڈوہاں جہاناں عم جعفر طیار سید  
سردار جوناں جنت دا میڈا ویرن خوش اطوار سید  
ہاں مرد مجیب نجیب اصل دا رب دا شکر گزار سید  
جاں اللہ ہو دی تار ہے تھیا مستی دے وچ تار سید  
چا وچ ورطے تکلیف دے نظریا قدرت دا اسرار سید  
انج ڈیکھو ہک دی خاطر کیتا حاضر ستر یار سید  
ویلے موت عباس اکبر دے پڑھیا حمد ہزار سید  
موسم ہن بہاراں دے کھڑا کھلدا چمن اُجاڑ سید  
چاتس گھولی بے وس کیتا ہو یا زخماں توں لاچار سید  
ہیا گھر ویرانے چھوڑ کے ٹریا روندی ہک بیمار سید  
کر آیا حضرت احمد دی بے وارث پاک مزار سید  
ہن واسطے سانگے قبراں دے کھڑا وطن دو تھی تیار سید  
جے و بچن ڈیوہ آباد کرے و بچ نانے دا دربار سید



ہوتاں امت نبی دی میں ہاں اوند ا نور ابصار سید  
 ہن نہیں مناسب جان کے امت مارو بن نروار سید  
 جے آکھو لگا یمن ونجاں کھڑا وطن کنوں بزار سید  
 جے باز آؤ چا معاف کراں ہے رحمت دا در بار سید  
 جے جنگ کرو دل تنگ نہیں کھڑا حاضر بندہ ہتھیار سید  
 پڑھ ناد علی کوں وانگ علی دے جے الم کرے کموار سید  
 اہج کے حملے جاہل جملے کر ڈیوے فی النار سید  
 وج سامی سام سنہج ونجے کرے نعرے دا لکار سید  
 بھل مرٹ وچالے مطلب لہدا مارٹ کجھیا عار سید  
 گنہگاروں دے بخشانون دا کیتا نانے نال اقرار سید  
 اہج امت مارے پائی مارے کیوں تھیوے امت مار سید

مولافرمایا نہیں طمع حسین کوں زردیناردا، نہیں دعویٰ ملک جاگیردا، محض مجاور ہاں مانے  
 دی قبردا۔ پنج وقت فاتحہ اہدا اہم، ختم بخشید اہم چراغ ہلیندا اہم، نبی دی قبر بے وارث نہ کرو۔  
 میکوں ونجن ڈیو پاسے وطن دے۔ جے تہاڈی خواہش ہے۔ جو حسین وطن تے نہوے تاں میں ر  
 دیساں پاسے ہندوستان دے۔ جوتساڈی مرضی ہووے۔ جو حسین دسوں تے ول نہ آوے۔ تاں  
 قسم اے اللہ دی میں وج جنگاں تے پہاڑاں دے وج عمر چا گزریساں۔ جئیں ویلے عباس دے  
 بازو کپے۔ علی قاسم دیاں سہریاں دے وج کمواریں لکیاں علی اکبر دے سینے وج ساگ لگی۔ اوں  
 ویلے دی حیاتی حسین دی مک چکی اے۔ ہن جیون دا حسین کوں کوئی طمع نہیں۔ محض ایں واسطے  
 حیلے کرینداں۔ جوتساں کلمہ پڑھدے ہو میڈے نانے محمد دا۔ میڈے خون دا وبال تہاڈے سر تے  
 نہ ہووے۔ کلام امام دی سن کے ساری فوج دشمن دی رونوں لگی۔ شرمعون گھوڑا دہا کے آکھن لگا  
 اے حسین۔ اوں ویلے باز آئیوں جیڑھے ویلے کوئی مددگار نہوی رہیا۔ سبھان اللہ وبحمدہ۔



ذوالفقار علی دی جو مال کمر مولا دے ہائی۔ وچ نیام دے کڑکی تے عرض کیتس۔ مولا ہن تیکوں بے وارث سمجھن تیکوں واسطہ جناب زینب خاتون دے پردے دا ہک وارالم کر۔

آکھیا ذوالفقار سردار میڈا میکوں مونجھ ایہا ہے وڈی  
اے جھیں نازک ویلے کھڑائیں مال کمر دے ہدھی  
جنگ حیدر دی یاد میکوں میں تاں بنج کفار دی کدھی  
جلد نکل اے لعل علی دا میں ارمانی ودی

ہک واری چھک سردار میڈا میں سر کفار دے وجاں  
مار لکھ لکھ کٹک ساڑاں تھی برق بدل دی گجاں  
پوریاں کراں وچ کر بل دے نام حیدر دیاں لجاں  
علی اکبر کوں مار گتھوئیں ڈک رکھوائی اجاں

حضرت نعرہ بکیر دا کر کے تلوار دودم کوں الم کیتا۔ معراج ہو گیا ذوالفقار کوں قبضہ تلے  
تحت الیرادے ڈے سے پہلا اُتے عرش مجید دے۔ جیویں جو چھک اُتے لکھ بجلی دے کنوں آکھ  
آدمی دی بشرت ویندی۔ ستاں صفاں دیاں اکھیں نوٹھ گیاں۔ پیک نالائق ہو گئے سوار لا چارتے  
فیل ذلیل ستر ستر گز تائیں فقرے ذوالفقار دے چلن۔ بے کر کوئی وار تلوار دے کنوں چکے تاں  
ذوالجناح نال سنبھاں دے فی النار کر ڈیوے۔ کشاں دے پشتے ہن گئے۔ لکھ دے وچ میدان  
خالی ہو گیا۔

جاں برق مثل ہر فرق اُتے شمشیر دے شعلے جھلے نی  
ہوئے وڈے چھوٹے ڈوں ٹوٹے تقام قلم کر کے نی  
تھئے خالی بنے وطن بھنے کئی مارے کئی پھٹے نی  
مجنوب حواس اداس ہو دے سٹ آس نراس توں ٹھٹھے نی  
کئی سنگھو سیراج میر دے وچ کئی چاڑیاں آن نکھتے نی

اس تیغ کے برس سے بچے جن کے گلے ہیں  
 اب شیعوں کے وہ تیغ تبرے کے تلے ہیں  
 اتنے تائیں خاتون زہرا دی آواز آئی۔ حسین میں تھک پئی ہاں علی داجلال ڈکھائی ہن  
 صبر کرتے میڈے کھیر دی تاثیر ڈکھا۔ جو روح عاشقانہ مشتاق ہن تیڈے صبر ڈیکھن دے  
 تے بیامیڈی سکین فرمندی ہے۔

### ڈوہڑھا

ما صدقے ویلے ویلے دامیڈا پچوا جگ پردیسی  
 بتوں غریب دی قبر تے پچوا کون ختم بخشیشی  
 رسول اللہ دے روضے وچ ڈس کون چراغ ہلیسی  
 کر آیوں بے وارث قبریں کون سنبھال رکھیشی

### ڈوہڑھا

ہے دستور جو وارثاں باجھوں ہوندیاں قبریں اللہ راسی  
 خبر بتوں دی قبر دی پچوا کوئی لہسی یا نہ لہسی  
 رسول اللہ دے روضے وچ کوئی آسی یا نہ آسی  
 کر پچوا پچوا حشر تائیں میڈی قبر کھڑی کر لاسی  
 صدا امڑی دی سن کے مولا میڈے ذوالفقار کون وچ نیام دے چا پایا اتے ذوالجناح  
 دی داگ چاموڑی پاسے مہ کر بلا دے تے فرمالیس آئے شہر آؤ حسین دی نماز دا وقت اے۔  
 میں نماز پڑھاں تاں مطلب اپناں پورا کرو۔



## ڈوہڑھا

وچ بازار مدینے دے جیکوں احمد موٹھے چنیدا ہا  
 زلف معنبر پاک پیغمبر جوڑ مہاراں ڈیندا ہا  
 اوہیں بے کس کوں بن کر بل وچ سارا لوک مریندا ہا  
 حال کیا ہوسی اوں ویلے جڈاں گھوڑا گوڈی لیندا ہا

کتاباں والے لکھ گئے اینویں جاں زین کنوں شاہ جھنڈیا  
 قرآن ناطق دا صدقہ تھیواں رحل تیراں دا بٹیا  
 ہے دو پھڑا ہے دو پھڑا آواز بتوں دا سٹیا  
 خیمے کنوں روح بھنڈیاں دا ویر بے کس دو مٹیا

جیڑھے ویلے مولا میڈا اذوالبحاح توں لٹھا اُتے قبضہ ذوالفقار دے سر جھل کے پہرے  
 کیا۔ فوجاں ٹولے ٹولے تھی کے کول جناب دے آنوں لکپیاں۔ بھین غریب دی صدا آئی امڑی  
 جایا کیا ہو گیا ہے جو کوار کوں بند چا کیتو۔ ذوالبحاح توں لہہ پائیں ولاڈ کیکہ جو فوجاں تیڈے ارد گرد  
 اکٹھیاں پیاں تھیندیاں ہن۔ مولادے نیر لڑھ پئے تے فرمالیں امڑی چائی بے وی ہو گئی حسین  
 دی۔ جو امڑی بتوں حکم کیتا ہے صبر دا۔ ہن بھرا سید انما ز خدا دی ادا کریندے۔ سبحان اللہ۔  
 جیڑھے پاسے تیر آوے ہا مولا میڈا پیر ہن دیاں تڑیاں کھول کے سینہ حاضر کرے ہا۔ جوں جوں  
 ظلم زیادہ تھیندا اہئے مظلوم کربلا دا صبر و دھدا گئے۔ جیڑھے ویلے سہرا تاج یسین والقرآن الحکیم دا،  
 غلامہ طے تے حامیم دا، نو بادا گلشن حل اقی علی الانسان مین من الدھر لم یکن شیاء مذکور دا، گل دستہ  
 باغ ان الابرار یثربون من کاس کان مزاجہا کافور دا، مخدوم زادہ جبرائیل دا، زبیب دوش رسول  
 جلیل دا، فرزند ولید علی المرتضیٰ دا، جگر گوشہ بتوں عذر دا، بھرا حسن الجنتی دا، پیچ بیمار صغیر دا، مولا میڈا  
 حضرت امام حسین جڈاں وچ میدان کربلا دے لہہ پٹھاتے تے تنہا آ رہا۔ تریں (۳) ڈوہڑھاں

دی ترہہ ہے، پر ایڈیہہ ہے ظلمد اتکھ ہے، سیدہک ہے، مزاج نرم ہے، موسم گرم ہے، ہاڑ دی  
 لوئے، موت دی ہوئے، ۶ لکھ دے نرغے وچ وڑجھینا، حرصیب جیہاں مہماناں دا مریجٹا، داغ  
 دوستاں دی جدائی دا، لٹھن جناب زینت دی کمائی دا، علی قاسم دی شادی دا، ہونوٹا، شادی دے وچ  
 برہادی دا ہوٹاں، عباس بھرا دیاں ہاہاں کھبجنا، اتے پیاسا کندھیاں دے مریجٹا، علی اکبر دا  
 ساگ دا جھٹلا، اتے حیدر اول نہ ولنا، بال دے کاٹ منکن پاٹی دا، اتے ولد اسوال دا ملٹ کافی دا،  
 وچھوڑا نبوی مزار دا، چتا دھی بیمار دا، بی بی شہر بانو دا ونجٹا طوس دا، اتے نیل چڑانوٹ لٹی عروس دا،  
 خیمیاں کول امت والٹا، سرعریان کر کے سینڑیں دا پٹا، علی عابدہ دا پٹا زمام دا، اتے بھین دا ونجٹاں  
 شام دا، تمام صدے اکھیں دے سامنے پھر پھر ویندے آہن۔

### ڈوہڑھا

تاگ نماز دی آہی شاہ کول توڑے آہن سے تکلیفاں  
 منزل ڈیکھ مسافر دی ڈتے دعوے چھوڑ حریفاں  
 عجز کمال دے نال جھکایا سر تسلیم شریفاں  
 تحسین روح الامین آکھے کیا شاعر کرن تصنیفاں  
 طبع جناب دی محزون، جگر پر خون، شکل وانگوں نون، بدن سارا ٹھل گون، ہکدم سو غم،  
 کمر کول خم، چشم پر نیم، ڈکھاں دامونس کوئی، بلی نہیں، سر تا قدم زخماں کنوں کائی جاہ و بلی نہیں۔

### خمسہ

قربان حسین دے حوصلے دا قربان اوندیاں تدبیراں دا  
 جاں تن اقدس کول ظالماں چلیا جوڑ نشانہ تیراں دا  
 پیکان سمجھ کے دن باہی دا ذکر کرے نگہیراں دا  
 بھل پئے ناسور اندر وچ آوے پردہ یاد ہمیشراں دا  
 جو پٹھ اکھیں دے پھر پھر ویندا ونجٹاں شام اسیراں دا



مظلوم کربلا دے بدن دی زخماں توں کوئی جاہ خالی نہیں۔ ہک ہزار تے نوں سو پنجاہ زخم مظلوم دے بدن تے ہا لیکن عقل سلیم تسلیم نہیں کریندا جواتے زخم اتے بدن دے ساونجھن۔ لیکن کتاباں والے لکھ چکے ہن جو زخم اتے ضرور ہن اتے بدن دے کیوں کہ زخماں دے وچ زخم ہن تلواریں دیاں زخماں دے وچ تیراں دے زخم ہن۔ تیراں دے زخماں وچ سانگاں دے زخم ہن۔ اے بھی لکھ چکن جو کل زخم مظلوم کوں سامنے ہن کنڈ کنوں زخم کوئی نہ۔ وجہ کیا کیوں کہ اے پھڑا ہا اسد اللہ الغالب دا۔ تاثیر ہائی خاتون دے کھیر دی۔ وچ میدان دے دشمن کوں کنڈ نہ ڈتی ہن نہ اتے کنڈ دے زخم جھلس۔ بعضے زخم مظلوم کوں اتے پشت مبارک تے ہن کیوں کہ ہتھیار سینے کوں صدمہ ڈے کے کنڈ کنوں ول گزرے ہا۔ پشت مبارک زخمی ہائی یا کوئی زخم نہاں مظلوم کوں اتے کنڈ دے۔ شیطان جو دشمن ہے واسطے ہر انسان دے اوں سوال کیتا بارے خدایا میں تیڈے حسین کوں صابر شا کر نہ جائدا۔ نکاٹھ سورج دا اتے چوتھے آسمان دے ہے۔ اکھیں اونڈیاں پھریاں ہویاں ہن پاسے عرش مجید دے۔ فرشتے چھنکا کرٹ والے ہن اہکوں اونڈی تاپش دے سورج ول آدے اتے پہلے آسمان دے۔ اکھیں پھروئجن پاسے زمین دے۔ جو فرشتے چھنکا کرٹ والے ہن اہکوں اونڈے سیک دے اٹھائے وئجن۔ ایندے علاوہ قدرت تیڈی اے ہووے جو ہی کل مخلوق وچ امان دے ہووے۔ تمام دھپ دی تکلیف ہک حسین دے تن تے ہووے ایس تکلیف دے وچ پیو علی اکبر داشکر کرے اوں دیلے منیساں حسین صابر ہے۔ خدا پاک نال علم اپنے دے جائدا ہا۔ جو حسین تے اختتام صبراں دا ہے۔ مگر واسطے جٹھلاؤن شیطان دے موکلاں سورج دیاں کوں حکم ڈتس۔ جو سورج اتے پہلے آسمان دے ول آیا۔ اکھیں اونڈیاں پھر ہیاں پاسے زمین دے۔ جیڑھے فرشتے ہن چھنکا کرٹ والے سیک دے اہکوں اٹھائے گئے۔ ریت کربلا دی دانگوں پورے لوہے دے سرخ ہو گئی۔ علاوہ قدرت خدا پاک دی اے ہووے جو سوا مظلوم کربلا دے ہی کل مخلوق وچ امن دے آگئی میڈے مولا سر اٹھایا پاسے آسمان دے تے فرمایا اے دل کامل ڈکھاں کنوں ناں تھی۔ صراف حقیقی اندازہ لائے انصاف دا۔ لائق ہیں جو

ثابت قدمی حاصل ہووے وچ رضا خداوند پاک دے۔ نازک پوڑی ہے منزل یار سچا ر دی  
 عشق دے رنگ کوں انگ نہ لگے۔ ڈوہیں ہتھ اٹھا کے فرمیونے بار خدا یا حسین صابر تے شاکر ہے  
 اُتے تیڈی رضا دے۔ اتنے تائیں جبرائیل امین اُتے سر جناب دے پراں داسا یہ کیئا۔ مظلوم  
 کر بلا کوں جو افاقہ ملیا دھپ کُنوں ولا ڈٹھس پاسے آسمان دے۔ تے فرمالیس آئے جبرائیل ہٹ  
 وچ متاں حسین دی کمائی وچ رخنہ آوے۔ جبرائیل امین عرض کیئا میں تیڈی اغلام ہاں۔ لولی ڈے  
 کے رہانوٹ والاں۔ تے پینگھے جٹھاوٹ والا عادت قدیمی یاد کر کے اذن منکم اللہ پاک کُنوں تیڈی  
 اخیری خدمت ادا کرن آیاں۔ جڈاں چھوٹے ویلے تیڈے اُتے پراں دی چھاں کریندا آہم ہن  
 دی اوں طرح تے سایا آن کیتم۔ حضرت دی شکل وانگوں پھل گلاب دے ہو گئی تے فرمیونے۔

### ڈوہڑھا

ایں تاپش دھپ وچ روح مجرد کوئی لذت عجائب آندی  
 شوق دی مستی مست کیئا میکوں چھاں کُنوں دھپ بھاندی  
 غریب حسین دے تن کوں یارا گھت نہیں عادت چھاندی  
 جو دھپ اُتے ڈنہہ چالسی رہی لاش میڈی تڑپھاندی  
 معلوم کیئا جبرائیل عاشق خدا داناں ہک دے ہک تھیا پٹھے۔ عرض کیتس مولا۔ ویلے  
 امتحان دے واسطے عاشقانہ دے۔ دروازے اجابت دے کھلے ہوئے ہوندن۔ ہر ہک عاشق دا جو  
 امتحان ہو یا انھاں دعا منگی۔ خداوند پاک اثر اجابت دا بخشا۔ توں وی دعا منگ جو ہن ویلے  
 اجابت دا۔ حضرت فرمایا آئے جبرائیل میں دعا اٹھی خزینہ جوڑ کے رکھی ہے واسطے آخرت دے۔  
 جیڑھے ویلے وچ میدان قیامت دے مخلوق خدا دی حاضر تھیں اوں ویلے میں دعا منکساں جو  
 بارے خدا یا۔ تصدیق اوں دھپ دا جیڑھی وچ میدان کر بلا دے گزاری ہائی ہن اہج دے ڈنہہ  
 امان ڈے میڈے محبت عزا داراں کُنوں دھپ حشر دے کُنوں۔ مومنین جاہ انصاف دی حیوان کُنوں  
 جو ذبح کرتے ۳ شرطیں لازم ہن پہلی شرط اے ہے جو ذبح کرن توں پہلے پاٹی پلاؤ۔ مگر افسوس



ہے واسطے مسلماناں دے پتر رسول داترے ڈے۔ نہہ داتسہ ہا۔ پانی پلاوٹاں بجا وضو جو پانی دی نہ حاصل ہو یا۔ مظلوم کر بلا تہتم کر کے نماز ادا کیتی ڈے و جھی شرط اے ہے جو ڈے۔ نہہ جمعہ دے ویلے پیشی دے حیوان دا ذبح کرناں گناہ ہے۔ مظلوم کر بلا فرمایا جیڑھا تحفہ واسطے فرزند رسول دے گھن آئیں توں آپ چا بیان کر شر آکھیا اے خنجر ہے خنجر۔ جناب سر جھکایاتے فرمایا حاضر پتر پیغمبر۔ شر آکھیا تیڈے گل تے پھریاں۔ جناب فرمایا میں شکر کریاں شر آکھیا سر تیڈا اتے سانگ دے چڑیاں۔ جناب فرمایا اے لوگ گواہیاں ڈے سن جو شام تا ئیں قرآن کوں سٹیاں چوتھی شرط اے ہے جو حیوان کوں سامنے حیوان دے ذبح کرنا منع ہے۔ گاہل ارمان دی اے سین ستر قدم دے فاصلے کھڑکے ڈے ہیدی رہی اے۔ تے قرآن چا کے آہدی ہائی مسلمانو حیا کرو۔ میڈے بھرا کوں نہ مارو۔ بھٹیں دے سامنے بھرا نہیں مریندے ول بی بی شردو مخاطب تھی کے آہدی ہے۔

### ڈوہڑھا

سینہ میڈے دیر شیر دا ہے قرآن برابر  
دروہی وی ظالم دورہی وی ظالم قدم نہ آن برابر  
مجنبتن پاک دا پیا کریندیں گم نشان برابر  
مردیاں تا ئیں بھٹیں کوں راہی اے ارمان برابر

### نوحہ

میڈے دیرن کوں نہ مار دو شراہٹ دہج توں  
ساڈا دسا گھر نہ اہاڑ دو شراہٹ دہج توں  
ڈکھ حسین دا نازک دیا  
باہر آندے نی پردہ دار دو شراہٹ دہج توں  
کھول کے وال حسین دی خاطر  
آئی زہرا چھوڑ مزار دو شراہٹ دہج توں

مسلماناں کوں شرم نہ آیا۔ توڑے خیمیاں گاہ دے پاسوں اولہا چا کرن ہا بے وس بھین  
غریب دیاں کوکاں نکل ہکیاں تے کھڑی آکھے۔

### ڈوہڑھا

میں تاں پہ نہ سنگدی خیمے وچ میگوں خالی خیمہ کھاندا  
کن ڈیس گئے کن خویش گئے میں جن ڈیکھاں تن واندا  
امڑی سکین دے پردے وانگوں لحاظ پردے دا رہندا  
میں تاں پو ہے تیں کڈ ہاں نہم آئی اج موت بھرا دی آندا

### بحر

پر حوادث مارو تھل وچ آن لیونی دیرے دیر  
وچھڑی فاطمہ صفری کوں جُل مونہہ ڈکھا ہک پھیرے دیر  
گھول گتھاں ایں نگری کوں ہن ظالم لوک اوڑے دیر  
موت بازار بٹایا ساڈے اُچڑے سدے دیڑھے دیر  
سکناں دے وچ قاسم ماریا جتھ مہندی سر سہرے دیر  
توں بن دے وچ میں دردے وچ کوئی آنوٹ نہ ڈیندا نیڑے دیر  
وٹ ڈتو نے بھین دے بھاگے شام دے سخت پندھڑے دیر  
چپڑی پوری اترے شالا بھین غریب دی خیرے دیر

امام مہدی علیہ السلام وچ زیارت ناحیہ دے فرمیںدے سلام ہووے میڈا اوں مظلوم  
ڈاڈے تے جیکوں تابوت حیراں دالمیا۔ زمیناں وچ زلزلہ ہو گیا آسمان کنوں رت و سٹ لگ گیا۔  
غنیبر خدا مزار چھوڑی جبرائیل علیہ السلام لہایا۔ خاتون قیامت وال کھولے مستوراں وچ خیام دے  
خاکاں پایاں۔ جیویں جو درداں ماری اُتے دروازے دے کھڑی ہائی۔ ویرن ویرن کر کے ٹر جلی



راوی آہدے یار ہاں قدماں تائیں بی بی زینب خاتون پاک چادر نہیں سنبھلی جیویں نیم بسل کبھی  
 تڑپ تڑپ دل ڈھبندے سین میڈی قدم قدم تے تھن پوندی ہے۔ اچانک چادر دے لڑکوں  
 جھکی آئی جو ولاڈ کھے سین معصوم سکینہ لڑ چادر اپنا ہوئے تے روکے آدھی ہے جس پھوپھی تیکوں بھرا  
 پیارا ہے میکوں پیو پیارا نہیں تیڈا دل چاہندے ویر دے ملن کیتے میڈا دل نہیں چاہندا زخمی  
 بابے کوں ملن کیتے۔ سین میڈی روکے معصوم سکینہ کوں نال ہاں دے چالایا تے فرمایا پھڑاتوں  
 نشانی ہیں میڈے ویرن دی۔ ٹردیاں تائیں میڈا مظلوم ویرن تیڈیاں پار تاں ڈیندار ہے۔ تے  
 فرمیںدا ہاں بھین زینب میڈی یتیم سکینہ دا خیال رکھیں۔ بی بی فرمایا معصومہ تیڈا سن صخرے فوجاں دی  
 بھیڑے۔ متاں کوئی تیکوں صدمہ پہنچے توں خیمے وچ رہ میں دیندی ہاں تیڈے زخمی بابے کوں گھن  
 آندی ہاں معصوم سکینہ دیاں کوکاں نکل کیاں تے آکھیں۔

### ڈوہڑا

میں تاں کیوں نکاں خیمے وچ میکوں خالی خیمہ کھاسی  
 خبر نہیں جو بابا میڈا آسی یا نہ آسی  
 سینے پاک دے سمن دے کیتے سکدا روح اداسی  
 نام اللہ دے تروڑ نہ سکتاں سمجھ کے اللہ راسی

ڈوہیں پھوپھی بھتر جی برقعہ شریعت دا پا کے ٹرپیاں۔ خیمہ اقدس ترائے سو قدم ہا مقل  
 گاہ کنوں جیڑھے ویلے ستر قدم دا فاصلہ باقی آرہیا۔ بے وی ہو گئی اللہ راسن دی۔ اہکوں تے  
 موقع و نجن دانہ ملیا معصوم سکینہ روکے آکھیا پھوپھی توں پردہ دار ہیں اہکوں تے اثر دہام ہے لوکاں  
 دا و نجن داراہ نہیں آدھی ہے توں اتھائیں کھڑ میں پیو دی خدمت وچ و نجن کے تیڈے آنوں دا حال  
 کریندی ہاں راوی آہدے معصوم سکینہ بابا بابا کر کے ٹرپئی جیڑھے ویلے سین پہوتی کولوں پیو  
 دے ہے پاسوں و نجن کھڑوتی آکھس السلام علیک یا بن رسول اللہ دل کھسے پاسوں دل  
 آئی آہدی ہے السلام علیک یا بن فاطمة الزہرا۔ سامنے دل آئی تے آکھس السلام



علیک یا بن السبیل۔ مولا میڈے متھالایا ہوئے قبضہ لکوار تے۔ آواز سلام دا جو سٹیا سر اٹھا  
 کے مظلوم کر بلا ڈیکھے تاں معصوم سکی نہ گل وچ ہا ہاں پا کے اللہ راسیاں دا مگوں روندی کھڑی ہے۔  
 حضرت دے نیر لڑھ پئے تے فرمالیس ڈکھے ہاں کوں چاڈ کھائی پچڑا کنتے آئیں وچ ہجوم فوجاں  
 دے۔ معصوم سکی نہ آہدی ہے بابا پہلے میڈے تاں نال آئی ہے ہجوم ڈھیرھا ولا ڈیکھے جو درداں ماری  
 تیکوں دعائیں کھڑی کریندی ہے۔ مظلوم کر بلا فرمایا پچڑا تیڈی پھوپھی دا کیرھا حال ہا معصوم  
 سکی نہ آہدی ہے بابا گل لا کے ڈسیساں مظلوم کر بلا فرمایا میڈا گل لاناوٹ مشکل ہے۔ ناراض نہ  
 تھیویں بے وسیاں ہن تیڈے پچو غریب دیاں معصوم سکی نہ آکھیا بابا میڈی اپنی قسمت اے داغ  
 دی جھلٹاں ہوسی۔ جو آخری ویلے تیڈے سر تے آئی ہاں تے گل وی نہ لگی۔ بھل میکوں وصیت  
 ہے پھوپھی دی جو دل فرمندی ہائی پچڑا میڈے طرفوں اپنے زخمی پچو کیوں رنج رنج کے گل  
 لاناویں جو ویلے آخری وداع دے میں رنج کے دیرکوں گل نہالایا ذرا ہک واری سوہٹیاں ہا ہاں  
 اچیاں چا کر جو فرمان پھوپھی دا پورا کر گھناں۔ مظلوم کر بلا ٹھڈہ ساہ بھر کے ڈوہیں ہتھ اٹھا کے  
 آکھس آدو میڈا پچڑا معصوم سکی نہ چھوٹیاں ہا ہاں اٹھا کے آکھس شالا گٹی وچ فرق نہ آوی بابا۔ میڈی  
 سنیں چار کریندی ہے مگر بابے کوں گل نہیں لاسکدی۔ کیونکہ ہا ہاں معصومہ دیاں چھوٹیاں ہن  
 تے تیراں دیاں کانیاں لبیاں ہن میڈے مولا دے نیر لڑھ پئے تے فرمندن کنڈ کنوں ول آڈ کھیا  
 پچڑا معصومہ کنڈ کنوں ول آئی پر صدقے صدقے تھی کے پچو دے گل ہا ہاں چا پائیاں نس فریاداں  
 گل ہیاں تے آکھس بابا۔ پھوپھی سلام ڈیندی ہاوی تے بعد سلام دے عرض کریندی ہاوی۔

### ڈوہڑھا

کھیاں عون محمد قاسم کتھ اکبر عباسے  
 مگر پیارے جنت، سدھانے سارے قدر شناسے  
 سچ دے دیرن بھین کوں منجھدیں شام مگر دے پاسے  
 ہن چھوٹے چھوٹے ہال اساڈے ڈیسی کون دلا سے



## ڈوہڑھا

آنواں ہا درد و دنا نوں ویرن کوئی آنوٹا ناں ڈیندا نیڑے  
تیڈی پوری اترے شالا بھین غریب دی خیرے  
میڈا سکھ بن ویسی بھل اوکھی بٹسی حیلے جیردھے کیڑھے  
کھڑا کھڑا دل آ ویرن چا مونہہ ڈکھا ہک پھیرے

حضرت دے نیر لڑھ پئے تے فرمیونے پچڑا ہن دل و پنج جو پھوپھی تیڈی وچ انتظار  
دے ہوئی۔ معصوم سکینہ روڈ تے آکھس بابا ہر زمانے دی رسم ہے جو نازک ویلے بچن سرتے  
ہوندن ہن تیڈا اوکھا ویلا ہے ہکلا کیویں چھوڑا مولہ فرمایا پچڑا چنتا نہ کراماں زہرا میکوں جھولی  
پاوٹ دے واسطے موجود ہے۔ معصوم سکینہ آکھیا بابا پھوپھی کوں کیڑھی گالھ وچ آکھاں۔ مظلوم روڈ  
تاتے فرمیونے پچڑا پھوپھی کوں آکھیں لکھتے دامہمان بھرا سلام ڈیندا ہاوی تے آہدا ہاوی میڈی شام  
دی قیدن بھین جے قسمت وطنے نیوی تاں فاطمہ صغرا کوں میڈے سلام ڈیویں تے آکھیں ناراض  
نہ تھیویں تیڈے اکبر سہرا کوئی پایا۔ راوی آہدے گلابی پنکھر مظلوم دا جو لوں لوں کنوں جاری ہا  
چوٹیاں معصوم دیاں سرخ ہو گیاں۔ چھوٹے چھوٹے ہتھ رنگین ہو گئے پوشاک ساری لال ہو گئی۔  
گلابی پنکھر پچہ دامہ تے چالمس اتے روندی ہوئی ٹر جلی کہیں ویلے پھوپھیاں دوڑدے ہدی ہے کہیں  
ویلے دل پچھاں پچہ غریب دوڑدے ہے۔ بی بی زینب خاتون دی جو دید پائی اُتے بھتر بجی دے  
سرخ پوشاک معصومہ دی جو نظر آئی۔ سین گھیا جو شاہد پچڑی میڈے ویرن دی زخمی تھی آندی ہے۔  
کوکاں جناب دیاں نکل گیاں تے فرمایں۔

## ڈوہڑھا

شام عراق تے کوفے دی ہے ڈاڈھی غالم بگری  
آون ماعلی اکبر دی بکوں وسدے جگ دج اُجوی

ایں ڈلیں گھولی دیاں تیر اندازاں رسم نکالی وکھری  
 جو زخمی تھی کے آندی پئی ہے میڈے ویردی بے کس پجڑی  
 اتنے تائیں معصوم سیکینہ پھوپھی غریب دے قریب آگئی سین میڈی کوں خوشبو آئی بھرا  
 دے خون دی نال ہاں دے بھتریجی کوں لا کے اُتے چوٹیاں دے بوسہ ڈے کے فرمالیں۔

### ڈوہڑھا

ویرن جائی اللہ وسائی کہیں رت متھے تے لایو  
 پیو دے نال آئے ڈکھیا پجڑا کبیرا حال وٹایو  
 کیوں کیوں تے کیوں آیوں کیا بابے فرمایو  
 نال نہ آندو ویر میڈے کوں چا تقدیر بھلایو

### ڈوہڑھا

دل سین سیکینہ عرض کیتا آئے پھوپھی درداں ماری  
 آ نہیں سنگدا بابا میڈا جو آہی سخت لاچاری  
 ہک دے سرتے مارن کیتے مل گئی خلقت ساری  
 میڈی طرفوں گل پھوپھی کوں لانویں آکھیں ٹردے واری



## مولوی نذر حسین ترک

مولوی نذر حسین ذات دے ترک مغل بہن۔ آپ دے والد داناں مولوی فیروز الدین ہائی۔ جیڑھے ہوں وڈے شاعر تے ذا کر بہن۔ مولوی نذر حسین ترک اچاں ڈاہ سالان دے بہن جو مولوی فیروز ایں دنیا توں جھوک لڈا گئے۔ آپ ہو ریں ہک درس گاہ وچ مولوی شاہ نواز کنوں عربی قاری تے اردو پڑھی۔ انہاں ہوں نکی عمرو وچ ذا کری شروع کر ڈتی۔ مولوی نذر حسین نے ذا کری وچ اُوں ویلھے دے ہوں وڈے ذا کر سید علی شاہ چھینوی دی شاگردی اختیار کر گھدی تے شاعری وچ غلام سکندر خان غلام دے شاگرد بن گئے۔ کیوں جو انہاں دے والد مولوی فیروز ہوں ناں والے ذا کرتے شاعر بہن۔ ات کچھوں انہاں کوں وی ذا کری بزم اچ ہوں جلدی مشہوری مل گئی۔

مولوی نذر حسین ترک ذا کری بزم وچ شکل و صورت دے حوالے نال ہوں سوہنے ذا کر تھی گرزین۔ لوک انہاں کوں ڈیکھن واسطے ہوں پرے پرے کنوں آندے بہن۔ سلطان الذکرین احمد بخش بھٹی دے الفاظ بہن ”پاکستان، ہندوستان، ایران، عراق تے شام“ دے سفر میں کیتن پر میں نذر حسین ترک جہیاں سوہٹا ہٹاں نہیں ڈٹھا۔

مولوی نذر حسین ترک دے شاگرداں وچ مولوی غلام علی لنگاہ مداح تے احمد علی ذوالفقار شامل بہن۔ نذر حسین ارشاد عباسی نے اٹنی ہک بحرء یادوار فتکاں ”وچ انہاں کوں ایں طرانویں خراج عقیدت پیش کینے۔

مولوی نذر حسین پچھوں سلطانی کرسی خالی

بحر فصاحت ول نہ کیتے کہیں تے دان لالی

انہاں سرا نیکی دیاں یکیاں اصناف وچ طبع آزمائی کیتی اے۔ انہاں دی ہک مسدس

ہر دم بھینٹیں بھرانواں دا پلو ہدھیندیاں  
 میں بھی پلوں ہدھن دا سوک پئی کریندی آں  
 پلو ہدھا دی ڈینویں تاں دامن چھوڑیندیاں  
 چادر ایہا چا بخش نہ ہی حرج ڈیندیاں  
 جہ تائیں جیویں جگ تے شالا لال حسین دا  
 چادر ایہیں تیڈی دا ہو سیا کفن بھین دا

انہاں دا ڈوہڑاوی مصائب دے حوالے نال اچیراے۔ ایندے نال نال انہاں بحر  
 وچ وی کمال کر ڈتے۔ انہاں دی بحر وچوں ہک ٹکڑا بحر دا ڈیکھو۔

ہے افسوس نواسہ محمد دا وچ کربلا دے مریندا رہیا  
 تے آواز حضرت دا ”ہل من معین“ دا میدان دے وچ سٹیندا رہیا  
 گرم ریت تھل دی تے مسند دا پلپلا بدن ریت رت وچ بھریندا رہیا  
 بحر دے کنارے پئے ہن نظارے جو اعلیٰ تے ادنیٰ ہا پیندا رہیا  
 تکبیر دے ویلھے شاہ دے کناں وچ تے ایہو دہن خمیوں سٹیندا رہیا  
 ہے ارمان بھائی توں بن وچ مرتھیں تیڈا ساتھ بھیندیں دا حیندا رہیا

مرثیہ دے نال انہاں نثر وی ہوں ساری لکھی اے۔ انہاں دیاں ہوں ساریاں  
 کتاباں تھیں تصویر وچ ہن۔ انہاں دے نال اے ہن۔ آب کوثر، اظہار کوثر، نجات الدارین  
 نجم البحرین، نہر کوثر، دربار کوثر، سبیل کوثر، گلزار کوثر، نہر ماتم، بہار کوثر، جام کوثر، چشمہ کوثر، حسینی رضا  
 کار، حوص کوثر، انوار کوثر، انہار المصائب، انہار کوثر، بحر کوثر تے ساغر کوثر شام ہن۔

مولوی نذر حسین ترک ۱۹۴۴ء کوں وفات پاتی تے اپنے والد مولوی فیروز الدین نال

دفن تھے۔



## تقریر شہادتِ عمون و محمدؐ فرزند ان جناب زینبؓ

لکھت: مولوی نذر حسین ترک

اہج ڈول یوسف چاہ عشق وچ گردے ہن۔ اہج گھوٹ ہن جو موت دے برے  
چڑھدے ہن۔ اہج ڈوقاری قرآن دے ہن۔ جو صف دشمنان وچ قرآن پڑھدے ہن۔  
خاندان سادات دے ڈونگر فوجاں نال لڑدے ہن۔ ڈوشیر ہن جو پیشے شجاعت دے وچ وڑدے  
ہن۔ ڈوشہباز ہن جو شکار تے چڑھدے ہن۔ بنی ہاشم دے بہادر ہن بنی اُمیہ ڈردے ہن۔ ڈو  
چھوٹے نشان ہن جھلک توں شامی مردے ہن۔ اُورے ڈو بجلیاں گردیاں ہن کوئی سڑدے  
ہن۔ ڈو گھوڑے زنیب صرصر دے ہن۔ شامی پکڑیندے ہن۔ اچھے کون تے کیرے گھر دے  
ہن۔ میدان وچوں کڑکار آندے ڈو ہترے خاتون اطہر دے ہن۔ خیمے وچوں صدا آندی اے  
نوکر علی اکبر دے ہن۔

سین زینبؓ جئیں بھین ہووے حسینؑ جہیاں بھرا ہووے۔ ملک عراق جنگل کر بلا  
ہووے۔ جند حسینؑ دی تسی ہووے۔ کولھوں دریا ہووے۔ نشان نبی ﷺ دامنًا و لشکر دی صدا  
ہووے۔ اجاں بھین دی جوڑی ناں فدا ہووے۔ خیمے سادات دے تریہہ غلبہ پا چکی ہووے۔  
درخت کوں تقدیر ہلا چکی ہووے۔ فوج شامیاں دی طبل جنگ بجا چکی ہووے۔ دھپ ڈو ہویں  
دی تپ ڈو کھا چکی ہے۔ لاش تریہہ دی خیمے آچکی۔ جناب زینبؓ مکاں دی رسم بٹا چکی۔ بھرا واسطے بھرا  
کوں پرچا چکی۔ پتراں دی رخصت کیتے عباس کوں وسیلہ بٹا چکی۔ بھرا کوں خیمے وچ سہ چکی۔

عباسؑ عرض کیتا یا جناب بھرا پیڑ اوچ نم تریہہ دے بے تاب ہے۔ اکھیں کنوں نالے  
جارے ہن۔ نہ ہون با اکھیں نہ ڈیکھاں ہاشم کوں روندنا۔ میڈے واسطے ڈو صدے ہک مہمان  
بیرا مارا ڈو جہا امیر اپنے کوں اپنے جیندیں روندنا ڈھم۔ سین فرمایا عباسؑ میں تنگ آں جیویں کر

میڈے بھرا کون گھن آ۔ عباس روندا ہوا یا شاہ دے سامنے آیا۔ دست بستہ ہو کے عرض کیا۔ نائب زہرا عالی جاہ جلد سڈ ہندی ہے۔ حضرت فرمایا کھیں بلایا۔ عرض کیتس نائب زہرا۔ فرمیں کم کیزھا ہے۔ کچھ خبر نہیں۔ عرض کیتس واللہ اعلم۔ ڈوہاں پتراں کون سنوار کے جنگ دے زیور پوا کے کھڑی آپ دی انتظار وچ ہے۔ حضرت فرمایا عباس توں خیال کر۔ میں اہمے کجھی پٹھاں۔ بھین دے ڈیوے کیویں بچھدے ڈیکھاں ہن۔ کہیں طرانویں بی بی کون رہاویں ہا۔ عباس واپس آیا۔ حال سزا یا۔ شاہ گھر میں آندا۔ سین فرمایا عباس میڈے بھرا کون اکھ تپدے اُتے اوکھا وقت اے۔ میڈے کولھوں ہی کوئی چیز نہیں۔ میں ڈوہالاں دی نذر جوڑی تیکوں نذر اللہ ڈندی آں۔ میڈی تھوڑی شے منظور کرو۔ تے گھر آؤ نہیں تاں میں باہر آندی آں۔ حضرت جیس وقت سزا یا روندا ہوا گھر ڈوٹر چلیا۔ جس وقت ڈوہیں درخیمے دے آئے۔ ویرھے وچ ڈٹھونے بی بی پتراں کون نور ہندی اے۔

سنوار ڈوہاں پتراں کون ودی ویرھے وچ ٹر ہندی  
میدان دے وچ مرکز دلسوں ول ول کے کجھ ہندی  
ڈوہاں کون اپنے اکبر دا میں تاں فدیہ پئی جڑ ہندی  
میڈا اوہو بچے جیندے کارن، ودی آں ہاں مر ہندی

موت تھیوے منظور تہاڑی شالا اکبر جیوے  
ماء اکبر دی رہ سلامت شالا پتراں باجھ نہ تھیوے  
چراغ نبی ﷺ دی قبر دا شالا نہ دسم ہکيا سڈیوے  
تس تہاڑی ہے قبول میکوں، تے اصغر پانی پیوے

شاہ ڈٹھا تاں ذوالفقار کون چاکے، نال چھوٹیاں تلواریں دے لاکے، ہتھ دے اٹھا  
کے فرمیں اے برکت تلواریں کون انہاں تلواریں کون برکت ڈے۔ سن چھوٹا ہے۔



سرتے جنگ ہے۔ دل علم عباس دا چھوٹے علماں دے لیندی اے۔ فرمندی اے نشان تاں  
چھوٹے ہن۔ مگر برکت ایں نشان دی شان وڈا ہووے۔ دل فرمالیس پکڑا نکڑے رہسو۔  
جنگاں وچ نہ گھبراسو۔ خبردار، خبردار۔

### خمہ

کہیں فتح توں انکار آوے  
میڈے پکڑیاں دا جدوار آوے  
پیا یاد جعفر طیار آوے  
تاں جیندیں گھر وچ آنکھن  
ہن چھوٹے نام ودھا نکھن

### خمہ

چا ہن جنگ دو ٹور اماں  
کھڑ شاہ نجف کوں سور اماں  
سن رہسو ساڈے طور اماں  
تکوار ہوئی نہ ڈھال ہوئی  
تیڈے کھیر والا اقبال ہوئی

حضرت توکل ڈیکھ کے اندر آیا۔ نیروہا کے فرمایا۔ امڑی جانی موتو اقبل انت موتو امیں  
تاں مرن کنوں اگے مویا وداں۔ مگر جٹاں دے تیر ڈے کے نہ ماروہا۔ میڈا باغ تاں کپیا ویسی۔  
توڑیں تیڈے پھل نہ ترتن ہا۔ سین فرمندی اے۔

نیں مناسب ویرن میڈا ہن میڈے پکڑے پچن  
میڈے ڈوہل سوئے کیویں لکھن، جو پھل امڑی دے ترتن

شاہ فرمایا ریت گرم ہوئی۔ پردیس دی موت ہوئی۔ سینٹ فرمایا، خیر ویرن کیرھی تروٹ  
 ہوئی۔ شاہ فرمایا، ارمان ہے۔ انہاں دی شادی ڈیکھاں ہا۔ انہاں دی آبادی ڈیکھاں ہا۔ گانے  
 بنھائیں ہا۔ سہرے پائیں ہا۔ سینٹ فرمایا، توں امام ہائیں۔ دعا کر اللہ بھانویں علی اکبر دی شادی  
 ڈیکھاں جو فاطمہ صغریٰ بے امید نہ ہووے۔ شاہ فرمایا، میں سوداگری امت دی رہائی دی کیتی  
 ہائی۔ ہن وقت جے تائیں شاخ جوانی دی نہ ترسی امت نہ چھٹسی۔ سینٹ فرمایا۔

تیکوں ہا مناسب اتجھے نہ کھے سخت سٹاویں ہا  
 اٹھاراں سال میں پورھیا کیتا، چاہن منت لاویں ہا  
 میڈیاں اکھیں ڈیکھن ہا علی اکبر کوں پرناویں ہا  
 مر ویساں بیمار نہائی مفتی ہتھ نہ چانویں ہا

شاہ فرمایا موت فراغت نیں ڈیندی۔ بیمار نیں آسکدی۔ سوا بیمار دے علی اکبر کوں  
 سہرے کیویں پانواں۔ نکھڑی دا ہتھ کیوں چانواں۔ آکھسی بابو میڈے بھرا کوں پرناویں۔ میکوں نہ  
 سڈایو۔ سینٹ فرمایا، خیر قسمت۔ ہن وت بھنڑو بجیاں کوں تاں ٹور چا۔ حضرت ڈوہاں کوں گل لایا۔  
 عباس کوں سڈ کے فرمایا انہاں دے ہتھیاں ہٹا۔ جنگ دے قاعدے سکھا۔ رستہ میدان والا  
 ڈیکھا۔ معصوم عرض کریندے ہن۔

سب زور تے قوت بھی خدا دے ماما

تعلیم دی حاجت نیں سب یاد ہے ماما

حضرت رضا مند ہو یا شہزادیاں دی رخصت تھیون لگی۔ تنواں وچ غل پے گیا۔ سن  
 مچوئے مچوئے لڑن ویندے ہن۔ اہج ڈوہترے خاتون اطہر دے مرل ویندے ہن۔ شہزادے  
 ویندے ہوئے ول آئے۔ جناب فرمایا گھر نہ آسو جے کر لڑن نہ آدے ویندے۔ عرض کریندے  
 ہن، اماں حق تھنج دا بخش چا جو نہ ولسو۔ جناب فرمایا، جڈاں سلساں جو مارے گئے ہو حق تھنج دا بخش۔  
 ڈیساں۔ شہزادے ٹرن لگے۔ امڑی آہدی کھڑی اے۔ اے وت دستور ہے جیڑھے کہیں ماما دے



فرزند سفر کوں ٹردے ہن۔ مانواں دعائیں منگیندیاں ہن۔ بارالہ خیر نال و نجن میڈے پجڑے خیر  
نال آون۔ اتے عون محمد جبرہ ویلھے ٹر چلے۔ جناب درتے کھڑی اے۔ دعا منگدی ہے فرمندی  
ہے۔ اللہ بھانویں جیندے ناں ولودے پجڑے۔ جے گھر آؤ تاں مر کے آؤ۔ بی بیاں آکھیا نہ وٹ  
بھین حسین دی پجڑیاں کوں اتجھے سخت کلمے نہ آکھ سین فرمایا جبرہ ہامیڈ اپجڑا اے ہوندی خیر منگو  
تے فرمالیس۔

اے قضا میڈیاں پجڑیاں کوں، موت دا رستہ لا چا  
ہے انہاں دی چھوٹی عمر میدان دے ڈھنگ سکھا چا  
خاتون دے ڈیوے کوں کجھ نہ آکھ میڈے ڈوہیں جہاں بجھا چا  
جھولی میڈی دے ہیلک ہن، ریت تے جو سا چا  
اتنے تائیں معصوم میدان وچ پہنچ گئے۔ ہک شامی نزدیک آکے آہدے تہاڑیاں  
چھوٹیاں چھوٹیاں تلواریں، چھوٹے علم، چھوٹے چہرے، چھوٹے سن، چھوٹیاں سانگاں، چھوٹیاں  
ڈھالیں، چھوٹیاں پگاں ہن۔ عون جو ڈہا۔ شامی کوں جواب ڈتس چھوٹا نہ جاؤ۔ جیندی مرضی  
آوے لڑے۔ جہاں دالقب اسد اللہ اسال اوں سلسلے وچ جڑے، اسال اوں خاندان وچوں  
ہائیں۔ جبرہ پست محمد ﷺ تے چڑھے۔ ایہا چھوٹی تلواریں کوں رہواریں کوں کپ کے زمین وچ  
وڑے، ہک زمین کیا تحت الثریٰ تک نہ اڑے۔

اے انہاں تلواریں دے پیلے ہن جبرائیل دے پراں تے وچ کھڑے۔ جے وار  
چھوٹے نیزے دا جاؤ خدائی گڑے۔ گھوڑے او جو نال مثل ہلال چمک توں دشمن سڑے۔ تہاڑی  
عقل وچ چھوٹے ہن تہاں کنوں بڑے۔ اسال اوں گھر دے ہیں فرشتے جہاں کنوں پڑھے۔ عمر  
ڈیکھ کے آکھن لگا۔ اے کون ہن۔ لوکاں آکھیا، عبد اللہ دے فرزند جعفر طیار دے پوترے، بنی  
حسین دے بھڑکے، حیدر کرار دے ڈوہترے۔ عمر آکھیا اے لڑکے ہن انہاں کوں کجڑ گھن آؤ۔  
جو حاکم دے سامنے نیسوں۔ کہیں آکھیا اے شیر بن پنچہ وچ نہ آسن۔ توڑیں سے دام ہوون تاں

بھی اے نہ پھسن۔ عمر آکھیا، بھلا تیراں نال ڈوہاں کوں پہلاں برگ برگ کرو چا۔ شامیاں تیر چلائے۔ معصوماں کوں زخم لگے۔ محمد کوں بھرا آہدے تیر اندازی پہلے کرٹی انہاں شریاں دے پہلے کم ہن۔ محمد آہدے پہلے وار کرٹاں سید انہاں دے کھیراندے کم ہن۔ عون آکھیا محمد جیکر بلا واسطہ مارے گیو سے ہر کوئی آکھسی لڑن دے ڈاڈے کجھ نہ آہن۔ بزرگاں کوں خوش کردوں ہا۔ کائی ایہو جنیں کمائی کماؤں ہا۔ شرمسار بھی نہ کروتے امڑی دا کھیر بھی نہ لجاؤں۔ پس وار و واری شہزادیاں دے وار آہن۔ توڑیں چھوٹے چھوٹے ہتھیار آہن۔ ہتھیاراں وچوں ید بیضادے چکار آہن۔ گھوڑیاں ہٹکلن تاں پار ہائیں۔۔۔ تلوار ہکاری لکدی ہائی ٹوٹے چار آہن۔ کندھی فرات تے سینہ اندے کڑکار آہن۔

ڈوہالاں دے اہکوں ڈولکھ شامی دے مزار آہن۔ خیمے وچوں کوک آئی ہس پجڑے ودھ نہ کرو۔ امڑی دی صلاح جو موت توں جنڈری آزاد نہ کرو۔ امت مارے تاں مارے تاں امت کوں برباد نہ کرو۔ شامی سارے کنارے دریادے چھوڑ گئے۔ محمد جو چھوٹا ہا، آکھیس ویرن میڈا جو صلاح ہووے تاں دریادے کنارے تے کھڑے ہائیں۔ گھوڑیاں کوں پانی پلاؤں تے دہندے دریاتوں ہتھ منہ دھو گھنوں۔ جودل تاں غسل کفن دی امید نیں۔ عون جواب ڈوتاں ویرن اے دریابے وفا ہے۔ اساں ہنٹریں کنارے کوڑتوں ہتھ منہ جل دھوسوں۔ محمد ﷺ ول تے ڈٹھا دریاڈ ہوں جو دریا موجاں مار کے دہندا ہے۔ سڈ آکھیس بھلا وودریاتوں تاں اساڈی مانی خاتون دامہر ہاویں۔ اہج ماما اساڈا تہ ہے۔ تریہہ کنوں ہال کر لاندے ہن۔ اتے توں موجاں مار کے دہندا نیں۔ عون بھرا کوں منع کریندا ہے۔ ہس ویرن دریادو ڈیکھ بھی نیں۔ اتے آتاں کندھی چھوڑ ڈیو۔ متاں امڑی اساڈی اے کالھ سزے تے ناراض ہووے۔ گواہ رھیں اساں خاطر پیا سے امام دی کندھی چھوڑ ڈتی اے۔ پس فوجاں یکسر کندھی دے پاسوں آہیاں ہن۔ اتے دھادا ہو گئے ہن۔ عون آہدے محمد ﷺ جیوھے ویلھے واپس دھیں میکوں ملیں۔ اتے میں واپس ولساں تاں تیکوں ملساں۔ پس کتنے کتنے حملے کر کے ولدے آہن۔ ہک پئے کوں ملدے آہن۔ عون ڈو



حملے کر کے آئے تاں بھرائی ملیا۔ دل وچ کر دے درد پیدا ہو گیا ہے۔ بھرا نظر نسی آندا۔ فوجاں  
کوں چھوڑ کے بھرا دی طرف دل پیا ہے۔ گولیند اودا ہا ویرن ویرن سڈیند اودا ہا۔ کہیں پچھیا کیا ہو  
ہیا ہائی آکھیں کمر دادر دے۔ واللہ علم کیا سبب ہے مگر اے ضرور ہے بھرا بھرا نواں دی کمر پیوند  
ہوندن۔ میکوں کمر ڈسیندی ہے جو بھرا نال ہن ہو گئی اے۔ اتنے تائیں ہک گھاٹ فوج دا نظر  
آلیں۔ گھوڑا دوڑا لیس شامی ہٹ گئے۔ ڈنھس بھرا کوں۔

لہہ پیا عوٹ گھوڑے دے اتوں، پٹھا دیر کوں جھولی پا کے  
چھوٹے دی موت نہ ڈیکھاں ہا، قسمت کوں پٹھا آکھے  
ہگل لاوے تے چوٹیاں چے منہ اتے منہ لا کے  
توں ہیلک ہائیں جھولی دا ہن ڈھٹی ہائی تتی خاکے

محمد علی اکھیں بھالیاں بھرا آکھیں کیا حال اے۔ ہس کے آکھیں خیرے۔ عوٹ  
آبدے میڈا ویرن وقت ہا سے دانیں۔ کیڑھی خوشی وچ خوش ہیں۔ آکھیں بھائی ہک بی بی ہے۔  
سیاہ پوشاک والی کولھوں آکے فرمیندی اے میڈی جھولی وچ آسم پچڑا میڈی تیڈی نانی خاتون  
ہاں۔ اے کالھیں ہائیں ڈوباں دیاں جو فوجاں یکدم ترٹ پیاں۔ عوٹ جھک جھک تے بھراتے  
اودا کر پٹھا۔ شامیاں دا وار تھیندا ہا معصوم ہتھاں تے تھلیندا ہا۔ زخماں نال پڑ ہو گیا۔ کہیں آکھیا  
اے شہزادہ زخم تھلیندا ہا ہائیں اتے انھی کے ٹردا کیوں نہیں۔ آکھیں موت منظور ہے لاش بھرا دی  
چھوڑنی منظور نہیں۔

القصہ کہیں دے ہتھوں جو زخم لگا۔ معصوم زمین تے جھک پیا ہتھاں دے اڈلے بھرا  
تے کوتلے۔ ہک ہئے ظالم دا وار تھیا۔ ہتھ شہزادے دے ہدا ہو گئے۔ ہاں کہیاں ہکیاں۔ معصوم  
نال پاسے بھرا دے ریت تے سم ہکيا۔ تے ہولے ہولے آکھیں۔

لہجہ۔ ہو کے سم ہکيا تے کل بھگس آ ہاں  
ہن گئی بے دی ویرن جھولی پاؤں دا نہاں

حملے کر کے آئے تاں بھرائی ملیا۔ دل وچ کمر دے درد پیدا ہو گیا ہے۔ بھرا نظری آندا۔ فوجاں  
کوں چھوڑ کے بھرا دی طرف ول پیا ہے۔ گولیندا اودا ہا ویرن ویرن سڈیندا اودا ہا۔ کہیں پچھیا کیا ہو  
ہیا ہائی آکھیں کمر دا درد ہے۔ واللہ علم کیا سبب ہے مگر اے ضرور ہے بھرا بھرا نواں دی کمر پیوندن  
ہوندن۔ میکوں کمر ڈ سیندی ہے جو بھرا نال ہن ہو گئی اے۔ اتنے تائیں ہک گھاٹ فوج دا نظر  
آلیں۔ گھوڑا دوڑا لیس شامی ہٹ گئے۔ ڈٹھس بھرا کوں۔

لہہ پیا عوٹ گھوڑے دے اتوں، پٹھا دیر کوں جھولی پا کے  
چھوٹے دی موت نہ ڈیکھاں ہا، قسمت کوں پٹھا آکھے  
ہگل لاوے تے چوٹیاں چمے منہ اتے منہ لا کے  
توں ہیلک ہائیں جھولی دا ہن ڈھکی ہائی تہی خاکے

محمد علیؒ آکھیں بھالیاں بھرا آکھیں کیا حال اے۔ ہس کے آکھیں خیرے۔ عوٹ  
آہدے میڈا ویرن وقت ہا سے دانیں۔ کیڑھی خوشی وچ خوش ہیں۔ آکھیں بھائی ہک بی بی ہے۔  
سیاہ پوشاک والی کولھوں آ کے فرمندی اے میڈی جھولی وچ آسم پچڑا میڈی تیڈی نانی خاتون  
ہاں۔ اے گلھیں ہائیں ڈوہاں دیاں جو فوجاں یکدم ترٹ پیاں۔ عوٹ جھک جھک تے بھراتے  
اوبلا کر پٹھا۔ شامیاں دا وار تھیدا ہا معصوم ہتھاں تے تھلید اہا۔ زخماں نال پڑ ہو گیا۔ کہیں آکھیا  
اے شہزادہ زخم تھلید اہا میں اتے اٹھی کے ٹردا کیوں نہیں۔ آکھیں موت منظور ہے لاش بھرا دی  
چھوڑنی منظور نہیں۔

القہ۔ کہیں دے ہتھوں جو زخم لگا۔ معصوم زمین تے جھک پیا ہتھاں دے اُولے بھرا  
تے کتوں۔ ہک ہئے خالم دا وار تھیا۔ ہتھ شہزادے دے جدا ہو گئے۔ ہا ہاں کیپیاں کیاں۔ معصوم  
نال پاسے بھرا دے ریت تے سم ہیا۔ تے ہولے ہولے آکھیں۔

لہجہ۔ ہو کے سم ہیا تے نکل بکوں آ ہاں  
ہن ہگئی بے دی ویرن جھولی پاؤن دا نہاں



کس دے نال میں اولہ کران کپیاں ہیاں ہاں  
 میکوں پہلے موت آوے ہا نہ درو بھرا دا سہاں  
 حلقے بی بیاں دے وچ جناب زینبؓ پٹھی آہی۔ کوکاں نکل ہیاں اتے فرمالیں۔  
 بھلا دو پردیسی پجڑے، بھلا دو مسافر پجڑے، بھلا دو تے پجڑے، بھلا دو بیکے  
 پجڑے۔ بی بیاں آہدیاں ہن۔ کیوں بھینٹ شیر دی خیرتاں ہے۔ سین فرمایا پتر میڈے مارے  
 گئے ہن۔ بی بیاں آہدیاں ہن۔ اللہ صاحب ہر دے پجڑیاں دی عمر دراز کرے۔ اتے عون محمد ﷺ  
 دی رب خیر کر لسی۔ سین فرمندی اے میکوں میڈا بابا حیدر روکے فرمندی پجڑا پیڈے پجڑے  
 ڈوہیں مارے گئے ہن۔ میکوں نانہ ﷺ فرمندی فدیہ پیڈا منظور تھی گیا ہے۔ میڈی امڑی  
 فرمندی اے پتراں دی مکاں ہووی زینب خاتون۔ ایس واسطے موت پتراں دی جھولی پائی پٹھی  
 آں حضرت کون بھینٹ دی گریہ زاری دا آواز پہونتا۔ انھی کے فرمیو نے عباس، علی اکبر، علی قاسم  
 سب آؤ۔ سین فرمایا کہیاں آواز ہے۔ کہیں آکھیا بھرا پیڈا فرزند اندیاں لاشاں چاؤن ویندا ہے۔  
 سین فرمایا سڈ و میڈے بھرا کون۔ فضہ سڈ یا شاہ آیا۔ بھینٹ الایا بھینٹ حسین توں میدان ڈونہ ونج۔  
 مٹاں کوئی زخم لگ پووی۔ حضرت فرمایا پتراں واسطے زخم لگی تاں چہ ہوی۔ سین فرمایا تیکوں شہید  
 شد وندان محمد ﷺ دا واسطہ ہے۔ تیکوں امڑی دے پاسے والے درو دا واسطہ ہے۔ تیکوں شیر خدا دا  
 واسطہ ہے۔ حسن دے ٹکڑے جگر دا واسطہ ہے میدان دو نہ ونج۔ حضرت فرمایا ہن تاں ونجن نہیں  
 ڈیندی۔ جیڑھے ویلھے ہک ہزار نو سو پچاس زخم لکسی۔ ہک تن بے کس دا ہوی وت کیا کر سیں۔  
 سین فرمایا سخت کلمے اجوی کون نہ سٹاؤ۔ حضرت فرمایا اچھا جو منشا ساڈی اے۔ میں راضی ہاں۔ مگر  
 تہ امتام داو چھاؤ شہیداں دے غم اچ روگھناں۔ تے اہلبیت دی رنج کے روگھن۔ سین فرمایا  
 ویرن بھرے گھر وچ ماتم نہاں کریندی اللہ بھانویں میڈا اکبر سلامت ہے۔ پس ایسے کالھیں  
 ہن۔ لاشاں معصوماں دیاں میدان توں آؤن لکپیاں۔ فضہ تے اطلاع ڈتی وچ خمیاں دے۔  
 جناب زینبؓ دیاں کوکاں جاری ہویاں۔

نذر حسین، حسین کریندا رہیں وقت اجل دے  
لا تقنطو رحمة اللہ ہن فضل فاضل افضل دے  
قدر جانژن قدران والے شبیر والی محفل دے  
نذر حسین جڈاں بخت بھڑایو، زوار تھیسوں کربل دے



## آغا سید شرف حسین نقوی البھاکری

آغا شرف حسین شاہ قصبہ نوانی ضلع بھکر دے رہن والے ہن۔ آپ دے والد داناں سید نور حسین شاہ ہا۔ انہاں دی پیدائش ۱۸۵۲ء وچ تھئی ہائی۔ آپ فن قرأت وچ مکمل مہارت رکھیندے ہن۔ انہاں نجف اشرف توں وی تعلیم حاصل کیتی ہائی۔ اوہوں اچیرے درجے دے فقیہ، عالم و فاضل تے شاعر ہن۔ آپ کوں عمدۃ العلماء دلقب ملیا ہو یا ہائی۔

آپ سرائیکی دے اعلیٰ پائے دے شاعر تے نثر نگار ہن۔ آپ دیاں سرائیکی مرثیے دیاں ہوں ساریاں کتاباں چھپیاں ہو یاں ہن۔ جہاں دے ناں اے ہن۔

- ۱۔ رموز ماتم (حصہ اول تا چہارم) ۲۔ خزینہ ماتم (حصہ اول تا پنجم)
- ۳۔ انتخاب المصائب ۴۔ برہان غم
- ۵۔ بزم ماتم (حصہ اول تا سوم) ۶۔ بلاغ المبین
- ۸۔ تعزیہ ماتم (حصہ اول تا دوم) ۹۔ تنویر الکونین
- ۱۰۔ گنجینہ ماتم، شامل ہن۔

آغا شرف حسین دے پتر آغا حسین شاہ کچھی دا ہوں وڈا مصائب خواں ذا کر گزریے۔ ذا کری بزم اچ آغا حسین شاہ واحد ذا کر ہا جیندا مصائب ہمیشہ مجلس وچ کامیاب ہا۔ او اپنے ہم عصر فردا حسین مشکور جھنڈیر تے احمد بخش بھٹی سیف کنوں مصائب وچ ودھ ذا کر ہا۔ آغا خاندان وچ اچ وی ذا کری دا سلسلہ جاری اے۔ جہاں وچ آغا علی حسین شاہ قتی۔ آغا علی نقی جیس خوبصورت ذا کر ہن۔

آغا شرف حسین دی شاعری وچ یکیاں صنفیں شاعری دیاں ملدیاں ہن۔ ایندے نال نال انہاں دی نثر وی ہوں دل چمکویں تے دل بھانوڑی ہے۔ سرائیکی دا اے عظیم مرثیہ نگار ۱۱۰ سال دی عمر گراز تے ۱۹۶۲ء وچ جوار پنجتن وچ پہنچ گیا۔

## تقریر موقعہ چہلم

لکھت: آغا سید شرف حسین نقوی

مُحَبان شاہ کر بلا لکھدے ہن۔ جڈاں سجاڈ بے نوا اُتے ساری آل عبا شام دی قید نہا  
روز چہلم ول آ واسطے سلطان کر بلا دے آئے۔ راوی آہدے کیاڈ ٹھے اہلبیت نے دل آکے جو  
شہزادہ جبرائیل ایں طرح خاک تے ستا ہویاے جو اعضاء جدا ہن دست و پا جدا ہن بے گور و کفن  
ہے زلفاں کھلیاں ہویاں ہن۔ سوا بے کسی دے کوئی بے کس دی لاش تے نہیں ہے۔ ایں طرح  
خاک تے سلیمان خاتون دا ستا ہوئے۔ نہ جبرائیل دا پر ہے۔ نہ دامن خاتون دا ہے۔ بغل دے  
وچ لاش علی اصغر دی ہے۔ معصوم دے گل وچوں خون لڑھیا ہوئے۔ انگوٹھا معصوم دا گردن اُتے  
ہے۔ گل معصوم دے وچ تیر ہے۔ چولا معصوم دا لہو نال بھریا ہوئے۔ ہک ہتھ حسین دا معصوم دے  
سینے اُتے ہے۔ راوی آہدے ایہ حال ڈیکھ کے روندیاں روندیاں اہلبیت کوں زمین آسمان تاریک  
نظر آون لگ پئے۔ جے ہئے پاسے اہلبیت نے دل کے ڈٹھاتاں قریب حسین دے علی اکبر  
زمین تے تڑپ رہا ہے۔ بدن ٹکڑے ٹکڑے ہے۔ برچھی جگر وچ کھڑی ہے۔ اٹھارہ ورہیاں دی  
کمائی مسافراں دی تتی مٹی تے بے گور و کفن پئی اے۔ راوی آہدے دڈا صدمہ اہلبیت تے ایہ  
حال ڈیکھ کے گزر گیا۔ لکھدن ایں خاطر مظلوم دے قریب فرزند مظلوم ہن۔ جو جیویں کہیں آکھے

فرزند پاس تھے پر بو تراب کے

دو چاند پہلو میں تھے ہر ایک آفتاب کے

یار و راوی آہدے جو ہئے پاسے اہلبیت نے دل کے جوڈٹھاتاں کیاڈ ٹھالاش علی قاسم دا  
پامال تھیا ہویا ہے۔ دھپ دے اُتے پئے مچل گزرا گرد لاش دے ایویں کھنڈے ہوئے ہن۔  
جیویں کوئی پھل قبر تے چڑھاویندے۔ راوی آہدے چراغ حسن دا بجھیا ہویاڈیکھ کے جناب



زیب خاتون کو غش آؤں لگے۔ کئی بی بی ویرن ویرن کرتے شہزادے دی لاش تے روندی ہے۔ راوی آہدے ایں طرح داماتم لاش شہداء وچ شروع ہويا۔ جو انبیاء صفاں ہدھ کے واسطے ماتم مظلوم دے بہشت کنوں وارد دشت کر بلا دے ہوئے۔ لکھدن اسیں جیس حالت ماتم دی پیا ہوئی۔ جو پکھی وی درختاں کنوں پھڑک پھڑک کے زمین تے پئے ڈھبندے ہن۔ راوی آہدے ایں ماتم دی حالت وچ دریادی کندھی کنوں آواز آیا۔

جے سکینہ خاتون حیددی ہو دے میڈی لاش تے آتوں جلدی  
میکوں شرم آندے معصوم کنوں میڈی دل وچ رہ گئی دلدی  
رُس نہ پو دے پائی کیتے میں حالت ڈساں دلدی  
تقدیر دے نال قسم خدا دی تدبیر نہ اصلوں چلدی

ہاں نہ لہم کوئی میڈا سے رہم ہاں مریندا  
بھر مشک میں پیاسا ولیم سیڈی تربہ کوں یاد کریندا  
بازو کپا یم علم و نچا یم ہوں رہم مشک بچیندا  
تقدیر نہ ڈتا وارا میکوں کیوں پائی میں بچیندا

راوی آہدے ایہ آواز سن کے لٹیا ہو یا قافلہ حسین دادریادی کندھی دوروانہ ہو یا۔ کیا  
ڈٹھوئے لاش عباس دادریادی کندھی تے تڑپ رہا ہے۔ بازو ڈوہیں جدا ہن۔ مشک سینے تے پئی  
ہوئی ہے۔ زخم زخم دے وچوں ایہو آواز آندا ہے۔

سینہ پہ اب تلک ہے نشانی سکینہ کی  
پردا دریغ تشنہ دہانی سکینہ کی

راوی آہدے ایہ حال لاشاں دا ڈیکھ کے بی بیاں وچ واویلا مچ گیا۔ جناب شہر بانو  
لاشعلی اصغر دا چاکھدا۔ سین نے معصوم دے گل توں رت پونجی۔ جھولی وچ لاشہ صغیر دا پا کے  
سکین نے ایہو کجھ فرمایا۔

تم سے بچنے کے میں رہی فریاد آہ میں  
اصغر ڈرے توں میں قتل گاہ میں

ہے اومیڈ اچوٹیاں والا بچرا۔ بچ ڈ سا جنگل وچ ڈ ریاتاں میں۔ سیڈی ماہ مسافر دی لا  
چاری ہائی۔ جو سیڈی لاش تے نہ آئی۔ بے وس قید ہو کے تیکوں چھوڑیا ہا بے قید نہ ہو واں ہا سیڈی  
لاش کو نجف اشرف وچ دفن کراں ہا۔ سیڈی قبر تے فقیر بن تے پٹھی رہاں ہا۔ راوی آہدے اتے  
وچ ایہو جہیاں شور ماتم دا بپا ہویا جو زمین کر بلا کوں بھنب آہیا۔ آخری تیاری دفن دی ہوئی۔ پہلے  
پہلے قبر جناب امام حسین علیہ السلام دی زین العابدین نے کھٹی۔ تاں ہک قبر کھٹی کھٹائی ہوئی ظاہر  
ہوئی۔ اول قبر دے وچوں ہک تختی نکلی۔ اوں تختی دے اتے لکھیا ہویا ہا۔ ایہا قبر حسین پتر علی دے  
دی ہے۔ تے اینکوں کھٹیا نوٹ ہا۔

لکھدن جیس وقت قبر صفا ہو چکی۔ واسطے دفن کرن دے۔

لاش کوں عابد چاؤں لگا پر لاش نہ ونجے چائی  
حیران آہا بیمار نماٹا جو ہوئی اعجاز نمائی  
اپنویں پیریں لاش قبر وچ حسین دی ٹر دی آئی  
آواز آیا توں ہرج نہ کر متاں زخم ڈ کھنیں ماہی

راوی آہدے لاش جو قبر وچ لٹھی ڈ وہتھ قبر وچوں ظاہر تھئے۔ آواز آیا بسم اللہ بچرا سیڈا  
نانا مشتاق پٹھے۔ آحسیناں آرام کر علی زین العابدین نے روکے آکھیا۔ نانا سکیں اے امانت  
خاتون دی خون دے نال پھری ہوئی آپدے حوالے ہے۔ آواز آیا اے نائب حسین داسیڈے  
اتوں روح محمد ﷺ دا صدقے صدقے۔ بس بچرا اے امانت میڈی میڈے ہتھاں اتے رکھ  
ڈے اتے وچ ہک نعرہ شہیدہ دازوردا آیا۔ حرم پاک ڈ رہئے۔ علی زین العابدین نے فرمایا ڈرونہ  
اے آواز شیر خدا ہے۔ اہج میڈا ڈاڈا اعلیٰ المرتضیٰ تے چاچا حسن مجتبیٰ تے نانا محمد مصطفیٰ ﷺ اتے  
کل انبیاء واسطے دفن حسین دے آئے ہن۔ تے میڈی ڈاڈی زہرا کوں پر چاؤٹی حسین دی پے



ڈیندن۔ راوی آہدے اتنے وچ ہک آواز آیا۔

اب حشر تک ہوئی تیری مہمان فاطمہ

اے قبر تیری خاک پہ قربان فاطمہ

راوی آہدے اتنے وچ ہک آواز آیا

اے زمین کربلا دی ہک منت بتوں تے لاویں

ہائی ڈاڈھا زخمی میڈا بچڑا آرام دے نال سماویں

تریں ڈے نہاں دا ہائی بکھاتہ بھنب نہ ول کھاویں

امان میڈیں دا خیال رکھیں متاں زخم چا ڈکھاویں

پس راوی آہدے علی زین العابدین نے لاش حسین دی دفن کیتی۔ جیس ویلھے وقت دفن

حسین دے کنوں فارغ ہویا۔ لاش علی اکبر دا چاکے بیمار نے حسین دے پہلو مبارک وچ رکھیاتے

روکے حضرت فرمایا آفرین ہے تیکوں میڈا جوان ویرن مرحبا مقتل دے وچ فاطمہ زہرا دے لعل

دے بدلے آپ اٹھاراں سالاں دا جوان ہو کے قربان ہو یوں۔ توں میڈا ویرن ایہو جیہاں خوش

نصیب ہیں۔ تیکوں شہادت والا مرتبہ ملیا۔ بھائی میڈا میں ایہو جیہاں درد رسیدہ ہاں۔ میں قیداں

وچ جا بجا پھر دار ہیا ہاں۔ توں ایہو جیہاں خوش نصیب ہیں ویرن تیں اپنی گردن تلے تلواردے

حسین دے اتوں قربان کیتی ہے۔ میں ایہو جیہاں درد رسیدہ ہاں ویرن میڈی گردن طوقاں اتے

زنجیراں دے گھس کنوں چھلی گئی اے۔ تہڈے نصیب دی ویرن میڈا کون ریس کرے۔ توں

وڈے نصیباں والا ہیں۔

واہ خوش نصیب میڈا میں ڈٹھا ہوں کمالے

وچ آرام دے ستیں ویرن پو دے پاسے نالے

میڈی قسمت رووٹ لکھیا روساں چا لھی سالے

نال بٹاں دے جیون چنگا ہن میڈی ڈکھی جالے

پس راوی آہدے لاش علی اکبر دادفن کر کے وت بیمار تے لاش علی اصغر دی چاکے  
 حسین دی پواندی آکے روکے فرمایا۔ صد آفرین ہے تیکوں میڈا چوٹیاں والا ویرن تیر حسین دی  
 طرف آیا۔ تیں اٹھی گردن اہکوں چاکیتی ایہو عشق پیو دا جو ماء کنوں جدا تھیوٹ چھیاں ماہ دے سن  
 وچ اپٹے پیو دے اتوں قربان تھیوٹ۔ علی اصغر ویرن مرحبا بیمار تیڈی وفاداری توں صدے  
 صدے۔ علی اصغر ویرن ایہہ جہیاں کم سن شہید زمانے وچ کون ہوسی۔ شہیداں وچ ویرن میڈا  
 سرخرو ہیں۔ میں پیو کنوں وڈا علی اصغر دور ہاں۔ توں قریب ہیں علی اصغر ویرن توں وڈا خوش  
 نصیب ہیں۔ میں طوق پا کے وچ قیداں دے پھر دار ہاں۔ توں وچ جھولی پیو آرام دے مال ستا  
 رہیا ہیں۔ تیڈے نصیب دی کون ریس کرے توں ویرن وڈے نصیب والا ہیں۔

تیڈا لقب شہید دے ویرن میکوں قیدی لوک سڈیندا  
 تیکوں سیر بہشت دی ویرن میں رہاں مہار جھکیندا  
 توں رکھ سراندی پیو دی ہیں آرام دی نندر کریندا  
 میں سراندی قبر دی ویرن اہج کھڑاں نیر وہیندا

القصر راوی آہدے: جیں وقت لاش علی اصغر دادفن ہو چکا تے بیمار بھرا دی قبر تے رو  
 چکا۔ وت لاش شہزادے علی قاسم دی چاکے بھرا دی قبر تے رو چکا۔ قبر شہزادے دی ڈیکھ کے بی  
 بیاں نے آکھیا۔ اے واقعہ یادگار ہے قبر اتے ایہو کجھ لکھو۔ ایہ یتیم قاسم دی مزار ہے۔ اے اوں  
 بنے دی قبر ہے جوندی جتج ماری گئی ہے۔ اے اوہیں گھوٹ دی مرقد ہے۔ لکھیندن جیں وقت  
 مزاراں ہن چلیاں۔ راوی آہدے۔

دریا دو ٹرے اہل حرم مزاراں جوڑ کراہیں  
 عباں دی لاش ڈٹھونے جاں بھر ڈکھیاں ڈکھیاں آہیں  
 تن کتھا جیں مشک کتھا میں تے ہاں پیاں کتھا جیں  
 آواز آندے ہر رک کنوں میں مولا صدق تھوہیں



راوی آہدے اُتے لاش عباس دے اہلبیت کوں غش اتے غش آندے ہن۔ جیہیں وقت  
 بیمار نے لاش چاچے دی دفن کیتی تے گورستان شہیداں دا تیار ہو چکا۔ مقتل وچ ہک واویلا پیا ہویا  
 ہا۔ علی زین العابدین نے جناب زینب خاتون کوں آکھیا۔ پھوپھی سینی وطن دی تیاری کرو۔  
 جناب زینب خاتون نے روکے فرمایا۔

زینب عزیز مردہ کے منہ دکھائے گی

سوئے وطن نہ جائے گی زینب نہ جائے گی

ہیں علی عابد پچڑا میں وطن وںجھڑ دے ڈادی ہاں۔ میڈا یتیم پچڑا میکوں اتھا ہیں مقتل  
 وچ چھوڑی ونج۔ راوی آہدے زین العابدین نے شہر بانوڈ ہوں منہ کیتا تے آکھیا اماں آپ دی  
 تیاری وطن دی کرو۔ جناب شہر باتوں نے روکے فرمایا۔ میڈا مسافر پچڑا اے ہرگز نہ ہوسی۔ پہلے  
 پھوپھی کوں پچڑا سوار کرے پچھیں اساں سوار تھیوسں۔ ڈیکھاں پچڑا وںٹ تیڈی پھوپھی دے سٹ  
 کے ساڈے جگر پارے پارے تھیندے ہن۔

واری پھوپھی کو باپ کے مرقد سے تم اٹھاؤ

سمجھاؤ سر قدم پہ رکھو اونٹ پر بٹھاؤ

سر پٹیتی ہے ہاتھ کو پکڑو قسم دلاؤ

زینب کو چھوڑ جاؤ تو مجھ کو بھی چھوڑ جاؤ

ہم دونوں یاں کریں گے بپا شورشین کو

اکبر کو بانو روئے گی زینب حسین کو

علی زین العابدین نے روکے آکھیا۔ بس پھوپھی سینی ڈاڈی زہرا دے صبر کوں یاد  
 کرو۔ تے اپنے وطن دوچلو۔ پس راوی آہدے۔ سینی سوار ہو گئی۔

روندے منہ پٹیندے ٹرے مسافر کربل والے

ہک ہک قبر کو سوپا یارو خدا دے حوالے

موت ماریاں دے آہدے راوی آہن کپڑے کالے

بعد ڈ۔ نہاں دے آن کے پہونے مسافر فک وچالے

راوی آہدے بعد مراحل قطع منازل دے بھن صغریٰ دے قریب مدینے منورہ دے  
 آہونے ہمیشہ بیمار صغریٰ اتے قبر خاتون دی ونج کے دعا منگے ہا۔ ڈاڈی نہ صحت درکار ہے نہ جیون  
 درکار ہے۔ میکوں اکبر بھرا حیندا ملے۔ روضے رسول اللہ ﷺ دے کنوں آواز آوے ہا۔ فاطمہ  
 صغریٰ کیکوں فریادیں کھڑی ڈیندی ہائی۔ جیڑھے ڈ۔ نہہ داتہ ابا بابا حسین عراق دوہگئے۔ اوہیں  
 ڈ۔ نہہ دی سیڈی ڈاڈی زہرا وی نال حسین دے گئی ہوئی ہے۔ ہن چہلم حسین داکر کے آسی۔  
 اے آواز سن کے بیمار روندی ہوئی چپ کر کے دل آوے ہا۔ محرم اتے صفر دامہینہ بیمار کوں انتظار  
 وچ گزر رہیا۔ نہ کوئی خط آیا نہ کوئی قاصد آیا۔ تشویش اچ رات اتے ڈ۔ نہہ بیمار صغریٰ دے روندے  
 گزر رہے ہن۔ راوی صادق روایت کریندے۔ ہک جہاڑے روح بیمار دا بھٹاں کیٹے۔ ایہا  
 جیہاں بے قرار تھیا۔ جو گھر وچ قرار نہ آوے۔ بیمار کوں روندیں قرار نہ آوے۔ بیمار کوں روندیں  
 روندیں غش آونجے۔ دل بیمار نے آکھیا۔

چل ہن فاطمہ صغریٰ جنت بقیع ڈوہیں ڈکھی چل کے  
 اتے تائیں آہک غنکر آکھیا ہس صغریٰ روہن تھل کے  
 بھن سیڈے عراق کنوں لہج آئے ہن حیندے دل کے  
 حسین کوں کھن ساری خاقت پئی دیندی ہے صغریٰ دل کے

بس صغریٰ رونہ سیڈے بھن دل آئے ہن۔ جلدی تھی فاطمہ صغریٰ علی اصغر دا پونکھا ڈ  
 چا۔ مسند وچھا چا۔ میلی پوشاک لہا چا۔ لہ صندن اتے وچ بی بی ام البنین ماہ حضرت عباس دی  
 کھلدی ہوئی آئی۔ سین نے آکھیا۔ کیوں فاطمہ صغریٰ مبارک ہووے ہن تاں حسین آہگئے۔ ہر  
 وقت روندی ہاویں راوی آہدے اے کالھ سن کے سین فاطمہ صغریٰ نے آکھیا۔ جی ڈاڈی سین  
 اے کیا باعث ہے آہ میڈے بابا حسین دی ہے مگر دل میڈا پارے پارے تھید اویندے۔



بے وجہ یہ حالت نہیں میرے جی کی  
 اللہ کرے خیر حسین ابن علی کی  
 بی بی ام البنین نے آکھیا واہ فاطمہ صغریٰ ڈیکھاں تیکوں کیا تھی گئے۔  
 خواہ مخواہ دا روندیں اجاں عادت نہیں و ساری  
 اعتبار نہیں آندا جیکر تیکوں اٹھی کر تیاری  
 شہر دے باہروں نال اکھیں دے جل پیودی ڈیکھ سواری  
 حسین کوں کھنٹن فاطمہ صغریٰ پئی دیندی ہے خلقت ساری  
 جل فاطمہ صغریٰ پیکوں راہ وچ جل مل۔ علی اکبر کنوں رس نہ پوویں۔ گھوڑے ادتوں  
 بھراکوں ملیں۔ راوی آہدے بی بی ام البنین تے بی بی ام سلمہ بیمار صغریٰ کوں ہمراہ گھن کے روانہ  
 ہویاں۔ جیس ویلھے بیمار تے دروازے پہنٹی۔ انبوہ خلقت دا بیمار کوں نظر آیا۔  
 دیکھا کے بہم کوچوں میں سب چھوٹے بڑے ہیں  
 سب آمد شبیر کے مشتاق کھڑے ہیں  
 اتنے وچ بیمار نے ڈٹھا جو دور کنوں کالیاں عماریاں ظاہر آتھیاں۔ ہک شخص انہاں  
 عماریاں دے اہکوں گھوڑے تے چڑھیا ہوئے گریبان اوندا چاک ہے۔ سر وچ ٹیاں گھستیاں  
 ہویاں ہس تے ایہا صدا کریندا آندے۔

اہل وطن چین سے کیا بیٹھے ہو گھر میں

گھر لٹ گیا احمد علیؑ کے نواسے کا سفر میں

حسین علیؑ دا کٹھا گئے دے پیاسا بن وچ بھائی

ہک بیمار علی عابدہ بچیا سواو وی قید بھائی

دو گھن آڈ شہر دے وچ نہیں آندی زہرا جانی

قسماں ڈیودنٹاں کر دے شہر دی موت رلائی

راوی آہدے اے گال جو بیمار صغریٰ نے سنی جو میڈا بابا مار یا گئے۔ او میڈا مسافر بابا کر کے بیمار رندی روندی غش کر گئی۔ اتنے تائیں اٹھ بی بیاں والے قریب آ گئے۔

جنیں ویلے بیمار صغریٰ دے کولوں اٹھ بی بیاں والے آئے راوی آہدے جناب شہر بانو دا اٹھ چلن توں کھڑ کیا۔ سین شہر بانو آکھیا علی عابدہ پچڑا توں امام ہیں۔ کیا وجہ ہے پچڑا اٹھ ایں جاء ٹرن توں کھڑ گئے۔ ڈا ہڈی بھیرے لوکاں دی میکوں کجھ پتہ نہیں لکدا۔

کیا وجہ ہے سواری میری اس جا جو کھڑی ہے  
 بولا کوئی صغریٰ یہاں بے ہوش پڑی ہے  
 بانو نے کہا لوگو میرا اونٹ بٹھا دو  
 پچھڑی ہوئی صغریٰ کو گلے میرے لگا دو  
 دل ڈھونڈ رہا ہے میری صغریٰ کو ملا دو  
 عابدہ نہیں پردہ میرے محل کا اٹھا دو

راوی آہدے اے گالھ جو سین کیتی طاقت ضبط دی سین کوں نہ رہ گئی۔ سین روندی اٹھ دے اتوں جھنڈ پئی۔ ڈٹھا سین جو فاطمہ صغریٰ بے ہوش ہے۔ سر بیمار دا چا کے جناب شہر بانو نے جھولی وچ پایا۔ سین ڈٹھا جوب بیمار دے ہل رہ ہیں۔ سین نے سنڑیا تاں ایہو کجھ بیمار آہدی پئی ہائی۔ اکبر ہن تاں دل آنتاں بیمار بھین مرویسی ویرن دے۔

بس شرف خاموش شرف ہن ویلھا ہے دعا دا  
 تاثیر کلام سیڈی وچ بخشی فرزند علی زہرا دا  
 جنت طوبی ڈیسی ہر کوں او عاشق ہے خدا دا  
 ہے نخی او پتر نخی دا تے والی کربلا دا



## انیس پنجاب، عارفِ امامت، السید غلام حسن شاہ تائب

سید غلام حسن شاہ تائب وسیال ضلع بھکر دے رہن والے ہن۔ انہاں دے والد دا  
تاں سید مرید حسین شاہ ہائی۔ او ۱۸۶۵ء وچ جے ہن۔ شاعری تے ذا کری وچ سید علی شاہ چھینوی  
دے شاگرد ہن۔ انہاں دیاں ہوں ساریاں کتاباں چھپیاں آہن۔ انہاں وچ

- ۱۔ کاشف العجائب، ڈیرہ اسماعیل خان، سن اشاعت، ۱۳۳۱ھ، ص: ۱۰۶
- ۲۔ مظہر العجائب، محمد خیر الدین صابر، ملتان، سن اشاعت، ۱۳۲۵ھ
- ۳۔ معدن العجائب، غلام علی، کاظم علی، ملتان، سن اشاعت، ۱۳۲۷ھ
- ۴۔ مخزن العجائب، رفاہ عام پریس، لاہور، سن اشاعت، ۱۹۰۸ء، ص: ۷۰
- ۵۔ ثنائے مظہر العجائب، جھوک پبلشرز، ملتان، تاریخ اشاعت، ۲۰۰۹ء، ص: ۳۲۰

سید غلام حسن شاہ تائب سرائیکی مرثیے تے نثر دے ہوں اچیرے شاعر تے نثر نگار  
ہن۔ انہاں یکیاں صفاں وچ طبع آزمائی کیتی۔ پر بحر لکھن دے شینہ ہن۔ انہاں دی بحر وچ  
حرب و ضرب دے اعلیٰ نمونے ملدن۔ ایویں لہدے جینویں میدان جنگ اساڈے سامنے  
ہو دے تے اساں جنگ اٹھی اکھیں نال ڈہدے پٹھے ہووے۔ انہاں اپٹیاں بحراں وچ ہیت دے  
حوالے نال نویں تجربے وی کیتن۔ انہاں دیاں بحراں وچ چار قافیے وی کہے مصرعے وچ  
ملدن۔

مناقب دا بک بند ڈیکھو۔

اے اوغازی شاہ حجازی در کرم سازی نوازی بے کساں یکتا

ادب در ہر کسب و حسب اندر عرب افسر علی حیدر علی حیدر

بک ہے بحر وچ قافیاں دی وخت ڈیکھو۔

علی او شیرے، جو کر کے بیرے، کفر دے زیرے، سقر دو کیرے  
 ہوں مٹیرے، قدوں اچیرے، علی دے گھیرے، قضا اٹیرے  
 بس عرض میرے، بشر بھلیرے، جے بخت پھیرے، نصیب تیرے  
 نہ ونج پریرے، تے آ اوریرے، نہ ہٹ پکھیرے، تے آ اگیرے  
 توں چل سوریرے، علی دے دیرے، جلتن دی دیرے، بقا ہمیشہ  
 انہاں فصائل اہلیت دے نال نال مصائب غریب غینواوی لکھین انہاں دامصائبی  
 کلام درد کنوں ڈٹیا ہویا اے۔ انہاں دا ہک مصائبی ڈوہرا ایس طر انویں اے۔  
 ہمشیر شہیر دی در توں ڈٹھا ویر بیکس کوں لہندا  
 ناز بتوں دے پلے کوں ڈٹھا لہن دے صد میں سہندا  
 دل آہدے لائق تاں ایویں ہا جو نہ جگ دنیا دا رہندا  
 پیا ڈہدیں حافظ قاریاں دے قرآن رحل توں ڈہندا  
 انہاں دی نثر وی اپنے اندر ہوں تاثیر رکھیندی اے۔ انہاں دی نثر انہاں دی  
 شاعری کنوں ہوں گھٹ اے۔ پر جتنا ہے ہوں سکھی تے سادی اے۔  
 اے سرائیکی مرھے دا انیس ایں دنیا تے اتر سال دی حیاتی گزار تے ۱۹۳۳ء کوں ایں  
 فانی دنیا توں کوچ کر گیا۔



## شہادت جناب عباس علمدارؑ

مصنف: سید غلام حسن شاہ تائب

بحر

پڑھ بسم اللہ رکھ قدم قلم میدان صفحے قرطاس اُتے  
 لکھ صلی علیٰ نبت نام سید اُتے لعنت ہر خناس اُتے  
 وت غازیوں کر بل والیاں کوں لکھ پاس ایمان دی پاس اُتے  
 لکھ صاحب وفا ہر غازی کوں پر ختم وفا عباس اُتے  
 جیہڑا پیر شبیر دے ہالاں توں ریہا صدقوں صدق پیاس اُتے  
 کیتا آن سلام امام دا جاں چا مشک اللہ دی آس اُتے  
 اُتے دید غریب شبیر دی پئی رخ پاک فخر الیاس اُتے  
 ڈٹھی سرخی شوق شہادت دی گئی پھر سورۃ والناس اُتے  
 ہس مار گئے گاج فراق دی لیبہ پئے بدل اکھیں دی واس اُتے  
 رو نیر آکھے شبیر کھڑا ہا دیر تپڑے دھرواس اُتے

☆

دھرواس آہا منہ ڈیکھن دا میکوں پتوں تھوکاں دا بھائی  
 بیا مونجھ نہ کوئی تنہائی دی جو سر آئی سو آئی  
 کہ بھین زنب کوں ڈیکھ کے آندی یاد شکل زہرائی  
 بیا تیکوں ڈہاں ڈس پوندا ہم بابا شیر خدائی

بیا نانا صاحب ڈس پوندا جے ڈہداں منہ اکبر دا  
 ہا قاسم شکل حسن دی بھل ڈٹھا خاک لبو ء چ تر دا  
 ہن تیکوں مرٹ دو نور بہاں کتھ ڈیکھاں منہ حیدر دا  
 بیا بعد اپنے ڈس کیکوں سونپاں پردہ صاحب ستر دا

### بحر

تیکوں ویرن شوق شہادت دا بھل حال توں سن گھن سارے  
 ہے میڈی دیر شہادت دی ویسی ظلم دا گھل اندھارے  
 کیوں جو شام تے روم دیاں فوجاں چڑسن ظلم دے مارنقارے  
 اتے ہوکے ڈہین شور محسن موذی بد کردارے  
 ہتھ مثل نشان شہیداں دے سر ہون ساگ سوارے  
 چالین بھائیں موت دے لئے روتن آہیں مارے  
 لٹو گھر سردار نبیاں دا کرو قیدی آل اطہارے  
 ہس لمبیاں چا کے درتے آ کے سنگدل نابکارے  
 میڈا بچڑا بستر مرض تے ہوی غش دے وچ لاچارے  
 دل خود بیمار دا بستر وی لٹ کھنسی قوم اشرارے  
 بیا ویر دے ڈہدیں لیہہ وین ہمیشہ دے دُر شہوارے  
 کر چادر امت توں صدق ڈیسی تطہیر دی پردے دارے  
 مھنسی ویر ستم ودھ حد کولوں کیا حال کراں اطہارے  
 ہک ظلم دا حال بھینہداں تیکوں ویرن نال اشرارے



حیدرے نوکرتیں عباس جہیں تھیں اُٹھتے آپ سوارے  
 کیا عرض عباس اے پیر میڈا بس معاف کرو گفتارے  
 نتاں جگر غلام دا پھٹ ویسی سٹ اے سید ابرارے  
 تیکوں حوصلہ علم امامت دا ہاں میں نوکر تلواری  
 ہن نال کرم چا رخصت بخشو دہج نوکر سردارے  
 وچ کرب و بلا دے جنگل دے دہج شیر تہڈا لکارے  
 میں منہ ڈیکھاں اوں موذی داڈیکھاں کون نمک مردارے  
 حیدرے پہرے مہر بتول اُتے لگے نہر فرات کنارے



کرمول نہ چلتہ شاہ میڈا سٹو غم دیاں کل گفتاراں  
 اہکوں آپ دے اپنی وصف کراں ہے شرم مگر لاچاراں  
 تہڈا زور تاں زور خدا دا ہے کیا قدر میڈی دم ماراں  
 کیوں جو لڑنا کار سپاہی دے اتے حوصلہ کم سرداراں



ہس آپ اتنا فرماؤ چا اہج بخ نفاق کوں پشے  
 یا چا فرماؤ شام تاں اہج شام دا تخت الٹے  
 رونیر آکھے فہم بے کس اساں دیر مبر وچ کھٹے  
 ساہے مبر حشر کوں ددھٹے بھائی تول ظلم دا کھٹے



کیا عرض عہاق تان دت فرماؤ بحر شہادت ترے  
 اے سب ارمان اندر وچ پا کے کس جھکا کے مرنے

فرمایا شاہ بھل بہک لکھتیں تیغ اُتے ہتھ دھرنے

کچھ اثر شجاعت حیدر دا ایں قوم تے ظاہر کرنے

ویر عباس، فخر الیاس، انجمن الناس، ساڈے بابے حیدر کرار، غیر فرار قاتل کفار داناں ہر  
دیاردے وچ۔ اشمس فی نصف النہار آشکار ہے اے شجاعاں عرب دا تاج شجاعت حیدر دی لاج  
کوں پورا کر۔ غازی عرض کریندے مولاوت ماشاء اللہ دعا فرماؤ جو وقت دیر دا نہیں جیویں جو شاعر  
آبدائے۔



کیا عرض عباس ہن رخصت مولا ویندے وقت وہاندا  
فرمایا شاہ ذرا حال تاں سن میڈا محرم راز ڈکھاں دا  
تیڈا ڈیکھ سامان تیاری دا ویندا درد کمر دا کھاندا  
بیا جان گھدا تیں ٹر ونجٹا اتے میں رہٹا کر لاند



کیا عرض عباس ہن معاف کرو پیا طبل و عاوا و جدا  
شالا سال برابر تھی پووے ایہو ویر ڈیہاڑا اج دا  
فرمایا شاہ تیڈے منہ ڈیکھن توں دل میڈا نہیں رجدا  
تیڈا منہ ہے منہ حیدر دا ڈیکھن عین ثواب ہے حج دا



غازی دا چڑھنا، تے مولا دا کمر کوں نپ کے کھڑنا، تے دریائے وحدت دیاں مچھلیاں  
دا وچ بحرِ خیماں دے ترپنا، اتے بہک آواز آوٹا، وچوں میدان دے

میدان دے وچ آواز آیا میں آیاں روم توں وچ کے  
میڈا نام ہے مارِ خوف میڈے توں شیر ڈہن منہ کج کے



کتیا نعرہ حیدر صفدر دا انوں شیر خدا دے گج کے  
توڑے وچ کے آیا مارد بھل سٹ گاج، گئی دھج بھج کے



اتھ بن دے وچ عباس دی آ گئی مارد نال لڑائی  
اتھ در خیمے شیر بے کس کھڑا بے وس کمر نوائی  
سرنال قتات دے لارو دے کھڑی بے وس زہرا جانی  
کر چا چا خیمے گاہ وچ رووے سین سیکنہ مائی



سادات عظام تمام رنے اتھ نام عباس دا چا کے  
اتھ زلزل شام دی لام اندر ڈتی شمس زمین تپا کے  
لگا مارد جوش خروش ڈکھاوٹ غیض غضب وچ آ کے  
دیوان قضا حیران کھڑا اتھ قلم انصاف دی پا کے



پا ملک فلک توں جہات ڈیکھن او مارد او عباسے  
حق باطل آن مقابل ہوئے چپ چاپ ہوئے ہر پاسے  
کھڑے مثل نقیب قریب عباس دے حضرت تے الیاسے  
ڈیکھ کے ہیبت غازی دی کھڑا کبدا ہر خناسے



ہا اوں ویلے روح شاعر دا عباس دی نال رکابے  
جہیں نقشہ یاد ایں حال دارہ کیا وانگ سچا نویں خوابے  
ایں واسطے جو ہر شعر دا بخشا ذات رب الہا ربابے  
ایں شیر دے شیر دی وصف لکھاں کر نظم بھد آدابے




صلوت پرھوت وصف سٹو ایں غازی صاحب ظفر دی  
 جڈاں مارد رجز سٹا چکيا وت وار آئی صفدر دی  
 کیتا حمد جلی اتے نعت نبی ﷺ پڑھی پھیر مدح حیدر دی  
 سٹو بحر طبع آئی موج اندر ہن مانند موج بحر دی



بحر

اے بلبل ثنا، گل چمن مرتضیٰ دی، ذرا کر کے نغمہ سرائی سٹا  
 اوں غازی جری دی، تے مارد شقی دی، جیویں ہوئی باہم لڑائی سٹا  
 سٹا پر ڈکھائے لڑائی دا نقشہ ذکر جنگ با ایں صفائی سٹا  
 ڈے مارد کوں تمثیل مرحب شقی دی تے عباس دل مرتضائی سٹا  
 ابو جہل مارد تاں غازی دے موڈھے علم خود شہ انبیائی سٹا  
 ہوئے حق تے باطل جڈاں آ مقابل تاں مارد دی پہلی لڑائی سٹا  
 او موذی پکارا ڈس اے پانی ہارا بچارا تیں کیوں مشک چائی سٹا  
 ایں سارے کنارے تے قبضہ ہا ساڈا قضا گھن تیکوں کلتے آئی سٹا  
 اے بکواس سن کر آیا جوش اندر او عباس صفدر او غازی جری  
 تڑپ کر پکارا اے مردود ہارا میڈا ہن ہے وارا توں چپ کر شقی





بحر

میں شاہاں دا پاٹی بھرٹ کاٹ آیا  
تے دریا دے مالک دا آیم پٹھایا  
او مردود موذی اے تیں کیا الایا  
جو قبضہ بحر تے تیں اپٹا سٹایا  
پرے ہو کمینہ کمیناں دا جایا  
بحر مہر زہرا دے خالق بدھایا  
کفر تے تکبر سیڈا دل ودھایا  
تیں جاتا جو ہے ماشکی کئی سپاہی  
خبردار ہاں میں علمدار شاہی

بحر

کیا جاٹیں کمینہ توں قوت جاراں  
جا تو سب زمانہ جھکیندیں ٹپاراں  
بھنوا دید بن دو نظر کر انباراں  
لے ڈھیر ہر جاہ لاشے مکاراں  
کیتی کیا کمائی میڈے شاہ دے یاراں  
جو ہک ہک جری مارے موذی ہزاراں  
جہنم پچایاں صفاں کر قطاراں

خبر دار موذی نہ کھا اے اُلا راں  
 توں مرحب میں دلدار حیدر کرا راں  
 ڈکھینداں ہٹیں جنگ خیر دیاں کاراں  
 کندھی چھوڑ دھنٹے تہڈے پھرے داراں  
 میں شاہی سپاہی او فرقہ خداراں  
 قسے جے نعرہ میں کر جوش ماراں  
 بجا ہوش را ہٹے نہیں کئی ڈیوراں  
 مگر امر شاہی نہیں ہس لپاراں

ہے اتنی اجازت تے اتنا کریاں  
 کنارے کوں ہک دار کر صاف ڈیاں



سن کے کلام عباس نیک نام دی او بد انجام یعنی مارد نافر جام وچ جوش خروش دے آ  
 کے ٹپ کھا کے گھوڑے توں لہہ پیا تے آکھن لگا اے ماشکی زبان کوں بند کر میڈے سامنے اتنی  
 گفتگو کر ٹاں تہڈا میڈے خلاف شان ہے کیونکہ میکوں اٹھی ہمت تے قوت تے او بارور ہے جو  
 اپنے آپ میڈے دل وچ افسوس ہے جو علی دے نال میڈا مقابلہ نہ تھیا نہیں تاں مرحب تے  
 حارث تے عمر عبدودھ تے قریش دے مقتولان عرب داعوضہ علی کولوں گھناں ہا تے توں جو  
 آہدیں جو میں ساگی علی ہاں تاں آڈیکھاں گھوڑے تے لہہ آتے قوت حیدر دی میڈے آتے  
 ظاہر کراتے پہلا وار دی توں کر گھن متاں ارمانی رہیں۔ تے وت آکھن لگا۔



بحر.

سُنے حق دے کلمے اوں اہل جنا  
 آیا جوش اندر شقی بے حیا  
 تے ٹپ مار گھوڑے توں جلدی لتھا  
 آکھے ہس اے عباس ہس کرا لا  
 تے گھوڑے توں لہہ کر میڈے کول آ  
 جے قوت ہیوی تاں قوت آزما  
 لتھا شیر حق کر کے یا مرتضیٰ  
 ہن ہوشیار ہو جاؤ اہل عزا  
 مدد کیستی اللہ تے آل عبا  
 تاں نقشہ لڑائی دا ڈینداں ڈکھا  
 او غازی جاں مارد دے کول آ کھڑا  
 تاں مارد شقی بد عد و خدا  
 الا تاں فخر نال گردن ہلا  
 جو آ ماشکی جے آندو موت چا  
 مگر دل دے ارمان توں دی مٹا  
 توں کروار پہلا تے گھین زور لا  
 علمدار غازی ڈتا مسکرا

تاں فرمایا او دشمن کبریا  
 نہیں وار پہلا اساڈی ادا  
 کیا سڑ کے غصے توں ماردا بلا  
 مثل ما رکھا بیچ پوے ولا  
 جو آ ہاشمی جے لودیندی فنا  
 کمر بند اپٹا توں میکوں نپا  
 پکڑ کر بھکا واں تیکوں وچ ہوا  
 جو میت وی تپڑی نہ ڈیکھے بھرا  
 کمر بند دل بند مشکل کشا  
 جاں ماردا پکڑ کے کڈھی بد صدا  
 تے آکھیں اے عباس تلیاں جما  
 تپڑے پیر کر کے زمیں توں جدا  
 ہٹیں نال قوت دے گھنداں اٹھا  
 اٹھا کر تیکوں سردے گردوں بھنوا  
 سا دی طرف تیکوں ڈیاں اڈا  
 جو دلی زمیں تے نہ میت تپڑا  
 مجھو اے موقع ہے قابل بکا  
 جو جس دم کمر بند عباس دا  
 پکڑ کر شقی زور لاون لکا  
 تے سور خیموں خاتون دے ولہا  
 ڈٹھا دید لا کے شہ کربلا



کمر بھائی دی ہتھ شقی دا ڈٹھا  
 کیا پہ زمیں تے کمر کوں نوا  
 ڈٹھا ہندا شاہ کوں جو اہل عبا  
 ہوئی خیمے اندر قیامت بپا  
 سکینہ پکاری کہ اے کیا تھیا  
 گئے مارے شاید اساڈے چچا  
 او معصوم اکھیاں توں نیرے وہا  
 کھڑی کول چاچی دے آ سر جھکا  
 آکھے واسطے رب دے چاچی ڈسا  
 کیوں روندے ہو سارے اے کیا تھی ہیا  
 میں اُجڑی تہاڑی ہاں قابل سزا  
 ڈٹم مشک چاچے کوں کیتم خطا  
 ویندی مر پیاسی ہوں ہا چنگا  
 نہ چاچے کوں آہدی جو پاٹی پلا  
 آکھیں رو کے چاچی بصد التجا  
 اے سردار زادی ذرا غم نہ کھا  
 کہیں مونجھ بی بی تے ہے عیب کیا  
 جو سائیاں تو نوکر ہیا تھی فدا  
 ہے اے حال خیمے دے اُس آن دا  
 محبوبو سٹو حال میدان دا

## بحر

کمر بند عباس غازی دا نپ کے لگا زور لاوڻ او مارو شتی  
 لایا زور مردود مکار اے جیہاں جو چنگھاڑ سن فوج ساری ڈری  
 سبب زور لاوڻ دا سمجھو اشارہ زمیں پیر موذی تے نکلن لگی  
 رہا کھپ تے تپ تپ لائے زور موذی پسینہ جو آیا تاں دھرتی پُسی  
 لاوے زور جتنا، زمیں کھاوے اتنا، مگر شیر دی کون بلاوے تلی  
 تھکا زور لا کے، تاں گردن جھکا کے، کھڑا ہٹ کے، سرسٹ کے دشمن ربی  
 تے رو کے الایا، کیا سراپا، ایں غازی دی قوت کون نہ ہم سہی  
 سہی ہوندا لڑا میں ہتھیار نالے بے ہتھیار ہو کے نہ لڑا کڈی  
 اے ارمان کرنا، ٹھڈھے ساہ بھرنا، ڈٹھا جان علمدار غازی جری  
 تاں فرمایا ہس کر، نہ ارمان خس کر، تے کرو اروس کر اے موذی غبی  
 سنبھل ڈو جھی واری، پکڑ ساگ ناری، اولاری محبوب تاں دھرتی ہلی  
 جو بھائی دے سینے، ڈٹھا شاہ مدینے، جان مارو کینے، دی ساگ آتلی  
 بے کس شاہ دی آہ بس بے وس دردوں نکلی سیاہ جگ ڈے سرت ساری بھلی  
 تلی ساگھ سنگدل دی اوں جاہ تے گویا اتھاں چوٹ سید دے سینے لگی  
 میں قربان زہرا دے نازاں دا پلایا وڈے ڈکھ ڈٹھونی اے صابر خنی  
 قیامت تیں اہل ایمان رومن تیڈے غم دی کر یاد ہک ہک گھڑی  
 علمدار جس دم ڈٹھی ساگھ آندی تاں للکار کیتا اوں شیر جلی  
 جاں للکار غازی دا مردار سٹیا چکا وار آندھار دنیا ڈٹھی



نہ نیزہ ریہا وانگ نیزے دے چایا کمر بندپ کے اوں حق دے ولی  
 جاں چایا تے ول سر دے گردوں بھنویا آیا جوش اندر کیتس یا علی  
 بھنوا کر سٹس سر دے بھرٹے ولا کر آکھیس جا جہنم مجسم بدی  
 آیا سر شقی دا زمیں تے تاں گویا نکر نال دوزخ دی باری کھلی  
 جہنم داسگپ اک جہنم سدھانہ  
 آہاہل جتھوں دا اتھاں ونج سامہ

### ڈوہڑا

مارد وارد دوزخ ہویا شیر فراغت پائی  
 بردوش علم ہتھ تیغ الم لگا بولن شیر ترائی  
 کل لشکرا کفر بدتر دی گئی دوزخ بن بینائی  
 تلوار دا نام دسار آکھن بدکار جو بجلی آئی



دوستو تلوار علمدار، دل بند حیدر کرار، فخر جعفر طیار، دے دا ذکر تاں سٹاسگدا اہاں مگر نہ آپ  
 ڈیکھ سنگدے اوالبتہ جے کراں موقع تے بجلی لسک مارے ہاتاں میں آکھ سنگد اہم کہ اے علمدار  
 دی تیغ دی ہک چترنگ سمجھ گھنوں مگر الامان غازی دی تلوار دی چترنگ کجا بجلی غریب کیا چیز اے پتہ  
 تاں انہاں بے ایماناں کوں ہے جہاں دے سرتے قہر نازل تھیا ہوئے یعنی شامیاں کوں پتہ ہے  
 مگر شامیاں دا کیا مقدور جو غازی دی تیغ شرر باردا پتہ گھن سنگھن ایں تلوار دا خود پتے کوں پتہ ملن  
 مشکل ہے البتہ شامیاں دا اتنا حال لکھیا ہے جیویں جو شاعر آہدائے۔

ڈیوے تیغ جھلک گئے سہم ملک تے فلک تہمای  
 راہوار علم بردار دے نالے ہوئی تلوار کلامی

آکھے تیکوں میکوں غازی کوں ڈتی شامیاں بے آرمی  
ہن وانگوں تھان میان دے کرٹے خالی بحر تمامی  
ڈسے بحر کنارہ دوزخ سارا چھوڑ کے دوڑے بن وچ  
اگوں بن بن کر خود دوزخ ملیا لگ بگئی اگ بدن وچ



دوستوں تلواری غازی دی راہوار وفادار کوں آہدی ہے اے راہوار وفادار جے لہجہ اسال  
کنوں وفادار جو ہر ظاہر نہ ہو یا دل کڈاں ہوسی ہک داری پہنچا سکی وچ صف شریاں دے مفا  
دیاں صفاں جہنم پچھیاں راہوار غازی دا جواب دے وچ بولیا ہے جیویں شاعر آہدا ہے۔  
راہوار آکھے تلواری کوں دل میں چلدا ہاں توں چلدی آ  
اے اے صف ہئی صف صف صف اے صف نار دو گھلدی آ  
آکھے تیغ صفاں ست پہنچ گیاں آئی نار ستر توں ولدی آ  
جے آکھیں بحر کو جال ڈیواں مخلوق ڈیکھے بھا ہلدی آ  
راہوار آکھے ذرا ہوش کریں ہس جوش خروش کوں ٹھلدی آ  
میڈی سین کھڑی کراندی ہے آ چاچا خیمے جلدی آ

### ڈوہڑا

اے تیغ جری دی منگ دعا شالا بحر دا مالک جیوے  
ایں بحر فرات دے پانی کوں میڈا امر شد رہن رہن جیوے  
شالا بھر کے مشکاں مشکاں والا پیر توں سرخو تھیوے  
سر مہرہ دفتر اہل وفا دا شیر عباں سڈیوے  
اے تلواری دلدار حیدر کرادی ہک لحظہ حوصلہ کر غازی کوں مشک بھرن ڈے دل اجاں



تاں شام دی لام مثل شام دی سیاہی دے جنگل وچ نہیں پئی ساندی اے غازی دا رعب ہے تے  
 تیڈا سیک ہے جو نیڑے نہیں پئی آندی آپے ولدی واری خون کفار دے نال رنج رنج کے ترہہ  
 لہا کیں تے، جو ہر شجاعت دے ڈکھائیں، بس دوستو غازی دا پہنچا اُتے کنارے دریا دے تے  
 ادھا وقت ہا جو ما عباس دی وچ مدینے دے وچ جنت البقیع دے آکے مزار پاک خاتون قیامت  
 صلوٰۃ اللہ علیہا دی کوں گل لا کے دعا منگی ہے۔ جو اے ماء یا ہراں اماں دی اہج نماز دے ویلے دا  
 روح ایں کینر دا سخت بے آرام ہے۔ حال اپنے پچڑے حسین داناں اکھیں دے ڈکھاڈے جو دل  
 ایں ہننی دا تسلی کرے۔ بس اکھ جناب دی لگ گئی ہے، جے ڈہدی ہے، تاں ہک جنگل ہے،  
 پُر بلا قریب کنارے دریا دے فوجاں دے گھاٹ ہن پئے پاسوں خیمے ہن انہاں دے وچ  
 مستورات دے کراٹا ہن۔ جے درخیمے دے ڈہدی ہے تاں مرشد حسین ہے کمر کوں نیپا ہویا  
 ہس دریا دے کنارے دید ہے اتے فرمیںدا کھڑا ہے۔ صدقے ویر عباس آفرین ویر عباس تحسین  
 ویر عباس۔ ویر پانی بچے نہ بچے بھل تیڈیاں تکلیفاں دا صدقے، تیڈی وفادے صدقے، جے ما  
 عباس دی ول ڈٹھا ہے تاں پچھوں کنڈ مولا دے ہک معصوم چھوٹی جہیں برقعے نال درتوں جھاتی  
 پاتی ہے کوک دی نکل گئی ہس تے آہدی ہے۔

ہوں دیر لایو شالا خیر ہو وی میڈا مشک نشاں والا  
 میڈا دیر تاں جھوک لڈیندا ہئی گھن خبر توں شاناں والا  
 ڈٹھس تاں مولا حسین دے نیر لہڑ پئے ہن۔ معصوم دوڈ کیکھ کے فرمیںدن پچڑا درتے نہ  
 آوٹا اے تاں میں جان دا صد میں موت بھراواں دے ڈاڈھے سخت ہوندن توں بان تاں بھرا  
 دے واسطے ودی مریندی ہیں بھل خبر نہیں علی اصغر نکسی یا نہ نکسی۔

ہن بے شک درد بھراواں دے ہوں سخت سکینہ پیاری  
 بھل ملک فلک تے روشن ہے ساڈے گھر دی پردہ داری  
 کیوں جو رات دے ویلے دفن تھی تیڈی ڈاڈی امت ازاری  
 آواز آیا سمیں معاف کریں میگوں آندا ہا لاچاری

ول ماجناب عباس دی دیکیتی پاسے کنارے دریا دے نشان محمد ﷺ دافرہ اُتے  
کنارے دے تھلدانظر آلیں جے ول ڈیکھے تاں اپنے پجڑے عباس کول ڈٹھس جو مشک پانی دی  
بھری ہس تنزیاں بنھ کے ول جھکیا ہے پاسے دریا دے۔ بک پانی دا بھریا ہو یا ہس۔ غازی جو  
بک پانی دا بھریا ہاشامیاں کول شرماوٹ دے واسطے جوائے بے حیا وادو ہو پانی دا پتر کول بھریندا  
ڈیکھ کے وچ خواب دے تڑپی ہے ما عباس دی۔ ڈوہاں ہتھاں نال اشارہ کریندی ہے پاسے  
پجڑے دے اتے فرمیندی ہے۔

### نوحہ

ذرا پجڑا ہوش سنبھال وے  
پی پانی نہیں میڈا لعل وے  
ول دفتر عشق دو بھال وے  
لگے داغ لہن محال وے

تریہ چنگی ایس آب پیوٹ توں  
جک وچ مہٹے ہاب تھیوٹ توں  
قسم خدا دی ایس جیوٹ توں  
تیڈا مرٹ چنگاں تس نال وے

دل دے نال تاں سوچ وے بانی  
رہے نہ تھیویں میں قربانی  
جے غضب توں بیویں پانی  
میڈی سین دے تڑپن ہال وے



ما سیڈی باہنی زہرا دی  
 نذر ڈتا تیکوں شاہ شہدا دی  
 اہج ہے جمع خلق خدا دی  
 کریں ما دا کھیر حلال وے

پال معصوم جناب زینب دے  
 تس دے نال گٹھے راہ رب دے  
 سیڈے حال تے ملک عرب دے  
 شالا کرن نہ لوک مقال وے

سوچ وے ہجڑا جعفر ثانی  
 مشک چوایو جیس وڈ شانی  
 او در خیمے کرے پاٹی پاٹی  
 توں ہیں پاٹی نال نہال وے

تائب عرض عباس سٹایا  
 شام دی لام کوں شرم ڈدایا  
 دل آکھے اے خاتون دا جایا  
 کریں معاف سید لہجیاں وے

بس دوستو ہک پاٹی دا بھریا ہو یا غازی فوج شام دی کوں ڈکھا کے فرمیں دن۔



## ڈوہڑا

اے بے حیاؤ آؤ ڈیکھو ہن بحر تے قبضے کیندے  
 جنیں بحر تے ہاوے ظلم دی فوج دی موج تے اوج ڈکھیندے  
 اوں بحر دی ہن آئے لائق قہر کوں خبر نہوے آ چیندے  
 ہن پھردے کتھ او پہرے دا راج کہیں نہ ڈٹھے ویندے  
 دل پانی دے ہک کوں وچ دریادے ویٹ سٹس اتے فرمالیں۔

## ڈوہڑا

اے آب فرات ہن آب تیڈے دا شوق مٹایم دل توں  
 توں پانی نہر فرات دا ہیں ونج نال فرات دے مل توں  
 اساں پیوٹاں پانی کوثر دا پا پاس پتہ بسل توں  
 توں شادر ہیں وچ شامیاں دے ساکوں ڈس دیں زہر مثل توں  
 پانی ویٹ کے مشک چا کے گھوڑے تے ران ولا کے روانہ ہوئے پاسے خیمے دے۔  
 اتوں عمر بن سعد بد نہاد بانی فساد دافوجاں کو لعنت ملامت کر کے جمع کر گھن آئے قسما قسم دے انعام  
 اکرام دے وعدے سٹائے۔ تے نال اے وی سٹالیں جو اے بہادر دولا اور و جنگا وروایں جاہ تے آ  
 چکے ہوا یوں جاٹو جو موت بہادر و گل لا چکے ہو۔ ہاشمیاں دا جنگ خدا دا قہر ہے۔ اے تاں ترے  
 ڈنہاں دے پیاساں دا جنگ ڈٹھا نہیں اتے جے کرا یہاں مشک پانی دی خیمے پہنچ گئی تے ہاشمیاں  
 پانی پی گھدا تاں یاد رکھو جو اے اد گھرائے ہے جہاں جوش جنگ دی حالت وچ ترے پر جبرائیل  
 دے کپ چھوڑے۔ جہاں دی ضرب تلوار دی کوں یاد کر کے قیامت تیں زمین کنبدی رہی۔



جے تے نہ ہوندے تاں پتہ لکدا جو بھرے کوئے شام دا تختہ اُلٹ ڈیون۔ بکے ہاشمی دے اکھوں  
 ادنیٰ جنیں گال ہے انہاں دی توکل تے وفا کوں ایس گال کنوں تول سنگدے ہیں جو باوجود ترہیں  
 ڈنہاں دے ترہہ دے عباس دریا تے پہنچ کے مشک بھر کے تساویا آندائے تاں پاٹی منہ نال نہی  
 چالایا۔ ہس ہوشیار ہوو۔ بھج کے مرٹ کولوں لڑ کے مرٹ چمکا ہے جو دس لگے تاں غازی دے  
 مارٹ دی کرو۔ مشک دے پاڑٹ دی کرو جو پاٹی خیمے نہ پہنچے۔ دوستوں لکھدن سٹن نال ایس گال  
 دے شام دی سپاہ رو سیاہ وانگوں بدل سیاہ دے ہوڑھ وٹ کے واگاں سٹ کے یکبازی اُلٹ پئی  
 ہے۔ اٹھی جان دا خیال نہیں رہ گیا نہ کوئی جنگ دا خیال رہیا ہے ہس جنیں پاسے دا تیر آندا ہا غازی  
 سینے تے تھلید اہا۔

جنیں پاسے توں مشک ڈھوں کئی تیر ظلم دا آوے  
 مشک کوں اولہ ڈے کے غازی سینہ ڈھال بٹا دے  
 اُتھ در خیمے دے شاہ بے کس نپ کمر کھڑا کرلاوے  
 اتے سڈ سڈ نام عباس دے سرور رو رو کے فرماوے

آکھے گھولیا چایا پاٹی ویرٹ مشک کوں دیندا کر توں  
 کئی روہ ظلماں دا اُلٹیا آندے اٹھی تار تار توں  
 میڈے لکھ اصغر قربان و نجن ہک تیں ویرٹ صغدر توں  
 آواز آیا ڈوہیں بازو میں ڈے صدق کھڑاں اصغر توں  
 غازی دے ڈوہاں بازو دے نام توں قربان ہووٹا تے جلدی کر کے ڈوراں  
 مشک دیاں منہ وچ پاوٹ لگا ہے تے فرمیںدے۔

بسم اللہ اے عشق دا زیور مشک پیاساں والی  
 لکھ جان عباس دی صدق تھیوے ہک توں نہ تھیویں خالی

تیڈا آب پیوے میڈی مرشد زادی ناز حسین دی پالی  
اس حال دے وج فی الحال ڈتی ہک آ کے تیر ڈکھالی

لگا تیر مشک کوں چیر گیا ہوئے جاری مشک توں نالے  
نالے مشک دے ڈکھ عباس دی اکھیں توں پر نالے  
آکھے اے عباس ہن مک گئے سانگے خیمے و بھنڈ والے  
ہس ماہ بنی ہاشم تے مل گئے بدل سیاہ منہ کالے

ہے نازک گل دل مومن دا کیوں اے نا چیز ڈکھائے  
جیویں لتھا گھوڑیاں لتھا لتھا صاحب وقائے  
ہس یا مولا یا مولا دی سٹی سید پاک صدائے  
آ دہج پھڑا آ دہج پھڑا سڈیا روح زہرائے

ہکے در خیمے دے شاہ بے کس کھڑا ڈھیدا ویر دے راہ دو  
ہکے فرش تے پھندا پیسے گیا جے بھین ڈٹھا دل شاہ دو  
ہک ہتھ کمر تے ہتھ بیا کر اکبر نور نگاہ دو  
اتے نال اشارے آہدے پھڑا گھن چل مقتل گاہ دو

اس درد حسین دے در دیاں خبراں کوئی بے درد کیا جائے  
جنیس ویر عباس دے راج دے وج شاہ امن امیری ماٹے  
ہنے پاس ادب کیویں درد حسین دا شاعر زبان تے آٹے  
نتاں مرٹ عباس دا تحت توں ڈہن ہا پیر شہیر دے کالے



توڑے اکبرؒ جہیں جوان آہا شیرؒ کوں موٹھے لایا  
 بھل لکھدن راوی قدم قدم تے پٹھا زہراؒ جایا  
 ہس سمجھو موت عباسؒ دی شاہ کوں جیندے مار مکایا  
 کل وسدے جگہ توں ہک علی اکبرؒ پو دا حال وٹایا

وچوں خیمے دے آواز آیا علی اکبرؒ جیویں شالا  
 میڈے جگہ پردیسی ویر دا کئی نہیں درد وٹاؤں والا  
 ڈیوے ویر اذن پا برقعہ آوے لٹیا ساتھ سالا  
 شاہ غش وچ تڑپیا پردے دا اے پردے دار سنبھالا

بھل موت عباسؒ دا درد گیا سٹ بہر آؤں حرماں دا  
 وچوں غش دے پردہ پردہ کر کے اٹھیا شاہ شہاں دا  
 آکھے یارب سائیں ذات تیڈی کوں شرم میڈے ستریں دا  
 اج اپٹے جیندے ویر نہ ڈیکھے بھین کوں ہاہر آندا

ہس جئیں طرح تے سید پہنچاؤ تے لاش دے مٹ و ت دوستوں بھرا دیاں نال بھرا دے  
 یا عاشق دیاں نال معشوق دے یا شمع دیاں نال پروانے دے یا غلام دیاں نال آقا دے یا شمس  
 دیاں نال قمر دے۔ سمجھو تھیکو دیاں کالیں ہن مگر حال ایویں ہے جواہاں مولا لاش بھرا دی تیں نہا  
 پہنتا جو دید نبی ﷺ دے نور العین مولا حسینؑ دی اُتے مشک دیاں پُزے دو جو ہک ہتھ اُتے قدم  
 جناب دے آہگے ہتھ دا آؤں ہا جو لاش عباسؒ دی بسم اللہ کر کے اٹھی ہے واسطے استقبال دے اُتے  
 آواز آیا ہے۔

## ڈوہڑا

اے پتر حضور دی ہانی دا خود استقبال کوں آندا  
بھل ہے لاچاری شاہ میڈا نہیں آون لائق باندا  
ہی خیر سجا بھل متھے لکٹوں روح میڈا شرماندا  
کیوں جو شاہ دے ہالاں حکم کیتا نہیں نوکر پاٹی آندا

کرداہ غازی بیہ شاہ کیا تھے ساہ اُہالے غم توں  
میں تاں لکھ پچڑے کر صدق ڈینداتیں دیر عباس دے دم توں  
فرمندن غم دے مارے کوں ڈیندیں اُلٹا دیر شرم توں  
بھل ایں گالوں ہے حمد خدا آیوں اُمت غریب دے کم توں

واہ پاس تھیں عباس بھرا وسواس نہ کر ہک تل دا  
نہیں کوئی غازی ایں دنیا دے وچ شان تیڈے کوں ملدا  
ہن مونجھ ملال ونجا توں دل توں چل یار جنت دو کھلدا  
آواز آیا یا شاہ میڈا ارمان نہ مویم دل دا

جیویں کیتی آہم تیغ اَلَم دل بند نہ مول کریندا  
بنیاد مٹا کے شامیاں دی پچھے خیمے مشک پھیندا  
وچوں دیس عراق دے اہل نفاق دا نام نشان مٹیندا  
دل ونج کے شام امام دے نام توں سر صدقہ کر ڈیندا



اے فخر مسیح اعجاز ڈکھا میڈا وقت اخیر سوائے  
 ہک دم تاکیں ول آدن باز و بدن غلام دے نالے  
 ہک پل وچ داخل نار کراں اے نار ستر دا مالے  
 ناں گھن ارمان عباس مرے تیکوں چھوڑ کے دیرھ وچالے

فرمایا شاہ ایں دیرھ کوں میں منظور ازل وچ کیتا  
 ایں ظلم تے صابر رہن کیجے میں کھیر بتوں دا پتا  
 ایں روز دے قول اقرار کیجے میکوں مکاں عرش تے نیتا  
 ایں روز دے کاٹ خیاط قضا میڈا جامہ صبر دا سیتا

بھل بازواں کاٹ جو وقت اخیر دے ہوویں دیر سوائے  
 دہج گھن جعفر طیار مثل رب بخشو منصب عالی  
 گھن پر زمر دے غازی کوں ڈتی آن کے ملک ڈکھالی  
 عرض کیتس کیتو یاد اے غازی پو کوڑ دے والی  
 دوستوں عزرائیل جنیں دیلے پر زمر دے روبرو غازی دے حاضر کیجے تے عرض  
 کیتس جو غازی سیڈ اپو جناب امیر تیکوں یاد کریندے۔ غازی وچ جواب عزرائیل دے پویا۔

### ڈوہڑا

دل غازی اے فرمان کیتا توں سن اے ملک خدائے  
 فرمان علی دا سن کے دی تاخیر کرن بے جائے  
 بھل میں حسین دا نوکر ہاں اتے اے میڈا آقائے  
 ایں دی مرضی ہے رکھے اپنے قد میں یا رخصت فرمائے

دوستو وفا عباس دی ڈیکھ کے سید حق شناس دے نیروانگوں سیڑھ ساوٹا دے موجاں  
مار کے لڑھے۔ ویر عباس کوں گل چالیندن متھاوی حمدن تے ڈاڑھی وی حمدن تے فرمیندن۔

### ڈوہڑا

تیں جیہاں ویر وفا دا پتلہ کتھ شیر گولیسی  
ول بابے صاحب جو یاد کیتا ونج میڈی رب نبرہیسی  
کریں عرض میڈا میڈے بابے کوں سکیں عرض کیتی پردیسی  
ہووی پارت پردے زینب دی شیر تاں سجدہ ڈیسی  
مولا حسین دارخصت ڈیوٹاں تے غازی داروح دا پرواز کرٹاں پاسے جنت دے تے  
موت دے لئے ہوئے سید مسافر دا ڈیکھٹا انسان دا کم نہیں جو کما حقہ بیان کرے۔

### ڈوہڑا

ہس مالی چن ہدایت دے ڈٹھا گل عباس کماندا  
ہے ویرک ہے ویرک کر کے ہتھ اکھیاں تے آندا  
تیکوں لاج ایں ہانے تائب دی اے صابر شاہ شہاندا  
ہر حال سنبھال رکھیں مولا سکیں صدق عباس دے ناندا



## دبیر سرائیکی، مولوی غلام حیدر فدا

مولوی غلام حیدر فدا سرائیکی مرہی داہوں وڈا ناں اے۔ فدا ۱۸۸۰ء کوں جے ہن۔  
 انہاں دے بابا سکس دا ناں میاں اللہ بخش ہائی۔ انہاں دا آبائی وطن چاہ کاٹ ساسی، ڈیرہ اسماعیل  
 خان ہا۔ انہاں دا وڈا پیر میاں اللہ بخش اُتھوں لڈتے موضع سیال ضلع بھکر وچ آپٹھا۔ ول بعد وچ  
 فدا تے انہاں دے بھرا محمد حسین گدا تے صادق حسین اُتھوں مڈی چاتے کروڑ لعل عیسن ضلع لیہ  
 وچ آگئے۔

غلام حیدر فدا سید علی شاہ چھینوی دے شاگرد ہن۔ انہاں کربلائی ادب وچ نواں راہ  
 اپٹایا۔ انہاں اپنے مرہی دی ابتداء حمد بارتعالیٰ، نعت منقبت اہلبیت تے قرآنی آیات دی تفسیر نال  
 شروع کیتی۔ قصیدے وچ انہاں اپنی علمی قابلیت دا کھل کے اظہار کیتا۔ اُونہاں دا کلام چند  
 مرثیاں توں علاوہ صاف تے سلیس ہے۔ جیکوں عام لوک جنگلی طرح سمجھ سکدے ہن۔ اُونہاں  
 دی شہرت عربی فارسی لفظاں دے زیادہ استعمال ہووٹ دے سببوں کوئی نہ ہائی۔ اے تاں اُونہاں  
 دی فصاحت کلام دی وجہ توں ہائی۔

دلشاد کلانچوی لکھدن جو:

فدا کنوں پہلوں ہوں شاعراں مرہی کون کمال تے بچایا۔ جڈاں آکھن واسطے کوئی  
 نویس چالھ یا کوئی سوہٹا پیغام نہ ہووے تاں انداز بیان اچ نواں پن پیدا کرن دی ضرورت ہوندی  
 اے۔ شاعر لفظیں دی مینا کاری نال اپنی تخلیق کوں سمجھدن۔ مرثیہ قدیم کنوں لکھیا آندے فدا  
 کنیں ہن کوئی نویس چال آکھن کیتے کیناں ہائی اس واسطے انہاں عربی، فارسی دے پر شکوہ الفاظ  
 بیان کرتے اپنے واسطے نویس راہ کھڈی۔ جیں کنوں نظم وانگوں نثر دی متاثر تھئی۔

غلام حیدر فدا حرب و ضرب لکھن داوڑ اشاعرہا۔ او جنگ دا ایویں نقشہ چھک ڈکھیندا ہا  
جیویں جنگ دا پڑ سامنے ہووے تے اکھیں نال ڈہدے پئے ہووے۔

ڈاکٹر نصر اللہ خان ناصر لکھن: ”آپ نے مرثیے وچ قرآنی آیات دا استعمال زیادہ  
کیئے ایں توں علاوہ آپ دا کلام زور بیان اتے جوش جذبے وچ، نہاں، ہم عصر شعراء کنوں کافی  
نکھیرواں ہے۔ فدا نے حمد و نعت دے علاوہ مرثیے دیاں تمام مروجہ اصناف وچ اپنے فن دے  
جوہر ڈکھائیں۔ انہاں دے کلام وچ اسا کوں ڈوانگی ملدی اے۔ کتھائیں الفاظ دی شان و  
شوکت، عربی، فارسی دے الفاظ دی کثرت تے انداز فکر عالمانہ ہے کتھائیں سادگی تے سدھے  
سادے جذبات دی سدھے سادے طریقے نال عکاسی کریندن۔“

انہاں بحراج تاں اپنے جوہر ڈکھائیں ای ڈکھائیں ایندے نال باقی صنفوں وچ وی  
حد کر ڈتی اے۔ انہاں دا بند وی اسماں دی بلندی تے ہے۔ انہاں دے ڈوبند پڑھ تے ڈیکھو۔

ہے نونہ رسول بتوں علی دی صاحب شان قدر دی  
مالک شرف شرافت دی، مختار حسین دے گھر دی  
حوراں کھادن قسم ہمیشہ حیدے پاک ستر دی  
اے شہزادی عرب عجم دی، ماہ اکبر اصغر دی

دھمی رات وصال دی دیرک، ڈہنہ فراق دا تھیا  
سمجھ گئی ہمیشہ ڈکھی اُڑے دیرک ماریا ہیا  
تھی نہیں دور اکھیں توں دیرک، ہاہر دھن نہ پیا  
اوں نہ ہووے تھی دھن، متاں کجھ وچوں کجھ پیا

غلام حیدر فدا دی شاعری دے نال نال نثر وی دل چکویں اے۔ انہاں دی نثر پڑھ  
تے محسوس تھیندے لفظیں دے استعمال دا ڈھنگ انہاں کوں ڈاڈھا آندا ہا۔ انہاں دی نثر وچ



شاعری توں دکھ عربی، فارسی لفظیں دا اور تار کھٹاے انہاں دی نثروچ سرائیکی زبان دے سوہنے  
لفظ ورتے کھڑن۔

غلام حیدر فدا دیاں بہوں ساریاں کتاباں چھپیل ہن۔ جہاں وچ مرقع شہداء، معراج  
شہداء، مقتل شہداء، موج غم، بیاض شہداء، تصویر کر بلا، تنویر الہد، دربار شہداء، عرضی حیدر، قمر الہد،  
گلزار انما، گلزار شہداء، ریاض شہداء، ریحان شہداء، سید الشہداء، شمس الہد، ضرب حیدری، بہادر علی  
عرف جنگ خبیری، بہار شہداء، باغ شہداء، برہان شہداء، بستان شہداء، آفتاب مدینہ، اخبار شہداء،  
اذکار شہداء، اسرار الشہداء، المعروف اعجاز الہد، انوار شہداء، انوار المصائب، انہار المصائب، نوحہ  
جات، مہناج الشہداء، نجم الہد، اتے قصہ قیس و نجمہ شامل ہن۔

غلام حیدر فدا نے ہک قصہ قیس و نجمہ وی لکھیا اے۔ جیڑھا بحر دے رنگ وچ لکھیا ہویا  
اے۔ جیلد ۶۰۰ اشعار ہن۔ ۱۲۳ بحریں وچ لکھیا ہویا اے۔ ایندا آغاز حمد تے نعت کنوں  
اے۔ ول شاعر قصے دے تصنیف دا سبب ڈسیندے۔ قصے وچ یکیاں خوبیاں مل ویندیاں ہن  
جیڑھیاں ہک قصے واسطے لازمی ہن۔ سرائیکی وچ اے قصہ پہلی تے آخری واری غلام حیدر فدا نے  
لکھیے۔ نمونہ ڈیکھو۔

گھر اوندے ہک آہا لڑکا سنکیاں دا سردارے  
سوہٹا تے من موہٹا چمکن چن وانگوں رخسارے  
ابرو مثل کمان مزین قوس قزاح بھی وارے  
پتلے ہونٹ پیل دے پترے، وچ شوخی دے تارے  
ڈنڈ چلے دیاں کلیاں، ڈیون موتیاں دا جھلکارے  
سرائیکی دا اے دبیر نومبر دے ڈو جھے ہفتے ۱۹۴۳ء کوں وفات پاتی اتے اٹنی ماء دھرتی  
دے سینے وچ سم بکيا۔

## مضمون دانی ہنداں

غلام حیدر فدا آف کروڑ لعل عیسن

شہزادی کون آہی تے ناں اوندے کیا ہا۔ مومنین ناں اوند اہنداں ہا۔ زال آہی یزید  
پلید والے شام دی تے بہنی آہی پاک امام دی منقول ہے۔ جیزھے ویلے فخر سلیمان داوچہ زندان  
دے تخت خاک دے تے جلوہ فگن ہوئے۔ ناں شاعر آہدے۔

ہنداں کوں کہیں آن کے ایہہ خبر سٹائی

عبرت دی سٹانواں تیکوں ہک گالھ اے مائی

وچ قید دے ڈیکھ آئی ہاں ہک نور خدائی

وچ طوقاں دے جھوکاندے پٹھا گردن کوں جھکائی

ہن قیدی دیاں اکھیاں ڈوہیں مے جوش بکاوچہ

لب قیدی دے ہلدے ہنی اُمت دی دعاوچہ

عبرت ہے ایہیں گالھ دی بیمار ہے قیدی

وجہ طوقاں دے زنجیراں دے لاچار ہے قیدی

وچہ ورٹے سلاس دے گرفتار ہے قیدی

قیدی نہیں کوئی قدرت غفار ہے قیدی

طوقاں تے زنجیراں دا جو چھڑکار سٹیندے

تکبیر دا زنجیراں توں رنکار سٹیندے

بن حمد نہ ہرگز بولے توڑے رہندے وچہ قیداں دے

بلوے جلوے پوندے ساکوں عرب والے سیداں دے

بی بی سراپا حسن و جمال جو ڈیکھن نال ایس بدر کمال دے شمع رخ انور توں حسینا خصوصاً



حضرت یوسفؑ ماہ کنعان جیہاں عالیشان اٹنی نقد جان فدا کرے لکبہ واریں اٹنی زبان درفشان  
کنوں کلمہ میں قربان میں قربان دا ادا کرے مگر

غش آندا ہے ہاں قیدی دالہہ ویندا ہے بی بی  
زنجیراں دی گھن ٹیک تے پہہ ویندا ہے بی بی  
باریڈے مصیبت دے جو سہہ ویندا ہے بی بی  
وچہ یاد خداوندے رہ ویندا ہے بی بی  
سرطوقاں دے رکھ کر جڈاں غش کر گیا قیدی  
معلوم تھیا ساکوں کہ ہس مر گیا قیدی  
ہک معصوم نماٹی بی بی کھڑی آہی درتے روندی  
تاں بھرا دا گھن کے رووے بلندی کیجے لو ہندی  
روفرمندی ہنداں کوں جے خبر اساڈی ہوندی  
قید خانے وچ آکے ساڈی قیدی ضامن پوندی

بی بی میں جواو ننگر دے کولہہ گئی ہاں ڈٹھا ہم چوٹیاں معصوم دیاں کھلیاں ہو یاں  
ہن۔ سروچہ خاکے اکھیں توں بارش ہنجوں دی جاری ہے۔ ویرٹ ویرٹ کھڑی آہی اے میں کولہہ  
گئی آں۔ میکوں آہی ہے۔ بی بی توں ہنداں دی واقف ہیں تاں

ڈوہڑا

نام اللہ دے ہنداں کوں ساڈا ونج پیغام سٹائیں ہا  
قیدی کر بل والے آہدے منت اساں تے لائیں ہا  
پیر تہیڈے دے شہر دے ہائیں اساڈا درد وندا ئیں ہا  
کر کے پاس حسین دی ساکوں قید توں آن چھڑوائیں ہا

بی بی تہیڈے ناں دے واقف ہن ضرور کوئی چارالکھدا کی لا۔ قیدوں چھڑا دینے پہونچا

اسیر بھی دعا کریں۔

## ڈوہڑا

سنگر حال فی الحال ہنداں دی ہل گئی کوٹھی ہاں دی  
 آہدی دھاں دی بھاہ ہلی اتے جُپ گئی جوگ اکھیاں دی  
 جھلیا جی نہ جھلیا تھیوے ونچے طبیعت لہندی  
 آکھے خبر نہیں ہے ننگر کیوں واقف میڈے ناں دی  
 خبر ڈسانواں تیکوں میکوں لٹیا خواب رتو کے  
 نال آرام دے ستی ہاں میں نماز توں فارغ ہو کے  
 قرآن مجید کوں چڑھیا ڈٹھم اوتے ساگ دی نو کے  
 بیا جگر رسول دا آندا کہیں نیزے دے وچ پو کے  
 خاتون دے پچڑے دی خدا خیر سٹا دے  
 ایہہ خواب غضب ناک میڈے دل کوں ڈرا دے  
 سچا جے تھیا خواب تاں چا خاک رویاں  
 روندی تے پٹیندی میں منہ جنگل دو کریاں

مگرتوں ونچے یزید کوں اجازت منگ جو میں قید خانے دیندیاں قیدی ہن مدینے دے  
 کائی خبر حسین دی چنیدیاں اوں عورت یزید کوں ونچہ آکھیا۔ ہنداں قید خانے ونچوں دی اجازت  
 چاہندی ہے اتے آہدی ہے میں قید خانے ونچہ کے ملاقات قیدیاں دی کریندیاں۔ یزید پلید آکھا  
 ہچکچا۔ ہنداں توں لڑ کے قید خانے ونچوں تامیڈی ہنگ ہوندی ہے۔ کیونکہ شہزادیاں چہ لکھن لے  
 قیدیاں کوں لڑ کے ملن چہ لکھ حکم اڈے تاں قیدی طوق اتے زنجیر چھکیندے ہوئے حیڈا تھاں آ  
 سلام کرن، دوستا حسین بے پرواہ ہے ذات پاک پروردگار دی ایہہ پہنی دا حال ہے۔ اوسایاں دا  
 حال ہے۔ او عورت دل آئی، پیغام یزید دا ہنداں کوں سٹایا، ہنداں آکھیا۔



روکو نہ میگوں قیدیاں کوں ملن ویساں میں  
 شیر اپنے پیر دا ونجہ حال چساں میں  
 اچ کل حسین کتھ ہے کوئی پک کرے ساں میں  
 ول خدمت اپنے پیر دی اچ خط لکھیاں میں  
 ڈیساں نیاز و نذر میں خدائے قدیر دی  
 اللہ سٹاوے خیر اول زینب دے ویر دی

آخر کار یزید مکار بجھیا کہ ضرور ہنداں نہیں رہ سنگدی حکم ڈتس گھر ہنداں دے کنوں  
 زندان تائین قاتاں لوٹاؤ، پردے بٹاؤ، پگلیاں کوچے سب بند کراؤ، لوک ہٹاؤ،  
 دکانداراں دے دکان پٹاؤ، سارے شہر وچہ ڈھنڈورا پھراؤ، اجہ سردار شہر دی ہنداں واسطے  
 ڈیکھن قیدیاں دے قیدیاں دے قید خانے ویندی ہے۔ خبردار کوئی فردو بشر پیارہ گھن کے نہ آوے  
 تے نہ ونجے رب دی بے پرواہی ہے۔

پروردگارا میڈی نہیں جاہ مجال دی  
 جو ذات بے نیاز ہے تیں ذوالجلال دی  
 ایہہ منزلت ہے فاسق فاجر دی زال دی  
 مٹی تے آئی جال محمد ﷺ دی آل دی  
 ہانہی دے کان لکھیاں قاتاں حریر دیاں  
 مٹی تے پٹھیاں بھٹیئیں جناب شیر دیاں

پس لکھدن: ہنداں دی تیاری طرف زنداں دے ہو گئی۔ نال مجمع ہانہیاں دے  
 ہنداں ٹرجلی ہرتوں قدم ہندان داودھ ودھ کے آندا پوندے ہک ہانہی چھنی ہو کر پولی بی بی ذرا  
 حوصلہ دستور ہے۔ پردے دار ذرا ہو لیس ٹردے ہن۔ پردیدار کیا لگن تے تیز ٹرن چہ لگے۔ ہنداں  
 آکھیا بیشک بے پرواہ ہو لیس ٹردن، مگر کئی کنڈی ہے مقناطیس محبت دی جو میڈے جگر کوں جھکی  
 ویندی ہے تے قدم میڈا بنجو دھو کر ودھ کے پیا پوندے۔ شالا خیر سٹاں تے خیر ڈیکھاں، کئی

قدم ٹر کے وت ہک باہنی عرض کیا یا جناب آپ اتھائیں ٹھہرو کیونکہ درقید خانے دے اوہو قیدی بیمار  
پٹھار ہندا ہے یا ستار ہندا ہے۔

بی بی اتھائیں ٹھہرتے میں بھجکے ویندیاں  
قیدی کوں ونجہ کے قیدے درتوں اٹھیندیاں  
ستا پیا جے ہوسی تاں ونجہ کے جکیندیاں  
بیمار تے اسیر توں پردہ بٹیندیاں  
ہے مرد تیکوں لاوٹاں متھے روا نہیں  
کٹ پردے داری اٹھی کوں بی بی لوا نہیں

ہنداں قدم جھلے چا اوہا نہی لگی آئی پچرا حسین داسر طوقاں تے رکھ کے وچہ غش بیماری  
دے ہا جواتے تاں اوہا نہی آگئی۔ دوستو کہیں رحم دل دی ہا نہی ہووے ہا تاں رحم کر کے اٹھا  
دے ہا۔ مگر یزید جہیں جفا کاروی ہا نہی۔ کویں ترس کرے ہا۔ میں کویں عرض کراں کہ اوں ہا نہی  
بیمار کوں کویں آن جگایا۔ شاعر آہدے۔

### نوحہ

اے محرائی بیمار کوں جدم جگائیں آن کر  
زنجیر قیدی پیر دے ڈاڈیں ہلائیں آن کر  
بیمار پتر حسین دے فرمایا! مائی میکوں کتھ ہے طاقت اٹھن تے بہن دی آ میں پردہ  
بٹینداں، توں آکھ اٹھی سردار کوں جو لنگھ ونجے مؤمنین۔ حضرت اپنا پردہ کیس طرح بٹایا مدت دے  
پریشان وال جو جہاں زلفاں وچہ خا کاں موت حسین دیاں پایاں ہو یاں آہن۔ اونہاں والاں کوں  
منہ تے کھنڈا کے ڈوہاں اتھاں نال نونہ چھپا کے نیر و ہا کے سر جھکا کے فرمیںدن، آکھ مائی اٹھی  
سردار کوں جو لنگھ ونجے میں اٹھی ونہاں ہا۔ مگر ڈیکھ رہی ہیں مدت دایا ہاں اٹھن بہن کوں لاچاراں  
ورنہ پرے اٹھی ونہاں یا میں قانون پردے دے کوں پنکاں واقف ہاں، مگر اللہ جو بے پرواہ ہے،



موشن پردہ ہو گیا ہانہی پردوں سڈ کے آکھیا آوے بی پردہ تیار ہے، ہنداں روانہ ہوئی آکھی کولہوں  
 ام دے، مگر میں دوستاں کنوں دریافت طلب ہاں کہ نور امانت دا وچ والاں تے ہتھاں دے  
 چھپ سنگدائے۔ کوئی نہ نور امانت دے جو جلوہ ماریا ہنداں دا دل روشن ہو گیا۔ ویندی ہوئی کھڑ گئی  
 چادر چالہائیں تے آکھیں ذرا پرے ہٹ ونجو۔ نال ایس قیدی بیمار دے میکوں ڈوں چار پگھلیں  
 کرٹ ڈیو۔ دوستو! انصاف دی جاہ ہے، بلقیس ہکلام ہوئی، نال حضرت سلیمان دے تے شہزادی  
 شام دی کلامی ہوئی ہے۔ نال عابد بند دیوان دے جھک کے سلام کیٹیں تے آکھیں:

یوسف زمانے دا حال مجرا کریندیاں  
 اکھیاں توں ہتھ ہٹھا چانہ پردہ چیندیاں  
 دل ڈیکھ جواب دے کھڑی ہتھ ہدھیندیاں  
 اللہ الاؤ ورنہ میں سر خاک پیندیاں  
 شائق ہاں سیڑیاں پگھلیں دی کجھ تاں الاویں ہا  
 بلبل چمن دا باغ دی حالت سٹاویں ہا

قیدی سلام میڈے داؤدا شتاب دے  
 سائل ہاں میں سوالدا جلدی جواب دے  
 تسکین دل حسین " دی کرائے جناب دے  
 یوسف " دا فخر ڈسدا ہیں تعبیر خواب دے

ڈٹھا میں خواب میڈے دل کوں ڈلویا چا  
 قرآن کوں سناں تے لوکاں چڑھایا چا

حضرت نے جواب سلام دا ڈے کے ہک سرد آہ بھری تے فرمایا واہ قسمت سبحان اللہ  
 میں سمجھیا ہا۔ جو ظلم دی مگری کر بلا ہے شام ولسوں تاں آرام پیسوں۔ مگر قسمت ساڈی اسال کوں ہر  
 جاہ بکو جہیں مل گئی۔ ہنداں سمجھیا شام وچ کہیں پردیسی قیدی کوں ستائے اتے میکوں عورت حاکم  
 دی سمجھ کر ہٹنی ڈکھاندی فریاد پیاڈ بندے روکے آکھیں:

اے گلفام ایں شام شہر وچ کھیں آرام پہنچایو  
 ڈاڈھی ڈکھی ڳالھ کیتو میڈا ڈکھیا دل ڈکھایو  
 ڈس میکوں دے بے گس قیدی کہیں ڈکھی کوک سٹایو  
 تڑپ کے آندے بہر کلیجہ ایہہ وِت کیا فرمایو  
 جناب فرمایا! ذال ہیں حاکم دی انصاف روا ہے، ایں کنوں ودھ کر کیر حاکم ہے جو  
 توں میکوں مثال ڈیندیں نال یوسف دے۔ ہنداں رو کے ہتھ پدھ کے عرض کیا۔  
 واسطے رب دے ڳالھ میڈی تے رنج نہ تھی شہزادہ  
 نمی طعنہ مار یا تیکوں تے نہ وِت ایہا ارادہ  
 یوسف نال مثال ڈیون تے ایں ڳالھوں دل آہدا  
 جیویں یوسف قید دے ڈاڈا ناہا، نہیں توں وی قید دے ڈاڈا  
 جیہاں یوسف سوہٹا ہا توں وی سوہٹا ہیں۔ امام فرمایا ایں نہ میں تیکوں اپٹا تے یوسف دا  
 حال سٹینداں توں وِت انصاف کر ہنداں آکھیا بیان کر۔ امام فرمایا:

ہنداں کڈاں یوسف نے۔ ڈٹھا پو کوں کوہندا  
 کتھ ڈٹھا ہا سر پو دے کوں سا نکاں تے چونیدا  
 کتھ ساہگ قلم نال ڈٹھا ویر چونیدا  
 تھنج چنیدا بہرا کوئی نشانہ ڈٹھا تھیندا  
 فرکار کریندا ہویا جاں تیر نکتھا  
 معصوم دے مونہہ پاک لڑھ کھیر نکتھا

کتھ یوسف دے ویر پیارے مارے نال جفا دے۔  
 کیں بھراء یوسف دے پاتے سہرے وقت وعا دے  
 ر کپے ویر دے ڈٹھے کڈاں اوں شہزادے



کت چاچے اوں دے ہاں کپایاں اوتے من دریادے  
 میں موت بٹاں والے جھلے تازے تیر ہن  
 سر سانگاں تے سوار صغیر و کبیر ہن  
 قیدی تھیا ہا آپ حرم بھی اسیر ہن  
 روندے اسیر سارے تے لہ خوش شریر ہن  
 اکھیاں توں جاری میڈے جو رت دے نگال ہن  
 یوسف ڈٹھے ڈسا توں جیس ویں میڈے حال ہن

ہنداں آکھیا: ہس قیدی کلام تیڈی دی چھری میڈے جگرتے پھر گئی ہے جگر میڈا  
 نکلے نکلے تھیکر باہر آندے ہس چاکر پچھدی ہے وطن تیڈا کتھاں ہے۔ جناب فرمایا۔ وچہ  
 ملک عرب دے ناں کئے تے مدینے داسٹی ہوئیں۔ عرض کیتس سنن کیا میں تاں گھراپٹے  
 تیرے دے عمرہ گزاری ہے۔ فرمایا۔ کیڑا۔ پیر عرض کیتس ڈوہاں جہاناں دی رہبری بی زینب دا  
 ویر، جناب فہمیر بے تاخیر لڑھ پئے نیراتے فرمایا۔ مائی اساں اوہیں مدینے شہر وچہ وسدے ہاے۔  
 ہنداں آکھیا محلہ کیڑا امام فرمایا۔ محلہ بنی ہاشم۔

سن کلام امام دی پوہی ہنداں جسی اللہ  
 گاہہ میڈی تے رنج نہ تھیویں سچ آہدی ہاں واللہ  
 ہے لج پرور پو اکبر دا عاشق صادق با اللہ  
 شاہ میڈے دے قید رعایا ہونوں ایہ معاذ اللہ

ایہہ جہاں لج پرور بابو علی اکبر دا جو بھرا لٹاڈ یوے ہا پچڑے کو ہاڈ یوے۔ سر کپاڈ یوے  
 ہا۔ تاں بھی رعایا کوں قید نہ تھیون ڈ یوے ہا۔ جناب فرمایا۔ بیشک ایہو جیہاں لج پرور ہا پیر تیڈا مگر  
 قسمت اٹنی کوں آکھوں جیوھے ویلے قسمت ساکوں ایہہ واقعہ ڈ کھائے تاں پیر تیڈا مال  
 بھرانواں، بھتر بھیاں، پتراں، بھلجریاں، عزیزیاں، انصاراں دے ہک لمبی مسافری ہکیا ہویا ہا جو

وہی اُوں لہچال بی بی فاطمہ زہرا دے لال دامحال پیا نظر آندا ہا۔ مومن ایس کنائے کوں سمجھ کے  
 ہوسن۔ تقریراں سوال و جواب دی ہوں لکھی۔ طبع علیل اوں شہزادے جلیل فخر خاندان خلیل دی  
 کہیں قدر ملول ہوں لکھی۔ ہک بانہی پو لی بی بی جیکر ساری ڈ۔ نہوار ایس قیدی بیمار دیاں گالھیں  
 وچہ گزار ڈیویں۔ تاں بھی اوٹھن کیتے دل نہ آکھیا ہن جُل تے اندر والیاں بیبیاں دے نال  
 ملاقات جل کر، ہنداں آکھیا قیدی میگوں رخصت، امام فرمایا ہے فرصت مگر اتنا ضرور آکھیاں ہن  
 قید خانے نہ پئی ونجہ، اتھاؤں واپس گھر لکھی ونجہ ہنداں آکھیا قیدیاں میں اگے کڈاں قید خانے آنوں  
 والی میگوں ساڈی محبت چھک گھن آئی۔

میگوں آن کے آکھیا نے ہن قیدی ملک کہیں دے  
 وانگ سرائے ساوٹ دے نت وسدے بدل اکھیندے  
 قیداں نال نہاں رہن بھلی پردے دار ڈ سیندے  
 قسمت قید بٹایا نہیں تاں والی ملک سٹیندے  
 رب جہان دا خیر کرے میں تاں سٹیاں گالھیں بیاں  
 شام شہر دی گلی گلی وچ بُل اخباراں ہکیاں  
 مار دتھل کر بُل وچہ لٹیاں سینٹ بتوں دیاں دھیاں  
 میں دیاں حال حسین چساں اہیں گالھوں ٹرپیاں  
 قیدیا۔ جیلے نال گالھیں کیتیاں ہم ہن اندر والیاں بیبیاں کوں ملساں بھی سہی تے

اپیاں مرشدزادیاں دامال دی چساں جو توں مرد ہیں تے او صاحبِ تعلیم دیاں نال کیوں پردے  
 عصمت اتے طہارت دے کہیاں ہو یاں ہن عورتاں ہوسن صبح شام سینٹیں دا سلام جاڑیاں  
 کریندیاں ہوسن بھلا ایہہ ڈس جو اندر کیوں نہ دھماں امام فرمایا۔

وہی نہ ہنداں وچہ زنداں دے محنت غریب تے لاتوں  
 اگے روندے ہنئے حرم نمائے دل نہ دجھ روا توں



موت فراق دیاں لٹیاں دے نہ ڈو کہے دل ڈکھا توں  
 ہے مناسب دل ونچہ ہنداں واپس دل ایس جاہ توں  
 ہنداں پولی! میکوں معاف رکھ ضرور قید خانے ویندیاں۔ مومنین ہنداں ٹر جلی۔  
 اہوں بھج کے ہانہی نے کرسی زریں ہنداں دی خاطر قید خانے دے اندر ونچہ وچھائی۔ تاں  
 جناب ام المصائب سین زہرا دی نائب کوں آمد ہناں دی خبر پئے گئی تاں انھی کے تلے ساگ سر  
 حسین دے آن کھڑی تے منہ پاسے سر بھرا دے کر کے عرض کیتس  
 کیوں وے ویرٹ شام دے وچہ لہجہ بھینٹ تیکوں بھل گئی ہے  
 درداں ماری بھینٹ پیڈی آتار ڈوکھاں وچہ تھئی ہے  
 میں آگے تار مصیبت وچہ در پیش مصیبت ہی ہے  
 دل تاں ڈیکہہ جو میں کیچے ساڈو ہنداں آندی پئی ہے  
 مومنین! اتنے تائیں ہنداں آگئی ہنداں سلام آکھیا۔ جواب سلام ڈیکے پیہیاں شرم  
 کنوں سر جھکا پٹھیاں۔ آپ جائدے ہو کوئی جو کہیں ڈوڑا آندے دستور ہے حسب قدر اونہاں دی  
 تعظیم کریندی ہے۔ خصوصاً بادشاہاں دی قیدی انھی کے تے ہتھ بنھ کر سلام کریندن ہنداں کوں  
 خیال ہا۔ جو شاید قیدی میڈی انھی کر ہتھ بنھ کے سلام کرین مگر بی بیایں تاں نہ اٹھیاں ہنداں دی  
 جیڑھے ویلے دلخواہ تعظیم مکریم نہ ہوئی تاں منجھی تھئی گئی۔ جاتس قید خانے دے آوٹ وچہ میڈی  
 ہنک ہوئی ہے ہنداں کوں مونجھاڈ لیکھ کے ہک ہانہی جیتی ہو کر پولی بی بیایں عجب صاحب مزاج  
 دے قیدی ہو۔ سردار شہر دی مالک ملک شام دی ہنداں ٹر کے تساڈے ملن دی خاطر آوے تاں  
 انھی کے سلام دی نہ چا کیتا۔ جے کرتاں انھی کے سلام چا کرو ہا تاں تساڈا شان نہ گھٹ ونچے۔  
 بلکہ تاں تاجیویں کیویں قیدی ہا دے۔ جیکر تاں لہجہ ہندان دے اہوں ہوں عاجزی دی التجا کرو  
 ہا۔ ہنداں تساڈیاں قیداں چھڑاڈیوے ہا۔ وطن پونچاڈیوے ہا۔ جے شام رہن دا منشاء ہوندا تاں  
 اپنے گھراں دے نال گھر گھناڈیوے ہا۔

دوستو! ایس بانہی دی اجاں ایہو کلام آہی جو اونوں پوہی ہے، پولٹ والی کون فضا بھین  
 قہر دی تے آکھیس ہوش بی بی، خاموش بی بی، ادب کر۔ ہاہا۔ ایمان بچا گستاخ نہ تھی۔ کیوں جو  
 او کر سلام کیا جانٹ مائی حیدرے ہودن ملک سلامی  
 جبرائیل امین جیسے آ کرن ہمیش غلامی  
 حوراں دایاں در اقدس تے خادم ملک تمامی  
 چے جو منکر قدر اونہاں دے ہوئے لہجہ کوئی شامی  
 مگر بانیاں دا ہجوم عام ہا۔ ایہہ گالھ فضا دی ہنداں تائیں نہ پہنچی۔ خیر طوعا و کرہا۔  
 ہنداں کرسی تے بہہ گئی اللہ بے پرواہ ہے۔ جو شاعر آہدے

ہنداں تاں چڑھ کے پٹھھی ہے کرسی زریں تے  
 پلیاں بتول دیاں ڈوہیں پٹھیاں زمین تے  
 ہنداں ڈہدی ہے سینٹیں دو سینٹیں ڈہدیاں ہن زمین دورو کے فرمیں دیاں ہن۔  
 اے زمین خدا دی شق تھی ڈے چا جا قبر دی  
 اج آ پٹھھی چڑھ کرسی تے ساڈی ہنداں بانہی در دی  
 مٹی تے پٹھھی ہے دھی زہرا دی ماری موت سرور دی  
 بے پرواہ ہے ذات بلا شک تیں خالق اکبر دی  
 ہنداں ڈہدی ہے جناب زینب خاتون دے مونہہ دوتے دل ڈہدی ہے۔ سا بگ سر  
 حسین دو کوئی بھول جو ہنداں کوں پئے گئے، کرسی توں نکھی نکھی لہہ پئی ہے ہتھ ہدھ کے عرض کیتس  
 بی بی بک گالھ پچھدیاں بے ناراض نہ تھیویں تاں میڈی سین فرمایا پچھ جو کچھ پچھتا ہو دی ہنداں  
 عرض کیتا۔

بک پچھدیاں گالھ مال دی تیں توں بچ ڈس واسطے رب دے  
 دل تاں ڈیکہہ جو گالھ کریندیاں بنھ کے ہتھ ادب دے



تیڈی ہر گالھ توں پوندن بھلوے سین زینب دے  
 ہے ایہو فرق ہوتاں قیدی تے اوہ سردار عرب دے  
 بیا دل ڈیکھ جو ساگک اوتے جیہڑا نوری سر ڈسیندا  
 توں بھین تے اوہ ہے ویر تیڈا معلوم اساں کوں تھیندا  
 ہکا شباہت بی بی تیڈی مول نہ فرق کہیندا  
 توں ہیں بھین حسین دی میڈا دل گواہی ڈیندا

جناب زینب خاتون فرمایا۔ ہنداں ادب کر صاحبانِ قلم ہیر کجا۔ شام دے اسیر کجا۔ شیر

دی ہمشیر کجا۔ زندان دی جاگیر کجا۔

آنکھی پاک جناب دا ہنداں کرنا ادب روئے  
 الامان اول پاک جناب کوں قیدی کوں بٹائے  
 نانا نبی محمدؐ جیندا بابل شیر خدائے  
 فاطمہؑ اطہر امڑی اوندی حسن حسین بہرائے  
 اتنے تائیں ساگک سر حسین دی تڑپھ پئی نیر لڑھ پئے تے صدا آئی۔

زینب ڈسا ڈے صاف نکر مونجہہ کائی ہے  
 صادق ہے با وفا ہے تیڈے دردی دائی ہے  
 زندان وچ مدینے داناں سٹکے آئی ہے  
 چاڈس چو میں ہاں بھین تے اومیڈا بھائی ہے  
 کیونکر نہ ہودے جوش بھلا شور شین دا  
 میں زینب اسیر تے اوہ سر حسین دا

ایہہ صدا سٹکے ہنداں مونہہ تے پٹ کر جناب زینب خاتون دے قدماں تے ڈھ پئی

تے عرض کیتس ہے۔

## نوحہ

آکھے روہنداں دِگِیر کیں ماریا میڈا پیر  
میڈی معاف کرو تقصیر ڈاڈھی بھل پیاں میں بھل پیاں  
میکوں ڈس وٹ میڈی سین، کیویں ڈکھ گھولے ٹرپین، کیویں اُلٹ گئی تقدیر

ڈاڈھی بھل پیاں میں بھل پیاں

آکھے زینٹ نیر وہا، آہنداں بگل چا لا، گیا ماریا میڈا ویر

ڈاڈھی رُل گیا میں رُل گیاں

گیا تھی برباد مدینہ، گئی رُل خاتون سکینہ، تھیا اہلیت اسیر

ڈاڈھی رُل گیا میں رُل گیاں

آخر کار: سرہنداں داہاتے کندھاں قید خانے دیاں آہن ہک ہے کوں موکٹاں موت  
حسین دی ڈتو نے شاعر آہدے۔

ہے روایت ہنداں صادق وطن کنوں دل چایا

کر کے مونہہ جنگل دو دروڑی تخت تے بخت بھلایا

گھر نہ دلی ہکلی چا دھی کوں انگل لایا

کوکاں مار کے روندی ونجے نہ دل تقدیر ولایا

وچہ جنگل دے ہنداں روندی روندی مر گئی نہ لاش دا پتہ لگا۔ نہ کوئی قبر دی خبر لگی۔  
جیندیں بہشت پہنٹی ہے۔

یا سردار شہیداں دا توں زینت زیب زمانہ

کل مومن دا دوہاں جہانیں آپ کریں خصمانہ

پر تقصیر قدا بے کس دا عرضے روز شانہ

میڈے ہادی سید علی دا رہے آباد گھرانہ



گل محمد عاشق ملتانی

گل محمد عاشق ملتانی راجپوت قبیلے ڈھائی دے فرد ہن۔ انہاں دے والد داناں محمد علی فضل ہا۔ جیڑھے درمیانے درجے دے کاروباری شخص ہن۔

گل محمد عاشق ملتانی ۱۸۸۵ء بمطابق ۱۳۰۲ھ کوں ملتان وچ جمے۔ آپ دا پورا اثر محبت اہلیت ہا۔ انہاں سید امیر حسین شاہ کنوں عربی تے فارسی دی تعلیم حاصل کیتی۔ اتے انہاں کنوں ڈھیر ساریاں علمی کتاباں پڑھیاں۔ انہاں شاعری شروع کیتی تاں سلطان الشعراء نبی بخش مضطر ملتانی دے شاگرد بن گئے۔ شاعری کنوں بعد انہاں ذاکری دامنڈھ پدھاتاں سید علی شاہ چھینوی کنوں ذاکری دافن سکھیا۔

گل محمد عاشق ملتانی جوانی وچ پہلوانی وی کریندے رہے گئے ہن۔ انہاں مکتبہ جعفریہ دی قائم کیتا ہائی۔ جیڑھاہوں دیر قائم نہ رکھ سکے۔ انہاں صحافت وچ قدم رکھیا تے ہک ہفت روزہ اخبار ”عاشق“ دے ناں نال کڈھیا۔ اے وی جلدی بندھی گیا۔

ذاکریں دی ہک مجلس وچ گل محمد عاشق ملتانی دے قصیدہ پڑھن تے نواب ثار علی قزلباش انہاں کوں قیمتی جوڑیا پوایا تے علامہ سید سبط حسن انہاں کوں ”سلطان الذکرین“ دا خطاب ڈتا۔

گل محمد عاشق ملتانی دے شاگرداں وچ نبی بخش شوق، محمد رمضان بہار ملتانی، فشی اللہ بخش رفیق، فائق رنگ پوری، ناز محمد گوی، غلام حسین منیر، سردار علی فوق، سید عطا حسین حیدری، مولوی علی نقی عشق، سید مختار حسین کرمانی، سید محمد علی شاہ سندھی تے سید مہر امام علی شاہ شامل ہن۔ انہاں دیاں کتاباں وچ مصباح نورانی، الواح نورانی، دربار نورانی، تاج سلیمانی، یادگار عاشق،

پیغام عاشق، کلام عاشق، مہتاب نورانی، آئینہ نورانی، بہار ذوق، صحیفہ نورانی صفات اہلیت تے مطلع نورانی شامل ہن۔

گل محمد عاشق ملتانی انٹی شاعری ایج یکیاں صفاں ورتیاں ہن۔ انہاں دی حرب و ضرب دے حوالے نال بحر دے کجھ شعر پڑیکھو۔

اے تیغ شاہ زمن دی کیویں پڑکھا کے ناز و ادا ہے نکلی  
صفائی عمدہ ہے صاف پڑیکھو صفاں کوں کر کے صفا ہے نکلی  
پڑکھایا جنگ و اکمال، واہ واہ دی ہر طرف توں صدا ہے نکلی  
علی دافن حرب سلامت، او سیف بٹ تے قضا ہے نکلی  
زمین کوں زلزل پیا ہے تھر تھل تمام بھیل مچا ہے نکلی  
شریر کنبے، نہ مول چنبے، غضب دے لہبے اڈا ہے نکلی

گل محمد عاشق ملتانی پابند صوم و صلوٰۃ ہن۔ بعد نماز فجر روزانہ درگاہ حضرت شاہ شمس تے حاضری پڑیندے ہن۔ درگاہ دے سجادہ نشین مخدوم سید ضمیر حسین شاہ نال انہاں کوں خصوصی عقیدت ہائی۔ روضے تے حاضری دے بعد انہاں دی پٹھک تے نشست تھیندی ہائی۔

گل محمد عاشق ملتانی ذیابیطس دے مرض وچ مبتلا تھی گئے اتے عین جوانی وچ پختا لیٹھ سال دی عمر وچ ۱۲ ربیع الاول ۱۳۵۲ھ بمطابق ۱۱ جولائی ۱۹۳۳ء کوں اللہ کوں پیارے تھی گئے۔



## تقریر محشر تا شیر بیان واقعات مصائب حالات شبِ دہم محرم الحرام

لکھت: گل محمد عاشق ملتانی

محب حسین ہک ڈ۔ نہہ جناب امیر علیہ السلام مسجد کوفہ وچہ جلوہ افروز ہن۔ جو جناب نے ڈٹھا ہک شخص گوشہ مسجد وچ خاموش بیٹھا ہے۔ جناب فرمایا اے جوان توں کون ہیں۔ دست بستہ ہو کے عرض کیا۔ یا امیر المومنین میں بھی جناب دے مچاں وچوں ہک فرد ہاں۔ فرمایا جناب امیر بندہ خدا محبت داد دعویٰ مشکل ہے پھر اوں عرض کیا۔ جناب میں آپ دامحبت ہاں۔ جناب متبسم ہو کر فرمایا۔ اے شخص بازار جلوں۔ جناب بازار کوفہ وچ اوکوں گھن آئے۔ ڈٹھا ہک طباطبی تنور بالکل شعلہ زن اتے گرم ہے جناب نے فرمایا۔ اے بندہ خدا محبت داد دعویٰ مشکل ہے۔ پھر پہلے دی طرح اوں دعویٰ کیا۔ جناب میں حضور داد واقعی محبت ہاں۔ فرمایا جناب امیر علیہ السلام اگر توں میڈا محبت ہیں۔ تاں ایں تنور شعلہ زن دے وچہ اپٹے آپ کوں گراڈے بحالت پریشان بولیا او جوان اے شاہ مردان اے تنور میکیوں ضرور جلاڈیسی۔ خاکستر بٹاڈیسی حضور فرمایا جائیداد ہیں بار خدایا، اساں آل ابراہیم تے بھاہ گلزا کراڈتی۔ اساں کوئی جلاون والے ہیں۔ یا کہیں کوں ستاوٹ والے ہیں۔ تیڈے دعوے نے تیکوں خراب کیا ہے۔ محبت زندگانی نے بے تاب کیا ہے ہن آ بفصل رب الارباب تیکوں جل کے محبت ڈکھاواں۔ جناب ابو تراب حیدر کرار اوں جوان کوں نال لا کے بیرون کوفہ آئے۔ اتے فرمایا اکھیں بند کر۔ پھر فرمایا اکھیں کھول۔ او شخص کھول کے ڈیکھے۔ تاں کیا نظر آیا۔ غیر ملک ہے۔ عرض کیستی۔ مولا کوفہ چوکھا دور ہے فرمایا جناب امیر اے عبد خدا کوفہ اتھوں چند ڈیہا ندا پنہ ہے مغموم ہو کے آکھن لگا۔ افسوس ہے۔ اچھا محبت داد دعویٰ کیا۔ جو ہال بچے اوتھاں رہ گئے۔ اتے میں ایں جا آ گیا ہاں۔ جناب امیر المومنین فرمایا۔ اے شخص گھبرا نہیں اساں کہیں کوں نہیں ررواں والے توڑیں ساڈیاں قبریں نال قبریں نہ رلن۔ مگر ایں شہر وچہ ونجہ فلائی موقعہ دے اتے ہک قصاب دی دوکان ہے توں اونج اتے ونجہ کے کھڑ رہ او خود



بخود تیں کنوں دریافت کر لئی۔ کہ توں کون جوان ہیں۔ توں آکھیں میں کونے دا باشندہ ہاں جیڑھی  
 جاعلی المرتضیٰ رہندا ہے اوتیڈی ضیافت کر لئی۔ توں اوکوں قبول کریں مگر ایہ نہ آکھیں جو علی  
 میڈے نال ہے۔ بموجب ارشاد فیض بنیاد خاصہ رب العباد دے آیا۔ قصاب کوں او سے طرح  
 پایا۔ قصاب ڈٹھا کہ ہک شخص ہے اجنبی کھڑا ہے پوچھٹا کیتس آپ کون بزرگوار ہو۔ اوں جوان  
 آکھیا۔ کوفہ میڈا وطن ہے مرشد میڈا ابوالحسن ہے۔ قصاب آکھیا۔ کیا توں جناب علی دامرید ہیں۔  
 جوان پولیا واقعی علی میڈا رہبر ہے۔ قصاب آکھیا۔ اے مسکینواتے فقیر و میڈا دوکان لٹ گھن جو خدا  
 نے میکوں اپنے مرشد دے شہر دا آدمی ڈکھایا ہے۔ بعد اوندے قصاب آکھیا اگر علی تیڈا پیر ہے۔  
 تاں ضیافت میڈی قبول کر۔ جوان پولیا ہک درویش بیاں دی میڈے نال ہے قصاب پولیا۔ فکر نہ  
 کر۔ ہک کیا اگر سو ہووے تاں بھی پرواہ نہیں جو کجھ میڈے گھر وچ موجود ہے۔ علی دامال ہے۔ اوہ  
 جوان واپس آیا۔ تمام حال جناب امیر کوں سٹایا۔ جناب امیر فرمایا۔ جل محبت دا حال ڈکھ۔  
 ڈوہیں پیراتے مرید قصاب دے کول آئے۔ قصاب بحالت خوشی ڈوہاں صاحبان کوں نال لاکے  
 گھر آیا۔ مسند و چھائی۔ ڈوہاں کوں بلہایا۔ دست بستہ ہو کے الا یا۔ تاں میڈے پیر دے ملک  
 دے رہن والے ہو۔ اگر کوئی تکلیف میکوں ڈیوتاں میں اوکوں سراسر راحت و فرحت جاساں۔  
 گھر وچ آکے عورت کوں اے تمام حال سٹایا۔ اتے آکھیا۔ جو اے ڈوہیں جوان تیڈی مخدومہ بی  
 بی خاتون معظمہ دے شوہر دے شہر دے رہن والے ہن۔ عمدہ کھالے تیار کرو۔ کیونکہ ثواب ہوسی۔  
 راضی ابو تراب ہوسی قصاب خاطر تواضع وچہ مصروف رہیا۔ عورت امور خانگی وچہ مشغول ہوئی۔  
 اتنی توڑیں دق الباب ہو یا۔ یعنی کنڈا کھڑ کیا۔ قاعدہ ہے جو ہال والدین کولوں پہلے آندے ہن۔  
 ڈوہیں فرزند اوں قصاب دے آواز سن کے ہاہر آئے ڈٹھا جلا د کھڑا ہو یا ہے۔ پچھیا ہالاں کیوں  
 آئے ہو۔ جلا د پولیا شاہ دے پیٹ وچہ درد ہے حکیمان نسخہ تجویز کیتا ہے۔ جو اگر علی دے محبت دا  
 خون پیوے تاں شفا ہو ویسی۔ سٹایا گیا ہے ساڈے پیو علی دے نال تے دوکان لٹاؤ تا ہے۔ ہیں  
 واسطے آیا ہاں۔ ہال یک زبان ہو کر پو لے۔ ساڈے پیو دے خون دی ضرورت ہے یا علی دے



محب دے خون دی ضرورت ہے جلاد پو لیا علی دے محبت دی خون کی ضرورت ہے ہالاں آکھیا اگر علی دے محبت دا خون ضرورت ہے تاں خدا جائدا ہے۔ اساں بابے کنوں زیادہ محبت رکھدے ہیں۔ اگر علی دے ناں تے سر منگو تاں حاضر ہے۔ جلاد آکھیا پھر سر جھکاؤ۔ ہالاں سر جھکایا۔ جلاد نے تلواری چلائی۔ مارے گئے ڈوہیں بھائی۔ ماء جوڈ ٹھا جو کیرھے ویلے دے میڈے ڈوہیں دربار ہاہر گئے ہن تے ول نہیں آئے۔ بلحاظ پردادروازے دی ڈلیک وچوں ڈٹھا۔ جوڈ وہیں فرزند ماہی بے آب دی طرح تڑپ رہے ہن۔ محبت مادری نے جوش کیتا۔ عورت با استقلال ڈوہاں ہالاندی لاش چاکے ہک کوٹھے وچہ بند کراڈتے۔ کاروبار وچہ مشغول ہوئی۔ مگر درد کنوں ہنجوں تر آون ول آپنے دل کوں تسلی ڈیوے اتے آکھے اہج نہیں رووٹاں ورنہ اے اکھیں خاتون جتاں کنوں شرمسار ہووین۔ کیوں جوان مہمان موجود ہن۔ بعد انہاں دے خدمت گذاری دے آہ زاری کرن مناسب ہے بالا اختصار کھاٹے ہو گئے تیار۔ دسترخوان وچھایا گیا۔ مہماناں کوں بلایا گیا۔ کھاٹے حاضر کیے گئے۔ جناب امیر فرمایا۔ مرد صادق سیڈے فرزند کتھ ہن۔ اومائی کنیر آہی استقلال نال الائی کتاہیں کھیڈن گئے ہوسن۔ آپ کھاٹا تناول فرماؤ۔ اتنے تائیں جناب امیر فرمایا۔ اے بانہی اللہ دی سیڈے ایمان و محبت تے آفرین ہی ہے گھن آلاشے ڈوہاں پتراندے میں ہاں علی ابن ابی طالب عورت پو لی یا مولا میڈا گھر برباد ہو گیا ہے جناب فرمایا۔ فکر نہ کر بحکم خدا میں آباد کر کے ویساں آخر کار ہک لاشہ پو نے چایا۔ ہک لاشہ ماں نے چایا۔ جناب امیر علیہ السلام نے جوڈ ٹھا۔ ہک لاش ماں نے چائی ہوئی ہے اتے ہک لاش پو نے چائی ہوئی ہے۔ جناب کوں جو وقت یاد آ گیا۔ روندے روندے جبین مبارک زمین تے ونج لگی۔ عورت عرض کیتا۔ مولا میڈی جوڑی کوں نہ روو میں لکھ جوڑیاں پجڑیاں دیاں جناب دے قد ماں توں قربان کراں جناب فرمایا۔ میں سیڈی جوڑی کوں نہیں روندنا میں ہک ہی جوڑی کوں روندناں جیڑھی دریادی کندھ تے حارث دے ہتھوں ماری ویسی۔ لکھدن جیس وقت حارث جناب امیر مسلم دے فرزند اں کوں گھن کے دریادے کنارے تے آیا۔ ظالم ازلی شہزادیاں کوں چھوڑ کے تلواری چکاوٹ لگا۔ شہزادیاں کوں



ڈراوٹ لگا۔ ڈوہاں مدینہ ڈومنے کر کے بحالت پریشان نالاں وگیاں عرض کیتا۔

کر کے منہ مدینے ڈو ہوئے ڈوہیں عرض گزارے

نہ کہیں تانگھ اساڈی اماں اساں کھڑے ہیں تہہ تگوارے

پیاں نے ہن بے آس کیتا توڑیں کھڑے ہاں بحر کنارے

سن گھنیں پردیس دیوچہ تیڈے مارے پتر پیارے

شہزادیاں دی فریاد سن کے پکھی ہوا وچہ روندے ہن۔ ملائک سما وچہ روندے ہن

کیونکہ یتیمیاں دی فریاد پر اثر ہوندی ہے۔ مگر حارث کوئی ایسا ظالم بے درد ہا جو ہک ذرہ رحم نہ آیا۔

الناخت دل ہو کر الایا۔ مدینہ کتھاں کوفہ کتھاں۔ حیلہ سازی نہ کر ہن موت دا ہتھ تہاڈے گریبان

وچہ ہے۔ گھبراؤ نہیں تہاں کون سزا ملسی۔ تہاڈے چولے لہائے وین لاشے دریا وچہ لڑھائے

وین اے کلام بد انجام دی سن کر شہزادیاں ہک آہ کیتی ہوا دی طرف مخاطب ہو کر فریاد کیتی۔

اے باد صبا جے قسمت نال مدینے پھیرا پاویں

نخی حسین دی خدمت وچہ پیغام ایہو پہنچاویں

مس اکبر دی قسم ہئی مولا کوفے مول نہ آویں

دل بابے مسلم دے کیتے ہوں سارا پرچاویں

اے فریاد سن کر اوں جلا داتجھی آن کر جھنڈک ڈتی۔ جو شہزادے کنب ہگئے۔ عرش

برین کنب ہگیا اتنے تائیں حارث دا پتر آیا۔ اے بابا انہاں یتیمیاں دے ماریں تیڈے ہتھ کیا

آسی۔ نبی ﷺ دے مونہوں شرمسار ہوئیں۔ علی دے مونہوں شرمسار ہوئیں۔ حارث بولیا نہ ڈر

ہے علی دانہ نبی ﷺ دا خوف ہے ابن زیاد دے حکم دی تعمیل ہووے توڑی ناراض رب جلیل ہو

وے۔ پتر حارث دا بولیا۔ او انسان نہیں جیکوں موت دا خیال نہیں اے نبی ﷺ دے ہال ہن علی

دے لال ہن۔ کجھ حیا کر۔ خوف خدا کر۔ مگراوں مردو کوں کجھ خیال نہ آیا۔ تگوار گھن کے چھوٹے

بھائی دے قتل کرن تے آمادہ ہویا۔



جاں معصوم دے سرتے ظالم تیغ ظلم دی تولے  
 سر بھائی تے بھائی نے آکیتے ہتھماں دے اولے  
 وچہ پردیس دے ظالم بھیڑ اکھت نہ لپڈے رولے  
 وچہ طعناں دے ماء ایندی پٹھھی ہوسی سانجھ کے چولے  
 جاں معصوم نے پڑھ بسم اللہ گردن پاک جھکائی  
 ناں بے کس تے ترس کیتا چا ظالم تیغ چلائی  
 مونہوں نکلی اماں اماں جندڑی لڈ سدھائی  
 ڈیکھ تڑپھدا بھائی کوں جھنڈ پیا لاش تے بھائی  
 پراوں ملعون نے ایس ظلم تے وی اکتفانہ کیتا۔ معصوم دی لاش چا کے بھراکوں ڈکھا کے  
 دریا وچہ لوڑھ ڈتی۔

جاں لاش مشوم دی ظالم نے آ وچہ دریا دے لوڑھی  
 رو آکھیا بھائی بھائی کوں کن ویندیں سنگت تروڑی  
 نام خدا دے کھڑ وہنج ویرٹ میڈے آنندیاں توڑی  
 ہر کوئی آکھے مول نہ نکھرے شہ مسلم دی جوڑی  
 لاش غریب دی۔ بحر دی لہر وچہ کھڑ گئی۔ وڈے بھائی نے سر جھکا ڈتا۔ ظالم نے تلووار  
 تلے ہلہا ڈتا۔ وڈے بھرا داسر قلم کر کے لاشہ دریا وچہ لوڑھ ڈتا۔ ڈوہیں بھراء ہک ہئے کوں گل لا  
 کے مسیت دی طرف روانہ ہوئے۔ جیس وقت شام ہوئی ہک جھلار دیو وچہ ڈوہیں لاشے ٹھیر گئے۔  
 ہک ہٹ اپنے کاروبار وچ مشغول ہا۔ جو یکا یک ادھی رات دیو لیے آواز آیا۔ ہائے دو میڈا ہجڑا  
 اول ہٹ تعجب کیتا کہ کون عورت ہے جو ایس ویلے رو رہی ہے۔ ایس خیال وچہ ہا۔ جو ہک سفید  
 ریش بزرگ ظاہر ہوتے آکھیا۔ اسے شخص پردہ کر۔ جو خاتون قیامت آواں چاہندی ہے اوں شخص  
 پردہ کیتا۔ ہک نور دی عماری نازل ہوئی۔ اوندے وچوں روداں آیا۔ ڈوہیں لاشے لی بی نے

جھولی وچہ پا کے فرمایا۔

ارمان ارمان ارمانے مسافر بچڑے

خاتون تھیوے قربانے مسافر بچڑے

ہائے ہائے میکوں امت ستایا۔ کہیں کوں مطلق شرم نہ آیا۔ ہویا گھر میڈا دیراٹے، مسافر بچڑے  
 کتھاں ساڈی ٹیکس امڑی۔ جے تائیں جیسی روسی کلہڑی۔ کریا دا پٹا بستانے، مسافر بچڑے  
 روندی ہوسی امڑی نمائی۔ ہجر فراق دی لا کر کاٹی۔ ہردم رہسی گریانے، مسافر بچڑے  
 کے تائیں عاشق امڑی روندی۔ سو سوواری صدقے ہوندی۔ ڈہدی خون دیوچہ غلطانے، مسافر بچڑے  
 آخر کار سید ابرار دے اہگوں ڈوہیں لاشے آ کر رکھے۔ جناب امیر علیہ السلام دعا  
 فرمائی۔ اچن جناب امیر دی دعا ختم نہ تھئی ہائی۔ جوڈوہیں فرزند قصاب دے زندہ ہو گئے جناب  
 امیر علیہ السلام فرمایا اے جوان ڈیکھ محبت ایں دانام ہے۔ زبانی دعویٰ نہیں ہو سکدا محبت حسین  
 قابل غور بات ہے جیں وقت آئی سادات تے ڈاھویں دی رات دی سیاہی۔ بے قرار ہوئی۔ کینر  
 الہی کیونکہ اے رات قیامت کنوں کم نہیں کیونکہ ہر بی بی کوں خیال ہا۔ پتر والی آدھی ہائی۔ میڈا بھرا  
 نہ ہوسی۔ مگر نتیجہ ایہو ہا۔ ہر بی بی دا اے خیال ہا۔ پتر مرے بھرا مرے خاوند مرے۔ مگر خاتون دے  
 لال دی خیر ہووے۔ خاص کر زینب خاتون جن کوں جوڈوہیں لکھے ہا۔ فرماوے ہا۔ اے جن توں تاں  
 کل افلاک تے ہوئیں مگر خاتون دا جن کل خاک تے ہوسی۔ لکھدن جیں وقت رات ڈھل گئی۔  
 جناب امام حسین کوں خیال پیا۔ کہ میں ڈیکھاں تاں سہی جو خیمیاں دیوچہ کہیاں ذکر ہے۔ جناب  
 امام حسین پہلے پہلے نال خیمہ عباس دے آکر سید ڈٹھا۔ کہ عباس نے دستار لہاتے گل پائی ہوئی  
 ہے کعبے دی طرف گردن ولائی ہوئی ہے۔ دعا مانگ رہیا ہے۔ کہ الہی صبح جو ہووے عباس حسین  
 توں فدا ہووے۔ بند بند جدا ہووے۔ دلوچہ پیڈی ثناء ہووے۔ راضی امام نیک نہاد ہووے  
 پچھوں عباس دی زوجہ اتے فرزند عباس دا آمین آکھن واسطے ہوں جناب امام حسین فرمایا۔ الحمد  
 للہ پھر جناب علی اکبر دے خیمے دے نال آکر ڈٹھا۔ جو ماء اکبر کوں پٹھی آہدی ہے اے اکبر بچڑا



صبح کو سب کنوں پہلے سر کپواویں۔ اتے ماء کوں سر خرد کرواویں۔ اے اکبر اگر تیں دیر کیتی تاں ہر کوئی آکھسی۔ پوتر اتاں حیدر کرار دا ہا۔ مگرام لیلیٰ دا اثر ہے جو امام حسین ماریا ہیا ہے۔ علی اکبر اُف نہ کر سکیا۔ شہزادے عرض کیتا۔ اماں فکر نہ کرو۔ نہ تلواریں تھیں نہ ڈھال تھیں۔ جو کجھ تھیں جناب دے کھیر دے اقبال تال تھیں۔ جناب امام حسین اے حالت ڈیکھ کے شکر خدا ادا کیتا۔ پھر روندے نیر و ہندے بھراء حسن دے خیمے کو لبہ آئے اتے فرمایا۔ حسین ذرا ڈیکھ تاں سکی جو ایں بیوہ پر درد دا کیا حال ہے۔ حضور ڈیکھن تاں کیا نظر آیا۔ بی بی بھلت گریاں فرما رہی ہے۔ اے قاسم بچڑ اتوں یتیم ہیں۔ چاچے توں سب کنوں پہلے قربان ہوویں۔ کیوں جو حسین دے اوتے وقت سخت ہے بلا وجہ جتلا بتوں دے دل دالخت ہے۔ مناسب ہے سب کنوں پہلے چاچے دی امداد کر۔ بیوہ روح کوں شاد کر۔ کیوں جو گذر گاہ زمانہ ہے۔ کوئی کل مر گیا۔ کوئی لجر روانہ ہے بچڑا وندی موت قیامت تک نام رہے۔ سر جاوے۔ تاجاوے۔ مگر اسلام رہے امام دی غلامی ہر بشر تے واجب ہے۔ جناب شبیر اے تقریر پر تاثیر سن کر اپنے آپ کوں فرمایا جہل ہن حسین ڈیکھاں بھین پیاری دا کیا حال ہے۔ جناب آئے ہمشیر کوں بے قرار ڈٹھا۔ روندازار روزار ڈٹھا۔ نہایت درجہ دا اضطراب ڈٹھا۔ ہک پاسے عون ڈٹھو جسے پاسے محمد صلی اللہ علیہ وسلم ڈٹھا ہمشیر دی تقریر سنی۔ فرما رہی ہے بچڑا اگر حسین ماریا کیا میکوں جیندیاں وچوں نہ سمجھٹا۔ بغیر حسین دے جیوٹا زینب کیتے محشر بپا ہوی۔ بے تائیں جیساں رووٹ دی صدا ہوی۔ یاد رکھٹا ڈٹھو ترے ہو۔ حیدر کرار دے۔ پوترے ہو جعفر طیار دے سب کنوں پہلے سرفراز ہووٹاں تاج شہادت سرتے رکھ کے ممتاز ہووٹاں حسین توں قربان ہووٹاں عین سعادت ہے۔ حسین دی محبت دے وچہ مرنا شہادت ہے حسین دے مرنا تال شہید دا خاتمہ ہوی۔ حسین دی موت ڈیکھ کر سرعریان اماں فاطمہ ہوی۔ شہزادیاں ہتھ جوڑ کے عرض کیتا۔ اماں سب کنوں پہلے سر کپویں۔ جو ہر تیغ بنی ہاشم دا ڈکھیوں توڑے جو کم سن ہائیں۔ مگر ڈٹھوے نانے کولوں مشہور شمشیر زن ہائیں جناب امام حسین علیہ السلام روکے فرمایا۔ اماں جانی بی بی عرض کیتا۔ جیویں بھائی شاہ فرمایا۔ اے میٹھے کیتے ڈو ہتر تیار پئے ہوندن یا

میڈے سینے کیلے نیزے دے پھل دار تیار پئے ہوندن۔ ایہا گفتگو شروع ہائی۔

جاں پوہ ظلم دی پھٹی۔ رورو آکھیا زینب خاتون سنگت ویردی چھٹی۔ پاک کمائی زہرا  
دی ویسی دشت بلاء وچہ لٹی۔ آل رسول ﷺ دی بے گناہ ویسی امت دی ہتھوں کشی۔ محبت حسین  
جیس وقت صبح دے آثار نمودار ہوئے۔ خبردار ہر دو لشکر دے علمبردار ہوئے جناب عباس علمدار  
ثانی جعفر طیار دروازے سید ابرار تے آکر نیر دہا کر ہویا عرض گزار۔

لو صبح ہوئی مرغ سحر بول رہے ہیں

میدان میں کفر علم کھول رہے ہیں

جناب امام حسین علیہ السلام فرمایا۔ علی اکبر کون بلاء جیس وقت علی اکبر آیا سید روکے

فرمایا۔

شاہ فرمایا اکبر کون ناں رکھ توں وطن دی تانگھے  
پڑھ بسم اللہ پھڑا میڈا فجر دی ڈے چا بانگے  
جھٹ تیں جھنوسیں زین کون کھا سینے والی سانگے  
آواز آیا سن گھنسی صغرا بانگ تیڈی دی سانگے  
جس دم بانگ اکبر نے ڈتڑی کر بل دے تھل بارے  
حکم ہوا کون ہویا کر اے صغراء دے گوش گزارے  
سن کر بانگ اکبر دی صغرا رُنی زارو زارے  
آکھے نام خدا دے ویرا کر پورا اقرارے

نوحہ

آکھے رو صغرا دلگیر دے  
دل وطن ڈو اکبر ویر دے  
میں تاں روندیاں نئے نئے نیر دے



کر یاد سیڈی تصویر وے  
 بٹاں وچوں کوئی نہ آیا دشت بلاء کوں وطن بٹایا  
 ہجر فراق نے مار مکایا  
 روندی پردیس ہمیشہ وے  
 نہ بھین غریب دی خبر گھدوئی  
 میں اہج موئی یا کل موئی  
 میڈی اینویں ہائی تقدیر وے  
 رات ڈٹھا ہے خواب وچالے  
 بیڑا ہویا پھالے پھالے  
 بٹاں دا ڈیکھاں کیڑھا حالے  
 ملے خیر دی تعبیر وے  
 دل صغرا دا آہدا اینویں  
 اکبر ویرن جہ تائیں جیویں  
 مل ونج ویرن جیویں کیویں  
 سیڈے ہجر کیتا ہے فقیر وے  
 عاشق روندی رہی پیارے  
 آ کر مل ونج ویر پیارے  
 دل سیڈے رخ ڈیکھن والی  
 ناں پیش گئی تدبیر وے

## قاضی خدا بخش محزون

قاضی خدا بخش محزون محلہ قاضیاں ملتان دے رہن والے ہن۔ آپ دے حالات زندگی دا پتہ نیں لک سکیا۔ محزون ہوں وڈے ذاکر تے مرثیہ گو شاعر ہن۔ آپ دے چھ پتر ہن۔ محزون ۱۳۵۲ھ تائیں زندہ ہن۔ محزون دے ہوں سارے مجموعے چھپے ہوئے ہن۔ جہاں دے ناں اے ہن۔

- ۱۔ آفتاب مضمون، غلام اصغر، ملتان، ۱۳۵۲ھ، ص: ۵۲
- ۲۔ انوار مضمون، کوپریو پریس لہور، ۱۳۳۲ھ، ص: ۵۳
- ۳۔ بہار مضمون، غلام علی، کاظم علی، ملتان، ۱۹۳۳ء، ص: ۶۶
- ۴۔ تحفہ محزون، شیخ غلام علی، برکت علی تاجران کتب لہور، ۱۹۳۲ء، ص: ۸
- ۵۔ تنویر العیون، کتب خانہ صادقہ ملتان، ۱۳۲۲ھ، ص: ۷۰
- ۶۔ در مشون، کاظم علی، غلام علی ملتان، ۱۳۲۰ھ
- ۷۔ دُر مکنون، // // ۱۳۵۲ھ
- ۸۔ ضیاء العیون، غلام اصغر تاجرت کتب، ملتان، ۱۳۳۱ھ
- ۹۔ کنز المکنون، کاظم علی، غلام علی، ملتان، ۱۳۲۱ھ
- ۱۰۔ گلزار حیدری، فیض بخش، محمد ذوالفقار، ملتان، ص: ۴۲
- ۱۱۔ گلزار مضمون، غلام اصغر، ملتان، ۱۳۳۲ھ، ص: ۷۴
- ۱۲۔ مہتاب ماتم، // // ص: ۷۲
- ۱۳۔ مہتاب مضمون، غلام اصغر، ملتان، ۱۳۵۳ھ، ص: ۳۴



۱۴۔ نور العیون، مولوی غلام اصغر، ملتان ۱۳۴۱ھ

۱۵۔ (مرتب) انتخاب شعراء، غلام اصغر ملتان، ص: ۵۶، شامل ہن۔

قاضی صاحب دی نثر ہوں مشکل اے۔ اتے اوندے وچ روانی وی کینی۔ جیندی وجہ  
توں پڑھن وچ مشکل پیش آندی اے۔ ایس خامی دے باوجود اوہوں چنگے شاعر، ذاکر تے نثر  
نگار ہن۔

## تقریر شہادت فرزند ان حضرت امیر مسلم

لکھت: قاضی خدا بخش مخزون

اے مومنین، باتمکین، لکھدن مورخین، صادق الیقین کہ ہک ہال یتیم وچ خدمت بابرکت جناب حضرت رسول کریم ﷺ دی پرورش پندار ہندا ہا۔ آپ ہر وقت اوندا خیال کمال شفقت اتے مہربانی فرمیںدے رہندے ہن۔ غرض کہ کھانا بھی اوں ہال یتیم کوں ہمیشہ اپٹے رلے کھویندے آہن۔ اتفاقاً بقضائے الہی اوہال یتیم فوت ہو گیا۔ حضرت اوندی مفارقت وچ اتنا رُنے جو سوہٹی ڈاڑھی مقدس نورانی، اوں محبوب ربانی دی تمام نال ہنجواں دے تر ہو گئی۔ بلکہ اوں ڈنہہ اوں ہال یتیم دے غم وچ آپ نے کھاٹا وی تناول نہ فرمایا۔ اصحاباں عرض کیتا یا جناب اگر حضور ﷺ ارشاد فرماون کوئی بیہال خدمت اقدس وچ حاضر آن کرے جے۔ حضرت فرمایا یا نہیں خبر تساں کوں مرتبے پرورش یتیم دی میں تاں محض خوشنودی اتے رضا مندی پروردگار عالم دی جاں کے اوں یتیم دی پرورش اتے ناز برادری کریندا آہم۔ کیوں جو ایڈا مرتبہ ہے یتیم دی خدمت گزاری دانزدیک اللہ تعالیٰ دے کہ جیڑھے ویلھے کوئی شخص نال محبت خالص دے ہال یتیم دے سرتے پھریندے اوں شخص دے ہتھ تلے جتنے وال اوں یتیم دے آون اوہے جتنے فرشتے اوں ویلھے اللہ تبارک و تعالیٰ پیدا کریندے اتے حکم فرمیںدے انہاں کوں جو تساں ایس میڈے ہانے دے واسطے میں کنوں دعا بخشش دی طلب کرد۔ جو اس شخص نے اوں ہال یتیم دے سرتے ہتھ شفقت دا پھیرے۔

جیندے سرتے جگ دنیا وچ نہ ہا ما پو دا سایہ  
اوندی خاطر کیتی ہم میں ایندا قدر ودھایا  
ہے افسوس جو کھلے گویاں کپڑا لوڑھ دسایا



جوڑ یتیم نبی ﷺ دی آل کوں ظلم دے نال رلایا

اے مومنو کیا سخت یتیمی کیا بلا ہے

اس غم کی نہ مرہم ہے نہ اس رنج کی دوا ہے

یتیمی او مصیبت ہے جیس کونوں رہا تھیوں مشکل ہے۔ یتیمی دی او مرض ہے جیندا دوا

تھیوں مشکل ہے۔ یتیمی والا ایہو جہیاں غم دا بحر ہے جیندا کوئی کنارا نیس۔ کوئی یتیمیاں کوں جھٹک

ڈیوے تاں بے وس روکے آپے چپ کرویندن۔ ہر وقت یتیمیاں دے میلے لباس اتے چہرے

کماٹے ہوندن شکستہ حال اتے ادراٹے راہندن۔

شکل یتیمیاں والی یارو ڈس دی آپ توں آپے

میلے چولے چوٹیاں کھلیاں غم دے وچ چپ چا پے

اللہ راسی بھرن اداسی بیکس وئجن سنجاپے

کہیں کوں کجھ نہ آکھن ڈرتوں، پونون جگر کوں کا پے

لکھ جان قربان تھیوے اتوں غریبی اتے بیکسی یتیمیاں امیر مسلم دے۔

پردیس میں کیونکر انہیں دشمن سے اماں ہو

جن بچوں کے سر پر نہ بابا ہو نہ ماں ہو

بچے بھی وہ بچے جو کبھی نکلے نہ گھر سے

اک آن بھی ماں جن کو جدا کرتی نہ گھر سے

نہ راہ سے آگاہ نہ آگاہ سفر سے

وہ چھوٹ گئے کوفہ میں ہو لاچار پدر سے

کس سے کہیں سن چھوٹے اور رنج بڑے تھے

بابا کے مرنے سے تباہی میں پڑے تھے

جاں ویر وزیر وکیل حسین دا کشا قلم دے نال اے  
 آگئے ویرھ جفا وچ بیکس اللہ راسی ہالے  
 چھوٹے سن بیا وطن نالی نال ڈکھاں دے جالے  
 در در پھرن بے وطن نمائے جوڑ یتیمی حالے

ان سے بھی زمانے میں نہ ہو گا کوئی مجبور  
 ماں دور پدر دور وطن دور چچا دور  
 دوستان آل محمد ﷺ اللہ پاک تاں وچ کلام مجید دے فرمائے "فاما الیتیم تعہر"  
 یعنی یتیم دے اُتے قہر نہ کرو۔ گویا کہ رحم کرو مگر ظالم گھولے عوض رحم دے واسطے یتیمیں مسلم دے  
 تمام کو فے وچ منادی کراڈتی۔

تھا شور منادی کایہ ہر راہ گزر میں  
 بیٹوں کو نہ مسلم کے چھپائے کوئی گھر میں  
 خبردار کوئی یتیم سمجھ کے انہاں معصوماں کوں گھر وچ نہ پیا نکاوے  
 نہ کوئی کھاٹا کھوائے نہ کوئی پاٹی پلاوے

جے کہیں کیتا ترس انہاں تے ڈیکھ یتیمی حالے  
 چا نکاوے نال رحم دے گھر دے وچ او ہالے  
 سرکپ اوندا گھر لٹویسی حاکم قلم دے نالے  
 خلعت پیسی پکڑ کے ویسی جو دربار وچالے

بتلا دے کسی حجرے میں بند ہیں دونوں  
 حاکم کے گنہگار کے فرزند ہیں دونوں



اے آواز سن کے دشمن ناں خوش ہوندے ہن۔ اتے دوست دار اہلبیت محمد ﷺ دے  
زار و زار روندے ہن۔ ادہال یتیم و ت نازاں دے پلے ہوئے ہتھ پودی موت دے جھلے ہوئے۔  
چھوٹے چھوٹے سن وطن کنوں بے وطن بیکس ڈوہال اتے لکھ ہادشمن۔

پھرتی تھی اہل ساتھ جہاں جاتے تھے دونوں  
پتا بھی کھڑکتا تھا تو ڈر جاتے تھے دونوں  
آپس میں گلے لگ کے بھی کہتے تھے رو کر  
ساتھ آئے تھے افسوس چلے باپ کو کھو کر

پس ایس طرح ڈو یتیم مسافر پچڑے حیران تے گردان پھر دے آہن۔ سایہ بابل دایاد  
کر کے بے وس نالاں اتے گریاں پھر دے آہن۔ جو یکا یک ظالم اظلم ہو لیندے ہوئے سر  
معصوماں دے پہنچ گئے۔ ڈیکھن سیتی انہاں ہالاں دا بسبب خوف دشمنان دے خون خشک ہو  
گئے۔ چہرے زرد ہو گئے۔ قدماں ڈکچ گئے۔ طاقت رفتار دی مدہم ہو گئی۔ ساریاں چالھیں دل  
دیاں دل وچ رہ گیاں۔ اتے تمام بدن وچ کچکی جاری ہو گئی۔

آ پھونٹے سر ہالاں دے جاں ظالم اہل جفائی  
لا کر گل ہک ہے کوں رنج رنج رنے ڈوہیں بھائی  
واہ قسمت پردیس دے وچ ساکوں پئے ہگئی سخت توائی  
کنٹے منہ کر ونچوں ہن ڈیندی نہیں موت رہائی

پس مومنین ادب ضروری ہے۔ میں ہن کیا عرض کراں جو کیس طرح نال ظالم لعین  
اونہاں معصوماں پیماں کوں طرف کچہری ناری دے پکڑ گھن چلے۔ مجلس داناں دی ہے آپے سمجھ  
وین۔ دوستاں واسطے رونوٹاں داصرف اتنا اشارہ کافی ہے۔

تھی کر بے وس روندے ونجن بیکس ہال نمائے  
وطن کجا سر بابا نہ ما، ہن ڈاڑھے درد رنجارے

دل ول ڈہدے ہر ہک ڈ غم ڈ اڈھا دل اوڈ رائے  
 متاں کہیں کوں ترس پوون روآہدے اللہ جائے  
 قربان تھیواں اتوں مظلومی اتے بیکسی انہاں معصوماں دی جیڑھے ویلھے جو روندے  
 ہوئے وچ کچھری ناری ابن زیاد بد نہاد دے داخل آتھے تاں کیڑھا حال اوں وقت انہاں ہالاں  
 داہا۔

پہنچے جو ہیں لے کے انہیں ظالم غدار  
 دہشت سے لرزنے لگے بچوں کے تن آزار  
 بیٹھے ہوئے کرسیوں پہ چھوٹے بڑے تھے  
 اور سامنے چیکے سے وہ معصوم کھڑے تھے  
 بوندیں بھی پسینے کی ٹپکتی تھیں زمیں پر  
 ابھی ہوئی زلفیں بھی لٹکتی تھیں جبیں پر  
 ابن زیاد بد نہاد نے معصوماں دی طرف مخاطب ہو کے آکھیا۔ اے یتیم مسلم دے ڈسو  
 ہن کیڑھی سزا ڈیواں ایس چھپ و بچن دی۔ جو وڈی مشکل نال دستیاب تھئے ہو۔ شہزادیاں فرمایا۔  
 کیا صلاحیں سمجھدے ہو ظالم ڈریں ہا رب اکبر توں  
 آخر جھوک فتا دی ہے کجھ خوف خدا دا کرتوں  
 اہے سایا بابل والا چھدیا۔ اباڈے سرتوں  
 ہیں یتیم مسافر بیکس دور کھڑے ہیں گھرتوں  
 جاں اے گالھ یتیم ماں آکھی داہندیاں اکھیں نالے  
 سن کہ روٹوں لہے سارے سنگدل او منہ کالے  
 دل کر ابن زیاد کوں آکھیا ہے صلاح فی الحالے  
 نہ کر قتل انہاں کوں جلدی بھیج ڈے قید وچالے



اے بال اجاں معصوم ہن۔ انہاں دے ماریں کیا ہتھ آویسی۔ جیکر کوئی ضد ہندی اے  
تاں وڈیاں نال اے تاں معصوم ہن۔ مناسب ہے قتل دا ارادہ توں دل توں دور کر کے جلدی  
انہاں کوں قید خانے وچ بھجو اڈے۔ بس اے سزا انہاں دے واسطے کافی اے۔ جیکر حیاتی ہونے  
تاں ہک ڈیہ نہہ قیداں بھوگ کے آپ ماء غریب کوں وطنے وچ ملسن۔

بس اے گالھ سٹ کے اوں وقت او بد نہاد ابن نسل فساد نے داروغہ قید خانے دے  
کوں سڈ کے یتیمیاں کوں اوندے حوالے کیتاتے آکھیا جلدی انہاں کوں زندان تاریک وچ قید کر  
بیادت جو ظلم انہاں تے کریں تھوڑا سمجھیں۔ صرف اٹھویں پہر انہاں کوں روٹی جوں دی کھاوٹ  
کوں اتے پانی گرم پیوٹ کوں ڈیویں۔

سٹ داروغہ قید خانے دا ظلم دا عنوانے  
گھن آیا معصوماں کوں زندان دے وچ اس آنے  
وچ پردیس یتیمیاں کوں قید والی گزارنے  
کتھ مدینہ وطن لکھیڈ، قید کتھاں نادانے

لا کر بھل ہک ہے کوں ہر دم رونوٹ ڈوہیں دیرے  
بے وس آکھن آپس دے وچ، وہا اکھیں توں نیرے  
ڈیس بیگانے بندی خانے، تھیوسے آن اسیرے  
خبر نہیں کڈاں محسوس قیدوں، گزری مدت کثیرے  
اتے کہیں کہیں دلھے وڈا بھرا دیر صغیر کوں بے قرار ڈکھ کے ہاں دے نال چالیندا ہا۔  
طرح طرح دیاں دھیراں ڈیندا ہا جے فرمیندا ہا۔ امڑی ہایا۔ اللہ وسایا ہر حال تے شکر یہ پروردگار  
دادا کرٹاں لازم ہے۔

ہے مقبول او عبد غفارے  
 جیڑھا بندہ شکر گزارے  
 وقت مصیبت دم نہ مارے  
 ڈیکھ ڈکھاں کوں آکھے مارے  
 درداں توں نہ کرے عارے  
 ہووے صبر دی ہر دم کارے  
 جینویں تھیوے راضی یارے  
 رہے ہر حال تے تابعدارے  
 توڑیں اوکھ ملن پھوں سارے  
 حمد سوا کجھ حرف نہ بولے  
 دم دم مرضی یار دی بکولے

آدم علیہ السلام کنوں تاں ایس دم تاں جتنے جو رب دے پیارے ہو گزرے ہن۔  
 سب نے وچ رضا الہی دے اوکھ کشالے مصیبتاں والے ڈٹھے مگر حمد سوا خدا دے ہر گز بیا کوئی  
 حرف لب توں باہر ناں آندا۔

گھبراتے ہو کیوں روتے ہو کس واسطے ہر بار  
 خالق ہے قیاموں کا امیروں کا مددگار  
 چھٹ جاتے ہیں آخر میں جو ہوتے ہیں گرفتار  
 ماہی کے شکم میں رہے کب یونس دیندار  
 موت آئی توں اس قید میں مرجائیں گے بھائی  
 جیتے ہیں تو یہ دن بھی گزر جائیں گے بھائی

خاص کر اس اڈاں ورے جدی بھی ایہو ہے۔ جو مصیبتاں وچ دم نہ مارن تے ہر دم رب



کر خیال ہے اے جھیاں پاک رحیم کریم خدائے  
توڑیں قید ظلم و جحیم ہیں بیکس ڈیس پرائے  
ناں ہے امڑی بابل سر تے سب ہن اہل جفائے  
رب رازق انہاں دے ہتھوں ہر دم رزق پچائے

ہمیشہ اساڈے نالے سائیں جناب حیدر کرار قاتل کفار اسد اللہ الغالب حضرت علی  
ابن ابی طالب علیہ السلام دا بھی ایس نال جو یں دے نال گزارہ رہ گیا۔ بیاد ت جیڑھی طرح اساں  
قید دے وچ آئے ہوئے ہاں۔ ایس طرح اہگے کئی قیدی قید دے وچ آئے اتے رہائی پا گئے۔ پس  
ہر حال بفصل ذوالجلال تسلی خاطر کرنی چاہیے۔

فکر نہ کر توڑیں قید آندر، آہیں ڈاڈھے درد رسیدے  
روندیں روندیں امڑی جایا گزری مدت مزیدے  
آخری ڈنہہ ہک چھٹ کر وطنیں جُلسوں نال خوشی دے  
وانگوں حضرت یوسف دے وچ وطن منیوں عید دے

گالھ تسلی بخش بھرا دی، سنر کر دیر صغیرے  
عرض کرے دل خدمت وچ لوڑھ کے غم دے نیرے  
سچ فرمایا بے شک ہر تے قادر ذات قدیرے  
وانگ اساڈے جگ وچ نال ہوسی کوئی دگیرے

امڑی جایا درداں توں ہے مشکل ملن رہائی  
یوسف وچ یعقوب کوں ملیا رہ گئی مونجھ نہ کائی

ڈیکھ سائلے بھٹاں کوں، تھیاں خوشیاں جا بجاکی  
چھٹ کر قیدوں بائیں کوں اساں کتھہ کولیوسں بجاکی

الغرض ایں طرح نال روندیں روندیں معصوماں کوں وچ زندان دے ہوں سارا  
عرصہ گزر گیا۔ ہک ڈیہاڑے موجب دستور داروغہ قید خانے دا جو آیا ڈٹھس تاں اوڈ وچیں یتیم  
وڈے داناں محمد ہا۔ چھوٹے داناں ابراہیم۔ آپس وچ ہک ہئے کوں، گل لا کے نیر دہا کے پیٹھے  
آبدن خدا جالے کیا باعث ہوی کہ ہن توڑیں مائے سائیں جناب امام حسینؑ جو ہزاراں قیدیاں  
دی قید چھڑاڈیندا ہا۔ اساڈی خبر گیری کیوں نہیں کیتی۔ معلوم ہوندے شاید حضرت کوں اجاں  
اساڈے حال پر ملال دی خبر نہ پہونتی ہوی۔ ورنہ دیر کرک والا تاں اصلوں نہ ہا۔ پچوا خاتون دا۔

دیر تھئی شالا خیر ہووس ہوں عرصہ گزر سدھایا  
سے سے پودن دلیلاں دل وچ دنیا رنگ وٹایا  
پچڑیاں نال ہمیشہ جیوے جگ وچ زہرا جایا  
شاد رہے آباد رہے کیوں یاد نسی فرمایا

داروغہ قید خانے دے جوائے گالھ معصوماں دی شئی بے ساختہ نیر بے تاخیر اکھیاں  
توں وہ پئے۔ جلدی دے نال باکمال عجز و نیاز سر تسلیم دا جھکا کے خدمت شہزادیاں دی عرض کیتس یا  
جناب انج برائے خدا ایں وقت مہربانی فرما کر میکوں اپٹے حسب نسب توں بخوبی آگاہی بخشو۔  
لکھدن کہ نام اول شخص دامشکور ہا۔ محبت صادق اہلبیت محمد ﷺ ہا۔ مگر بسبب لحاظ دشمنان دی  
کولوں خفیہ متقی صاحب شعور ہا۔ جیس وقت شہزادیاں نے اوکوں نال کمال الفت محبت دے پولید  
ڈٹھا۔ فرمایا اے بندہ اللہ داتیکوں جزا خیر دی بخشے جو اساں یتیمیاں دے نال انج ایں قدر شفقت  
اتے رحم دی گالھ چا کیتی ہے۔ اچھا اے ڈس توں رسالت ماب حضرت محمد ﷺ کوں جانزدیں  
مشکور عرض کیتا کیوں میں جانزد جاو صاحب التاج و معراج نبی برحق رسول ہے خدا دا۔ لولاک دا  
والی اتے شفاعت کرک والا ہے۔ معصوماں فرمایا آیا کجھ جعفر طیار کوں بھی جانڈیں۔ عرض کیتس



بخوبی جائد ہاں۔ اللہ تبارک و تعالیٰ نے اوکوں ڈو پر زمر دے عطا کیتے ہوئے ہن۔ جو پرواز  
کر بندے نال فرشتیاں دے وچ بہشت دے۔ ول یتیمیاں نے فرمایا۔ جناب ولایت مآب اسد  
اللہ الغالب علی ابن ابی طالب علیہ السلام کوں بھی جائد یں۔ عرض کیتس کیوں نہیں جائز دامن جو  
اوہو ہے سردار میڈا۔ اے گالھیں سٹ کے معصوماں دی تسکین خاطر ہو گئی تے فرمایا حضرت امیر  
مسلم بن عقیل کنوں واقف ہیں یا کوئی ناں۔ مشکور دے نیروہ پئے تے عرض کیتس صد تے تھیواں  
کیوں نہیں جائز دامن مسافر بے دیار کوں جو وکیل تھی آیا ہامیڈے مرشد حسین علیہ السلام دا۔

کلمے گویاں گٹھا اوں کوں کر کے ظلم کمالے  
ہال بھی آہن ڈو چھوٹے چھوٹے اوں بکس دے نالے  
خبر نہیں اونہاں ہالاں دا ڈیکھاں ہو یا کیڑا حالے  
مارے گئے یا حیدرے واپس پہنچ گئے وطن وچالے  
ہائے ہائے یار و جیرہے ویلھے اونہاں یتیمیاں ہالاں نے اے گالھ سزوی رو کے فرمایا۔

اساں اوہے درد ستائے ہیں  
غم دیدہ وقت ولائے ہیں  
وچ قید ظلم دے آئے ہیں  
تھئے باہل باجھ یتیم اساں  
پیٹھے قید دے وچ مقیم اساں

ڈرتوں آکھ نہ سگدے کجھ اساں مسلم دے جائے  
ڈیس چھنا اتے باہل کٹھا وچ ظلم دے آئے  
کر بدبیر نہ رہوں اسیر، اساں ڈاڈھے ڈکھ نبھائے  
نام خدا کوئی لاچارا، ہن تھیوں جلد رہائے

اوں ویلھے مشکور عبد غفور ایہہ مذکور معصوماں توں سزیا جلد دے نال دروازہ زندان توں

ول کے اُتے قداماں تے ڈہیہ پیازار و زار وندا ہاتے عرض کریندا ہا۔

ڈھ قدمیں معصوماں دے او مومن نیک اطوارے

معاف کرو چا تقصیر میڈی، رو آکھے زاور زارے

بے خبری وچ جھنڈکاں ڈتیاں آپ کوں کتنی وارے

واقف نہ ہم حال کون ہے شاید ذات غفارے

جناب اے دروازے قید خانے دے کھلے پئے ہن۔ جنتے حضور دی مرضی آکھے لے

ونجہ۔ اوں وقت معصوماں نے اوندے حق وچ دعا خیر کیتی۔ ڈوہیں معصوم مغنوم ہمد و مونس ہر دو فر

یوسف و یونس وچوں قید شکم ماہی زندان باہر آ کے راہی وطن ہوئے۔ صدقے تھیواں ویلھارات دا

ہا۔ شہزادے نازاں دے پلے ہوئے اگے ایہو جیہاں تکلیفاں دے واقف نہ آہن۔

راتیں ٹر کیا جائزن جہاں امن دے نال نبھائی

چھوٹے سن وچ تھی بے وطن بیا قیداں تاب چکائی

بنھ گئی رات اندھاری پووے خبر نہ کائی

راہ نہ ملیا ونجٹ دا ٹردیں رات دھمائی

پس ساری رات خدادی معصوماں نے ٹردیں گزار ڈتتی۔ رستہ دستیاب نہ ہویا۔ جیں

وقت آثار صبح دے نمودار تھئے۔ تاں ہک باغ باہروں شہر کوفے دے قریب شہزادیاں کوں نظر آیا۔

جلدی نال سبب خوف دشمنان دے اوں باغ وچ کنارے تالاب دے ہک درخت دی اوٹ گھن

کے رونوں وچ بیٹھے۔ مگر نقشہ اجل دا ول ول انہاں غریباں دیاں اکھیاں دے اہکوں پھر ویندا ہا۔

معصوم نمائے درد انجائے ہال آہن سرداراں دے

وطنوں چکے پندھ دے مکے ڈکھی درد آزاراں دے

لا بگل ہک ہئے کوں ول ول رونوں ابر بہاراں دے

چا موت کیجے بند لائگھے سانگے مٹ گئے وطن دیاراں دے



ہن کن تے ونجوں رو رو آکھن آپس دے وچ بھائی ہے  
 اتھ ڈلیں وطن پردیس دے وچ، اہل اساکوں آئی ہے  
 پس او معصوم معصوم ہک ہنے کوں، گل لاکے روندے پٹھے آہن۔ جو اتفاق ہک عورت دا  
 اوں جا کنارے تالاب دے پاٹی بھرٹ واسطے گزرا آتھیا۔ ڈنھس تاں ڈوہال نمائے درد رنجاٹے،  
 چہرے اودر اٹے، یتیمیاں دی شکل بٹائی ہوئی سوہٹیاں زلفاں وچ خاک روئی ہوئی آپس وچ ہک  
 ہنے کوں، گل لاکے زار و زار روندے پٹھے ہن۔

آ کر اے کچھن لگی نال کمال دلا سے  
 اے پردیسی اللہ راسی، کتھ ہائی وطن دی واسے  
 کہیں توائی پئی تاساکوں روندے نہیں بے آ سے  
 حال ڈ سوئی الحال ڈ کھاں دا تھی کر بے واسے

معصوماں نے جواو عورت کوں نال کمال الفت اتے محبت دے نال پولیندا ڈٹھا تاں  
 روکے فرمایا اے مائی اساں کیڑھا کیڑھا اپنے ڈ کھاں داتیکوں ڈسوں۔ بیکس ہیں، یتیم ہیں، مظلوم  
 ہیں، معصوم ہیں، پردیسی ہیں، اللہ راسی ہیں، ستم رسیدہ ہیں، ظلم رسیدہ ہیں۔ بس اتناں کافی ہے۔  
 مدینہ دے گزرائی ہیں۔ قسمت نال اس باغ دے وچ آشیانی ہیں۔ بے اجاں بھی نہیں سنجاتا تاں  
 مسلم غریب دے جانی ہیں۔ شہید پیودی نشانی ہیں۔

معصوم ہیں مظلوم ہیں معصوم و حزیں ہیں  
 بیکس ہیں مسافر ہیں گناہ گار نہیں ہیں

لکھن او عورت دل قسمت نال کنیز آہی حارث العین دے گھردی مکر دلوں بجانوں او  
 مومنہ تے حب دار آہی اہلیت پیغمبر ﷺ دی۔ جیوں وقت اے حال پر ملاں معصوماں دا  
 سزلیں۔ صدقے صدقے تھندی ہوئی اتے قدماں دے جھن پئی تے عرض کیتس۔

اُٹھو ہن ناں ہوں اتھ گھر چلو میڈے نال اے  
 آل رسول ﷺ دی خادمہ ہے میڈی بی بی نیک خصالے  
 تھی گئے خوش شہزادے سمجھ عزیز کنیر دی گالے  
 ٹر پئے نال اوہیں دے بیکس اللہ راسی بالے

ذال حارث لعین دی جو باصدق دل مطیع اتے فرمانبردار خادمہ آہی آل رسول ﷺ دی  
 معصوماں کوں ڈیکھ کے درود شریف پڑھیا۔ اوں مومنہ اہل یقین دی دل بھد تعظیم و تکریم جو حق  
 خدمت آل رسول ﷺ داہا۔ تمامی پورا کیتا۔ لیکن حال بد خصال حارث ملعون، طالب دنیائے  
 دون، دشمن اولاد خاتون داناں اوں مومنہ کوں سارا معلوم ہا۔ جلدی دے نال علیحدہ اندر مکان  
 دے ہک حجرے وچ معصوماں کوں جائے قیام ڈتس۔ آب و طعام ڈتس۔ غرض کہ ساری حد خدمت  
 گزاری دی پوری کر کے ہر طرح دا آرام ڈتس۔

صدقے تھیواں اوہاں یتیم جو کہناں ڈیہاندے نندرائے ہن۔ ہک ہئے کوں بگل لا  
 کے سم گئے۔ جواتنے وچ او ظالم لعین حارث بے دین انھاں معصوماں کوں ہکول ہکول کے غصے دی  
 بھاء وچ جلد اہلدا گھر آہیا۔ تے ذال کوں آکھیس ڈوفرزند امیر مسلم دے قید خانے وچوں نکل  
 گئے ہن۔ حاکم دا حکم ہے جیڑھا انہاں کوں ہکول آسی ہوں ساری خلعت اتے انعام حاصل  
 کریسی۔ سٹن نال او مومنہ کمال پر مال بحر غماں وچ تار ہو گئی۔ طرح طرح دے فکر پیدا ہو گئے۔  
 بالکل بے آرام تے بے قرار ہو گئی۔ ساہ سک ہکیا۔ جندک ہو گئی۔ از حد بے وس اتے لاچار ہو  
 گئی۔ او ملعون روٹی کھا کے سم ہکیا۔ مگر اوں مومنہ دے واسطے نندر کرک دسوار ہو گئی۔ مگر تقدیر جو  
 ہمیشہ تدبیر تے غالب ہے۔ اہاں کوئی ویلھارات دا باقی ہاجو۔

نندر دے وچ معصوماں کوں ہک قسمت خواب ڈکھایا  
 حضرت مسلم ہالاں کوں بگل لا کر رو فرمایا  
 صدقے تھیواں یار میڈے ہوں ظلم دا وقت نبھایا  
 گزرے ڈیہ نہ ڈکھاں دے میں ہن گھنن تساں کوں آیا



خوابوں تھی بیدار گئے اوں ویلھے ڈوہیں نادانے  
لا کر بگل ہک ہئے کوں رنج رنج رُنے پُر ارمانے  
نیر وہندے یاد کریندے بابل دا فرمانے  
آکھن جگ دنیا دے وچ بس جھٹ دے ہیں مہمانے

قضا کار آواز جا نگداز معصوماں دے رونوٹ دا حارث ملعون دے کنیں پئے کیا۔  
اوہیں وقت اوقتہ بیدار ہو کے ذال توں کچھن لگا۔ اے کہیاں آوازاں ہالاں دے رونوٹ دا  
اساڈے گھر وچوں پیا آندے۔ اوں مومنہ صادقہ اہل تقیہ نے واسطے حفاظت جان دی جواب  
ڈتا۔ شاید کہیں قریبی ہمسایاں دے ہال پئے روندے ہوسن۔ مگر اوں لعین بے دین کوں یقین نہ  
آیا۔ جلدی دے نال دروازہ گھر دا کھول کے اندر حجرے کولیندا ہو یا سر معصوماں دے پہنچ کیا۔  
ڈرکوں معصوماں نے فرمایا اے شخص توں کون ہیں۔ جو ایس وقت اسا کوں بے آرام آکیتی۔ اوں  
ملعون آکھیا حارث ہاں مالک گھر دا۔ تاں ڈساؤ تاں کون ہو۔ معصوماں فرمایا جے کر مہمان سمجھ  
کے اسا کوں امان ڈیویں تاں تیکوں اپنا حال ڈسیندے ہیں۔ اوں بدچلن وعدہ شکن نے اقرار کیا  
کہ میں ہرگز تاں کوں کچھ نہ آکھساں۔ بیشک تاں سچ مچ میکوں اپنا حال ڈساؤ۔ اوں وقت  
معصوماں رو کے فرمایا۔

موت رلائے، درد ستائے ہیں مسلم دے جانی  
ڈر دشمن توں جھیکو پیڈے گھر آ تھئے آشیانی  
کھال سنڑی مظلوماں دی جاں ظالم ظلم دے بانی  
پھر ہکئی سر مظلوماں دے گویا اُسدَم موت نشانی  
کیا زبان بیان کرے جیڑھا ظالم ظلم وسایا  
سب دل مول نہ سکيا ناری غضب دا ہتھ ودھایا

آکھن معصوم نمائے بھر کر غم دیاں آہیں  
 بیکس ہیں پردیسی سرتے امڑی بابل ناہیں  
 قسمت نال اسا کوں پئے ہگئی اج دی رات اتھائیں  
 ہرگز تیڈے گھر وچ ہن نہ آسوں ول کڈاہیں

پس او مظلوم معصوم پردیسی اللہ راسی زار و زار روندے نیر و ہندے منتاں کریندے رہ  
 گئے ظالم لعین کوں اصلوں کجھ رحم نہ آیا۔ بلکہ اجاں بچھ ثابت نہ ہاچڑھیا جو قتل کرن واسطے طرف  
 دریائے فرات دے انہاں یتیمیاں کوں گھن آیا۔

زلفاں پکڑ یتیمیاں دیاں تھی جلیا ظالم راہی  
 ڈیکھ بے کسی ہالاں دی سب خلقت روندی آہی  
 روضہ نبی ﷺ دا ہل ویندا کنب ویندا عرش الہی  
 تھئے آثار غماں دے ظاہر ماہ کنوں تاں ماہی

بیکس معصوم نمائے در در نجاٹے بے دس ہو کے کہیں دم آسمان دوڑ ہدے ہن۔ کہیں دم  
 زمین دوڑ ہدے ہن۔ کہیں ویلھے مدینے دوڑ ہدے ہن۔ کہیں دم آہیں سر و بھریندے ہن نیر  
 و ہندے ہن۔ حارث کوں منتاں کریندے ہن۔ صدقے تھیواں جیس وقت بیا کوئی چار یتیمیاں  
 کوں نظر نہ آیا تاں حارث دی ذال دو مخاطب ہو کے فرمایا۔ مائی کیا ایس واسطے اساں تیڈے مہمان  
 آن تھئے ہاے۔ سبحان اللہ ایس گلہ دے سٹن نال کوئی ایہو جیہاں جوش حقیقی اوں مومنہ دے دل  
 کوں آیا جو جلدی نال صدقے صدقے تھیندی ہوئی آ کے یتیمیاں کوں نال ہاں دے چالائیں تے  
 حارث کوں آکھن لگی۔

چھڈ دے ظالم ہٹ پرے نہ گھت ظلمدے اندھارتون  
 چھوڑ ڈے زلفاں انہاں دیاں نہ ڈے رہج آزارتوں



مہجور وطنوں دور ہن پردیسی باجھ قصور دے  
 معصوم ہن مظلوم روندے ڈیکھ زارو زار توں  
 ناحق انہاں دیں ماریں ظالم تیڈے ہتھ کیا آسیا  
 اے فانی جگ دنیا دا ہائی کر گھولیا زر دینار توں  
 آ بے وس قید قفس دے وچ تھئے بیکس اتھ اسیر  
 اے ناں بلبل چمن نبی دے ہن نکھرے پئے گلزار توں  
 نالاں ہن گریان ہن نادان پُر ارمان ہن  
 روضہ رسول دا کنب ویسی نہ کر ظلم دے وار توں  
 نہیں سزیا جگ تے ظلم ایہہ گھر آیاں کوں مارے کوئی  
 مہمان جاٹ امان ڈے ناں انہاں کوں مار توں

### ڈوہڑا

ترس نہ کیتا خوف خدا دا ظالم بد کردارے  
 چھک تلوار کوں سر زوجہ دے کیتس ظلم دا وارے  
 تھی کر زخمی شیدا حق دی کر ہگئی جان نثارے  
 جھیکو دم وچ غم ہالاں دے کیتس اے گفتارے

رب دے ناں تے ہودے کوئی جو اے نتاں لاوے  
 پئے مہمان مریدے میڈے آن کے جلد چھڑاوے  
 ہن پردیسی اللہ براسی ترس کہیں کوں آوے  
 سبھ کر یتیم، آ ظالم توں مظلوماں کوں بچاوے

آخر کار او ظالم بد کردار طرح طرح رنج و آزار ڈیندا ہوا معصوماں کوں گھن آیا اتے  
کنارے دریا فرات دے۔ اتے تلوار ظلم دی ہتھ وچ پتر پٹے دے ڈے کے آکھیس جلدی انہاں دا  
سر قلم کر جیس وقت اوں نیک نصیب تلوار علم کر کے قریب یتیمیاں دے آیا شہزادے کمال پر ملاں تھی  
کے دلوں حسرت دی نگاہ نال اوں دے منہ کوں ڈیکھن لگے۔

اس نے کہا دیکھتے ہو سر پر قضا ہے

بابا نے مجھے قتل کا فرمان دیا ہے

شہزادیاں فرمایا یا راسا کوں مرٹ کنوں تاں کوئی عار نہیں صرف ایس وقت تیڈی جوانی  
ڈیکھے اسا کوں اپنا بھرا شہزادہ علی اکبر ہمشکل پیسیر یا آگئے۔

طاقت بھی ہے قدرت بھی ہے ہم شکل نبی کو

پر وہ تو نہیں قتل کیا کرتے ہیں کسی کو

باوجود موجود ہووٹ تمامی طاقت اتے قدرت دے اوں جوان عالی شان نے کڈا ہیں  
ایہو جنیں کاروائی وچ دخل نیں ڈتا۔ خبر نیں توں کیوں ناحق اساں یتیمیاں دے خون وچ ہتھ اپٹے  
رنگین کر کے عذاب آخرت دا خرید کریندا پیس۔ اوں آکھیا علی اکبر کون اے اتے تہاڈا کیا لکھا  
ہے۔

مائے جایا دیر اکبر کون ہے کس شان قدر دا

نور العین حسین دا، خاص ہمشکل نبی سرور دا

غازی مرد بہادر صفدر پوترا شاہ حیدر دا

ڈہاگر انج حال ایہو دیندا تھتہ پٹ شہر دا

سٹن سیتی ایہو جیہاں نور ایمان دے اوں خوش نصیب کوں حق نے روشنائی بخشی۔ جو  
فورا تلوار کوں ہتھ وچوں سٹ ڈتا۔ اتے معصوماں دے قدماں کوں جمد اہو یا صدقے صدقے  
تھیون لگا نیر ویندا ہو یا باوا یا علی یا علی کریندا ہو یا وچ دریا دے ڈرک چا مار لیس حارث لہین ہے



دین نے اے حال اول صادق الیقین داڈ کیکھ کے آکھیا، حیف ہائی جو پودا نا فرمان ہو گیوں۔  
 جیڑھے ویلھے اولعون حارث طالب دنیاے دون تلواری ظلم دی نپ کے سریتیاں دے آمادہ خون  
 واہوٹا ہویا۔ مظلوماں نے اوندی طرفوں ڈ کیکھ کے فرمایا اے مردود ازل دا جائدے ہیں وقت  
 اساڈی اجل دا قریب ہے۔ ذرا اتنی مہلت ظلم توں چاڈے جو اساں آخری نماز بے نیاز دی ادا کر  
 گھنوں۔ اولعت کیتے ہوئے آکھیا عجب ہے کہ سر علم تلواری ساکوں اجاں وی نمازاں یاد ہن۔ ایں  
 وقت نماز ساکوں کیڑھا فائدہ ڈیسی یا سمجھو ایں حیلے نال مرٹ کنوں بچ ویسوں۔ ہرگز اے خیال دل  
 وچ وی نہ آنو کہیں صورت مرٹ کنوں نو ہے بچ سکدے۔ ولدا معصوماں جواب ڈتا۔

وہ بولے یہ شیوہ تو ہے مشہور ہمارا

سر دینا عبادت میں ہے دستور ہمارا

مومنین بعض صاحبان علم مضمون غم وچ ایں طرح رقمطراز ہن کہ اجاں اے کالھیں ہن  
 جواں اشاد وچ اتفاقاً ہک مسافر دا اوں راہ توں گزر ہویا شہزادیاں فرمایا بندہ اللہ دا پار کیڑھے شہر  
 ونجٹاں ہائی۔ اوں عرض کیتا واسطے زیارت فیض بشارت روضہ مبارک، جناب شہ لولاک دے  
 مدینے منورہ ونجٹاں ہم۔ نام مدینے داسٹن کے بے وس موصو ماندے نیر ہنچوندے لڑھ پئے اتے  
 فرمایا اے نیک خصال بفصل ذوالجلال شالا خیر نال آس تمامی مراد دل دی پوری تھیوی۔ مگر اے  
 کالھہ اساڈی ضرور یاد رکھیں کہ جیڑھے ویلھے شرف زیارت روضے توں مشرف تھی رہیں تاں مہربانی  
 کر کے ونجھیں چا محلے بنی ہاشم دے خدمت حضرت امام حسین دے اساڈی طرفوں بعد تحفہ درود  
 اتے سلام دے اے تمام احوال جواں وقت ڈنھی عرض کر ڈیویں۔

حال جو آکھیاں نال ڈٹھوئی کرٹاں سب اظہار دے

وقت اخیرے سرتے ظالم کھڑا چھک تلواری

آکھن اساڈی امڑی کوں چپڈے ماریے ہگئے دلدارے

مٹ ہکیاں تانکھاں ملٹن دیاں ہن نہ رکھیں انتظارے

الغرض معصوماں مظلوماں نے آخری نماز بے نیار دی جیویں ادا کیتی سو کیتی۔ اجاں  
 انویں وچ دعا دے مشغول ہن جو ظالم اظلم لوڑھ غضب دا وساڈ تا، عرش خدا دا کلباڈ تا۔ روضہ  
 نبی ﷺ دا ہلاڈ تا، روح طیبین کوں رواڈ تا۔

ہن مشغول دعا دے وچ او بیکس ڈوہیں بھائی  
 سر مظلوم وڈے دے ظالم چا تگوار چلائی  
 دھول اندھارا تھی گیا جگ وچ پودے خبر نہ کائی  
 ہے مظلوم مسافر پجڑے کوک بتوں دی آئی

ڈیکھ بحر وچ تردی لاش بھرا دی ویر صغیرے  
 ویرن ویرن کر کے آکھے لوڑھ اکھیں دے نیرے  
 کھڑ ونج کھڑ ونج امڑی جایا دم دی کر تاخیرے  
 رلے ڈیکھ نبھائے سارے نہ نکھڑوں وقت آخرے

ٹھہر ونج ذرا ویر پیارے ڈیکھ میڈی تنہائی  
 چھوڑ نہ کلہا امڑی جایا جلیں سنگت رلائی  
 ہے مشہور پیو دی جاء ہوندے وڈے بھائی  
 دم دی دیر ہے اور ہے لاش میڈی وی آئی



## نوحہ

کھڑو نہیں مسافر بھائی	جلیس میگوں بھی سنگت رلائی	پئی رہے وچ پردیس نواہی
میگوں تن تنہا نہ چھوڑیں	ناں بحر غماں وچ لوڑھیں	نیں سرتے پیوتے بھائی
چنگے جوڑ بھرانواں والے	رہوں ہر دم ویر سمالے	رب سوہنی سنگت بٹائی
ڈوہیں رل کروطنوں آئے	ڈیہہ قید دے رل کرنہائے	ہن نہ کرو ویر جدائی
سن خلق خدا دی روسی	وچ جگ دے عبرت ہوسی	واہ بھائیاں توڑ نبھائی
رلے ڈکھ ڈکھ ہے ہن سارے	کتھ روہ گئے ہن بھن پیارے	رہی سکدی دل سدھرائی
آکھے رو مخزون صغیرے	ذرا ٹھہرو نچے میڈا ویرے	اورے لاش میڈی بھی آئی

## غلام علی ناظم

غلام علی ناظم دی ذات کھوکھر ہائی۔ اوہی پتانی دے رہی والا ہائی۔ اے وستی دربار  
راجن شاہ ضلع لیہ وچ ہے۔ اوہیوں چنگے شاعر تے ذا کرہن۔ انہاں شاعری وچ ہوں ناں کمایا  
ہائی۔ پر افسوس دی کالھ اے جو انہاں کوں زندگی نے مہلت نہ ڈتی ہائی تے او جوانی وچ ایس دنیا  
توں ٹر گئے۔

غلام علی ناظم غلام حیدر قدا تے غلام حسن شاہ نائب دے ہمعصر ہن انہاں دیاں ڈو  
چھپیاں ہوئیاں کتاباں جہاں دے ناں اے ہن۔

۱۔ نور الثقلین، محمد شبیر حسین، محمد بسطین، ملتان، سن اشاعت ۱۹۲۲ء، ص: ۵۰

۲۔ اذکار حسین، مولوی غلام اصغر، ملتان، سن اشاعت ۱۹۳۳ء، ص: ۵۲

اے ڈو جی کتاباں آگرہ الہی پریس توں چھپیاں ہن۔

غلام علی ناظم دے مرے وچ تقریباً شاعری دیاں یکیاں صنفیں موجود ہن۔ امام پاک  
کربلا دے جنگل وچ کھبے رہ گئیں۔ سارے انصار، مددگار، بھراتے پتر راہ خدا وچ شہید تھی گئیں۔  
ہس بک علی اصغر رہ گئے۔ ایس کیفیت کوں ناظم نے مسدس دے رنگ اچ ایس بیان کیے۔

بک باقی کربلا دا ہے مخدوم آ رہیا  
ڈکھ غم دی باقی آ رہیے معصوم آ رہیا  
لہجے جوان شاہ دے تے مظلوم آ رہیا  
لیکن کہ حسین دا بس معصوم آ رہیا  
رودی قتل دی ماہ کوں قیامت ڈکھا ڈتی  
سدے پیاس گھولی دے لولی بھلا ڈتی



ڈوہڑا جیکوں ذا کری وچ بند آکھیا ویندے۔ غلام علی ناظم دا بند ہوں زور دار ہے  
 انہاں دا بند سادہ لفظیں دا لکھیل اے۔ تے آسان زبان ورتی گئی اے۔ جیندا اثر دل تے  
 ہوڑا پوندے۔ ڈوہڑا دیکھو تے خود اندازہ کرو۔

اے انصار حسین دے اج، جاگو وقت سویرے  
 اج تہ آل رسول دے کون گھدا شام دیاں فوجاں ویرھے  
 نہیں چتا وچ پردیس مرث دا، بکھ تے تریہہ دی خیرے  
 بھل خیمے پاک ستر والیاں دے، آہئے ظالم نیرے

آہدیے راوی اوں ویلھے آثار آہن محشر دے  
 جاں بک بک صاحب وفا کوں سڈیا، رورو پو اکبر دے  
 بک بک لاش کوں ڈیکھے شاہ، ٹھٹ وئجن پیچ کمر دے  
 مار کے موجاں سانوٹ وانگوں، نیر دہن سرور دے  
 انہاں دی شاعری وچ فن بلاغت دے اعلیٰ نمونے ملدے ہن۔ تشبیہات واستعارات  
 دی سوہٹی و نرت اے۔ انہاں دی شاعری ضائع و بدائع نال ڈٹی پئی اے۔ میں اتھاں صرف  
 انہاں دی تکرار لفظی دا بک نمونہ ڈیکھاوٹ چاہساں۔

رنگ رنگ دیاں ہن مصیبتاں، اصغر وی ہال اے  
 تس نال تپ جیندا دل وچ اے خیال اے  
 آ آ کے تیر پوندا جو پیگھے دے نال اے  
 ہے ہے تھی جو ہال دا بچن محال اے  
 شدت ہے تریہہ دی ہال دا رنگ زرد لال اے  
 بحر دے رنگ وچ فصائل آل رسول پونے والکھن مرثیہ نگار شاعراں دا مشغلہ رہ گئے۔

غلام علی ناظم نے وی صنف بحروچ فصائل اہلبیت لکھیں۔ انہاں اٹنی شاعری ایچ نویں تجربے وی کتیں۔ انہاں دی اے بحر ڈیکھو جیندے وچ جاری قافیے توں علاوہ انہاں ہک ہک مصرعے وچ ہئے ترائے ترائے قافیے پاتن۔ جیندے نال بحروچ روانی تے سوہٹپ پیدا تھی گئے۔ پڑھدیں ہوئیں ایویں محسوس تھیندے جینویں زبان و ہندی ویندی ہووے۔ ایں منقبت دے کجھ شعر ڈیکھو۔

شمر ہدایت، بحر عنایت، علی ولایت، مآب نظرے  
 شہ قشقم، پکارے دم دم، جو آؤ زم زم، شراب نظرے  
 ولایا خالی، نہ کوئی سوالی، امیر عالی، جناب نظرے  
 غلام علی ناظم تقریباً ۱۹۴۰ء دے نیڑے تیزے فوت تھئے۔



## مضمون مصائب بوقلمون شہادت شہزادہ علی اصغرؑ

لکھت: غلام علی ناظم

ہک باقی کربلا دا ہے مخدوم آ رہیا  
 ڈکھ غم وی باقی آ رہیے معصوم آ رہیا  
 لڈ گئے جوان شاہ دے تے مظلوم آ رہیا  
 لیکن کہو حسین دا بس معصوم آ رہیا  
 زردی شکل دی ماء کوں قیامت ڈکھا ڈتی  
 صدے پیاس گھولی دے لولی بھلا ڈتی

پینگھا ہے موت دا تے لولی قضا دی ہے  
 ہے انتظار موت دی خواہش خدا دی ہے  
 ویرن کوں ڈکھ کے سین سکینہ بھی آہدی ہے  
 اماں پونج گئی ارے جندڑی بھرا دی ہے  
 معصوم تے صغیر دا ہاں تس توں بڈ ونے  
 امڑی ڈو اکھیاں بھال کے پینگھے توں لڈ ونے

رو سکینہ آکھے نیں چارا کیا کراں  
 دل آہدی ہے جو منہ میں مقتل دو چا کراں  
 پاخاک چاچے پاک دے نانویں صدا کراں

یا ہم شکل مصطفیٰ بھرا کوں سڈا کراں  
پاٹی دے باجھ ہال ہوں بے قرار ہے  
آکھے قضا پکار کے کافی تیار ہے

دوستانِ حسین۔ جیس ویلھے صابر خدادا، نور العین زہرا ادا، مظلوم کربلا ددا، پھلیا پھلیا بارغ  
لٹا چکا۔ اکبر جیہاں جوان پتراں دے، حرجیاں مہمان متراں دے دل تے وار سہا چکا۔ موجب  
وصیت بھرا دی قاسم کوں پرنا چکا۔ خون بھری لاش نبرے دی گرم خاک تے تڑبھدی ڈکھ نیر دہا  
چکا۔ ماشکی اہلبیت داوچہ عاشقی حسین دے باہاں کپا چکا۔ نواسہ رسول دا ویلھے صیغی دے ہک ہک  
جوان اتے ضعیف دی لاش اٹھا چکا۔ اپنے وارث بیمار کوں اسرار امامت دے سمجھا چکا۔ دریائے  
مصیبتاں دے وچ ڈکھاں غماں دی جھاگ جھاگن دی تلقین فرما چکا۔ مسافر پور دے لڑھ دے  
جہاز کوں شام دی ٹانگ ڈسا چکا۔ نوا شہادت اصحاب اقرباء دے میدان وعا دے سامنے فوج اشتیا  
دے آکے ہر پاسے نگاہ فرمائی۔ مگر کوئی اصحاب وفادار سید ابراہار کوں نظر نہ آیا۔ بس ہک ہک یار  
وفادار داناں پکار کے سڈیندن اتے فرمیندن۔

اے انصار حسین دے انج جاگو وقت سویرے  
انج تہ آل رسول دے کوں گھدا شام دیاں فوجاں ویرھے  
نیں چننا وچ پردیس مرگ دا کجھ تے تریہہ دی خیرے  
بھل خیمے پاک ستر والیاں دے آہئے ظالم نیڑے

آہیئے راوی اوں ویلھے آثار آہن محشر دے  
جاں ہک ہک صاحب وفا کوں سڈیا رو رو پو اکبر دے  
ہک ہک لاش کوں ڈیکھے شاہ مٹھٹ وٹھن پیچ۔ کمر دے  
مار کے موجاں سانوٹ وانگوں نیر دہن سرور دے



حضرت تے جتنا اپٹے صحابیاں کوں یاد فرمایا۔ کوئی جواب نہ آیا۔ فرمایا اے فوجِ خدادی  
پہلوانو کیا سڈناں تساں حسینؑ دا نہیں سنزیا۔ ول اپٹے نورِ نظرِ لختِ جگر اکبرؑ دی لاش پاش کوں ڈیکھ  
کے فرمیدن۔

آ درد و نڈا و بچ جن پچڑا میڈی دل درداں توں لہہ گئی  
بعد تیڈے اے نورِ نظر کیا خاک جہان تے رہ گئی  
جاں تیں جنیں نازک پھل دے سینے ساگ ستم دی وہ گئی  
بس وعدہ بیشاق دا ہا جو دل موت جوان دی سہہ گئی

ول نام عباس دا سڈ کے آکھے میڈا اوکھا وقت یارا  
کیوں تنہا چھوڑ حسینؑ کوں روندنا یلو و بچ ندی کنار  
ہن چھوڑ نہ کلہا خمیاں کوں شبیرؑ دا پیرے دارا  
کیوں جو آہن شام دے لشکرِ ڈین آل رسولؐ تے پہرا

بھلا وے ویرن موت تیڈی چا کر حسینؑ دی تر وڑی  
بحرِ غماں دی ساگ نہ ڈسیو گئے ہو لڑھدے چھوڑی  
ہم جن اکبرؑ دے مرگ، تیڈی موت مصیبت ڈوڑی  
تیکوں ویرن ڈکھی دل دا میں ودا ہم آسرا جوڑی

دوستو! سارے احبابِ اصحاب دے درجے بل احياء پا چکے آہن۔ تمام ضعیف اتے  
جوان مزے موت دے گھن کے مہندی عشقِ حسینؑ دی لا چکے ہن۔ ہا وجود تریں ڈ۔ مہاں دی تریہ  
دے جو ہر لڑائی دے ڈکھا چکے آہن۔

مگر ہک مشتاقِ شہادت دا وجہ خیمے حسینؑ دے موجود ہے۔ توڑیں جو سن دا چھوٹا ہے۔

مگر شوق مرثی دا وانگوں جواناں دے رکھدے۔ اپنے وقت مقررہ دا انتظار پیا کر بندے۔ جو  
 ڈیکھاں کیڑھے ویلھے آوازہ قضا دا آندا ہے۔ سردار تھوڑے لشکر دا کیس ویلھے یاد فرمیںدے نہ  
 آراے نہ قرار ہے۔ تسکین پیاس دی خاطر جام شہادت دی انتظارے۔ اجاں خیمے ویت ایں  
 واسطے رہیا ہوئے جو میدان تائیں آپے ٹرونجٹ دے لائق نہ ہا۔ زین تے بیٹن دے ڈا ادا ہے نہ  
 گھوڑے تے چڑھن دے لائق ہے۔ ایہہ وی ہے تاں فوج دی شمار وچ مگر اجاں تائیں نہ لکوار  
 چاوٹ دے ڈا ادا ہے نہ جنگ کرن دے لائق ہے۔ مظلوم کربلا دی جھولی کنوں سواد ثمن دے  
 مقابلے وچ نہ آپے کھڑن دے لائق ہے مگر کجھیں تاں گھس تیری نہ شوق ہے پاٹی دانہ خواہش ہے  
 کھیر دی۔

دوستوں سمجھا ڈیواں۔ اوکون صاحب کمالے۔ چھیاں مہیدیاں والا توڑیں جو پالے۔  
 تریہہ بکھ دے نالے۔ مگر راہ خدا وچ مرثی دی اکجھیں استقلال۔ جو نہ تریہہ دی چٹا نہ بکھ دا  
 خیال۔ حسین دا چھوٹا جیاں نوں نہالے۔ نزدیک خدا دے اے وی قربانی اکمر ہے نام نامی معصوم علی  
 اصغر ہے۔

رنگ رنگ دیاں ہن مصیبتاں اصغری ہال ہے  
 تس نال تپ جئیں دا دل وچ اے خیال ہے  
 آ آ کے تیر پوندا جو پیگھے دے نال ہے  
 ہے ہے تھکی جو ہال دا بچن محال ہے  
 شدت ہے تریہہ دی ہال دارنگ زرد لال ہے

نال شدت پیاس دے نازک پھل حسین دا کمانداویندا ہے۔ امڑی ہے وہیدیں معصوم  
 دیاں اکھیں نوٹج ہیاں۔ مٹھیں کھٹج ہیاں۔ دل کوں چٹا کھاویندا ہے۔ وچ خیمے مسافراں دے  
 قیامت واسا مانے۔ میدان وچ مظلوم گریانے۔ ڈکھاں دا گھمسانے۔ روح حیرانے۔ غماں توں  
 غم۔ مصیبت توں مصیبت دا طوفانے۔ زمین کربلا دی نال شدت گرمی دے جلی ہوئی ہے۔ اتے



ہازک جند مولا دی ناز بتوں وی پئی ہوئی ہے بیاوت بکے مظلوم تے چھ لکھ دی شست رلی ہوئی  
اے۔ بجاہ ہجر فراق دی پئی ہوئی اے۔ بیاوت بکے مظلوم تے بھیڑ شریراں دی ڈیکھ کے دل ہمیشہ  
دی ملی ہوئی ہے۔ ایس اثناوچ حجت خدا دی تمام کرٹ دے کیتے فرمایا۔

اے کلمہ ہو ڈسو آل کنوں کیوں پھر گیا سارا جگے  
کھڑے وسدے تیر جفا دے ہک چکے تے بیا لگے  
میڈے ڈاھاڑیاں والے مار گھتو ہے زخمی ہک ہک رہے  
جن اکبر تے عباس کنوں میں تاں مرونجاں ہا اہے

کیوں سڈ مہمان مریندے ہو کہیں جرم خطا دے کیتے  
کوئی ہے فریاد میڈی کوں پہنچے نام خدا دے کیتے  
نمھی آہدا آں مکاٹ ڈیوڈ میکوں پتر بھرا دے کیتے  
ایں ویلھے امداد کرے فرزند زہرا دے کیتے

راوی آہدے۔ ایں ڈکھی فریاد حسین دی سن کے فرشتے روڈتے۔ مے کر بلا دے ہلا  
ڈتے۔ جھن والی سمجھ گھدا۔ جوہن کوئی مددگار میڈے بھرا دانیں رہ گیا۔

سن فریاد حسین دی رنے قدسی نیر دہا کے  
آتے خاک تے جھن پئی درداں ماری کونج وانگوں گرا کے  
آتے بستر مرض تے تڑپھیا عابد جگراتے ہتھ لا کے  
اٹھے سنبھل سنبھل کے مدد کیتے دل جھن پودے تڑپھا کے

معصوم اللہ اکبر فرمایا۔ فریاد معصوم دے عجب تاثیر ہائی۔ کیوں جو جنیں ویلھے آواز امام دا  
وچہ خیسے اہلبیت عظام دے پہونتا۔ شہزادہ علی اصغر تڑپھ کے پٹنگھے وچ الٹ گئے۔ تسی زبان حلقوم  
نالوں چھڑا کے وچ جواب با بے جناب دے عرض کریندے۔ "لیک یا ابتاہ لیک یا

ابتساہ۔ قبلہ و کعبہ میڈی ہزار جان اتوں تیڈے قربان تھی ہووے۔ شالا جھولی میڈی امڑی دی  
خالی مونجے۔ اتے چراغ روشن رہے۔ چنانچہ شاعر آہدے۔

اٹ پٹنگھوں چوٹیاں والا خاک اتے ودھ پووے  
آکھے یا اللہ شالا ویر دے غم اچ نت بتوں نہ رووے  
میڈی لکھ جندڑی قربان تھیوے ہک شاہ سلامت ہووے  
میں راضی ہاں توڑیں مردیاں تائیں میڈے گل وچ تیر کھڑوے

ہس خاک تے ودھ پیا چوٹیاں والا ہے فریاد ڈکھاں دی  
دل سر ہجڑے دے امڑی اجڑی آن جھنڑی تڑپھاندی  
اتے روندیں روندیں غش کر گئی دل دہل گئی حرماں دی  
ہس رو کر سر بی بی دے مل گئی آل نبی ﷺ کر لاندی

کہیں بی بی تکیاں سین دیاں ملیاں کہیں سر جھولی پایا  
کہیں ہاں معصوم دا ملیا کہیں گرد غبار لہایا  
کہیں نام حسین دا سڈیا آ دہج آ دہج زہرا جایا  
ہس آہن جھڑے ہوئے ہجڑے کوں آ آپ مسافر چایا  
مولا جلدی نال آ کے اپنے لونہال کوں پیندے۔ سوہٹی پیشانی چم کے چوٹیاں توں  
خاک پونچھ کے فرمیںدے۔



## نوحہ

انھی جاگ وے نور ابصار وے ذرا پچڑا تھی ہوشیار وے  
 ہن غش توں تھی بیدار وے میڈو بھال اکھیں ہک وار وے  
 ترہہ تیڈی توں ہاں ارمانی کتھوں آنے بابل پاٹی  
 ترتجھا ڈینہہ اے بند فراتے آل رسول تے ہو گئی راتے  
 ڈکھی جندڑی غوطیاں واتے نہ تیر جگر وچ مار وے  
 ایہہ نازک پھل آل عبادا ماں نہ توڑیں بے کس ماء دا  
 پیا آمدے آواز قضا دا تیڈے کیتے تیر تیار وے  
 صدقہ تیڈے درد الم دا جانجا ہادیں اہل حرم دا  
 پنکھے وچ ڈس کیوں نی سما نوھی ڈیندی موت قرار وے  
 ایں تکلیف دے لائق ناہیں انھی تاں جل سوال کراہیں  
 مثل بتوں دے منگ دعائیں اساں بحر دے حق دار وے  
 رووے آل نبی دی ساری غش وچ ہے ماء درداں ماری  
 ہو گئے ظالم پھرے جاری اہج رنی آل اطہار وے  
 دوستو! رسول ﷺ دے نونہال بتوں دے لعل عاشق ذات ذوالجلال نے اپٹے تے  
 ہال کوں نال کمال حوصلے دے چاکے جھولی وچ پا کے فرمایا۔

آ پجرا اہج رلے جلوں سچ تے کوڑ نٹارٹ  
 جل مثل جواناں نال توکل لڑھدے دین کوں تارٹ  
 امت غریب دے سردے اتوں جل پجرا سرداروٹ  
 جل ڈکھیں جو گل کوں لکھن ظالم کاتیاں مارٹ

آہدن جیں ویلھے مظلوم کر بلا اپنے ہال کوں چا کے میدان ڈوٹرن لہے۔ یکا یک وچ  
 خیمے آل عبادے روات غم دا جاری ہو گیا ہے۔ ہے اصغر دے آواز آوٹ لہے۔ امری اجوی مثل  
 مچھی بے آب دے وچ حالت بے تابی دے تڑپ تڑپ کے تھن پوندی ہے اتے آہدی ہے شاہا  
 میڈا کوئی دعویٰ جج دانہیں۔ ”رضیا برصاء اللہ“۔ حضرت کیجے خاتون بابے دے اہکوں دل  
 آندی ہے چھوٹے چھوٹے ہتھ چانھیندی ہے بوسہ ڈے کے عرض کریندی ہے۔

بک واری اے بابا سائیں توڑیں اصغر کوں چا گھناں  
 کھول کے تڑیاں لکھنے تائیں گل ویرٹ کوں لا گھناں  
 نال ہنجواں دے دھو کر چوٹیاں جھولی وچ پا گھناں  
 نیں جج کئی ہے نام خدا جے حکم ڈیویں آ گھناں

سن کر گلھ تھیا غربال جگر شاہ ہال دو دید بھنوائی  
 بک واری مل ہمشیر کوں گھن شالا جے تائیں جیویں ماہی  
 ہوں ناز ڈٹھے ہن دھمی میڈی ہن رونوٹ تے چڑھ آئی  
 کیویں آپ رونواں رووٹ دے اہکوں وقت پے ہن کائی

امام حسین نے اپنے ہال کوں حوالے سکینہ دے کیجے۔ اتے فرمایا جلدی کر سک لہا گھن  
 سکینہ خاتون بھرا کوں چا کے کول پیٹگھے دے آ کے ساریاں بی بیاں کوں سڈیندی ہے اتے  
 فرمیندی ہے۔ بی بیاں آ سکینہ اہج اپنے بھرا کوں وکھرے طرز دی لولی ڈیندی ہے۔ ساریاں بی



ہیاں جمع ہو گیاں۔ کہرام ماتم دا مچ کیا۔ سکینہ اپنے بھرا کوں پینگھے وچ سما کے ڈور ہلا کے بزبان  
حال فرمندی ہے۔

## نوحہ

پینگھا رج رج ماں ویرن دائی لولی ڈیندی ہے  
بھیشیں والی جج نہ رہ گئی پئی قضا نکھریندی ہے  
میں پڑھاں یسین کوں توں منگ دعا امت کیجے  
جوڑ کے امت دا تحفہ تیکوں بھین بھیندی ہے  
بھال اکھیاں کھول کے لب وچھڑی کوں مسکا ڈکھا  
کر گھنوں جھیکڑیاں گالھیں رب دی موت لٹیندی ہے  
پہلے سوہنے ہتھ اٹھا گل نال لا گھن ویر وے  
پچھیں نندراں کر گھنیں کھڑی پہانی ڈور بلیندی ہے  
میں صدقہ خشک دہانی دا ملیونہ بک گھٹ پاٹی دا  
اللہ گواہ ہے ویرن رہی بھیشیں تاں باں مریندی ہے  
سچ نال پو مظلوم دے مریندن امت دے دراتے  
شالا پاٹی گھن ولو، بھل میڈے دل دو ویندی ہے  
ہے بند بحر سادات تے یا پیندا سارا لوک ہے  
ناظما امت کینی آہی ظلم کریندی ہے

## نور محمد گدائی

آپ دا اصل ناں نور محمد ہاتے گدائی تخلص کریندے ہن۔ آپ ہو ریں نورن گدائی  
دے ناں نال مشہور ہن۔ آپ دے والد دا ناں محمد فاضل اتے ذات لہر بلوچ ہائی۔ آپ دا آبائی  
وطن چو دری موجودہ لیاقت پور ضلع رحیم یار خان ہا۔ نور محمد گدائی ترک وطن کر کے پاک دروازہ  
ملتان دے باہروں گھر آ بنزیوئے۔ انہاں دی نارینہ اولاد دکائناں ہائی۔

نور محمد گدائی مرثیے توں دکھ قصے، نائک، گیت توں علاوہ کافی کلام چھوڑیے۔ انہاں  
دے قصیاں وچ مرزا صاحبان، قصہ ہیرا پنجا، گل انور، مصری بائی، شیریں فرہاد شامل ہن۔

آپ دیاں مرثیے دیاں کتاباں وچ انہار کر بلائی، انوار المصائب، خون شہیداں،  
انوار کبریائی، بیاض شہدائی، تصویر شہدائی، گلزار کر بلائی، قصہ ہرنی، سوز غم، ذوالفقار شہدائی، غوغہ  
کر بلائی، ریحان غم، دربار کر بلائی، داستان غم، نہر ماتم، میدان کر بلائی، مجموعہ بے نظیر، گلزار  
شہدائی، اعجاز کر بلائی، اظہار شہدائی، اسرار کر بلائی، اخبار کر بلائی، آئینہ کر بلائی تے روضہ رضوان  
شامل ہن۔ نور محمد گدائی دے دفعہ فقیر کوں وڈی شہرت ملی ہائی۔ ایں دفعے وچ ۴۹ شعراں وچ  
حضرت امام حسین تے ہک فقیر دی گالھ مہاڑاے۔ اتھوں ہک بندتاں وی پڑیکھو۔

پیا جو توں پچھدا ہائیں میڈا میکوں جائے کل زمانہ

نام جیندے دا کلمہ پڑھدیں ہے میں حسین دا نانا

بابل میڈا شاہ مردانہ امڑی مالک ڈو جہاناں

انج میں غریب دے مارن کیجے کھڑے چا تیر کماتاں

غلام سکندر غلام دے بعد سرائیکی دی صنف ختم دے سب توں وڈے شاعر وی نورن

گدائی ہن۔ انہاں دے بعد تقریباً ختم دی صنف ختم تھی تے رہ گئی اے۔ انہاں دا ہک ختم



تکوار ایندی جتھ چل ونے  
 پئے فوجاں وچ تھرتھل ونے  
 سر جیہیں ناری دے ول ونے  
 کپ ٹکڑے پرزے چار کرے  
 آفریں حیدر قرار کرے

انہاں دی پیدائش تے مرڻ دی تاریخ بارے کہیں کوں پتہ کینئی۔ انہاں کوں اٹھی

شاعری تے نازہا۔

اے گداآئی شعر تیڈا وچ باتم یاد کریں  
 فکر نہ کر ہر شعر تیڈے وچ آپ امداد کریں  
 ایں ناقص سخاں تیڈیاں دا انصاف استاد کریں  
 بھل ہاں گداآئی جیندے در دا آپے صاد کریں

## تقریر پرتا شیردر حالات حضرت خرم علیہ السلام لکھت: نور محمد گدائی

محب حسین وچ کر بلا جنیں وقت رات ڈھویں محرم والی آئی ہے اوتے اہلیت دے  
ساری رات خدادی بی بی زینب خاتون کوں روندی گزری ہے۔ شاعر آہدے۔  
جاں ڈھویں رات محرم والی آئی آل عبا تے  
آکھن بییاں شالا ورہیاندی تھی پووے اے راتے  
رات نہ کھٹے تے سنگت نہ ترے نہ لٹن ظالم آتے  
ہے ایہا رات مصیبت دی ویسی رُل حسین دا ساتھے

گل لا بھرا کوں زینب رو رو منگے دعائے  
بھائی منگ دعا نہ تھیون جدا اہج ڈوہیں بھین بھرائے  
رلے ہوون نکھر نہ پوون نہ کرے تقدیر جدائے  
اہج وچ پردیس دے امڑی جایا بھین وی سدر لبائے

رات ڈھویں دی دھمن لگی لگا ڈھہ ڈھویں دا ابھرن  
کئی خزاں دی گھل پئی لگا چمن بتوں دا اہون  
ڈیس بیگانے جنگل دیرانے لگی بھین بھرا توں نکھرن  
انوں سمجھ ظلم دا بھرا انوں صدے لے آئوں



اے مجھ فلک دا ٹھہر وچیں دروہی ہائی ذات خدا دی  
 انوں مجھ بتوں کوں ویڑھ گدھا ہے امت رسول اللہ دی  
 دیر دے نال اجہ ابھریں ہا تیکوں اہدی دھی زہرا دی  
 اے ڈ۔ نہہ نہ تھیویں ڈھویں دا بچ پو دے جند بھرا دی

محبت حسین! رات پئی دھمدی اے۔ کوئی ویلھا رات داہا۔ حر علیہ السلام اٹھی کھڑا تھیا  
 اے لگا آیا ہے پاسے خیمے حسین دے۔ کیا ڈہدا ہے حضرت عباسؓ ہاہروں پہرا کھڑے ڈیندن۔  
 اندر جناب حسین علیہ السلام قرآن شریف پٹھے پڑھدن حر ہاہروں خیمے دے سزدا کھڑا ہے۔  
 صدقہ حسینؓ تیڈے قرآن پڑھن دا۔ گل وچ کپڑا پا کے کھڑا آہدے۔ سردار میڈی توبہ قبول  
 فرما۔ حضرت عباسؓ جو اے آواز سنی۔ فرمیدن اے شھصا توں کون ہیں۔ کیوں آیا ہیں۔ اے خیمہ  
 میڈے مرشد حسینؓ دا ہے۔ حر غلام ہا تیڈے دردا۔ راہ ونجائی وداں۔ میڈے حضرت کوں آکھ میکوں  
 راہ لاوے۔ میڈے مرشد حسینؓ کوں آکھ نوکرا آہدا ہئی میکوں قرآن سٹا۔ گل وچ کپڑا پائی کھڑاں  
 میڈی توبہ قبول فرما۔ اللہ دے ناں تے میڈی غلطی معاف کرتے اٹھی سنگت وچ رلا۔ اندروں شاہ  
 سزدا پٹھے فرمیدن عباسؓ کجھ نہ آکھ اینکوں۔ ایہو شخص اے جیندی ساکوں انتظار ہی اینکوں آکھ حرا  
 باہر نہ کھڑ۔ تیڈیاں میڈیاں سنگتاں توڑ دیاں ہن۔ کر بلا کنوں تادم تائیں۔ یار کوں قرآن  
 سزینداں آرام کر ڈ۔ نہہ تاں تھیوے رنج رنج کے ملسوں۔

لکھدن حرا فجر تھینداں تیں ہاہروں خیمے حسین دے پہرے دار کھڑا رہیے۔ تے آہدا  
 رہیا اے خرا شاہ حسینؓ گناہ بخش ڈیوے۔ کیوں جو جناب حسینؓ کوں نال فریب دے کر بلا وچ  
 گھن آیاں۔ آہدے خرا یویں کم کرتے جیڑھے ہتھاں نال واگ حسینؓ دے گھوڑے دی پکڑی  
 ہادی۔ ہتھ قلم چا کر۔ اتے سرکار حسینؓ دے سامنے چار کھ تے آکھ اے سردار میں اٹھی کیتی دی سزا  
 پائی کھڑاں۔ میڈی توبہ قبول فرما۔ جناب حسینؓ جو تلاوت قرآن دے بعد ہر تشریف گھن گئے۔  
 ڈہن حرا دونویں روند اکھڑا ہے۔ شاہ فرمایا حرا یارا۔ آہدے جی میڈا سردارا۔ شاہ فرمایا اجاں کھڑا

ہائیں۔ آہدے کیا کراں سوہٹا آرام جوٹھی آندا۔ جتھ شمع اے پروانہ اتھاہیں ہوندے۔ سوا حضور  
دے کن دنجاں پاسا جوٹھی جھدا شاہا۔ حضرت نے حرکوں ہاں نال لایا۔ خرا مونجھانہ تھی تیڈی  
بہشت دا ضامن ہاں۔ اے تیڈی توبہ قبول کیتی اے۔ خر سوچیا بھراتوں پچھ ڈیکھاں اوکيا  
آہدے۔ خر جو وچ گھر دے ڈھدے بھرا اگے تیار کھڑا اے۔ تے آہدے خرونے نہ ونے خردی  
مرضی میں تاں مرشد حسین دو۔ خر آہدے کیا آہدا کھڑیں۔ بھرارورو کے آہدیں۔

ربح نہ تھی تاں عرض کراں آ ویر اتھوں ٹر جلوں  
جان نوکری سٹ بید نیاندی جل سنگت حسین دی رلوں  
انہاں لوکاں کنوں کیا حاصل تھیں در حسین دا ملوں  
سلطان جہان دا دان کر لیں بھر ڈیسی چارے پلوں  
خر آکھیا بھائی کیا پیاس منظور ہے۔ آکھیں نہ ویرن کوثر کوئی دوراے۔ خرا کھیا بھائی  
دھپ داسیک اے۔ نازک ہاں اے۔ آکھیں ویرن اگاں چھاں اے۔ خرا کھیا لاش کفن دی محتاج  
ہوسی۔ آکھیں ویرن لاج والیاں کوں لاج ہوسی۔ خرا بھائی کوں گل نال چالاتا۔ آکھیں مرجبا،  
آفرین شاباش۔ امتحان وچ پورا تھائیں۔ ٹھہر ذرا ہنٹریں چلدے ہیں۔ خر سامنے ڈٹھا۔ دھی  
دروازے تے کھڑی اے۔ تے حسین دے خیمے ڈوڈیکھ تے روندی کھڑی اے۔ خرا کھیں پتر  
توں کیوں روندیں ایں۔ آکھیں

آکھ نمھی سبکی بابل مرضی ڈیکھ تہاڈی  
حسین غریب دے خیمے وچ اے اوندی کئی شہزادی  
کوک فراق دی سزودی رہی آں ساری رات خدا دی  
آہدی انھی دے بابل ہکولو پانی بچ پودے جند بھرا دی



جے توں ناراض نہ تھیویں بابل ایندے ونج کے درودا نڈواں  
 لکا کے پاٹی کہیں حیلے ایس ہال کوں ونج پلاواں  
 ڈیکھاں جیوے یا نہ جیوے بابا فجر دے تھیں دیاں تائیں  
 ہووے پاٹی بند یتیمیاں دا نیں ڈٹھا ظلم کتھائیں  
 حرجیکر اندر آوے کیا ڈہدے ذال روندی پیٹھی اے۔ خرا کھیا خیر آوی توں کیوں  
 روندی ہیں۔ زال آکھیا۔

خواب رتو کا ڈساں تیکوں جے گھتیس سٹ ارادے  
 جناب بتوں کوں روندنا ڈٹھم وچ جنگل کربلا دے  
 آہدی اے کوئی تاں میڈے پچڑے دا پوے صامن نام خدا دے  
 ساری رات خدا دی۔ بی بی رہی روندی کر فریادے

میں تاں ایس آہدی ہاں خرا نوکری کوں کر پھٹا  
 رب خیر کرے ایس ہے تے ہم حسین کوں کسدا ڈٹھا  
 ہک کوک آندی اوندی امڑی دی میڈا جگ مسافر کشا  
 اوندی بھین نماٹی روندی کھڑی رکھ نال قنات دے متھا

جہار حسین تیار کھڑتے آ تاں خرا چڑھوں  
 دل آ دیکھا پچھیاں ہتھ نہ آسی ٹک نہ پووں تڑوں  
 جوڑ کے تھنہ جندوی دا ونج نذر حسین دی کروں  
 جنت کوڑ ملوئی ملی نخی حسین دے دروں  
 پترخ دا کھڑا عرض کتیس بابا ایہو مسافر کون اے۔ خرا کھیا پچڑا ذات دا سیدا اے رہن

والا مدینے دا اے۔ جیڑھے نبی ﷺ دا کلمہ پڑھدے ہو۔ ایہ اوندا کیا لکدا ہے۔ آکھیں اے اوندا  
ڈوہتر اے۔ پتر حردا ڈوہتر منہ تے مارتے پٹن لگ پیا تے آگھن لگا۔

لاج والے کول لاج ہے بابل نبھ ویسی نوکری متوں  
لکھ جندڑی قربان کروں جناب شیر دے اوتوں  
حسین مرے تساں خوشیاں کرو رہی مسلمانی کتھوں  
سر ہکیا تاں گھولیا چا ایمان ونچے نہ ہتھوں  
غلام جو حردا کھڑا ہا۔ حردے قدماں تے ڈھ پیا۔ ہتھ جوڑ کے عرض کیتس۔  
استغنیٰ ڈے ایں نوکری توں ہن گزری سو گزری  
نخی شیر دے نام اوتوں قربان ونچے لکھ جندڑی  
ساری رات خدا دی روندی رہی حسین دی امری  
آہدی اے بھلاوے حراہن توڑی نندر پیڈی نہ اکھڑی

حرنے غلام کول گل چالایا۔ فرمایا آفرین مرحبا پورے لتھے ہو۔ امتحان وچ اقرار کول  
وسار نہ ڈیوٹاں۔ جناب حسین کنوں میکوں سر مسار نہ کرٹاں۔ کھل ہس کے سر کپا وٹاں۔ میڈے  
عشق کول رنگ نہ لانوڑاں۔ طعنہ مہنزاں سرتے نہ چانوڑاں۔ سر جو ڈیوٹاں خیال نہ کرٹاں۔  
جیڑھی چیز راہ اللہ وچ ڈیویندی اوندا مال نہ کرٹاں۔ ہس اے گلہبیں ہن نکارا جنگ دا وچ ہکیا۔  
فوجاں قائم ہو ہکیاں۔ صف بندی ہو وٹاں لکی۔ حردی جو نگاہ ونچے اُتے تھوڑی فوج حسین دے۔  
آہدے سوہتا قربان تھی پوداں پیڈی توکل توں محبت مانند مقناطیس ہے چھک جو کیتی بموہ اپٹے  
ساتھ دے نکل پیا۔ وچوں فوج یزید دے۔ شاعر آہدے۔

وچوں لشکر دے کر حملہ عجب حر بخاور نکلیا  
گویا ظلمات دے بدل وچوں شمس و قمر نکلیا  
شجر فوج عمر وچوں محبت دا ثمر نکلیا



جوڑ کر کے انج خاراں کوں گویا اصلی عطر نکلیا  
 سبز خاص کیسر توں ہزاراں درجہ تر نکلیا  
 لگا محبوب دے دامن عجب واہ خوب تر نکلیا  
 فلک تے کل ملک آکھن اے گھن جنت دا گھر نکلیا  
 اے ہا مشتاق جئیں گھر دا اوہیں گھر دا ثمر نکلیا

انوں جناب حسین جو خر کوں آندا ڈٹھا۔ کیڑھے حال نال ڈٹھونے ہتھ پدھے ہوئے  
 گل وچہ کپڑا پاتا ہویا۔ روندار وندا آندا ہے۔ شاہا انہاں ہتھاں نال حضور دے گھوڑے دی واگ  
 دلائی ہم سردار پچڑیاں دا صدقہ اوہو قصور غلام دا معاف کر۔ جناب حسین فرمایا عباس علی اکبر  
 دوڑو۔ میڈے مہمان کوں نال استقبال دے گھن آؤ۔ حرآ کے جناب دے قدماں وچ ڈھ پیا تے  
 اکھیں مولا غلام کوں رخصت جنگ دی پہلے فرماؤ۔ جو میڈیاں اکھیں شرمسار ہن حضور کنوں ایہہ  
 کالھیں ہن۔ فہہ آکے آکھیا خر آکھیں حسین دی آہدی اے۔ بھائی خر جی آیا۔ اسا کوں رتو کی  
 انتظار آہی۔ مگر افسوس بھراوا سیڈی خاطر نہ ہوئی۔

ناراض نہ تھیویں خر بھائی اساڈی ہوں لاچاری  
 ترے بھٹا ڈ۔ نہہ ہے آل نبی نے فاتے نال گزاری  
 کہیں نہیں بھل بھنوا یا خر ہے دشمن خلقت ساری  
 پاٹی پاٹی کریندی ہے سکینہ تے درداں ماری

سوا خدا کوئی نہیں اساڈا توڑے توں تاں منت لا چا  
 ہاں حسین دے ڈر ڈر ویندے ایہا گھولی فوج ہٹا چا  
 جیویں کیویں دیر میڈے کوں ایں بھیڑ وچوں بچوا چا  
 شہر مدینے دل نہ دیوں ایں کھال اوتے چا چا

فضہ جناب پاک کوں و بچ کے آکھ غلام آہد اے بی بی ایہ درپے جفا ہن ہرگز ظلم کنوں  
 باز نہ آسن۔ دعا فرماؤ۔ نوکر قربان تھیوے اتوں نوا سے رسول ﷺ دے۔ انشا اللہ غلام کوں ڈیاں  
 پتر کوں ڈیاں آپ مریاں۔ حسین کوں نہ و نہجن ڈیاں۔ اتنے تائیں میدان وچ ول تھار اوہیا۔  
 خرد وچ غیرت دے آگئے۔ آہدے شاہار رخصت جنگ دی عطا فرماؤ۔ پتر بھرا غلام حردا اُتے جناب  
 دے قدماں تے ڈھ پئے۔ مولا پہلے رخصت جنگ دی ساکوں عطا فرماؤ جو قربان تھیواں اتوں  
 حضور دے۔

راوی آہدے ترے ترے داری ایہو جنیں لڑے جوہے لاشاں دے لگ گئے جیڑھے  
 ویلھے خرد ایڑا پار ہو گیا اتے چائی اے خرنے لاش بھرا دی تاں حضرت دے نیرویہ پئے۔ خرد عرض  
 کیتا کیوں مولا حضور کیوں روندن۔

شاہ فرمایا خرد بھائی ہک یاد آندم پردیسی  
 ایں دریا دی کندھی اتے جھٹ تیں بانہہ کیویسی  
 جیویں لاش بھرا دی چائی ایویں حسین بھرا کوں چھسی  
 اکثر لاش کوں چیندیں چیندیں پئے خم کمر کوں ویسی

خرد درد بھرنواں دی موت دا ڈاڈا اڈھا ہوندا ہے۔ توں حرا بھرا کوں رو شہیداں دارونوں  
 ثواب اے۔ آہدے میڈا نوکر قربان ہو یا اتوں حضور دے۔ حضرت فرمیندن، جوان پتر دی موت  
 ڈاڈھی ہائی توڑیں پتر دی لاش تے رونویں ہادل دے ارمان کڈھیں ہا۔ رووٹ شہید دا ثواب  
 ہے۔

آکھیا حرا مرشد میڈا کیوں اکھیں غلام دیاں رووٹ  
 قربان کراں تیں سوئے توں جتی پکڑے لہجہ ہوون  
 نئیں دستور جو وچ میدان دے عاشق مونجھ کھڑوون  
 کھل ہس یار کوں ڈیاں نظراں منظور شالا تھی پودن



ہس بولا میکوں ہن رخصت جنگ دی عطا فرماؤ۔ جو شربت شہادت دا پی کے  
پونچاں منزل مقصود کوں۔ پس راوی آہدے خرمخاطب فوج اشتیادے ہو کے آہدے۔

کون کرے اج ریس میڈی میڈا بخت اقبال بلند تھیا  
بوڑڑ قنبر وانگیں خُر اج نوکر خوب پسند تھیا  
میڈا مرشد ہادی رہبر حیدر دا فرزند تھیا  
تساں خاص جہنم و نجران ہے میں جنت گھن خورسند تھیا  
عمر بن سعد آکھیا اے خُر کیا تھی کیا ہے۔ کیوں مفت مریدیں توں ہک کیا کر یسیں۔ خُر

آکھیا۔

کیا طاقت کہیں انسان دی ہے اچہ میڈے نال کھڑاڈ کیکھے  
میکوں قوت شاہ مردان دی ہے کوئی اتے قدم ودھاڈ کیکھے  
میکوں لوڑھ فقط ایمان دی ہے کوئی دنیا نال ولاڈ کیکھے  
ہس مانگھ جنت بستان دی ہے کوئی شان میڈا اج آڈ کیکھے  
عمر بن سعد آکھیا اے خُر اپنے انعام و انقصان پیا کریندیں۔ تیکوں خبر کوئی نہیں جو سردار  
میڈے یزید نے میڈے واسطے ہوں انعام لکھیا ہے۔ خُر دارنگ مثل گلاب دے سرخ ہو گیا۔  
گوارا بدار میان وچوں چھک گھدس۔ آکھن لگا۔

پرے تھی موڈی اے عمر تیڈی گفتار تے لعنت  
نیں درکار زر دنیا دا تیڈے سردار تے لعنت  
اوں فاسق ازلی بدتر تے اتھے سردار تے لعنت  
او ظالم دا ظلم بانی ہے آوندے کردار تے لعنت  
پس اللہ اکبر کر کے وار لکوارا کیتا۔ راوی آہدے۔

کرے جاں وار غازی و مجن لشکر دے روح گلگل

صفا ندی صف صفا کر کے چمے شاہ دے قدم پلپل  
 آکھے شاہ مرجبا اے خر ذرا تلوار جھل جھل  
 ہے امت میڈے نانے دی جو آندا ہم شرم دل دل  
 عرض کیتا سوہٹا پیاس کنوں میڈی زبان خشک ہو گئی اے۔ حضرت فرمایا اے خر فکر  
 نہ کر ڈیکھ ہاں انہاں ڈوانگلیاں دے درمیان۔

ڈٹھا خر نے عجب رتبہ جو حیدر خود سڈیندا ہے  
 جو بھر کر جام کوثر توں کھڑا سوہٹا سڈیندا ہے  
 آ جلدی خر تیڈا ولول محمد راہ بھلیندا ہے  
 آ گھن حصہ محل جنت دا پٹھا شاہ وٹیندا ہے

خراتے قدماں دے ڈھہ پیا۔ مولّا غلام کوں رخصت کیتا۔ حضرت فرمایا۔ حوالے رب  
 دے چل میں وی ہنٹریں آیا۔ میڈے نانے کوں آکھیں حسین سلام ڈیندا ہا۔ تے آہدا ہا۔ نانا تیڈی  
 امت جو تھئی کیکوں گلہ ڈیواں۔

پس خر وچ میدان دے آیا۔ گمراہو حیا کرو۔ کیندے مارن کیتے کھڑے ہو۔ خر نال  
 اشارے آکھن لگا بھیرے اوجانزے ہوانیکوں جیردھے نبی ﷺ دا کلمہ پڑھدے ہوا وندا کیا لکدا  
 ہے۔ خردا طرف جناب امام حسین دے ڈیکھن ہا۔ ہک ہے پیر جو چھپدا ہویا آیا۔ ہک ایہو جیہاں  
 ساگک داوار کیتس۔ جو زخمی تھی کے جھن پیا اتے زمین دے منہ وچوں ایہو کلمہ نکھتے کیا۔

ہے وقت امداد دا پو اکبر دا غلام دے سرتے آؤ  
 ناراض نہ تھیویں جن زہرا دا تکلیف ذرا فرماؤ  
 ہاں مشتاق زیارت دا ہک وار دیدار کراؤ  
 آخری دم من خر دے مولا آکھیاں تے ہتھ لاؤ

ہس حسین علی اکبر کوں ہمراہ کر کے آئے اتے لاش خردے۔ کیا ڈہن خر وچ حالت



غش دے رہے۔ حضرت خرد اسر چا کے وچ جھولی چار کھیا۔ خراپٹا سر سر کا گھداتے ہوئے ہوئے  
 آہ اپیا ہا۔ ہائے ہائے برائے خدا جفانہ کریں۔ جڈاں تک مرشد حسین نہ آوے میڈا سر جدا نہ  
 کریں۔ حضرت فرمایا خرایا۔ اکھیں خردیاں کھل گیاں۔ جی میڈا سر دارا۔ حضرت فرمایا خرا کیا حال  
 اے۔ آہ دے حضور دا اقبال اے۔ متاں آکھیں غلام سلام کیجئے نہ اٹھیا شاہا میکوں خیال اے۔  
 ضرور تعظیم کوں اٹھیواں ہا مگر درد کمال اے۔ حضرت فرمایا کوئی ایں وقت تیڈی آرزو ہووے تاں  
 میں پوری کراں۔ خرا کھل ڈتا مولا ایہا عزت تھوڑی اے خرد اسر ہے جھولی حضور دی اے۔ مولا خرا  
 تاں وڈا خوش نصیب ہے جیڑھا محل حضور دا وچہ بہشت دے ہے میڈا محل اوندے قریب ہے مولا  
 ایں توں واقف کرکئی چار شخص ہن۔ کون ہون جیڑھے ایں وقت میکوں فرمیدن۔ حرا غم نہ کرا ساں  
 تیڈے بہشت دے ضامن ہیں۔ حضرت دے نیروہیہ پئے۔

ہو وی مبارک خرا تیڈا رب عزت شان ودھایا ہے  
 ناتا نبی تے بابا علی اہج تیڈی خاطر آیا ہے  
 امڑی زہرا تے دیر حسن اے خرا تیکوں فرمایا ہے  
 وچ بہشت دے پہنچ شتابی کھڑا حوراں کوں شوق سوا یا ہے

پس خرا داروح جنت دی طرف پرواز کر گیا۔ عجب بخت ہن خردے۔  
 کس شان سے بہشت کو وہ خوش عمل گیا  
 سر شاہ کے قدم پر رہا دم نکل گیا

شاہ فرمایا۔ عباس بھائی آ ہن جلدی آ دہنج  
 چا دم خدا کوں ڈتے خرا نے آتے لاش کوں چا دہنج

بھرنواں وانگ عزیز ہا میکوں حر کیتے پر چا ونج  
ہے ڈاڈھی دھپ مہمان دے سرتے نشان دی جھاں بٹا ونج

ہس گداآئی روک قلم کوں ہن کرن طول فصولے  
ذاکر ڈھیر تے وقت ہے تھوڑا تے بتوں ملول ملوے  
چا کتاباں بھج پوندے جیویں لڑکے ونجن سکولے  
چا ہس کر انجھا پڑھن پڑھاوٹ کیا فائدہ ونجے کوئی ملوے



## مولوی غلام علی مداح لنگاہ

غلام علی انہاں دانائاں ہا۔ تے مداح تخلص ہائی۔ انہاں دے والد دانائاں مولوی بختاور علی  
 بانی۔ انہاں دا وطن موضع شہانی ضلع بھکر ہائی۔ مولوی غلام علی لنگاہ مداح مولوی نذر حسین ترک  
 دے شاگرد ہن۔ انہاں دا چھوٹا بھرا احمد علی لنگاہ حیدر تخلص ذوالفقار ہا اووی ذاکر تے شاعر ہا۔  
 فدا حسین مشکور جھنڈیرا تے نذر حسین ارشاد عباسی جھنڈیر مولوی غلام علی لنگاہ مداح  
 دے شاگرد ہن۔ مولوی غلام علی لنگاہ دے والد مولوی بختاور علی اتے انہاں دے والد مولوی محبت  
 علی دی ذاکر اہلیت ہن۔

مولوی غلام علی لنگاہ قصیدہ لکھن دے شہنشاہ ہن۔ سرائیکی مرثیے وچ ادھک ہوں  
 ہاے قصیدہ گو شاعر ہن۔ مولوی غلام علی لنگاہ دیاں ہوں ساریاں کتاباں چھپ گئیں۔ جہاں  
 دے ہاں اے ہن۔

- ۱۔ کلید فلاح، غلام اصغر تاجر کتب، ملتان، ص: ۵۶
  - ۲۔ سفینۃ الفلاح، ہمدرد پرنٹنگ پریس، ملتان
  - ۳۔ شمشیر غم، فیض بخش، محمد ذوالفقار، ملتان، ص: ۳۶
  - ۴۔ صراط الفلاح، // // //، ص: ۳۳
  - ۵۔ باب الفلاح، مولوی غلام اصغر، ملتان، ص: ۶۶
  - ۶۔ بادشاہ کر بلا، کتب خانہ جعفری، ملتان، ص: ۵۸
  - ۷۔ انصار کر بلا، غلام اصغر، ملتان، ص: ۳۳
  - ۸۔ نہر ماتم، کاظم علی، غلام علی، ملتان، ۱۹۰۲ء، ص: ۷۶
- مولوی غلام علی لنگاہ ڈوہڑے دے دی ہوں سوئے شاعر ہن۔ انہاں دا ڈوہڑا درواں

دا مضمون اے۔ انہاں ساریاں سرائیکی صنفاں وچ شاعری کیتی اے۔ انہاں دے ڈوڈ و ہڑے  
ڈیکھو۔

سین فرمایا اماں فضہ میکوں ویر نظر نوھی آندا  
چن چھپ کیا اے وچ بدلاں دے دل اتنی دیر نیں ساہندا  
آکھیا فضہ مر ونجھیں ہا، پیائی ویر گھوڑے توں لہندا  
ہس مل گئی ہس جا سجدے دی، ودے تلیاں ٹیک تے پھندا

لتھا درد دی آخری منزل توں کل درداں دا مضمون  
ہر تیر نے نوک رنگین کیتی، مظلوم دا سمجھ کے خون  
آ لہہ آ ماء دی جھولی وچ سڈ آکھیا ہک خاتون  
جینویں توں پیا لہندیں گھوڑے توں، اینویں لہن دا تیں قانون  
مولوی غلام علی مداح دا ہک مشہور نوحہ جیڑھا اہج وی ذاکرین مجلس دے چھیکو وچ  
پڑھدے ہن تے ہوں غم تھیندے۔

ہے دو جگ تے سرداری حسین مسافر دی  
کیتی امت نے دل آزاری حسین مسافر دی  
آ وقت کیا، پو ڈہدا رہیا  
گئی صف پتراں دی ماری حسین مسافر دی  
کوئی مرے بے وطن، ڈیندے لوک کفن  
مویا زہرا دا چن، رہیا ریت اُتے تن  
ہوں ڈینہہ بے کفن، آہا دور وطن  
کیوں امت پوشاک اتاری حسین مسافر دی



بہک وال جو ڈھ، روندی زہرا رہ  
 ناناً کٹیاں نہ سہے، مہینہ تیراں دا لہے  
 رت زخماں توں وہے، ودا خاک تے پے  
 کیوں امت تے عزت و ساری حسین مسافر دی  
 اے مداح احقر، ذرا خوف نہ کر  
 توڑیں دور سفر، ہے لج پرور  
 سادات دا گھر، ڈیسی جنت گھر  
 کراں نوکری عمراں ساری حسین مسافر دی

انہاں دی نثر دی پہوں چنگی اے اتے عام فہم سرائیکی اچ اے۔ سرائیکی دا اے مرثیہ  
 نگار پنجاسی سال دی عمر گزارتے ۲۶ جمادی الاول ۱۳۷۵ھ کوں ایس دنیا توں ٹر گیا۔

## شہادت حضرت عباس علمدارؓ

مصنف: مولوی غلام علی مداح لنگاہ

مومنین اگر سوواری اے چرخ آسمانی چرخ مارے ڈونٹھنساں دا ثانی ہرگز نہ پیدا کر لسی۔ بھرا حضرت عباسؓ جیہاں اتے بھینئیں حضرت زینبؓ خاتون جنہیں۔ لکھدن مولا حسینؓ جو نماز عشاء دی پڑھ کے واپس آوے ہاتے عباسؓ نال ہووے ہا۔ بعضے ساری رات مولا دے سر تے پہرا ڈیندے ہن۔ بعضے اوہی رات کوں واپس دل ونجے ہا۔ ہک رات دا ذکر ہے مولا جو نماز عشاء دی پڑھ کے واپس آئے دروازے آکے فرمایا۔ عباسؓ توں کھڑا رہے۔ عباسؓ کھڑا رہا۔ مولا بستر تے آکے سم ہکيا۔ صبح سویرے جناب زینبؓ خاتون جو واسطے نماز تہجد دے انھی۔ جناب دی دید پئی فرمایا فضہ ونج ڈیکھ اساڈے دروازے تے کون ہے۔ فضہ آکے پچھیا کون ایں وقت اساڈے دروازے تے۔ فرمایا فضہ ونج میڈی آقا زادی کوں ونج آکھ غلام عباسؓ اے۔ بیا سیڈے دروازے تے کون آسکدے۔ فضہ آکے اطلاع ڈیتی۔ بی بی نائب زہرا کول عباسؓ دے آکے فرمایا۔ بھائی کیوں ایں وقت تکلیف کیتی ہوئی۔ عباسؓ نے عرض کیتا بی بی میں تاں عشاء دے وقت دا ایں جاء تے کھڑا ہاں۔ سین فرمایا کیڑھی کالھ کھڑا ڈتا۔ عرض کیتس عشق حسینؓ کھڑا ڈتا۔ میکوں مولا حسینؓ فرمایا اے عباسؓ توں کھڑ ونج۔ بی بی ایہا لے قدم چا کے لگی آئی حسینؓ بھرا دے کول اتے فرمندی اے بھائی خدا بے پرواہ ہے۔ عباسؓ بیگانی ماء دا پتر جو ہے ایں واسطے ساری رات درتے چا کھڑا یا ہیوی۔ مولا نعلین نمیں سنہلیا۔ ایہا لے قدم چا کے کول عباسؓ دے آکے فرمیدن۔ میڈا ذیشان ویرن میڈا قدردان ویرن۔ کیوں ساری رات خدادی درتے چا گذاری ہائی۔ عباسؓ عرض کیتی مولا تاں جو فرمایا ہا عباسؓ کھڑ ونج۔ غلام دی طاقت آہی۔ سوا اجازت دے ونج سکد اہا۔ مولا نے عباسؓ کوں گل نال لا کے آفرین مرحبا فرمایا۔ انصاف شرط ہے کیندا وفادار



براعباس جیہاں دارفانی تے نظر آندے۔

لکھدن جس وقت ڈھویں ماہ محرم دی روز جمعہ دے وچ کر بلا دے چن حسن رضا دا،  
 اراغریب ماء دار خست گھن کے ٹر گیا۔ زوجہ حضرت عباس قد رشناس، فخر الیاس دی اپنے شوہر  
 کوں سڈایا تے عرض کیتا۔ ہک عرض کریندی ہاں جے کرنا راضگی معاف ہووے تاں حضرت  
 فرمایا۔ بیان کر۔ عرض کریندی ہے تیکوں او ویلھا دسر گیا ہے۔ جڈاں حسین دا جوڑا چیندا ہا دیں۔  
 اکھیں تے لا کے جمیندا ہانویں یا تاج بٹا کے سرتے رکھیندا ہانویں۔ قدماں حسین دے دی مٹی  
 چا کے اکھیں تے لیندا ہانویں۔ حسین کنوں جے کوئی کچھے ہا۔ عباس تیڈا بھرا ہے۔ ودھ کے الیندا  
 ہانویں۔ اے میڈا سردار ہے نو کر بٹ کے پھراڈیندا ہانویں۔ جے حسین فرماوے ہا کھڑن داتاں  
 ساری رات درتے گزریندا ہانویں۔ عاشق ہو کے حسین دا جلیندا ہانویں آپ کچھے سمیں ہا پہلے  
 حسین کوں سمیندا ہانویں۔ ہر حال دیوچ رضا مندی حسین دی ہو لیندا ہانویں ہن تاں معلوم  
 ہوندے نو کری ڈکھی ڈکھائی دے واسطے کریندا ہانویں۔

ڈیکھ حسین غریب دا کیڑھا حال ہے۔ موت قاسم دی اکیٹھ کھکم کیتا ہے جو جیوٹ محال  
 ہے۔ ہک شبیر ہے چھ لاکھ دی بھیڑ ہے۔ توں حال ڈیکھ تے آرام کیتی کھڑیں۔ سچ ڈسادل وچ  
 کیڑھی نیتی کھڑیں۔ مرٹ نہیں ویندا۔ جعفر طیار دارتبہ نہیں پیندا۔ جہان فانی ہے۔ ہر کوئی لکھلے دا  
 گزراٹھی ہے۔ گزریا ویلھہ ہتھ نہیں آندا۔ غازی جے کر چک پیوں ارمانی رہیں۔ عباس فرمایا۔  
 اللہ تیڈے اتے راضی ہووے۔ میں تیار کھڑاں۔ کوئی دیر نہیں۔ عباس کول مولا دے آیا۔ سر  
 جھکایا۔ قدماں تے ہتھ لایا۔ عرض سنزیا۔ غلام رخصت زہرا جایا۔ حضرت فرمایا۔ اللہ وسایا کن  
 ویندیں۔ عرض کیتس۔ ہڑی عشق دے تیار ہے چڑھن ویندیں۔ سکینے خاتون فرمایا ہے میں پاٹھی  
 بھرن ویندیں۔ دریا شہادت داترن ویندیں۔ ہن میڈا وارہ ہے مرٹ ویندیں۔ حضرت فرمایا بابل  
 جایا میں کن وچاں۔ پاسہ تاں ڈسائی وچ۔ اہل پردہ کوں تاں میں تیڈے سانگے آندا ہا۔ مدینے  
 تاں بچائی وچ۔ اچھا ویندیں تاں ماشاء اللہ سوٹھی ڈاڑھی تاں چھائی وچ۔ کربھی ہدھائی وچ۔

جھیکڑی وار بھرا کوں، گل لائی دہنج۔ اُتے سوہنی ڈاڑھی عباس دے حضرت بوسہ ڈتا۔ اپنے ہتھیں  
اپنے بھرا کوں کمر پدھائی۔ امتحان دے واسطے حضرت فرمایا۔ عباس خیال رکھیں۔ توں ہک ہیں  
اہکوں چھ لکھ ہے۔ عرض کیتس مولا شہباز دی دوالی کڈھ ڈیکھو۔ انشاء اللہ میڈے اہکوں لکھ دی  
مانند ہے۔ غازی عرض کیتا۔ مخمس

سوگند میکوں رب ہک دی ہے  
ہن دل میڈی نہیں ٹکدی ہے  
کھڑی دل شہباز دی سکدی ہے  
میکوں ڈک نیں چن زہرا دا ہے  
پرواز کیتے دل آہدا ہے  
میڈی دل کھڑوتی چاہندی ہے  
چھ لکھ تے فلک نہ پوندی ہے  
کھڑی سین سکینہ روندی ہے  
نیں کھڑن ڈیندے ہن تیر میکوں  
ڈے رخصت پیر شبیر میکوں

حضرت فرمایا ماشاء اللہ جے کرویندیں تاں تیاری کر۔ مگر حسین کوں اہج داغ ڈتو۔ جو  
تیڈی اول جوانی ہے۔ میکوں وی ہٹاں دے داغ کافی کاری لکے ہن۔

ڈوہڑا

اے جیڑھا گیا جنگ دے پاسے دل یار میڈا نیں آیا  
اے اکھیں ڈہدیں حسین غریب نے خر مہمان مرایا  
جے توں وٹھیں ول نہ آویں کن ویسی زہرا جایا  
نال اکھیں دے ڈنھی ویندیں ہائی سارا ملک پرایا



حضرت عباسؓ رخصت ہو یا۔ قدماں تے ہتھ رکھ کے عرض کیتس۔ مولا غلام دے حق  
وچ دعا فرماؤ۔ حضرت نجف اشرف دومنہ کر کے بابے دے نام ندا کر کے عرض کیتا۔

## ڈوہڑا

شہباز تیڈے دی پارت تیکوں یا فاتح خیر دا  
حسینؑ غریب کوں جگ فانی تے آسرا ہے صفدر دا  
میں تاں سفر عباسؓ دے سانگے کیتا نہ ترثم زور کمر دا  
جے نال کمر عباسؓ رہم تاں خوف نہھی لشکر دا

حضرت عباسؓ آیا وچ میدان دے۔ نال عزت شان دے۔ بہادری قدم جمادی  
آئی۔ جوان دے فتح وی ہتھ ہتھ کے عرض کر بندی آئی۔ اہکوں ذیشان دے میں بھی تابع ہاں  
فرمان دے۔ ہک شامی آکھیا کیڑھا جرار آیا ہے۔ ڈو جھے آکھیا معلوم ہوندے جو حیدرؓ کرار آیا  
ہے۔ تر کھجے آکھیا جعفرؓ طیار آیا ہے چوتھے آکھیا حسینؑ داعلمدار آیا ہے۔ جو شاعر آہدے۔

گھوڑا ٹوریا وچ میدان دے آ کے شیر عباسؓ ہے  
کئی آکھن ہے حیدرؓ صفدر کئی آکھن خضر الیاس ہے  
ہک شامی آکھیا ڈیکھ گھنواے ماشکی قدر شناس ہے  
آیا پانی بھرک دے کیتے حسینؑ دی ڈیکھ پیاس ہے

شمر آکھیا اوں جوان دی بہادری منیوں۔ جیڑھا ایں شیر دلبر دے سامنے ویسی۔ ہک  
فغص آکھیا بھلا اے کیا کر بیسی۔ شمر آکھیا سوامارے دے نہ چھوڑ بیسی۔ اتنی ہی فوج بھی ہو دے  
تاں بھی تخت شام دا وچ ڈیکھیں۔ عمر بن سعد آکھیا کئی آٹھیں تجویز تھیوے ہا جو اے جوان اساڈے  
نال مل ونجے ہا تاں بہتر ہا۔ شمر آکھیا میں دیندا ہاں۔ طمع جا کیر دا ڈیندا ہاں۔ کوشش کریندا ہاں اگر من  
کھدس تاں اساڈی بڑی نیک نامی ہوسی۔ شمر معلون نردا ہو یا کول عباسؓ دے آکھڑا تے آکھیں

اے جوان ذرا گھوڑے دی واگ ڈک۔ اتے میڈا عرض سٹ جو شاعر آہدے۔  
 آیا شمر کول عباس دے ایہو جوڑ بہانہ  
 ہک گاہل صلاح دی آہاں تیکوں ذرا گھوڑا ڈک وڈ شانہ  
 بھرا بھرا دی عزت ودھیندے کھڑا آہدے کل زمانہ  
 واہ سمجھی عزت حسین سیڈی جو ہٹھیس جوڑ کے بہانہ  
 حضرت عباس فرمایا۔ شمر گستاخ کلام نہ کر۔ اوسردار ہے میں نوکر ہاں شمر بے دین نے  
 بڑی کوشش کیتی۔

فرمایا عباس اے بے شناس تیکوں خبر نہ کائی  
 حسن حسین دا ویرن ہا رہا احمد موٹھے چائی  
 حسین جو اپنا نوکر جاٹے ہے میڈے کاٹ وڈ ہائی  
 کل ملک انسان حیران ہوسن عباس دی ڈیکھ وفائی  
 شمر آکھیا میڈا آکھیا من کھن پاسے عمر دے پھر آ۔ جیڑھے ملک دی بادشاہی آکھیں  
 ڈیواں۔ نال بھکھیاں تسیاں دے رل کے جوانی نہ ونجا۔ عباس فرمایا۔

### ڈوہڑا

عباس فرمایا شمر ناری دواں جند توں طمع لہائی  
 جے غصب عباس دے پٹھ آئیوں ہے جان غصب الہی  
 رل کے نال یزید پلید دے دوزخ تھیواں جاہی  
 میں تاں مرساں قد میں پیراپٹے دے اتے گھناں جنت عدناہی  
 غازی صاحب وفا حسین دے بھرا دی تقریر پر جوش سٹ کے شمر بے حیا ہوں شرمندہ  
 ہویا۔ جو شاعر مناسب حال آہدے۔



تھی شرمندہ شہر ناری کول عمر دے آیا  
 کر کے پھیر راہوار کول غازی من توں آن لہایا  
 پی گھن پاٹی یار میڈا ول گھوڑے کول فرمایا  
 غلام تے آب حرام ہے سائیں گھوڑے عرض سزایا

حضرت فرمایا اے راہوار وفادار جنگ دادار و مدار تیڈی رفتار تے ہوسی۔ خبردار اہج  
 جنگ دامنه اے۔ قسم و قسم وئے گھوڑے ہن۔ ہوشیار ہو۔ متاں صدمہ پیاس دانہ اٹھا سکیں۔ اتے  
 میڈی جنگ دے ڈھنگ وچ تکلیف ڈیویں۔ پاٹی پی گھن۔ جو تمازت آفتاب دی ہوں ساری  
 اے۔ متاں صدمے تریہہ دے کنوں تیڈا ہاں لہہ ونچے۔ اتے میڈی جنگ دے وچ رخنے پئے  
 ونچے۔ گھوڑے عرض کیجا۔ یا جناب سچ فرمیںدے ہو۔ مگر اینکوں وفاداری نیں آہدے۔ جو سردار  
 ترے ڈیہاں داتہ ہووے اتے نوکر پاٹی پیوے میں اتنا بے شناس نہ۔

تے ہال حسین دے ہن میں کیویں پاٹی پیواں  
 رب کرے دعا منظور میڈی بن سایاں مول نہ جیواں  
 کرو دعا سردار میڈا تیڈے قدام وچ مریواں  
 حشر دے روز رسول بتوں علی توں سرخرو تھیواں

لکھن کتاباں والے جو غازی ہک پاٹی دا بھریا واسطے پیوٹ دے۔ سردار دے  
 ہالاں دی پیاس یاد آلیں۔ بھریا ہو یا ہک پاٹی دا ویٹ شیس اتے لب نہ پالیں۔ مگر اے گالھہ دل  
 قبول نیں کریندی جو حسین عامدار ہر حال وچ خبردار تے ہوشیار ہا۔ ایسے وفادار کول ہک  
 بھریندے ویہے سکینے دی پیاس بھل کئی آہی۔ پیوٹاں بجائے خود اے جئے صاحب وفا واسطے  
 ہک دا بھرتا بھی عار سمجھیا ویندے۔ بلکہ کنارے کوڑتا نہیں بھی عباس کول سکینے دی پیاس نہ  
 دسری۔ القہہ شاعر آہدے۔

## ڈوہڑا

پاٹی ڈوہیں نہ پیتا ہرگز رہے ڈوہیں لب پیاسے  
مشک پاٹی دی بھری ہے غازی کر اللہ دی آسے  
شالا خیر دے نال ونج پہنچے پاٹی نہ تھیوم آس نراسے  
بسم اللہ کوں پڑھ کے ٹریا خمیہ گاہ دے پاسے

شمر پلید فوجاں دے وچ منادی ودا کریندے جیکر عباس چھ لکھ دے وچوں پاٹی دی  
مشک بچا کے گھن ہکيا لعنت ملک دی ہوسی اُتے چھ لکھ دے۔ خاص کر شیراں بنی ہاشم دیاں پاٹی چا  
پیتا تاں ہر کوئی جنگ دے پڈ کے سٹ کے گھروں ونجے جو ہک ہک جوان لکھاں دی طاقت  
رکھیندے۔ ہک جوان ساری فوج کوں مار کے تخت شام دا ونج ڈیکھسی۔ پس فوجاں جھک ہکياں  
اتے سر عباس تے۔ بارش تیراں دی لہہ پئی۔ جتھوں تیر آندا ہا غازی ہتھاں تے یا سینے وچ جھلیندا  
ہا۔ شام دیاں صفاں تے صفاں ونج مریندا ہا۔ ادھ لشکر تلواردیناں ادھ گھوڑے دے سماں دے وچ  
لتاڑی ویندا ہا۔ کوئی شامی ہتھ نہھیندا ہا کوئی کوئی قسماں ڈیندا۔ ہزاراں کوں فی النار کر کے گھوڑا  
عباس دا ساہ ونج کڈھیندا ہا۔ لشکر دریا وچ پاٹی پاٹی ودا کریندا ہا۔ پاٹی پیوٹ دا ہوش ہا۔ اوکیرھا ہا  
بہادر جیڑھا بے ہوش نہ ہا بے ہوش کیوں نہ ہوں ہا۔ کیا حیدر دا جوش نہ ہا۔ مگر ہک ناری نے چھپ  
کے وار کیتا غازی دے ڈوہیں بازو جدا تھی گئے۔ حضرت تسمہ مشک دامنہ دے وچ چا پایا ہے ناری  
دے ہتھوں تیر جو چھٹیا مشک دے پارنگھ ہکيا۔ پاٹی وٹھن لگا۔ پاٹی کوں وٹھیندا ڈیکھ کے غازی  
دے نیر داگوں برسات سانوں دے لڑھ پئے۔ ہئے ناری جو تیر دا وار کیتا۔ غازی جھنڑیا اتوں  
گھوڑے دے شمر نے سڈ کے آکھیا۔ اے اہل شام ہن وقت اے تمام فوج جھک گئی۔ جیڑھا جو  
شاعر آہدے۔

سن آواز شمر دا یارو تھی گئے لوک اکٹھے  
سانوں داگوں سر غازی دے مینہ تیراں دے دٹھے



جنگ کریندیاں غازی دے گئے ڈوہیں بازو کٹے  
وچ ششجہت دے شور پیا رجبہ گئے مسافر لٹے

تمہ مشک دا منہ وچ پایا نال شتابی غازی  
تکڑا تھیویں زین میڈی تے عرض کیا ول غازی  
گھوڑے کوں فرمایا یارو سید پاک نمازی  
میڈے ڈوہیں بازو قلم تھئے ہن بچن قسمت بازی

شت جما کے تیر ماریا ہک ناری کر کے چارا  
مشک کوں چیر کے پار گیا تے پاٹی لڑھ گیا سارا  
لڑھدا ڈیکھ پاٹی کوں رنا حسین دا پاٹی ہارا  
ہک شامی وار نیزے دا کیتا کھادا عرش کمبارا  
یا عباس جھٹیا گھوڑے اتوں سڈ کے آکھیں۔ ”یا ابا عبد اللہ اور کئی“ غلام دے سر تے  
پہنچو۔ عباس وچ میدان دے جھنڈیا۔ حسینی کمر خم ہو گئی۔ شاید بھرانوں دی موت کمر ترور  
ڈیندی ہے۔ حضرت علی اکبر کوں سڈیا۔ اتے رو فرمایا۔

شاہ فرمایا علی اکبر کوں شالا مانزیں یار جوانی  
بھ نال رومال دے کمر میڈی کر جلدی یوسف ثانی  
میں اپنے تھیں دُجا کھڑاں اہج پیو دی یار نشانی  
میڈیاں کراں ترور گیا ھ اہج میڈا ویرن جانی

شاہ فرمایا علی اکبرؑ پھرا نہیں بھروسے ساہ دے  
 میگوں وچ سفران دے مار مکایا عباسؑ خیر خدا دے  
 میگوں سارے جگ اندھارا ڈسدا لکھم ہتھ قضا دے  
 میڈا بازو نپ کے گھن جل پھرا کول عباسؑ بھرا دے

ٹریا اکبرؑ طرف فرات دے بازو پکڑ پر دا  
 ہے ہے ویرن ہے ہے ویرن آواز آوے سرور دا  
 واہ عباسؑ سفران وچ میڈا تروریا ہائی زور کمر دا  
 دشمنان دے وچ چھوڑ گیوں آہیں ایہو کجھ ویرن پھر دا

پوتے پتر ہکولیندے ودن گھن فوجاں دے پتے  
 عباسؑ علیؑ دے گھوڑے دے بیوس کراٹ نکھتے  
 شاہ فرمایا ڈس گھوڑا میڈا ماشکی ویرن کتھے  
 عرض کیتس میں تاں روند اکھڑاں سر سرور دے اتے  
 اول ویلھے ششجہت دے وچوں آواز آندے۔

### مسدس

ساری حسینؑ فوج دا سالار لڈ گیا یعنی او ثانی حیدرؑ کرار لڈ گیا  
 سکینہؑ دا ماشکی ہا وفادار لڈ گیا حضرت عباسؑ غازی علمدار لڈ گیا  
 زہراؑ پکاری جند عباسؑ کھٹ گئی پھڑے میڈے حسینؑ دی اہج کمر ترٹ گئی



### مسدس

عباس جے ڈیکھو ہاتھ ویلھے اخیر کوں      کمر نوا کے ڈیکھو ہا ثردا ہیر کوں  
 فوجاں دے وچ ہولیندا ہا ویر ویر کوں      اتنا ترس نہ آیا ہے قوم ء شریر کوں  
 اے چنگی آہی ویرن گھٹاں گھول پاٹی کوں      حیندیاں تیں روساں ویر تپڑی جوانی کوں

### ڈوہڑا

شاہ روند اہویا جو آیا ہے کول عباس دے      بازو جدا ڈٹھوس بے آسیاندی آس دے  
 اکھیں توں نیر جاری ہن حق شناس دے      شہباز میڈا ماریا صدے پیاس دے

### ڈوہڑا

جاں لاش تے آیا سرور بے وس کوک نکل گئی شاہ دی  
 چا دکھرے دیرے لائے نی ویرن چھوڑ کے سنگت بھرا دی  
 ہک آکھیا میڈا من چا ویرن ہے آخر جھوک فنا دی  
 میکوں ویرن سڈ کے ہگل چا لا ایویں دل میڈی پئی آہدی

عرض کیتس معاف کرو نہ ویرن مول سڈیاں  
 ساری عمراں دی نوکری کوں میں نہ برباد کریاں  
 سردار کوں بھرا سڈاں میں تاں عشق کوں انگ نہ لیاں  
 اہل وفا دی صف دے وچ میں تاں اول نمبر لکھیاں

جاں لایا ہگل عباس کوں سرور کھنکھوس آہیں  
 انھی میڈا ہاہل جایا خیسے کھن جلائیں

عرض کیتس میڈی لاش کوں مولا رہن ڈیو اتھائیں  
 ۱۰۰۰ سینہ سین خاتون کنوں میکوں آندا شرم ھ سائیں

شاہ فرمایا عباسؑ بھرا تیں تاں چنگی کیتی  
 وانگوں تہڈے بابل جایا نہ کہیں عشق دی بازی جیتی  
 اج ہر کوئی آکھی نال عباسؑ دے حسینؑ کیتی بے ریتی  
 بیگانی ماء دا سمجھ کے سرورؑ خیمے لاش نہ نیتی

شاہ فرمایا عباسؑ بھرا اج ویر تے منت لا چا  
 میکوں کڈاں نوھی سڈیا مونہوں اج تاں سڈ بھرا چا  
 ویرن ویرن سڈ کے ویرن آ میکوں گل لا چا  
 میڈا دل پیا آہدے بابل جایا دل دی سک لہا چا

لاش عباسؑ دی چا کے ثریا خیمے شاہ شہاں دا  
 ہے ہے چاچا کر کے آوے علی اکبرؑ کرلاند  
 اتنے تائیں عباسؑ دے نام آواز علیؑ دا آندا  
 دفتر عشق دا دیکھ کیوں واہ واہ ماشکی تسیاندا

حال بیان نہ قصیدہ جیویں آل رسولؑ دی رنی  
 غم شہدا وچ آل رسولؑ دی خاکاں پایاں ہنی  
 تے ارمان جو غم حسینؑ متوں منع کریندے سنی  
 بے شرم حسینؑ دی مجلس توں کر منکدے اکثر کئی



حضرت امام حسینؑ مشک اتے نشان چا کے وچ خیمہ گاہ دے آئے۔ سکینہ خاتون  
 پھیا۔ بابا مشک نشان تاں آیا ہے۔ میڈا چا چا عباس کیوں نہ آیا۔ حضرت فرمایا پھرا چا چا عباس مارا  
 کیا۔ شہزادی موت چا چے دی سٹ کے منہ فرات دوکر کے اتے نام چا چے داسٹ یندی ہے۔

## نوحہ

آو خیمے تائیں جلدی وے ماشکی چا چا  
 ویر میڈے دی جند نکلدی وے ماشکی چا چا  
 موت تیڈے دیاں سزیاں ہم خبراں چا چا  
 کھڑی ہاں اتے بھاء ہلدی وے ماشکی چا چا  
 پاٹی کیٹے پٹھیا ہم تیکوں وے  
 میکوں نہ ہائی خبر اجدی وے ماشکی چا چا  
 کھڑی سڈ یندی آں کہیں ویلھے دی  
 کیوں نیں ڈیندا ولدی وے ماشکی چا چا  
 آسم خیمہ گاہ دی چھاں تے  
 ریت گرم ہائی تھلدی وے ماشکی چا چا

یا شہر خاقت دا پیر عباس ویر دا صدقہ  
 عون محمد قاسم اکبر بدر منیر دا صدقہ  
 کل شہدا دا صدقہ تیڈے پتر اسیر دا صدقہ  
 مداح غریب دی لاج پلیسو قید ہمشیر دا صدقہ

## مولوی منظور حسین ترک

مولوی منظور حسین، گڈولہ ضلع بھکر دے رہن والے ہن۔ انہاں دے والد داناں  
مولوی فیروز الدین ہائی۔ او مولوی فیروز دے نکے پتر ہن۔ انہاں توں وڈے بھرا داناں مولوی  
نذر حسین ہا۔ انہاں دے گھروچ ذاکری تے شاعری انہاں دے جاون کنوں پہلے تھیندی پئی  
ہائی۔ کیوں جو انہاں دے والد مولوی فیروز سرائیکی تے اردو مرثیے دے بہوں وڈے شاعر تے  
ذاکر ہن۔ انہاں دے وڈے بھرا وی انہاں دے بابے وانگوں سرائیکی مرثیے دے معروف شاعر  
تے ذاکر ہن۔ اودی ایں پاسے وڈا آگئے۔

مولوی منظور حسین دی ہک چھپی ہوئی کتاب ملدی اے۔ جیندا ناں ”بحر العنین“  
اے۔ اے کتاب خادم التعليم پریس لاہور نے چھاپی ہائی اتے اینداسن اشاعت ۱۳۳۶ھ ہے۔  
اینڈے ۸۹ صفحے ہن۔

مولوی منظور حسین ترک سید علی شاہ چھینوی دے شاگرد ہن۔ او آستانہ لال شاہ ملتان  
دیاں مخصوص مجلساں پڑھن ویندے ہن۔ او اپناں زیادہ ویلھا اپنے ذاتی کاروبار وچ گزریندے  
ہن۔ انہاں دی منقبت دانمونہ ڈیکھو۔

اے مومنو تسبیح پڑھ صل علی دی  
تعریف سلو بنت رسول دوسرا دی  
ایہ مقبول بانہی ذات خدا دی  
خاتون جناں والدہ شاہ شہدا دی



تطہیر دی آیت جیس بی بی دا شانے  
 تعریف جہاں دی ثابت از قرآن نے  
 جیکوں بفقہ منی آکھے شاہ ذیشانے  
 ڈیوے جبرائیل گواہی انہاں دی ضیا دی  
 ہے لچ پال سائیں میڈی لچ پلیسو  
 ہے منظور پُر خوف دامن چا لیسو  
 میڈی مدد کیتے غازی کون ہٹھیو  
 ہئی ٹیک ہرگز نہیں پُر خطا دی

مولوی منظور حسین داکہ ڈوہڑاڈیکھو۔

جاں تھی کے خالی ذوالجناح آیا خیمہ گاہ دے نیڑے  
 آکھیا دائی ڈس دے گھوڑا، ڈیکھاں دیر میڈے دو خیرے  
 جواب دی تاب نہ رہی گھوڑے کون ہو گئی لحظہ دیرے  
 آکھیا بھین حسین دی ہس دائی ایندا چپ کرو بھن ڈھیرے  
 مولوی منظور حسین ۶۲ سال دی عمر گزارتے ۱۱ نومبر ۱۹۶۰ء کون وفات پاتی۔

## تقریر مضمون دریائے زعفران

لکھت: مولوی منظور حسین ترک

راوی مصیبت دے بیان کریندے ہن۔ جیڑھے ویلھے مطلب معنہ لیلین داسردار  
کونین پچھڑا رسول الثقلین دا، دل بند فاتحہ بدرو حنین دا وچ بن آوڑے غنوادے وچ کم راہ خدا دے آ  
ہکیا۔ خاتمہ بالخیر سید دا ہو چکا۔

جاں تھی کے خالی ذوالجناح آیا خیمہ گاہ دے نیڑے  
آکھیا دائی ڈس وے گھوڑا، ڈیکھاں ویر میڈے دو خیرے  
جواب دی تاب نہ رہی گھوڑے کوں ہو گئی لحظہ دیرے  
آکھیا بھین حسین دی بس دائی ایندا چپ کرو نہجن ڈھیرے  
ہڑنک فراق دی گھوڑے دی نکل گئی۔ عرض کریندا ہے بی بی زہرا جاپا فرمیںدا ہے جو  
ماء علی اکبر دی، دختر شاہ کسیر دی، مالک گھر سروردی، طرف طوس دے روانہ ہو ونجے۔ میکوں  
سردار امر کیتا ہے جو توں نال ونج کے اُتے منزل دے پوچا۔ یارو جناب بی بی صاحب پیغام سن  
کے جلدی جلدی چولی نشانی پچوڑے شیر خواردی چا کے گھر کنوں بیزار تھی کھڑی اے۔

سمجھ بی بی وچ کر بل دے ہوئی ہڑی پھالے پھالے  
انج وارث، ہامبھوں پتراں دے گھر دانگن محالے  
آکھیں حسین دی جلدی آ، گھن ویر دا گھر سنبھالے  
میں مسافر ٹری ویندی آں گھر جانن گھراں والے  
وچ خدمت نائب زہرا دے دست بستہ ہو کے عرض کریندی اے۔ ایہ کنجیاں گھر  
دیاں سنبھال گھنوسین فرمایا۔ دن بھر جاکے میں کنجیاں کوں چہ کریاں۔ توں طوس ٹری ویندی ہائی



میں فجر کوں شام ڈوویاں۔ شام والا بازار ہو سی شرم کنوں مرویاں۔ چادر نہیں کول میڈے میں  
 کیوں منہ لکیساں۔ دائی فضلہ وچ خدمت امام سید ساجدین دے عرض کیتا۔ ایہ بیمار بی بی طوس دو  
 ہمراہ فاطمہ کبریٰ سفر طوس دا منظور کر کے بحکم حضور روانہ پئی تھیندی ہے۔ جناب سید ساجدین ٹیک  
 عسادی گھن کے نزدیک آئے سلام کریندا ہے۔ سین فرمیندی ہے اے مسافر پڑے داملاح اللہ  
 تبارک ہووی۔ میکوں تاں سردار دا حکم ہے طوس ٹری ویندی آں شالا پوری اترے میڈا پچڑا۔

اا کر بگل بیمار عابد کوں آکھیا بی بی رو کراہیں  
 جے خیر نال ونجھیں وطن اتے تاں صغریٰ کوں ڈیویں دعائیں  
 آکھیں آہی تیاری تیں ڈوبی بی بھل رب دیاں من رضائیں  
 پیو کتھائیں پتر کتھائیں اتے رہ گیا وطن کناہیں

ماریا پیو علی اکبر دا اتوں ہڈی دیگر تھئی اے  
 ٹر پئی بی بی ونجھن وطن تے اوتے سفر دی ڈی اے  
 پتر کوہا کے ہل چڑھا کے شودی طوس دو ٹر پئی اے  
 خبر نہیں جو موت دی رولی کوں رات کتھاں ونج پئی اے  
 بک مقام تے فاطمہ کبریٰ ڈٹھا مڑی کوں جو روٹوں کنوں ہس نہیں کریندی اتے  
 ہولیں ہولیں وین آندی کریندی اے۔ اتے آہی اے بھلا دو میڈا چوٹیاں والا ماہ کوں رول  
 کہیں۔

جاں کھیر ہون دا دیا آندا اوکھڑ ویندیاں نندراں  
 آہی آوے پھڑا گھن ونج اجوی ماہ دیاں خبراں  
 حیر فراق دے کھاندے ہاں کوں نور آئی میں چکراں  
 چھنچھن پنڈے ونج راسی رولیاں دھیاں پتراں

ہک موقع تے ہک برقعہ پوس نظر آیا بی بی فرمایا اساں پر دیسی ہیں اللہ راسی ہیں، بے وارث ہیں۔ اے ہسوار جوتوں اساڈی طرف آند اپئیں۔ اوں سوار دی کوک آئی میں تاں حسن مسموم آں۔ والد امیر قاسم دا۔ میں اٹنی نوہہ کوں ڈیکھن آیاں تے پر چاؤن آیاں۔ شہزادی لٹی بن کر بلا دی ہے۔ پاسے منہ کر کے آہدی اے چاچا اساں تاں کنوں روٹھے ہیں۔ اوں ویلھے آئے ہو۔ جو اساڈا تسلی ڈیوٹ والا باقی کوئی نہیں رہیا۔ حضرت فرمیںدا ہے پھرانا راض نہ تھی۔ جیڑھے ویلھے سیڈا بابا جھوک پیالڈ یندا ہا۔ اوں ویلھے اساں سارے بھن کول ہاسے۔ سیڈی امڑی زہرا جھولی وچ پتر کوں کوہایا ہے۔ مسمومہ مغمومہ روکے آہدی اے۔

### نوحہ

چاچا رولے آئے ہن ڈیس پرائے  
 اساڈی خیر لہن نہوے آئے  
 متاں قیداں ہل ہیاں ڈاڈھیاں رل ہیاں  
 رت گرم تے بن کنڈیالے  
 میڈی پھپھی کھولے والے  
 ڈاڈھیاں رل ہیاں  
 متاں قیداں ہل ہیاں  
 وچ سفران دے صدے آئے  
 میں تاں ٹریاں دیر کھائے  
 متاں قیداں ہل ہیاں  
 ڈاڈھیاں رل ہیاں  
 متاں قیداں ہل ہیاں

پس اوں ویلھے حضرت امام حسن روانہ ہوئے۔ ہسوار طوس ڈاڈھیاں روانہ ہوئے۔ گریہ بی بی



دوبند نہیں ہوندا۔ معصوم عرض کریندی اے۔ اماں ہن تاں چپ کرو جو پیکے ڈوولی ویندی ہو۔  
رونواں تاں میں رونواں جیندے پیکے رہناں سادرے۔ سیناں آہدی اے۔

میں سے وطنوں کوں صدق کراں نام مدینے اتوں  
سنگت بی بی زینب دی ہن گولیاں کتھوں  
قسمت تے ول تھیں میلے تقدیر پایاں چا وتھوں  
ناں رو لے ہاپو اکبر دا توڑے رلے ناں رلدیاں وتوں

کتاب مسالک الاخوان والا لکھدا ہے۔ وچالے رستے دے ہک دریا جو نام زعفران  
بھی لکھدے ہن اتے غفران بھی لکھدے ہن۔ ٹھاٹھاں مار کے وہندا پیا ہے۔ پردے دار اُتے  
کنارے دے آگئے۔ رات دا ویلھا ہے۔ کوئی سامان پتھن پڑے دانیں نظر آندا۔ گھمر گھمیر دریا  
کوں پوندے پئے ہن۔ بی بی فاطمہ کبریٰ ماء کوں عرض کریندی اے۔

رو پئی کندھی گھنوا اماں یا گھنوا کندھی لمی  
کوئی پتہ نہیں ڈسدا کیڑی رات فراق دی لمی  
ڈکھاں توں نہیں ساہی ملدی غمی دے وچ غمی  
اساں موت دیاں رولیاں دی نہیں رات فراق دی دھمی

یہا کوئی نشانی اماں کیڑھے پاسے جلسوں۔ کوئی نہیں وسیلہ پڑی دا دریا کیویں پار  
کریوں۔ طوس دا پتہ گھن کے ہٹاں کوں جُل ملوں۔ یا ایں دریا دی کندھی تے ودیاں ساری عمر  
ردوں۔ جناب بی بی ول جواب اچ فرمیندی اے۔ اے بچڑا جیویں سردار دا امر ہے اویں  
کریوں۔

سیناں فرمایا تیڈے پیو دا حکم ہے اساں ویرالے رہوں  
اساں پردے والیاں کیویں ویسوں شہر دے آسوں پاسوں  
کوئی نہیں وارث سرا ساڈ تے گھوڑے توں کیویں لہوں

جیندیاں تائیں روسوں پھڑا جو اٹھسوں جو پہسوں  
 ہے جنگل ویرانہ پھڑا دریا بھی ڈسدا تارے  
 کندھیاں تے بھی نہیں رہٹاں ونج کر چڑھنا پارے  
 نہیں کوئی پڑی پتن ڈسیندا ہن گئی سخت لاچارے  
 ہن کھمر گھیر دریا دے ڈاڈھے اساں ہیں پردا دارے

آکھیا فاطمہ کبریٰ دیر کہیں ہے اے اماں پردیسی  
 کھڑیں ہوئیں اتے کندھیاں دے رات ایہا نگھ دیسی  
 دریا غماں وچ لڑھیاں کوں پتن کون ڈیسی  
 چاٹھیلوں گھوڑا وچ دریا دے آپے اللہ پار پوچھسی  
 جناب نے گھوڑا کوں اشارا کیتا۔ گھوڑے وچ دریا دے قدم رکھیا۔ او وقت ہک سفید  
 پوشاک والا آکے بسم اللہ پڑھ کے جمھو گھوڑے وچ ہتھ پایا۔ جناب دی فریاد نکل گئی تے فرمایا۔  
 سنگ سکوت دی خبر نہیں اتے میں اساڈا سوٹھاں  
 ہامی وڈے پردے والی، توڈیں رلیاں کالے روٹھاں  
 تمیں ہتھ میں لاواناں گھوڑے کوں رب دے واسطے سوہاں  
 لحاظ کریں میڈے پردیاں دا میں سین خاتون دی نوہاں  
 اوسفید پوشاک والا عرض کریندے بی بی فکر نہ کر میڈا ناں خضر پیغمبر ہے۔ میں مالک  
 ہاں انہاں دریاواں دا تے جنگلانوواں دا۔ فکر نہ کرو۔ میں نال آسانی دے تسانکوں دریا کنون پارہا  
 آساں۔ سین فرمایا اساڈی خبر تیکوں کیوں لگی اے۔ خضر علیہ السلام وچ خدمت بی بی دے عرض  
 کیتا میں آپے تاں ناں آیا۔ میکوں نجف وچوں حکم ڈتا ہئے۔ علی علیہ السلام دا جو:



حضرت شاہ دا حکم پہوتا میڈی نوہنہ آندی رُلی  
 دریا تیڈی دی کندھی تے واگ گھوڑے دی جھلی  
 مٹا کے تانگھاں گھر دیاں آندی پیکے ڈیس ڈو ولی  
 چپ کر کے حیران کھڑی اے موت پتراں دی رُلی

جناب فرمایا حضرت اے دریا ہے۔ تارے اتے میڈی پجڑی نازک دل ہے۔ کڈاں  
 دریا نہیں واہندے ڈٹھے ہوئے۔ خضر آکھیا تیڈا اوڈا محابہ ہے نزدیک خدادے توں نوں اماں دی  
 ماہیں۔ جیویں مرضی آوے گزر کرو۔ سیٹن آہدی اے پانی کنوں اساڈا دل ڈردا ہے۔ خضر دریا ڈو  
 اشارہ کیتا۔ اے دریا خشک ہوونج جو نوہنہ زہرا دی گزرونجے دریا خشک ہو گیا۔ جناب پارا ترہ گئے۔  
 ہمیں منزل تے جناب نے ونجھڑاں ہاواں پاسے روانہ ہوئی ہے اور خشک اہج توڑیں موجود ہے۔  
 ہڈاں امام آخر الزمان دی آمد ہوئی۔ اوں روز او دریا دل اٹھی اصلی صورت دے نال ول وہی۔

## انیس پاکستان، امام الشعراء، السید امام علی شاہ شفیق

سید امام علی شاہ شفیق ۲۵ دسمبر ۱۸۷۷ء کوں قصبہ شاہ پور ضلع لیہ وچ پیدا تھئے۔ آپ دے والد داناں سید نواز علی شاہ ہائی۔ آپ دا سلسلہ نسب حضرت امام موسیٰ کاظم نال ونج رلدے۔ آپ ہوراں نے منڈھلی تعلیم اوں زمانے دے رواج دے مطابق عربی، فارسی، قرآن، حدیث، فقہ، صرف، نحو، علم الکلام تے منطق وغیرہ حاصل کیتی۔ آپ ہوریں اردو، ہندی، سندھی، زبانوں تے وی عبور رکھیندے ہن۔ انہاں کجھ عرصہ فوج دی ملازمت وی کیتی ہائی۔

امام علی شاہ شفیق دیر پنجاب مولوی غلام حیدر فدا دے شاگرد ہن۔ انہاں دی شاعری دیاں ہوں ساریاں کتاباں چھپیاں ہویاں ہن۔ جہاں وچ بوستان کر بلا، بہارستان کر بلا، بیان کر بلا، روضہ کر بلا، سلیمان کر بلا، شان کر بلا، شہدائے کر بلا، فردوس کر بلا، قلمزم المصائب، گلزار کر بلا، گلستان کر بلا، گلشن اسلام، گلستان کر بلا، مسافران کر بلا، مصائب کر بلا، اتے کلیات شفیق شامل ہن۔

سید امام علی شاہ شفیق سرائیکی ڈوہڑا جیکوں مرثیہ وچ بند آکھیا ویندے او حسینی بند دے خداوند شاعر ہن۔ انہاں دا ڈوہڑا ہوں دل چھکواں اے۔ اتے درد کنوں پڑیا ہو یا اے۔ انہاں عام فہم تے سادہ سرائیکی زبان دا درتا دا کیجے عربی تے فارسی الفاظ دا استعمال اصلوں کینی۔ انہاں دل ڈوہڑا ہج دی تھالس دا حاصل اے۔

توں کر سلام اخیر دا دیندیں میڈی امڑی دا سرمایہ  
میں سمجھ گئی آں جییں عرض کیجے ہیوی ویس کوں چا بد لایا  
پہلے مجھل چا فاتحہ پتراں دا میڈی سین نے رو فرمایا  
کچھیں ونج نہ آکھیں امڑی کوں میگوں بھنویں نیں پر چایا



انہاں دی بحر وی خاصے دی شئے اے۔ پاٹی وانگوں و ہندی ویندی اے۔ روانی تے  
سلاست اُنویں وی انہاں دے کلام دی وصف اے۔

بحکم خالق نبیٰ بنزایا علی کون سارے دہر دا مولا  
ملک فلک تے طبق طبق دا تمام دھرتی تے تھر دا مولا  
جو کیتا اعلان کھر کے آیات بلغ مادے امر دا مولا  
ڈسایا خود تے ڈکھایا ہتھنپ کے آپ علی ذی قدر دا مولا  
ہاں جیویں میں ہر دا مولا اوئیں ہے ویرمیڈاوی ہر دا مولا  
نہ اُس دا مولا نہ اس دا مولا علی ہے ہر خشک و تر دا مولا  
امام علی شاہ دی شاعری وچ نوچے دی صنف وی ہوں ملدی اے۔ اتے انہاں دا  
نوحہ (ویسٹ) ہاں وچ لہندے۔ جناب امیر قاسم دا ہک نوحہ شفیق دی زبانی سٹو۔

اچ قاسم کون پریندے مسافر کر بل دا  
سر سہرے سبکھن دے پیندے مسافر کر بل دا

گو وطن اساڈا وانڈھا ہے  
مظلوم دی طرفوں کانڈھا ہے  
آک لی بیاں سب کرو سوک سب  
تھیا راضی رب در آئے مطلب  
اچ گھوٹ کون مہندی لیندے مسافر کر بل دا  
اچ قاسم کون پریندے مسافر کر بل دا

جینویں انہاں شاعری ہوں سوہنی لکھی اے۔ اویں انہاں دی نثر وی ہوں بھمدی  
اے۔ انہاں دے ڈوہیں پتر وی سرائیکی مرثیہ نگار ہن۔ عاشق حسین شاہ عاشق تے سید امداد

حسین طوسی انہاں دے ناں ہن۔ سرائیکی مرثیے دے شاعر غلام حیدر شاہ بیکس انہاں دے بھرا  
ہن۔ آخری عمر وچ انہاں کوں پہوں پریشانیاں داسامٹا کرٹاں پیا۔

سرائیکی مرثیے دا اے عظیم شاعر ۸/ اگست ۱۹۶۲ء جمہرات دی شام کوں ہمیش کیتے  
اے جگ چھوڑتے ٹر گیا۔ آپ دامزار دربار حضرت قادر شیر قصبہ شاہ پور ضلع لیہ وچ اے۔ امام علی  
شاہ دے شاگرداں وچ واحد بخش منشی، اعجاز حسین شیخ، غلام رسول تے غلام حیدر شاہ بیکس شامل  
ہن۔



مضمون بہ حالات بی بی ناصرہ خاتون

زارہ سید الشہد اعلیہ السلام

مصنف: سید امام علی شاہ شفیق

افسوس ہے نہ دنیا تے سیداں امن ڈٹھے  
بے وطن ہو کے آنہ ول اپنے وطن ڈٹھے  
جتنے ڈٹھے غریباں نے رنج و محن ڈٹھے  
دیواراں وچہ بھی سیداں دے نازک بدن ڈٹھے

اُو ظلم تے ستم کیجے امت رسول دی  
اولاد جگ تے رُل گئی بی بی بتوں دی

مومنین! تاریخاں شہادت ڈے رہیاں ہن۔ کہ بعد سرور کائنات دے سادات نے  
کوئی ڈھاڑا سکھ تے چین دا نہیں ڈٹھا۔ خاص کر ڈو زمانے سیداں دے واسطے ڈاڈھے سخت  
گزرے ہن۔ پہلا دور بنی امیہ دا جیندے وچہ لوکان نے آخری نشانی پنجتن پاک دی منائی یعنی  
مولا حسین کول نال پتراں، بھرانواں، عزیزاں اتے دوستاں دے اکیا ٹھہ ہجری وچہ محرم دی  
ڈاہویں تاریخ کنارے فرات دے پیاسہ کر کے شہید کرایا۔ ڈو جہا زمانہ بنو عباس دا جہاں  
سادات دے سرتے ظلم دے پہاڑ ترور ڈٹتے اوہیں ڈینہ کنوں سید در بدر ہوئے۔ اوہیں وقت  
کنوں اٹھی ذات چھپاؤٹی شروع کیتی۔ اتے تقیے وچہ اٹھی زندگی بسر کرن لگے۔ جتھاں کوئی سید دا  
ٹہہ بیا لوکاں نے قتل کراڈتا۔ بنی عباس دا کوئی خلیفہ ایہو جیہاں نہیں گزریا جیس سیداں تے رحم کیجا  
ہوئے۔ گو کہ کہیں خلیفے نے دقیقہ ظلم دا نہیں چھوڑیا۔ لیکن متوکل لعین دا زمانہ اسجھاں آیا کہ ایس

ملعون نے سادات دے قبر اں اُتے بھی ظلم کرنے شروع کر ڈتے۔ پہلے پہلے حسین غریب دی مزار پاک کوں مسمار کر ڈا ارادہ اہیں کیتا۔ قبر اں تے مل و ہا کے کھیتی کرن دی تجویز ایں کیتی۔ دریا فرات وچوں نہر کٹ کے قبر اں دے نشان مٹاؤں دے واسطے بھی اہیں۔ ملعون نے حکم جاری کیتا۔ لیکن جیکوں رب و دہا وے اوکوں کون گھٹائے۔

اگر کیتی سرسرباد گیرد

چراغ مقبلاں ہرگز نمیرد

جیڑھے ویلے ایہہ ساریاں تدبیراں اوں مردود دیاں بیکار ثابت ہویاں تاں حسین دے زوراں تے ظلم کرٹاں شروع کیتس۔ کربلا دے ہر ہرستے تے فوجاں پہہ بکیاں۔ پہرے دارمقرر ہو گئے۔ جیڑھا زوار کربلا دوں و نجن لگے ہا سپاہی اوں کوں گرفتار کر کے خلیفے دے دربار وچہ پیش و نہجہ کرن ہا۔ دربار وچوں اوندی قید یا قتل دا حکم صادر تھیوے ہا۔ جیس وقت ایں ظلم دیاں خبراں جا بجا کھل بکیاں تاں کہیں مومن کوں زواری دی جرت نہ ہو سکی۔

لکھن انہاں ڈیہاں دے وچہ ہک بی بی سید زادی حیندے وارث دا انتقال ہو چکا ہا ہک معصوم لڑکے کوں نال لا کے شہنشاہ کربلا دی زیارت دے واسطے اپنے گھر کنوں روانہ ہو چلی۔ کتاباں والیاں نے ایں جناب دا نام بی بی ناصرہ خاتون لکھیا ہے۔ تے ایندے بچڑے دا نام شہزادہ ضیاء مشہور ہے۔ حیند اسن اٹھاں، نواں سالاں کنوں زیادہ نہ ہا۔ جیڑھے ویلے بی بی نال اپنے بچڑے دے ہندہ کر بندی ہوئی اوں جاتے پہنتی جتھ سپاہی تعینات کیجے گئے آہن۔ چند سپاہی ابھوں تے ددھ کے آکھن لگے۔ بی بی ذرا کھڑوئج۔ ایہہ گالھ سن کے سین کھڑ گئی۔ انہاں آکھیا۔ ڈ ساکتوں پئی آندی ہیں۔ اتے کھٹاں دے سین۔ چونکہ بی بی پردہ دار آئی شرم کنوں جواب نہ ڈی۔ ہک سپاہی نے ددھ کے جھڑک ڈتی تے آکھیں بی بی ساڈے سوال دا آپ کوں ضرور جواب ڈیو تا پوی مگر ایں موقع تے بھی بی بی لی شہزادہ ضیاء جو ماء دے ہچھوں کھڑا تھیا۔ اوں سپاہی دی ایہہ فہمے بھری کلام سن کے چند قدم ابھوں تے ٹر آیا اتے فرمایس۔



## بند

کیوں بے تقصیر مسافران کوں تساں پئے ہو جھنڈکاں ڈیندے  
اشراف تاں پردے داراں تے نہیں غصہ مول کریندے  
اساں ذات دے بیکس سید ہائیں ناسے اٹھی ذات لوکیندے  
محض زیارت کاٹ پئے ہائیں بن کر بل دو ویندے

ایں اثناوچہ بی بی ناصرہ خاتون بھی وچوں برقعے دے ہو لیس ہو لیس الایا۔ مسلمانوں  
جے سچ سمجھوتاں جیسں رسول دے تساں کلمہ گوہو اساں اوہیں کلمے والے دی اولاد ہائیں۔ ساڈی  
دعا جھلو۔ ساڈا رستہ نہ روکو میں جائی ہاں جواج کل کر بلا وچ کوئی شخص نہیں دہن سکدا۔ مگر ساکوں  
زار نہ سمجھو۔ بلکہ اساں ماہ پتر مستقل طور تے کر بلا وچ سکونت اختیار کرن پئے ویندے ہائیں۔  
جے دس لگا تاں پتر کوں حسین دے روضے دا خادم جوڑیاں۔ تے آپ مولادی کنیز کر کے روضے  
اے اندروں ہاہروں جھاڑ و برداری کریاں۔ خدا واسطے اساڈی التجا قبول چا کرو۔ تہاڈے اتے  
رسول ﷺ بھی راضی تھیں میڈی پڑاؤی جتوں بھی دعائیں کر لیں۔

ایہہ گالھ سن کے انہاں سپاہیاں نے جواب ڈتا بی بی آپ سچ فرمیندے ہو۔ مگر خیال  
کرد اساں حاکم وقت دی حکم عدولی کیوں کر سکدے ہائیں۔ تہا کوں ہکاری دربار تائیں ضرور  
ٹھانا پوی۔ پچھے حاکم دی مرضی جیڑھا حکم ڈیوے۔ آخر لاچار بی بی نے خلیفے دی کچھری تائیں  
انہاں قبول کیتا۔ انہاں وچوں چند سپاہی تیار ہوئے ڈوہاں ماہ پتراں کوں ٹرویندے ہوئے خلیفے  
اے دربار دے ہاہروں آن کھڑایا۔ رپورٹ کیتی گئی کہ ہک بیوہ سید زادی جیڑھی کر بلا دی  
زیارت دے واسطے پئی ویندی ہائی نال چھوٹے جہیں پتر دے گرفتار ہو کر آئی کھڑی ہے۔

حکم ہو یا کہ دربار دے وچ جلدی حاضر کرو۔ انوں ایہہ حکم ملیا تے انوں بی بی نے آہ  
کیتی۔ اکیس دے وچوں نیروہن لکے۔ شہزادے جو ماہ کوں روند اڈٹھا۔ عرض کیتس اماں روندی کیوں  
کیتا۔ سیک فرمایا پچھرا پردے دار جو ہویم روواں نہیں تاں کیا کراں۔ کیوں بھرے دربار وچ وچاں۔

شہزادے آکھیا اماں زرہ شام والے دربار دودید کر کیا توں انہاں پردے داراں کنوں چنگی ہیں۔

بند

جہاں گھر دے وچ نہا بجھ ڈٹھا انہاں شام مگر ونجہ ڈٹھا  
کوچہ کوچہ شہر دمشق دا اہل ستر ونجہ ڈٹھا  
نہیں سر کچے وچہ دربار دے ہکیاں اتے جور جبر ونجہ ڈٹھا  
بیا تخت یزید دے تلے بھینے نے ویر دا سر ونجہ ڈٹھا

اماں! فکر نہ کر ان اللہ مع الصابرين داورد کریندی جیل تے بسم اللہ پڑھ کے  
دربار وچ داخل تھی۔ ساڈے پردے دی لاج تطہیر والیاں کوں ہے۔ آہدن اے گالھ سن کے سہیٹ  
ونجہ دربار دے آکھڑی متوکل لعین منہ ولایا تے آکھیں بی بی کر بلا دی زیارت کوں پئی دیندی ہیں۔  
سہیٹ فرمایا انشاء اللہ ارادہ تاں ایہو ہے۔ آکھیں پتہ نہ ہوی حسین دی زواری اہج کل ڈاڈھی اوکھی  
ہے۔ برسر جے کرویندی بھی ہیں۔ تاں پہلے جرمانہ ادا کروتے پچھے کر بلا دو قدم ودھاؤ۔

سہیٹ فرمایا! او بھینڑا میں غریب دے کولہہ کیڑھی دنیا ہے۔ جو فیس زواری ادا کراں۔ قسم  
ہے اللہ دی میں بیوہ اتے بے وارث ہاں۔ موئے ہوئے وارث دے تر کے وچوں ایہو ہجو پھڑا  
اکھدی ودی ہاں۔ جیڑھاتیڈے سامنے کھڑا ہے۔ اوں ملعون آکھیا جے حسین دی زواری پیاری  
ہیوی تاں ول توں پتر دا پیارا ٹھاگھن۔ حسین دے تاں توں پھڑے کوں قربان کرتاں میں جاٹاں  
جو توں صادق زوار ہیں۔ لعین دی ایہہ گالھ سن کے بی بی دا جگر تاں تڑپھ پکيا۔ مگر متوکل لعین کوں  
کچھیں توکل نال جواب ڈتس۔

فرمیندی ہے۔ ملعوناں توں ساکوں آزماؤ تاں چاہندیں۔ میں سید زادی ہاں۔ راہ اللہ  
دے پھڑے ڈیوٹ ساڈی ذات دا ورثہ ہے۔ ایہہ تاں ہک ہے۔ اگر لکھ ہزار ہوون تاں بھی حسین  
دے تاں توں قربان ہن۔ متوکل پو لیا بی بی بیشک تیڈی توکل اتے استقلال وچہ کوئی شک نہیں۔  
مگر پتر کنوں تاں دریافت کر اپنے مرگ تے راضی تھیندے۔ آہدن جیڑھے ویلے شہزادے نے



ایہا کالھ شئی ہے اوں ملعون دے تخت تے ہتھ ونج رکھیں اتے کڑک بولیا۔

بند

میکوں مرڻ دا کوئی ارمان نہیں میں موت کنوں نہاں ڈردا  
 حسین دے عاشق جگ دے وچہ نہیں رکھ دا سانگا سردا  
 میڈی جند ڈیوٹ تے تھی پودے شالا راضی ہوا کمر دا  
 ونجہ سرخرو تھی کے طواف کرے میڈی ماء روئے اطہر دا  
 آخر کار جلا دکوں حکم ہو یا کہ سید زادے کوں ہاہروں دربار دے گھن ونج تے ماء دے  
 سامنے ایں دے تن کنوں سر جدا چا کر۔ قہیل وچہ دیر نہ ہوئی۔ مگر جس وقت شہزادے کوں جلا دہا ہر گھن  
 آیا ماء بھی نال لگی آئی۔ قتل گاہ وچہ آ کے معصوم نے سر جھکا چا کیتا جلا دے نکوار تولی ہے۔  
 اولاد والیو! ذرا اپنے ہاں تے ہتھ رکھ کے اوں امڑی دی استقلال دا اندازہ کرٹا ہے۔ جیڑھی  
 سامنے پتر کوں کسدا کھڑی ڈہدی ہے تے اُف نہیں کریندی۔ بلکہ پچڑے کوں سڈ کے آہدی ہے۔

بند

بسم اللہ کر کے سم ونجہ پچڑا توں رو نکوار دے تلے  
 جیویں سنگدل تیکوں پیا کرے ذبح ہتھ پیر نہ تہڈا ہلے  
 وہندی رت تہڈے گل دی پچڑا الجہ ماء ہتھاں تے جھلے  
 آکھے ہر کوئی ایں قربان کریندن پچڑے ناز دے پلے  
 آہدن! جلا د جیویں نکوار پیا تلیند اہا اتھائیں جھل گھدس تے آکھیں شہزادہ اگر کئی ماء  
 کوں وصیت کرنی ہووی تاں کر گھن۔ معصوم نے ماء دوسرت بھری نگاہ نال دل ڈٹھاتے عرض  
 کیتس اماں گھروں تاں ایہو ارادہ کر کے ٹرے ہاسے جو ڈاڈے حسین دی زیارت رلے جل  
 کریوں مگر تقدیر نے جدا کر ڈتا۔ اللہ بھانویں آپ کو زواری نصیب ہووے۔ مگر جیڑھے ویلے

پندھ مار کے کر بلا وچہ ونچہ پہنچیں۔

خدا واسطے پہلے پہلے زری جم کے میڈی طرفوں عرض چا کریں۔ ڈاڈا میں تیڈے نام  
توں سر قربان پیا کرینداں انٹی شہادت دا صدقہ میڈا نام زواراں دی فہرست وچہ درج چا  
کرا ہے۔ اتنی گالھ کر کے شہزادہ چپ کر گیا۔ ماء فرمالیس پچڑا کئی ہئی گالھ بھی کرنی ہیوی۔ عرض  
کیتس۔ اماں بس اتنا آہاں کہ مہربانی کر کے منہ ہئے پاسے ولا کھڑا مانواں دادل نازک  
ہوندے۔ متاں پترکوں تڑ پھدا ڈیکھ کے دل مل ونجی تے قربانی وچ فرق آونجے۔ بی بی فرمایا! واہ  
وہ پچڑا ڈیندی تیکوں حسین دی راہ تے پئی ہاں تے اجاں بھی میڈا دل بلسی۔ بس توں اپٹا کم کر  
میں اپٹا کم کریاں۔ اتنے تائیں جھنب تلوار دی ملی معصوم داسرتن کنوں جدا ہو گیا۔ متوکل لعین  
ایہہ حال ڈیکھن کیتے جو قتل گاہ وچہ آیا ڈیکھے تاں شہزادے داسر جدا ہو چکے۔ تن تڑ پھدا پئے۔ ماء  
حسرت بھری نگاہ نال ڈہدی کھڑی ہے۔ اوں ملعون نے بی بی کوں پکار کے آکھیا۔

بند

تڑ پھدی لاش کوں رخصت ہئی جے گل لاناویں تاں لاگھن  
سر خون آلودہ پچڑے دا ہن بے شک خاک توں چاگھن  
جھولی پاگھن، گل نال لاگھن، رنج رنج نیر وھاگھن  
کوئی وارث ہئی تاں دفن کیتے سڈ مار کے جلد بلاگھن

سکین روپئی! تے فرمالیس۔ بھیڑا میڈا کیڑھا وارث ڈٹھا ہئی جیڑھا میں مسافر دی مدد  
کرے۔ لعیناں تیں انٹی حسرت پوری کیتی ہے۔ مگر خدا واسطے میڈی آرزو بھی پوری چا کر۔  
کچھیس ڈساؤ او کیڑھی آرزو ہے۔ سکین فرمایا۔ ہیا کجھ نہاں آہدی صرف اتنا کر جو تن میڈے  
پچڑے دا دفن کراڈے تے سر میڈے حوالے کر۔ اوں ملعون نے آکھیا۔ ہن بے فائدہ سرکوں گھن  
کے کیا کر۔ سیس بی بی دی کوک نکل گئی تے فرمالیس۔



بند

ناز پلے پچڑے دا سر میں تاں وچہ کر بل دے نیساں  
خاتون دے لعل دی خدمت وچہ ونجہ تحفہ پیش کریاں  
رو رو اپنے ڈکھاں دی فریاد حسین کوں ڈیاں  
پواندیوں قبر علی اکبر دے سر پچڑے دا دنیساں

انجام کارتن شہزادے دا دفن کرایا گیا تے سرماء دے حوالے کیتا سیٹن پتر دے سر کوں  
اٹل وچہ پا کے ٹر پئی ہے۔ کر بلا دو پندھ بھی آندی کریندی ہے تے آہدی ہے اُجڑ کے آندی پئی  
ہاں۔ مولا ہن کینر کوں نال اعجاز دے جلدی اپنے درتے بلا گھن میں پندھاں کرن جوگی آندی پئی  
اں۔ میں مومنین کنوں پچھداں کہ جییں لچپال دے نام تے بی بی پچڑا قربان کیتی آندی ہے اوں  
مولا کوں قبر وچ آرام ہوسی کوئی نہ۔

آہدن توڑے جو پندھ بہوں زیادہ ہا مگر آسان کرنے والے نے آسان کر ڈتا۔  
اُجھے ڈیہاڑے ادھی رات دے ویلے بی بی کر بلا وچ آ پہنتی۔ دروازے روضے دے بند ہو  
چکے ہن۔ سگین سر پچڑے دا جھولی وچہ پا کے روندی پٹھی ہے۔ اوہیں وقت نال اعجاز دے مولا  
نے اپنے خدا ماں کوں حکم ڈتا جلدی کرو در روضے دے کھولو چا اتے جیڑھی سید زادی اوڑتے  
دوازے دے روندی پٹھی ہے اوکوں فوراً نال عزت اتے تعظیم دے میڈے روضے وچ گھن  
آؤ۔ خدا ماں پہلے در روضے دا کھول ڈتا۔ دل سرو پا برہنہ دوڑ دے ہوئے بی بی دی خدمت وچ  
آئے اتے آکھن لے۔

بند

اُٹھی جل بی بی تیکوں روضے وچہ ہن پیا لچپال سڈ بندے  
جیڑھا نذرانہ توں گھن آئی ہیں اوں دی قیمت تیکوں ڈ بندے

تیڈی اُجڑی ہوئی جھولی کوں آباد حسین کریندے

اچہ نال امرحق تعالے دے تیڈا مویا پتر جویندے

ایہہ گالھ سٹ کے بی بی اُٹھی کھڑی ہے۔ سر پتر دا بکل وچ پاتا تے فرمندی ہے۔

خداموں ڈ ساؤ کن تے چلتا ہے۔ آہدن ساڈے نال ٹردی آں بی بی نال انہاں دے ٹر چلی ہے۔

خدام ڈیکھ کے آکھن لگے۔ بی بی ایہہ دا چادر کیرھی چیز پاتی آندی ہیں۔

سکین فرمایا! ایہہ ہک عمل ہے۔ اکیونے سچ فرمندی ہیں۔ لعل ہے بی بی قسم ہے اللہ دی

اے اولعل ہے جیڑھا اٹھ نو سال میڈی جھولی وچ رہ گئے۔ کہیں وقت اکھیں کنوں پوشیدہ ناہم

کریندی۔ مگر کل ہک بے انصاف صراف دے ہتھوں ترٹ گئے۔ ہن اے کر بلا دالے جوہری دی

خدمت وچ گھن آئی ہاں شہ لچال ہے امید ہے میڈی جھولی کوں دل آباد کر لسی۔ ایہیں حال دینال

بی بی روضے وچ داخل ہوئی۔ سر پچڑے دا ڈوہاں ہتھاں تے رکھ کے ضرتح اقدس تے بوسہ ڈے

کے آہدی ہے۔ حسین ایہہ نا چیز نذرانہ کنیردا قبول ہووے۔

آہدن! روضہ شاہ داہل گیا۔ ضرتح وچوں ڈوہتھ ظاہر ہوئے۔ آواز آیا میڈے ہتھاں

تے چا رکھ۔ بی بی نے سر ہتھاں تے رکھیا ہے۔ دل آواز آئے ہکواری اکھیں بند کر۔ بی بی نے

اکھیں نوٹیاں چا۔ حکم ہو یا کھول ڈے۔ جے کھولے تاں کیا ڈھیدی ہے شہزادہ لڑ برقعے دانپ کے

ہسد اکھڑے ہس سکین کیا کیتا جیویں جو شاعر مناسب حال آہدے۔

بند

کھول کے ہاں بی بی نے چالایا پتر کوں گلے

ڈس پچڑا کیویں نکھر کے ماتوں وقت نبھائے نی کلبے

معصوم آکھیا میں تاں رہ گیا اماں اکبر اصغر دے رلے

ہنٹیں جنت وچوں میکیوں گھن آئے ہن ڈوہیں ناز حسین دے پلے



## ملک فدا حسین مشکور جھنڈیر

ملک فدا حسین جھنڈیر دا تخلص مشکور ہائی۔ انہاں دے والد داناں ملک کریم بخش ہا۔ فدا حسین مشکور دا وطن وستی جھنڈیر، محمود کوٹ ضلع مظفر گڑھ ہے۔ مشکور دا چھوٹا بھرا نذر حسین ارشاد عباسی وی سرائیکی زبان دا بہوں وڈا شاعر ہائی۔ ڈوہیں بھرارے مجلس پڑھدے ہن۔ فدا حسین مشکور سرائیکی ذاکری وچ طویل مجلس پڑھن والا ذکر ہا۔ انہاں دیاں ترانے مجلساں یادگار ہن۔ ہک مجلس ست گھنٹے ستاراں منٹ قلعہ ستار شاہ، نئی ست گھنٹے تیرھاں منٹ حاجی حیدر شاہ ٹھٹھہ، محمد شاہ دے کول انہاں دے پتر دی شادی ہائی یکے ذاکر کٹھے ہن حاجی صاحب آکھیا فدا حسین اتی لوکاں کول بسترے کتھوں ڈیواں۔ فدا حسین مشکور آکھیا تاں انہاں کول روٹی ڈیو بسترے دی لوڑ پڈاں پوسی جڈاں میں انہاں کول بستر امنگن ڈاتاں۔ ساری رات مجلس وچ گزار ڈتی۔ مولوی نذر حسین ترک دے بعد فدا حسین جھنڈیر یکیاں توں خوبصورت ذاکر ہائی۔

فدا حسین مشکور مولوی غلام علی لنگاہ مداح دے شاگرد ہن۔ اتے فدا حسین مشکور جھنڈیر دے شاگرداں وچ مرید عباس لنگاہ، ملک اقبال رضا جھنڈیر تے ملک اللہ ڈیوایا مسکور شامل ہن۔ فدا حسین مشکور دا کلام بہوں گھٹ چھپیا ہویا اے۔ قلمی صورت وچ انہاں دے خاندان والیاں کول موجود اے۔ صرف ڈو چھپیاں ہویاں کتاباں دی ڈس ملی اے۔ جام سرور جیڑھی ۳۲ صفحیاں دی اے ڈو جھی جلوہ نور المعروف دربار سرور جیڑھی ۵۴ صفحیاں تے دگھریل اے۔ اے ڈوہیں کتاباں مولوی غلام اصغر، ملتان نے چھاپیاں ہن۔

مولوی فدا حسین جھنڈیر دی نثر بہوں دل چھکویں اے۔ امیر المومنین دی شادی وڈے خوبصورت انداز نال پڑھدے ہن۔ ہک ساہ دے وچ پورا صفحہ پڑھن والے ذاکر ہن۔ انہاں دی نثر مقشٰی ہوندی ہائی۔ نمونہ ڈیکھو شادی امیر المومنین وچوں۔

”نگاہ وحدت صف ملائکہ توں اتردی ہوئی صف سیارگان تے جی مشتری کوں نازیبا جاتا، عطار د کوں ناموزوں سمجھا، زحل کوں نامناسب سمجھا۔ نگاہ وحدت پھر دی پھر دی ستارہ زہرا تے آجی آواز جلی آیا توں ونج۔ حکم ملن دی دیر ہائی ستارہ زہرہ محرک ہويا۔ آواز قدرت آئی۔ حوصلے کوں قائم رکھ۔ اُپاہل کوں تے پنن کوں ویر ہے۔ کائی شے حاصل کرنی ہائی تاں حوصلے کوں قائم رکھ اپنے آپ کوں سجا بنڑاٹھہا۔ ستارہ زہرا نے بجکم خدا چشم دلائے اہلبیت توں غسل بادستور کیتا۔ پس پشت تکیہ تقویٰ۔ پیش نظر آئینہ خوف خدا، بن ٹھن کے ہج سنور کے ستارہ زہرا نے لہن دی تیاری کیتی۔ آمد زہرا کوں مکہ و منی ڈٹھا۔ اوج و ثریا ڈٹھا۔ زمزم و مصلیٰ ڈٹھا آدم و حوا ڈٹھا۔ مریم و عیسیٰ ڈٹھا۔ یحییٰ و زکریا ڈٹھا۔ سلیمان و موسیٰ ڈٹھا۔ مصلیٰ رضا توں مرتضیٰ ڈٹھا۔ مسند طہ توں جناب مصطفیٰ ڈٹھا۔ چشم قدرت دے نال ذات کبریا ڈٹھا۔ ستارہ نازکن ہو کے ہرستی کوں ڈٹھا۔ زمیناں دی پستی کوں ڈٹھا۔ پہاڑاں دی بلندی کوں ڈٹھا۔ شان خداوندی کوں ڈٹھا۔ تابش گوہر کوں ڈٹھا۔ موج شرر کوں ڈٹھا۔ شمس و قمر کوں ڈٹھا۔ خشک و تر کوں ڈٹھا۔ برو و بحر کوں ڈٹھا۔ شجر و ثمر کوں ڈٹھا۔ مادہ و نر کوں ڈٹھا۔ خادم و مخدوم کوں ڈٹھا۔ حاکم و محکوم کوں ڈٹھا۔ ہر یک ذات کوں ڈٹھا۔ شریف و کم ذات کوں ڈٹھا۔ کل کائنات کوں ڈٹھا۔ شیراں کوں کچھاراں وچ ڈٹھا۔ ہڈھیاں کوں غاراں وچ ڈٹھا۔“

فدا حسین مجنڈیر شاعری تے نثر ڈوہیں وچ دُر پوتے ہن۔ انہاں دا ہک بند ڈیکھو۔

عباس تاں جھک جھک مولا دے پٹھا قدماں کوں ہتھ لیندے

صبا بر ویر دے بازواں تے پٹھا سئے سئے بوسے ڈیندے

ایں درد دی خبر حسین کوں ہے بے درد کیویں کجھیندے

صوبہ اپور حیاتری سااں دا پیا مرگ دے پاسے دیندے

ملک فدا حسین مشکور مجنڈیر ۶۷ سال دی عمر گزارتے ۱۶ فروری ۱۹۷۷ء کوں ایں

کوزے جہان توں اگلے جہان فر گئے۔



## تقریر پر تاثیر در احوال شادی، شہادت شہزادہ علی قاسم

لکھت: فدا حسین مشکور جھنڈیر

اے مطیعان احمد مختار موالیان حیدر کرار دوستداران آل عبا ماتم داران مظلوم کربلا  
رونوٹ والے خاتون دے دلدار دے۔ وچ کتب صحیح اخبار دے لکھن راوی صاحب اعتبار دے  
کہ جیس وقت ڈ۔ نہہ ڈ ہو یں ماہ محرم دا ابھریا اتے میدان کارزار گرم ہو یا۔ یار وفادار واداری  
اتوں پھڑے بتوں دے قربان ہووٹ لہے۔ لکھن شہزادہ علی قاسم وچ اپنے خیمے دے پٹھا ہو یا ہا۔  
اتنے تائیں امڑی امیر قاسم دی کول آ کے فرمندی ہے۔ قاسم کیرھی ڈھنگی پٹھیں۔ امیر قاسم  
عرض کریندے۔ اماں میں چاچے توں رخصت منگن کاٹ تیار پٹھاں۔ بی بی فرمایا۔

قاسم قسمت چنگی ہووی لحظہ دیر نہ کر توں

وہج جلدی موت دی رخصت گھن خاتون دے نور نظر توں

بنھ چا کمر توکل دی اتے بحر شہادت تر توں

چا ماء مظلوم کوں سرخرو کر خاتون علی سروڑ توں

لکھن امیر قاسم اے گالھ سٹ کے فوراً کراں ٹھہا کے وچ خدمت چاچے بزرگوار  
دے آیا۔ اتے جھک کے آکھیں۔ السلام علیک یا ابن رسول اللہ ﷺ لکھن پر دیسی سراٹھایا۔ اتے  
فرمایا علیک السلام یا ابن حسن الجنتی قاسم پھڑا کن ویندیں کراں ٹھہا کے۔ امیر قاسم عرض کیتا۔  
چاچا رخصت وغا دا طلب گار ہاں۔ میں مرٹ ڈ و تیار ہاں۔ محض حضور دی اجازت دا امیدوار ہاں  
لکھن جناب شبیر عاشق قدیر دیاں اکھیاں بے تاخیر وہ پیاں اتے فرمایا۔ تاں شاعر مناسب حال  
عرض کریندے۔

میں گل کپواوٹ کیتے ماہی آپ کھڑاں تیارے  
 کون دنیسی لاش میڈی کول مارو ملک آوارے  
 بعد اسڈے خیمیاں کول آبھائیں لیسن بدکارے  
 کوئی ہووے ہا پردے جوڑن والا میڈے نال ہن پرداردارے

عرض کیتا علی قاسم چا چا نیں مناسب گاہے  
 جو اسڈے ہوندیں لاش تے کھولے زینٹ سردے والے  
 جے توں مردنھیں میں کھڑڈیکھاں پئے آکھسن آکھسن والے

جناب امام حسینؑ نے طرف قاسم دی ڈیکھ کے فرمایا پچڑا توں میڈے موئے بھرا دی  
 نشانی ہیں۔ تیڈے ڈیکھن نال میکوں بھرا حسن یاد آویندے۔ تیکوں موت ڈوکیوں ٹوراں قاسم  
 پچڑا انصاف کر۔ قاسم عرض کیتا فرماؤ چا چا۔ جناب حسینؑ زہر آدے نورالعین رورو کے فرمایا جیویں  
 جو شاعر مناسب حال عرض کریندے۔

طوفان ظلم دا چڑھیا پچڑا لڑھ کیا میڈا ہڑا  
 میڈا دل نیں آہدا نال اکھیاں دے بچ ڈیکھاں حسن دا ویرھا  
 میں تاں ہر دیاں اشاں چا گھن آیاں شہید تھیوے جیرھا  
 جڈاں میں مظلوم شہید تھیاں میڈی لاش اٹھسی کیڑھا  
 لکھن امیر قاسم مونجھا تھی کے ٹریا طرف خیام دے ایس اثناوچ تعویذ بابے دا یاد  
 آئس۔ جیرھا بابے وقت اخیر دے لکھ کے ڈتا آہس اتے فرمایا آہس پچڑا جڈاں مونجھا تھیویں  
 ایس خط کول کے پڑھیں۔ لکھن امیر قاسم او خط کھول کے پڑھیا تاں امیر قاسم دے واسطے  
 ایہا وصیت لکھی ہوئی ہائی۔



آہی پہلی پہلی سٹراں دی ایہا لکھی ہوئی تحریرے  
 جاں وچ کر بل دے ڈنہہ ڈہویں دے ونجے وہڑج شبیرے  
 توں پہلے سر قربان کریں اے میڈا نور بصیرے  
 میڈا نام ودھانویں نہ لجواویں ماء مظلوم دا کھیرے  
 مہبان حسین خط بھرا دا جو پڑھیا میں کیا لکھاں اتے کیا آکھاں۔ جیڑھی حالت مظلوم  
 کر بلا سید الشہد اعلیہ السلام دی تھی۔ گویا نقشہ بھرا حسن دا اہکوں اکھیں مسافر دے پھر گیا۔ گویا  
 تازہ جنازہ بھرا دا ڈسٹ لگا۔ صدقے تھیواں مظلوم دے او ویلھے دا بک پاسوں سہرے پا کے  
 بھرتے دمر ٹاڈ وجھے پاسوں۔ دھی کبریٰ دا پہلی رات اجو نا۔ ترے کچھے پاسوں بھرا دے ہتھاں دا  
 لکھیا وصیت نامہ پڑھنا۔ چوتھے پاسوں حالت مسافری اتے نیکی وچ شادی دا کرٹاں۔ چواہاں  
 پاسوں مظلوم کر بلا تے مصیبتاں منہ جوڑ آیاں ہن۔ ڈسوسید مسافر کیا کرے۔ بک دم تے ہزاراں  
 غم۔ فرمیونے اماں دی جائی سینٹ زینب خاتون۔ فرمایا۔ جی او میڈا مسافر بھائی۔ شاہ فرمایا اماں  
 دی جائی جہان فنا دا ہے۔ موت ٹھا پھاہ لائی کھڑی ہے۔ جو کچھ ایس وقت ہو سکدا ہے۔ سوک شادی  
 یتیم قاسم دی کر گھنوں۔ جو میں وی وصیت بھرا دی کنوں ویلا تھی کھڑواں۔ تاں شاعر مناسب حال  
 آہدے۔

زینب خاتون عرض کیا وچ خدمت شاہ زمن دے  
 یاد کھڑوتن کل طریقے میکوں سوک سکھن دے  
 قسمت نال اہج پائے سہرے میڈے قاسم پتر حسن دے  
 ارمان ہے رہ گئی پلوں ہنھن والی صغرا بھین وٹن دے  
 بی بی عرض کیا ویرن مہندی جوگا پاٹی کتھوں انیسیں۔ جناب شبیر فرمایا۔ اماں دی جائی  
 میڈی بے وی ہے۔ نال اکھیں دے ڈہیدی پٹھی ہیں۔ اہج ترے بھاڈ۔ نہہ ہے۔ میڈے چھوٹے  
 چھوٹے ہال تس کنوں بے تاب ہن۔ بی بی عرض کیا۔ ویرن سیڈا امر ملے تاں مہندی جوگا پاٹی میں

گھن آندی ہاں۔ جناب امام حسینؑ فرمایا اماں دی جائی۔ امت تے ہج نہ رکھ مسلمان سادات توں  
 پھر گئے نی۔ جناب زینبؓ خاتون عرض کیا دیرن نہ مسلماناں دی منت چندی ہاں نہ کوثر توں  
 منگو بندی ہاں۔ اج اٹھی اکھیں کوں منت کر بندی آں جناب شبیرؑ فرمایا ماشاء اللہ جتنا کم کریسو  
 برائے اللہ کریسو۔ کیوں جو قاسم یتیم ہے اتے اساڈے موئے بھرا دی نشانی ہے۔ اساں جتنا کم  
 کریسوں۔ بھائی حسنؑ اچھی تے مٹاں لیسوں القصہ بی بی ویر توں رخصت گھن کے وچوں اپنے  
 خیمے دے برتن چا کے باہر نکلی ہے۔ تاں شاعر مناسب حال عرض کریندے۔

چا کے برتن پاٹی دا پٹھی بی بی ونج پریرے  
 رو فرمایا سین اکھیاں، لا کر خاک تے ڈیرے  
 اج لوہندیں سکدیں بن دے ونج پیندے پتر حسنؑ داسہرے  
 چا ڈیو مہندی جوگا پاٹی کرو نہ لکھ دیرے

منگ کر پاٹی اکھیاں توں بی بی کوہنج وانگوں کر لاٹی  
 آکھے حوض کوثر دے ساقی تے کیا بند امت نے پاٹی  
 لا گھنگھوراں وں پیاں اکھیاں جاں امر کیا وڈ شانی  
 آ کے پیش حسینؑ دے کیا زینبؓ درد رنجائی

مومنین صادق الیقین لکھدن مورخین مظلوم کر بلا پھڑے دے ہئے سارے سوٹ  
 پورے کر کے سوٹ پوشاک وٹاؤں دا کیا۔ کیوں جو دستور زمانے دا بنریاں کوں سہرے پانون توں  
 پہلے پوشاک پو بندی ہے۔ تاں شاعر مناسب حال عرض کریندے۔

صاحب کتب اخبار دے ہن اینویں وچ اخبار لکھیندے  
 ایویں شاہ پوشاک بیٹے کوں پائی جیویں سویاں کوں کفن پویندے  
 وقت لاواں دے ہوون خوشیاں ہن جانجی نیر ویندے  
 طرف قاسمؑ دی پو اکمر دا ڈیکھ کے رو فرمیندے



مثال مشہور زمانے تے ہن عارف لوک کریندے  
 شاخی ہجڑے جگ دے وچ ہن پیو دا نام ودھیندے  
 تپڑے غسل کیتے پائمالی دا پئے ہن شامی جوڑ جوڑیندے  
 میکوں وقت آخر ضرور سڈیں جاں ڈیکھیں لوڑھ دیندے

آہدے راوی پیو اکبر دے جاں قاسم کوں پرنا  
 واسطے ویل گناوٹ دے تھی میل اکٹھا آیا  
 پیٹھے وچوں ماء اکبر دی وچ چوٹیاں والا چایا  
 یعنی سر برے توں ماء اکبر دی آ اصغر ویل گنڈایا

مجان حسین۔ دستور ہے زمانے دا جیڑھے ویلھے برے سہرے پارہندن۔ تاں  
 نزدیکی خویشاں دا سلام کریندن۔ جناب امیر قاسم بھی سلام کرن شروع کیتے۔ پہلے پہلے برے  
 نے پھوپھی مذہب خاتون دا سلام آکیتا تاں شاعر مناسب حال عرض کریندے۔

جاں آن سلام پھوپھی دا کیتا مظلوم حسن دے لعلے  
 ڈٹھے لکھدے سہرے سر برے دے لہڑیے اکھیاں توں پرنا  
 شالا راج ہنڈ ہائیں جن ہجڑا ایسے سہرے شگناں والے  
 سلام تپڑے دے عوضے دیاں تھی قیدی شام وچالے  
 القصد پھوپھی مذہب دا سلام کر کے بنرا وچ خیسے بی بی ام کلثوم دے آیا۔ تاں شاعر

آہدے۔

سلام ام۔ کلثوم دا کیتا۔ جان پیر حسن دے جائے  
 کلثوم غریب دیاں اکھیاں چا بے دس سانوں لائے

تیکوں کیا ڈیواں میں سلام دے عوڑے آئی پٹھی ہاں ڈیس پرانے  
 سلام تیڈے دے عوڑے ویساں تھی قیدن باجھ روائے  
 بعد از اس شہزادہ علی قاسم بی بی رقیہ خاتون دے خیمے وچ آیا تاں شاعر آہدے۔

کیتا آن سلام رقیہ دا جاں پھڑے حسن ولی دے  
 آہدے راوی بے وس نکھتے کراٹا علی دی دھی دے  
 کونے وچ میڈے پھڑے مارے آہا ڈیہاڑا عیدے  
 میں خون پتراں داعوڑے سلام دے ڈیندی آن نال خوشی دے

القصة امیر قاسم کول امڑی دے آیا۔ ہتھ بندھ کے عرض کیتا۔ امڑی صاحب رخصت  
 ڈتی۔ لیکن بنری توں رخصت کیوں گھناں۔ بی بی صاحب فرمایا۔ جل پھڑا میں تیکوں رخصت  
 گھناں ڈیواں۔ لکھن بی بی وچوں خیمے دے ہک سیاہ پوشاک چائی۔ امیر قاسم کوں چا کے وچ  
 خیمہ عروسی دی طرف فاطمہ کبریٰ دے ڈیکھ کے فرمایا۔

کر منظور رنڈیا پھڑا چا پا کالی پوشاکے  
 ول ڈیکھ تیار کھڑوتی بنرا موت دی کمر ٹھہا کے  
 جو شرم کنوں نہیں منکدا رخصت کھڑے آہدا سر جھکا کے  
 توں موت دی رخصت ڈے چا پھڑا دلوں دعا فرما کے

رو آکھیا بنری چاچی کوں میڈی اینویں قسمت آہی  
 سنویں ہنخ دا رنڈ پیا ڈھبیا کاتب قلم دھائی  
 خبر نہ ہائی وچہ لاناواں دے ویسی اجوی حسین دی جائی  
 آکھ قاسم کوں چاچی امان ونجے پیکے گھر بہلائی



بنرا ڈیکھ بنری دو رووے بنری ڈیکھ بنے دو پولی  
 واہ رے میڈے چاچے جایا میکوں ویندین جگ وچ رولی  
 معلوم نہیں وے جنیہ بنرا کھڑیں کیڑھی دل وچ رولی  
 جو مرٹ دے کاٹ تیار کھڑیں لا مہندی بھن کر مولی

رو آکھیا بنرے بنری کوں شالا نال بھرانویں جیویں  
 واسطے رب دے میں مظلوم دی گالھ تے رنج نہ تھیویں  
 شیر دے سرتے ویڑھ ہووے تے میں کھڑی یکھاں اینویں  
 رسول بتول تے حسن علی دے میں متھے لکھاں کیویں

بعد لکھتے دے بنری دی ہک آئی کوک ڈکھاں دی  
 چہ تیں جیویں چاچے جایا میکوں لایو ٹھوکر ہاں دی  
 میکوں اوں بحر دی لہرتے لوڑھیو جیندی کوئی نی ڈسدی کاندی  
 یاد رکھیں وے چاچے جایا ایویں مر ویساں کر لاندی

القہ شہزادہ امیر قاسم وچوں خیام دے رخصت ہوکے وچ میدان دے آیا۔ پوترے  
 حیدر کرار دے وچ قبضہ تلوار دے ہتھ پایا۔ ارزق جہیں مردار کوں بمعہ پیران وچ دوزخ دے  
 پہنچایا۔ بہادری ایں جرار دلدار حسن دی ڈیکھ کے حور و غلاماں صلوات داغل مچایا۔ واہ حسن دا جایا  
 توغزیں جو ہاترے ڈنہہ دا ترہایا۔ لیکن بہادری کوں ڈیکھ کے ہر اپٹا پرایا خوش تھی الا یا۔ شاعر  
 مناسب حال عرض کریندے۔

## رباعی

جو لاکھوں سے نیں ڈرتے دلاور ایسے ہوتے ہیں  
ہوں ہر ایک قوم پر غالب جنگاور ایسے ہوتے ہیں  
بحر توحید کے قابل شناور ایسے ہوتے ہیں  
امامت کے قوت بازو یارو ایسے ہوتے ہیں

محبان حسینؑ۔ لکھن عمر ابن سعد تمام فوجاں کوں سڈ کے آکھیا جب تک تہاں یکدم  
حملہ نہ کیتا۔ اے شیر بنی ہاشم دا ہرگز تباڈے قابو وچ نہ آسی۔ لکھن اوں ملعون ثانی فرعون دے  
حکم ملن دی دیر آہی یکا یک فوج نے حملے کیے اُتے شہزادے دے۔ محبان حسینؑ۔ ہک ظالم نے  
وار جو کیے شہزادہ بے وس لڈے وچوں خانہ زین طرف زمین دے۔ سڈ کے آکھیں اور کنی یا ابن  
رسول اللہ ﷺ۔ محبان خوش اطوار لکھن صاحب اخبار جیہیں وقت شہزادے سڈ یا اتے جناب حسینؑ  
فرمایا۔ تاں اے حالت آہی شیر۔ دی سرتوں دستار لٹھی ہوئی آہی خاتون دے بدر منیر دی۔ کر  
چھٹی ہوئی آہی ڈکھی زینب دے ویر دی۔ تاں شاعر مناسب حال عرض کریندے۔

اے اہل عزا کرو آہ و بکا پیا سید میدان دو ویندا ہے  
ہے ہک ہتھ کرتے صابر دا آندا رو رو نیر ویندا ہے  
کل پک دے پچا ہج کھل گئے ہن اتے لیکے خون دے چل گئے ہن  
میکوں امت نے برباد کیتا آندا رو رو شاہ فرمیندا ہے  
اے ڈکھی کے حالت صابر دی خاتون دے پتر مسافر دی  
لایا مڑواں حورو ظالماں نے جبرائیل بھی تاج لہیندا ہے  
آیا شاہ نیکن میدان اندر پیا شور زمین آسمان اندر  
اے مٹھنی کرو سینہ زنی ودا سید لاش ہولیندا ہے



آیا صدمہ شاہ غمناک اتے گل برگ و برگ ہن خاک اتے  
 نہ آہی لاش سالی ہک جاء تے ایویں صاحب اخبار لکھیندا ہے  
 یارو اجوے چمن دے والی ہے کیتی چن چن لاش سالی ہے  
 پا چادر وچ مظلوم سید کھڑا سئے سئے فکر کریندا ہے  
 لکھن سید مظلوم عاشق قیوم ٹکڑے لاش علی قاسم دے چاکے وچ خیمے دے آکے  
 اُتے کچھ دے وچھائے۔ چوگردوں کچھ دے ہالا حراماں دا آہویا۔ ماء امیر قاسم دی سرکھول کے  
 اُتے لاش امیر قاسم دے آئی اتے آہدی اے۔ جیویں جو شاعر آہدے۔

رسم اسپ وہر ناپاک زادہ

رُخ و سینہ دریدہ جان مادر

آہدی ہے قاسم میں صدقے کراں انہاں گھوڑیاں کوں جہاں کوں لوہے دیاں ٹالاں  
 لکھاں ہویاں ہن۔ جہاں میڈی پھلڈی پھلڈی آبادی برباد کر چھوڑی ہے۔ لکھن بی بی جو  
 مانے آئی امیر قاسم منہ پاسے پھیر گھدا۔ بی بی کھسے پاسوں دل آئی۔ امیر قاسم سچے پاسے منہ پھیر  
 گدا آخر بی بی فرمندی اے پھڑا قاسم

مٹاں شرم کنوں نیں منہ ڈکھلیندا علی اکبر دی ماء کوں

بیا پہلی رات دی اجوی کوں، کیوں بیوہ کر کبریٰ کوں

آکھیا سیناں بالوتوں سٹ دے قاسم پتر جہاں دے مردے

انہاں ماداں موت رالایاں کوں نیں یاد رہ دیندے پردے

کوئی اپڑاں جایا ہودی ہا تھیندا منصف وچ اندر دے

جورات کوں پرناں اتے فجر کوں مرٹا نیں سزا یا وچ دہر دے

موشین ایں جاء تے استاد صاحب مولوی غلام علی صاحب مداح کر بلائی انیس پنجاب

کیا عمدہ فرمائے۔

سن دے شکل علی دی پچڑا شیوے ہن دنیا دے  
 جڈاں پچڑے آن جوان تھیندے ڈکھٹل ویندن پیو مادے  
 وچ عالم عین شباب دے تیکوں لگ گئے ہتھ قضا دے  
 جگ پردیس ماریو نے پچڑے نہوے تے مرٹ دے ڈا دے  
 القصہ مومنین بی بی عالیہ نے وچہ حلقے حرماں دے دیدھنوائی۔ لیکن وچ حرماں دے بی  
 بی زینب خاتون کوں فاطمہ کبریٰ نظر نہ آئی۔ بی بی دائی ڈوڈ کیکھے فرمایا تاں شاعر مناسب حال  
 آہدے۔

بی بی عالیہ رو فرمایا تاں ارے آ تاں صابرہ دائی  
 ونج آکھ توں میڈے ویرٹ کوں تیکوں آہدی ہے آمڑی جانی  
 ہک لکھے تائیں عباس دے خیمے ونج پہہ میڈا بھائی  
 جو شرم سیڈے توں ہک بی بی نہیں لاش تے رووٹ آئی  
 محبان حسین لکھدن دائی پیغام امام کوں سنزایا۔ میں عرض کرینداں امام بالحق کوں جو  
 دائی ڈیا جو ہک بی بی رووٹ نہیں آئی۔ کیا سید نہیں سمجھیا او بی بی کون اے۔ میں امام بالحق ہا سمجھ گیا  
 ہا۔ شاعر مرحوم ناظم نے کیا عمدہ فرمائے۔

پٹھا رو رو پچڑا زہرا منہ نال ہنجوں دے دھو دے  
 ہے جھوک فنادی مرو پچڑاں بھل اے ارمان نہ ہو دے  
 ونج آکھ مالک متام دی کوں جے رووے تاں آرووے  
 جے دسٹ کرٹن دا ڈاٹاں آوس آ زینب کول کھڑو دے  
 لکھدن فاطمہ کبریٰ کوں دائی گھن آئی۔ بنری بییاں توں آکے پریرے کھڑ گئی جناب  
 زینب خاتون فرمایا کیوں کھڑ گھیں پچڑی۔ بی بی فاطمہ کبریٰ پھوپھی دے مخاطب ہوئی اتے رو



پھوپھی صاحب انصاف کرو میں کیوں لاش تے آواں  
 میں پہلی رات وی اجڑی آں کیوں امڑی کوں گل لاواں  
 متاں میں اجڑی دا امڑی تے پووے وِج پچھاواں  
 میکوں قاسم دا کوئی فکر نہیں رہے قائم حسین دا نانواں

حال بیان نہ تھیندا جیویں لاش تے بنری آئی  
 بے وس جھن پئی خاک تے کبریٰ اجڑی موت رلائی  
 پشت اقدس کوں پا کلاوے آن کے جھلیا دائی  
 ایں جیوٹ توں ہے موت بھلی رو آکھیا درد ستائی

یا شبیر خلق دا پیر اے مظہر ذات غفورے  
 مشکور بے کس دا جلد کرو سائیں عرض منظورے  
 میڈے کل مطلب دنیا عقبی دے جلد کرو سائیں پورے  
 مشکور غریب دی لاج پلیسو یا مولا یوم نشورے

## مولوی اللہ بخش غمناک

انہاں دا اصل ناں اللہ بخش ہا اتے غمناک تخلص کریندے ہن۔ آپ ہوریں تقریباً ۱۹۲۰ء دے قریب ڈھینگانہ ضلع بھکروچ پیدا تھئے۔ انہاں دے والد داناں وریام خاں ہا۔ آپ ہوریں ذات دے گھلو ہن۔ اللہ بخش غمناک اپنئے دور دے بہترین ذاکرتے شاعر ہن۔ انہاں مجلس داکڈا ہیں معاوضہ نہ گھدا ہا۔ آپ ہوریں ڈھینگانہ وچ پیش نماز رہ گئے۔ اتے او علاقے دے نکاح خواں وی ہن۔ انہاں دے بھترے غلام عباس گھلو جیروہے ہائی سکول دھینگانہ وچ ٹیچر ہن ڈسایا ہے جو مولوی اللہ بخش غمناک علم موسیقی تے دسترس رکھیندے ہن۔ اتے اے علم انہاں نواں کوٹ ضلع لیہ وچ اُتھوں دے مراٹیاں کنوں سکھیا ہا۔ انہاں دے ترائے پتر مرید حسین، ملازم حسین، خادم حسین ہن۔ اتے انہاں دیاں ترائے دھریں ہن۔ انہاں دے بھترے ڈسایا جو اوہک واقعہ سزیندے ہن۔ جو کیویں آل محمد ﷺ نے انہاں تے کرم کیتا تے انہاں دی زندگی بچ گئی۔ ہک ولاری اولق دق صحرا وچ کلبے ہن۔ اتے پاٹی دی تریہہ اتی شدت اختیار کر گئی جو انہاں کجھیا جو ہن موت قریب ہے۔ انہاں آل محمد ﷺ دے ناں دی ہکل ڈتی اتے اہوں درختاں دا ہک جھنڈ آہکيا او ڈسیندے ہن جو میں او جھنڈ وچ ہکيا تاں اُتھاں انویں لکھدا ہا جویں ہن بارش تھئی ہووے۔ ایس طرح انہاں دی زندگی بچ گئی۔

مولوی اللہ بخش غمناک دیاں کتاباں وچ ”گلدستہ مصائب“ جیروہی مولوی غلام اصغر، ملتان نے چھاپی ہائی اتے ایندے ۱۱۲ صفحے ہن۔ ایس توں علاوہ ”سفینہ دردناک“ اتے انہاں دیاں قلمی کتاباں وی موجود ہن۔ مولوی اللہ بخش غمناک ۱۹۸۵ء کوں وفات پائی ہائی اتے قبرستان بیریاں والا ڈھینگانہ وچ دفن تھئے۔



## ذکر دفن لاشہائے شہداء کربلا آمد قوم نصرانی فی میدان کربلا

مصنف: اللہ بخش غمناک

مومنین! کتاباں والے لکھدن جس وقت بتوں دالعل شاہ لچپال پتر بھرا بھتر تے جے مرا  
کے نبوی چمن لٹا کے کربلا دی گرم زمین کوں تخت سلیمان سمجھ کے سم گیا ہے۔ اتے سید سجاد بمعہ  
پھوپھیاں مانواں اتے ہمشیراں دے اسیر ہو کے کوفہ و شام دوڑ گئے۔ لکھدن امام حسین علیہ السلام  
کوں بمعہ پتراں اتے بھرانواں و انصاراں دے اُتے گرم زمین دے ستیں ہوئیں کئی روز گذر گئے  
آہن جو ہک روز مغرب دے پاسوں ترائے میل دے فاصلے کنوں ہک سوداگر قوم نصرانی دا گذر  
ہو یا ہے۔ اُتھاں اوں کوں کجھ ڈیہ نہ دی گرمی محسوس ہوئی ہے۔ اوہیں جاتے خیمے نصب کرائے  
تے مقام کیتس۔

مومنین لکھدن! اوں سوداگر دی ہمیشہ دستور ہائی مشک آتے عنبر دی تجارت کریندا ہا۔  
اوہیں جاتے اسباب لہا کے اپنے مال دا ملاحظہ ودا کریندا ہا جو بعد تھوڑی دیر دے کربلا دے پاسوں  
ہوا جو گھلی ہے لکھدن! سوداگر کوں ہک عجیب رنگ دی خوشبو جو آئی ہے۔ اوں کربلا دے پاسے  
ڈیکھ کے اپنے آپ کوں آکھیا خدا معلوم ایہ کون سوداگر ہے جیڑھا میں کنوں زیادہ مشک و عنبر دا  
خریدار ہے۔

لکھدن! اوں سوداگر نصرانی کوں او خوشبو پسند آئی ہے اوہیں جنگل دوڑ پئے ہن مگر  
جیویں جیویں منزل مکدی ویندی ہے اوں سوداگر نصرانی دیں اکھیں کنوں نیر جاری ہوندے  
ویندے ہن لکھدن چند آدمی غلام اوں سوداگر دے نال آہن سردار کوں روند اڈکھ کے آکھیں لہے  
ایہ عبد اللہ ویندے مشک تے عنبر خرید کر لیاں ہیں تے اکھیں سیڑیاں کنوں نیر بے تاخیر جاری ہو گئے  
ہن توں ساکوں ایہ ڈیہ نہ دیں تے روٹوں دا باعث کیا ہے۔ اوں سوداگر آکھیا بھائی جیویں جیویں ایہ

خوشبو میڈے دماغ دے وچہ پونچھ دی ویندی ہے میڈیاں اکھیاں کنوں نیر جاری ویندے  
ہوندے ہن۔

القصد لکھدن! جس وقت منزل مکی ہے۔ قسمت اوں سوداگر کوں اوں جاتے گھن آئی  
ہے۔ جتھاں وسدا گھر بتوں دا اچڑیا ہا۔ اونھراٹی ڈیکھ کے حیران رہ پکيا آہدے میں بھل پکياں  
ہاں ایتاں کئی لاشاں ہن جو بے گور و کفن اُتے گرم زمین دے پیاں ہن۔ مومنین جس وقت او  
سوداگر وچہ متقل گاہ دے آیا ہے ڈیکھے تاں ہک لاش ہے زخماں کنوں مجروح مگر اوہیں سرمہ یدہ  
لاش کنوں قرأت قرآن دا آواز آندا ہے۔

لکھدن: اونھرا نی ہتھ ہدھ کے عرض کیتا ایہ شہید راہ خدا توں میگوں اپٹے حسب و نسب  
کنوں آگاہ فرمائیو۔ آپ کون بزرگوار ہو۔ کیس ملک دے وسدے ہو۔

لکھدن: زمین کربلا دی کوں ہلا وہ آیا ہے۔ لاش حسین دی کروٹ بدلی ہے۔ ایں جا  
تے جیویں جو غمناک حقیر عرض کریندے۔

### ڈوہڑہ

لاش وچوں آواز آیا کیا سمجھدیں حال بے کس دا  
نام غریب حسین ہے میڈا ہاں ملک عرب دا وسدا  
ہاں پتر رسول دی بھڑی دا ہم ہر توں چنگا وسدا  
اتھ اُمت چا برباد کیتا میڈا ویڑھا وسدا رسدا

نام غریب حسین ہے میڈا ہاں پتر نبی دی دھی دا  
میں تاں وطن عزیز کوں چھوڑ ڈتا پیا لڑھ دا دین نبی دا  
اسلام دا نام نشان نہ ہووے ہا غشاء قوم شقی دا  
میں تاں گنجہ شہداء بٹا چھوڑیا بھانویں آہم کر خمیہ



لکھن: اوں سوداگر نصرانی آکھیا ایہ سید مسافر کیا تیڈا وارث باقی کوئی نہ ہا۔ جیڑھا  
تیڈی لاش کوں دفن کرے ہا۔ لکھن سر بریدہ لاش وچوں آواز آیا ہے۔

## ڈوہڑا

اجہ میں مظلوم مسافر ہاں نہیں کوئی درد و غنوں والہ  
میڈا وارث باقی کوئی نہیں میڈی لاش تے آنوں والہ  
تھی شام نگر دو قیدی کیا میڈا قبر بٹانوں والہ  
ہن دھپ تے پئی ہے لاش میڈی نہیں کوئی دفناؤں والہ

میڈا پھلدا پھلدا باغ چا لٹیا اُمت مارو تھل وچہ  
میڈا وارث ٹر گئے شام ڈہوں پا طوق رسن کوں گل وچہ  
اجہ بن بٹاں دے لاش میڈی رلدی ہے ایں جنگل وچہ  
تاہیں دھپ دے سیک جھلیندا پیا ہاں ایں مارو بن کر بل وچہ

میڈے وسدے باغ اُتے نہ باد خزاں دی گھلدی  
بن کفن دے لاش میڈی نہ گرم زمین تے رلدی  
جیندا ہوندا میڈا غازی ویرک نہ قید سجاؤ دی بلدی  
میڈوں باغ دا کوئی ارمان نہیں بھی قید ہمیشہ دی بھلدی  
مومنین! کیتا ہاں والے لکھن ایہ کلام امام دی عبد اللہ سوداگر نصرانی سن کے غش کھا  
کے زمین ڈھٹا ہے۔ جس وقت عبد اللہ کوں غش کنوں افاقہ ہو یا ہے۔ منہ تے پٹ کے آہدھا ہے۔

## ڈوہڑا

مسلمان سڈاوٹ والے چا کھے دی لاج رکھیندے  
 راہ اللہ دے کٹھیاں دیاں چا لاشاں دفن کریندے  
 کفن دے بدلے خاتون دے جن دی نہ آپوشاک لہیندے  
 کیا تھی پوندا شاہ بیکس دی چا وطن تے لاش پونہچیندے  
 لکھدن: اونہرائی کوں فرات دے پاسوں آنڈیاں چند عورتاں نظر آئیاں مومنین جس  
 وقت او عورتاں نزدیک آئیاں ہن اوں سودا گراؤنہاں عورتاں دو مخاطب ہو کے آکھیا ہے۔

## ڈوہڑا

اساں سٹیا ہا وچہ کرمل آئی یثرب دی شہزادی  
 ناہی سنگ بھرا دی چھوڑن والی ہائی عاشق منہ بھرا دی  
 کیوں ویر دی لاش نہ دفن کرائی یارو مالک انمادی  
 پئی دھپ تے لاش مسافر دی کن گئی ہے جائی زہرا دی

لاش وچوں آواز آیا سن مومن مرد موالی  
 سمجھ بے وارث بیکس میکوں میڈی کہیں نہیں لاش سنبھالی  
 تھی شام نگر دو قیدی گئی ہے میڈی لاش سنبھالن والی  
 ایں گرم زمین تے ستیں ہوئیں میکوں گذرہ کیا ڈی۔ نہہ چالھی



میڈی موت سہاوٹ والہ پھڑا جے کر شام نہ ویندا  
 موجود ہوندا میڈا قیدی پھڑا اجہ کہیں کوں ہرج نہ ڈیندا  
 سجاڈ جے تھی آزاد ویندا اساڈیاں لاشاں آ سنبھلیندا  
 ہن بن بجناندے ڈینہہ کتواں پیاں دھپ دا سیک جھلیندا

میڈی کر ضعیف ہو گئی ہے بھائی ایہ لاشاں چنیدیں  
 میڈا بدن نحیف ضعیف ہو گیا ہے تیر تے پتھر جھلیندیں  
 میڈے چھٹ گئے پیچ کر دے بھائی ڈوکی ہوئی کمر نویدیں  
 ہوں ڈینہہ گزرے ہن میں بیکس ہن دھپ دے سیک جھلیندیں

القصة لکھدن:

امام پاک دا آواز آیا بھائی عبداللہ توں غیر مذہب ہیں۔ جتنے تائیں توں اسلام کوں  
 قبول نہ کریں ایٹائیں توں اساڈیاں لاشاں دفن نہیں کر سبدا لکھدن عبداللہ نصرانی بااعجاز لاش امام  
 حسین اسلام قبول کیتا یعنی جس وقت اونصرانی تمام مسلمان ہو گئے ہن ول لاشہائے شہداء دے  
 دفن کرن دا ارادہ کیتونے۔ لکھدن اے تائیں قوم بنی اسد دیاں عورتاں دریائے فرات توں پاٹی بھر  
 کے قریب مقتل گاہ دے آئے ہن اونصرانی اونہاں عورتاں دے اگوں ول آئے ہن اتے آہدن  
 مائیاں انہاں بے وارثاں لاشاں دے وارث کن گئے ہن معلوم ہوندا ہے انہاں دے وارث  
 موجود نا ہن افسوس دی کالھ ہے مسلماناں کوں شرم نہیں آیا جو انہاں بے وارثاں لاشاں کوں دفن  
 کریندے چا لکھدن انہاں عورتاں آکھیا بھائی تاں بھی غیر مذہب لوگ نظر آندے ہوا اللہ داناں  
 تے انہاں لاشاں کوں ایذا نہ پونہجائے۔ لکھدن انہاں نصرانیاں دے نیرو ہے پئے ہن منہ تے  
 ہٹ کے آہدے ہن۔

## ڈوہڑا

پر چاؤٹ آئے ہیں بی بی کون تساں جھلو مکان ایہ مائی  
 حسین تاساں تھی شہید ہیا کن گئی ہے زہرا جانی  
 ہن ویر کنوں کیوں نکھری زینب ہک لحظہ وسدی ناہی  
 بعد بھرا دے جیندی ہے یا مرگی موت رلائی  
 مومنین! او عورتاں منہ مکاٹ دا جوڑ کے زمین تے پہہ کیاں ہن۔ نصرانیاں دوڑ کچھ  
 کے آہدیاں ہن۔

## ڈوہڑا

ویر غریب دی سنگت دے سانگے ہن بن کر بل وچہ آئیاں  
 ایں مار د بن کنڈیا لے وچہ آ لٹیاں زہرا جانی  
 ویر تے چلدی تیغ رہی رہیاں ڈہدیاں ہجر ستائیاں  
 ہن ویر مرا کے قیدی ہوئیاں کیاں شام دو موت رولا لیاں  
 مومنین! او بنی اسد دیاں عورتاں گھر ونج کے آپٹے مرداں کوں آہدیاں ہن تساں  
 مسلمان ہو شرم نہوے آندا ونج تاساں ڈیکھو قوم نصرانی شہداء دیاں لاشاں دفن پے کریندے ہن۔  
 لکھدن: بنی اسد دے لوگاں نیچے چاگدھے ہن اتے روانہ ہوئے۔ جس وقت وچہ منج  
 شہداء دے آئے ہن اُونہاں نصرانیاں کوں آکھیا بھائی اساں مسلمان ہائیں حسین اساڈا پیر ہے  
 اساں شہداء دیاں لاشاں دفن کریوں۔ لکھدن نصرانیاں اتے بنی اسد دے لوگاں آپس دے وچ  
 تیزی جو کیتی ہے وچ گنجہ شہداء دے ماتم جاری ہو گیا ہے۔ مقتل گاہ وچوں آواز آیا۔



## ڈوہڑا

جے احسان بتوں تے لیندے ہوتاں نہ کرو ارادہ جنگ دا  
اہکے لاشاں ہوں پائمال تھیاں میں جنگ کوں ڈیکھ نہ سنگھدا  
غسل کفن دی لوڑ نہیں اتے بیا تاں کجھ نہاں منگدا  
ہن ڈیکھ کے لاشاں دھپ تے بھائی کر لوگ کنارے لگھدا

بیا لاش وچوں آواز آیا نہ ایں جا شور مچاؤ  
اساں ڈاڈھے ڈرے ہوئے نہ جنگ دا رنگ بٹاؤ  
راہ اللہ دے کٹھیاں تے چا اتنی منت لاؤ  
ایہ بے وارث لاشاں ہن تاں رل کے چا دفناؤ  
مومنین! جس وقت اولوگ رل کے لاشاں شہداء دیاں دفن کرن لگے ہن۔ امام پاک  
دی سرمد لاش وچوں آواز آئی ہے۔

## ڈوہڑا

میں مظلوم مسافر تے تاں ایہا منت لوا ہے  
قبراں اکبر اصغر دیاں میڈے پاسے نال کھٹا ہے  
دور نہ ہوون رلے ہوون ایہ میڈے نور نگا ہے  
غسل کفن دی غرض نہیں تاں اینویں دفن کرا ہے  
مومنین! اجاں ایہے گالہیں آہن جو شام دے پاسوں ہک گردغبار نمودار ہو یا ہے جس  
وقت او غبار پھٹ گیا ہے ہک عجب نمونہ نظر آیا ہے۔ ایں جاتے جیویں جو مناسب حال عرض  
ہوندے۔

### ڈوہڑا

اتنے تائیں شام ڈہوں آیا کڑیاں دا جھٹکارے  
 آئیم آئیم رنجہ نہ تھی ایہ یثرب دا سردارے  
 میں جلدی واپس ونبٹاں ہے اتھ ڈیوٹا رنجہ زوارے  
 قسم خدا دی میں باجھوں مر وین پردہ دارے  
 مومنین! جس وقت ایہ آواز سید ساجدین دا آیا ہے زمین کوں بھنب آیا ہے مظلوم سیدی  
 سربریدہ لاش وچوں آواز آیا ہے بھائی میڈی لاش کیجے جنگ نہ کرو کیوں جو مناسب حال عرض ہے۔

### ڈوہڑا

تساں فکر نہ کرو مسلمانوں ہن آگئے آنوٹ والا  
 چا دفناؤ رل کے لاشاں آگئے دفنانوٹ والا  
 میڈا قیدی پھڑا آندا پئے میڈے درد وڈانوں والا  
 میڈے قیدی پور مسافر کوں ہے شام پوہنچانوں والا  
 مومنین! جس وقت لاشاں دفن ہو چکیاں ہن جناب سید ساجدین زمین تے پٹھا ہے  
 لوگاں آمدن خیردی آکھی ہے۔ مگر سید سجاد جلدی نال اٹھ کھڑا ہے۔ ایس جاتے جینویں جو مناسب  
 عرض ہے۔

### ڈوہڑا

اتنے تائیں قافلے دی ہو گئی ہے کوچ تیاری  
 منہ کر بل دو کر کے آکھے زیعت ورداں ماری  
 ہے آپ کوں روشن قیدی پھڑا جاں رہندی منزل بھاری  
 ہن جلدی آتے آن چڑھا میڈا عابد پتر مہاری



## فردوسی پاکستان، نذر حسین ارشاد عباسی جھنڈیر

نذر حسین ارشاد عباسی، جھنڈیر آباد تحصیل کوٹ ادو ضلع مظفر گڑھ دے رہن والے  
ہن۔ انہاں دے والد داناں ملک کریم بخش جھنڈیر ہاتے اووی ذاکر ہن۔ آپ دے ڈاڈا شیخ  
مسک تے ناں ہن پر محبت اہلبیت ہن۔ آپ دا تعلق عباسی خاندان نال ہا۔ انہاں دی پیدائش  
۱۹۲۲ء کو تھی ہائی۔ اولپٹے علاقے دے سکول آڑہ جعفر شاہ وچ پڑھدے ہن۔ انہاں پنجویں  
جماعت تک تعلیم حاصل کیتی ہائی۔ او خود لکھدن۔

ہاں پنجاں دا مداح بنج پڑھیا ہویاں  
تاکیں حرف میڈے تخلص دے مچن

نذر حسین ارشاد مولوی غلام علی لنگاہ مداح دے شاگرد ہن۔ انہاں توں علاوہ مولوی غلام  
محمد محمودی توں سوی اتے سید چراغ علی شاہ آزاد آف محمود کوٹ کنوں وی استفادہ کیتا۔ انہاں دے کلام  
اچ اردو نثر ثنائے اہلبیت، اردو غزلیات، اردو نظمیں، بھاشا گیت، سرائیکی مجازی شاعری، فارسی  
کلام، خطبات معصومین دا منظوم ترجمہ بصورت بحرایں توں علاوہ ڈھیر کچھ شامل ہے۔

ارشاد عباسی دے کلام دیاں ترانے جلدان ”زبور مودت“ دے ناں نال چھپ گھن۔  
اتے چوتھی جلد وی آؤن والی اے۔ انہاں حسینی بند کمال دا لکھے۔ انہاں دا کلام ضائع بدائع نال  
بھریا ہویا اے۔ انہاں دا ڈوہڑا غم دا طوفان اے۔

تیکوں ہن ناں مل جاگیر ویسی گس مئے پھڑا زہرا دا  
ہٹ دہج شمر آ پاواں جھولی سر مخدوم بھرا دا  
لین سنزواں، دہن کراں جیویں ہے شیوہ دنیا دا  
ایندی میت سہاون آنندی ہاں ہک ویر ہے مں ڈکھیا دا

سرائیکی شاعری اچ نذر حسین جھنڈیر پہلا شاعر اے جتاں خطبات معصومین کوں  
سرائیکی اچ نظم کیجے۔ انہاں دی کتاب زبومودت جلد تر اے خطبات معصومین تے مشتمل اے۔  
خطبہ بی بی زینب۔

اے کوفہ دے غدار سٹو چپ تھی حق تے گویا میں آں  
باہوش ہے جو متکلم جھل صد صدمہ ہوش ربا میں آں  
حیدر مسکن صدر نبی درج در تنزیل رہیا میں آں  
حیدر نام ہے زینب بابے دی او دختر شیر خدا میں آں  
شیر بقا اسلام دی ہے اوندے نام دی وجہ بقا میں آں  
کے سکدیاں عورتاں ڈیکھن کوں اچ قید ک باجھ ردا میں آں  
ڈو و ہندیاں نہراں دے ادھ وچ حیدر الپا سا دیر کٹھا میں آں  
جے چاہاں برہم نظم تھیوے متصرفہ امر بجا میں آں  
ارشاد نہاں بھل اچ کر دی وارث ورثے زہرا میں آں

انہاں دے شاگرداں دی تعداد ڈھک اے۔ کجھ ناں اے ہن۔ سید حسن علی شاہ آف  
ہڑپ، سید علی حسین شاہ، سید منظور حسین شاہ آف رتیڑہ، حاجی زوار محمد اقبال کندان، عاشق حسین  
صدف، ملک کوڑ و تصور، سید غلام عباس شاہ گردیزی مراد پور ملیسی، زوار سید واصف حسین شاہ، غلام  
شبیر خان جعفری، سید تبرک حسین شاہ آف ملیسی، ذاکر خادم حسین آصفی آف جتوئی اتے نذیر ڈھالہ  
خیلوی محبت تھلوی، ساجد بخاری شامل ہن۔

بے ثباتی انہاں دی شاعری اچ اتم پاتی ویندی اے۔ انہاں دی مذہبی شاعری توں  
علاوہ مجازی شاعری وی ہوں جس دار ہے۔ انہاں دا کھ ڈو ہڑاڈ یکھو۔

فطرت دے کم ذات کوں ناں کڈی نیکی دی مت بھاسی  
کتا تخت بہلایے آخر چکی چٹن جاسی



نیچ کوں جتنا اُتاں عیسیں اتا پیٹھ تے آسی

شان بلندی کیا جائزن ایہ پست نگر دے واسی

غلام حراخان کنڈاٹی لکھدن ”قبلہ ارشاد جھنڈیر استاد الشعر غلام سکندر خان دی سرائیکی کر بلائی ادب دا محافظ ہے۔ استاد الملک قبلہ سکین سید علی شاہ دے مصائب دے مضمون دا کلہا وارث اے۔ مولوی نذر حسین ترک تے شہزادہ خادم حسین چھینوی دے مسدس دا نگہبان اے۔ تائب تے فدا دی حرب و ضرب تے مناقب تے بحر دی شاعری دا اکو اٹا اے مولوی غلام علی لنگاہ دے ڈوہڑے تے قصیدے دا نگران اے بلکہ حق تاں اے جو غلام سکندر خان توں لاتے امام علی شاہ شفیق تیں دے سارے شاعراں دا آخری تے خاتم الشعراء اے۔“

سرائیکی زبان دا اے دعبیل خزاہی ۲۱ دسمبر ۱۹۹۹ء شام ۵ بجے ایس فانی دنیا توں ملک بھا

دے سفر ڈوڑہ کیا۔

## نصر اللہ وفتح

لکھت: نذر حسین ارشاد عباسی جہنڈیر

شاعر قلم اٹھا پڑھ فقرے سورۃ فتح نصر دے  
 کھول کے ڈس جیویں ڈس گئے ہن صاحب تاریخ سیر دے  
 اُحد وچالے کیویں ہوئے حملے شیر بر دے  
 حیداراں کوں یاد ڈوا دل قصے شہ صندر دے  
 میلوں ویل گنا یا سر کیویں اتوں سر سرور دے  
 یلو پیل دے پیسے رہے دل ترے ڈینہہ بعد نظر دے  
 مدت پچھوں کیویں از سر نو اٹھے نو سر باز قہر دے  
 ترے ہجری وچ سہرے تھئے گویا ٹھے جنگ ہدر دے  
 متھانک ٹھیل دے اہکوں لات منات دے بر دے  
 دل تازے کرواٹوں اٹھے چھٹے ہوئے پھٹ سر دے  
 ترے ہزار جواں مسلح نسل قریش اکفر دے  
 نالے ڈوں سو اسپ ٹلہ الف مست شتر دے  
 کٹھے بوسغیان کیجے چڑھ اڈے ہند بدتر دے  
 ست سموت دے ہکرے ہن ملبوس زرہ بکتر دے  
 ہک ہزار اوں سال دی شمع ہالی نال ہنر دے  
 جتھ ہک ہئے توں ودھ جلدے پروانے سوز مگر دے  
 تھی تیار ثریا ٹہرتا بنہہ سامان سفر دے  
 کنک چڑھایا خاطر غارت کرن مدن اطہر دے



ہند جگر خوارہ خود خاطر اکساوٹ لشکر دے  
 دف وچندی گاندی آوے نال کمال اثر دے  
 وجدے واصل تھے ارشاد طرف مدینے راہی  
 کفر دا سیل اُجاڑن اُلتیا راہی الا للہی

صاحب تاریخ دے تحریر فرمیں دن انوں پڑا ابوسفیان دا اہل دے نام دے نعرے  
 مریندا ہو یا بدر دے وچ کٹھے ہو یاں دے جوش انتقام وچ نیر دہندا ہو یا۔ قدم قدم تے ہند دے  
 پر جوش نغماندی موج دے تھپیرے جھلیندا ہو یا سیرھ تے وہہ چلیا۔ جیویں جیویں اگہاں قدم  
 ودھیندا ویندے زندگی دا کنارہ دور ہوند اویندے۔ موت دی کندھی اہو ہیں تھی تھی کے استقبال  
 کریندی آندی ہے گویا کفر با نور رکھ کے ٹریا ویندے جو ہن ضرور وچ کے اسلام کوں ملیا میٹ کر  
 ڈیاں مگر قضا ہس ہس کے پچھوں نقش مٹیندی آندی ہے تے آہی آندی ہے۔

مغلین ڈنھیں فارسیاں اڈ دین اتھ جو آکھیں سچیں  
 صدر مرد دی پیل وچوں ہن بچ ویوں تاں بچیں

خیر انہاں دا کئے وچوں ٹرنا عباس چاچے جناب رسول ﷺ خدا دے جناب  
 رسول ﷺ سرور کائنات لائق صلوات دی طرف خبر روانہ کیتی۔ جس وقت ایلچی عباس دا پہنچا  
 جناب اگے بذریعہ روح الامین۔ ”ان الدین عند اللہ الاسلام“ فرمانوں والے کنوں مطلع ہو  
 چکے ہن۔ انوں ایہ اطلاع بھی پہنچ گئی جناب نے انہی فوج توں مدینے وچ رہ کے مقابلہ کرن دا  
 مشورہ طلب کیا۔ لیکن مشیراں دی صلاح نہ ٹی لہذا اتھوں کوچ دا ارادہ فرمایا۔ عبد اللہ بن مکتوم کوں  
 مدینے دی حفاظت واسطے اتھائیں چھوڑنا منظور کیا۔ اتے نال و نجرن والی تمام فوج خداوندی توں  
 بعد نماز ظہر دے مسجد دے وچ بہہ کے بیعت وفادی گھدی تاں شاعر آہدے۔

بیعت وفا دی ہتھ سرور تے کیتی فرد ہزارے  
 کٹ مرسوں نہ گنڈ کرسوں ایہ کیتے قول اقرارے

ہک سو ڈوں سپاہی آقا زرہ نال سنوارے  
 ہئے نو سو بھی خالی ناہن آہن با ہتھیارے  
 علم مقرر ترے ہوئے اینویں کتب دے وچ اظہارے  
 ڈوں تاں سعد تے بن مندر کوں دان کیجے سردارے  
 لپٹے علم دے لائق سائیں سمجھیا دست غفارے  
 جنیں ہتھ وچ ہاشم تے رکھدا فوقوں فوق نیارے  
 چوڑاں چندر شوال مکرم وقت سونوارے  
 حق دا لشکر فتح دو جلیا وچ گئے کوچ نقارے  
 رات کوں راہ وچ دیندے مع ترے سواصحاب النارے  
 ابن سلول عبداللہ ننھا نور توں تھی بزارے  
 ست سونفری نال ایں حدتیں رات دے پندھ شہ مارے  
 ڈنہہ دا تارا ابھریا آیا اُحد پہاڑ نظارے  
 گویا منگل پر جنگل دے آئے ہفتے دے وارے  
 ڈوہیں لشکر ہک ہئے دے اتھ سامنے تھئے یکبارے  
 حق واحد لکے آہناں دے وچ پکھی کرن ہمارے  
 عبد اوندی درگاہ وچ جھکے کر تکبیر دے نعرے  
 شہ خاور گھل کٹک شعاعی جتیا ہست دیارے  
 لیلیٰ کھنڈی زلف سمیٹی عدم دو تھی تیارے  
 آمو سامنے ارشادا طرفین دے خیے لکے  
 ہووٹ لکھی صف آرائی طبل جہاد دے۔ وکے

آہن اتنے تائیں پندرہ شوال دا ڈنہہ اسلام دی فتح اتے کفار قریش دی شکست دا



نشان بن کے صفحہ عالم تے نمودار ہو یا۔ ڈوہاں طرفاں کنوں صف بندی شروع ہوئی۔ انوں ابو سفیان سپہ سالار کفار صفاں ٹھہرایاں۔ صفاں دے ہکے پاسے تے خالد بن ولید کوں جو مایہ ناز پہلوان ہا کفار دا اتے کھپے سرے تے عکرمہ ابن ابو جہل کوں مقرر کیا۔ علم طلحہ ابن ابی طلحہ کوں ڈتے۔ انوں جناب سرور کائنات صف بندی فرمائی۔ مینہ عکاشہ بن محض اسدی اتے میسرہ ابو سلمہ اصحاب دے سپرد فرمایا۔ عبداللہ بن جبیر کوں نال پنجاہ آدمی دے ہک درے وچ ڈوہاں پانی دے پشماں تے تعینات کر کے فرمایا کہ جب تک میڈا حکم ثانی نہ پہنچے درے کوں ہرگز ہرگز نہ چھوڑنا۔ اتنے تائیں ابوسفیان دی طرف پیش قدمی ہوئی۔ طلحہ ابن ابی طلحہ علم گھن کے تلواریتھ وچ پھریندا ہویا لاقاں گزاقاں مریندا ہویا وچ میدان دے آیا آکھن لگا محمد عربی کوئی جوان ہئی تاں بھیج او بیا زمانہ ہا جو قریش کوں بدر دے وچ بھیجا بھیجا کے نساہا کر چھوڑا ہادی۔ انوں اوشقی بکواس کریندا آندے انوں اونویں اونویں علی کل غالب دارنگ غیرت اسلامی توں سرخ ہوندا ویندے تے دل وچ فرمیندن۔

### مسدس

نہ تھی مونجھا توں آتاں سہی تیڈیاں مونجھاں مٹینداں میں  
تیڈے سرتیغ زنگ خوردہ کوں اہج صیقل کرینداں میں  
کیویں ہک مرد دے ہتھن ہزاراں کوں ڈسینداں میں  
بدر توں ودھ کے اہج ایں اُحد وچ جو ہر ڈکھینداں میں

نہ سڈٹاں دل میکیوں صندر تہاڈا اہج جے نونہہ اڑیا  
نہ چسماں تیغ دل ماکاں جے نہ الا علی پڑھیا  
خیر آمدن پیغمبر خدا علی کوں اشارہ کیا جناب مقابل ہو کے موذی کوں فی النار کجنا۔  
مصعب ابن ابی طلحہ سڈ کے آکھن لگا محمدی جوان دھیں نہیں۔ میکیوں آنو ڈیویں۔ جناب

فرمندن کہیں ہٹکی آئیں تاں جڈاں میدان وچ آندا ہونداں رجا کے نکلا ہونداں۔

آہن کعبہ ایمان دے مقابل اجاں نہا ہویا جو عاصم بن ثابت دا تیر موت داسلیہا بن  
کے بچ، کھیس جے کجھ بچدا ودا ہا تاں اللہ دے شیر دا وار چلیس جہنم جاہ جھلیس۔

مرد مجاہد پر دے وچ گھت ڈتی اُلٹ پلے

جھنھ تلوار توں جھنھے جیویں باز چڑی کوں جھلے

اہکوں پچھوں مل مل مارے موج قبر دے ٹے

قبر دا دریا الٹیا سرتے آپ کتوں گھلے

ہکل ڈیوے رہوار کوں جاں ونج گردووں تے سنھ ٹے

چرخ کوں چرخ بھلاوے آ وچ چرخ دے موت رہے

کفر دا پاٹی مکیا سٹیس ریت توں کھاڈا اُلے

ہک رٹ چلدا دل گل آہی ایہ چلیا چورے

واہاں گھن اوہیں پاسے ونجے جن ڈیکھے جر ہٹے

کہیں کوں چک لت کہیں مرتد کوں سینہ مار کے ٹے

تغ ہمارے منج مثل سن ڈھن بزاری لے

کہیں دیاں ارکاں گوڈے گھر ریے کہیں دے نک بھر بھٹے

ناگن مست خماروں جاگی غار وچوں منہ پے

آکھن مفت پوئے سے رت چا بوسفیان دا ڈٹے

دھیریں جبر دے تارے دیاں جاں سلیم موت دا ترے

ٹھیاں چھوڑ ہناری جوڑے ریشمی لال دوپے

آریاں جھاریاں بنے حریے مک کنڈے آن ولے

نغے چھوڑ الا نہ سکن آکھیں تھے سر ہٹے



روہ تے ہرنیاں دانگ چڑھن پئے پیریں ورم تلے  
 شیر دی گونج سٹوے جاں کر ڈھہن ہنجوں ہٹ پئے  
 جند دے پٹے پٹ پٹ کے ہوئے منہ سر آن سلے  
 آکھن جڑھ نکلی سفیاناں ترٹی غیب ہلے  
 سنگ مرمر دیاں پتلیاں مرمر گھیلے گل پئے ہلے  
 غاراں دے وچ ونج چھپیاں سرائی دے بھوگ کھلے  
 ہند کوں ویریاں شہنائیاں اتے دقاں دے غوغے  
 گیت پہاڑی بھل گئے کڈھے تیج دے دیک وٹے  
 غرض نساہے آتھے ناری ہج ہج ہر کروٹے  
 ہک پئے دے سر سر مارٹ جیویں بھیڑ کریندن گھٹے  
 صفا صفا تھئی اُحد دی مسند مول نہ رہی سلوٹے  
 تاب ایندے کیتائیں او جیڑھے جز کے مائتہ پئے

پھر کے شیر آکھے ارشادا اجن بھی مار مریاں  
 اسپ تریاں خون دے وچ اتھ جیچوں سندھ وہساں

آبدن ایہں عالم دے وچ طرفین کنوں جو رد و بدل ہوندے رہے کافراں دے قدم  
 اکھڑ گئے۔ سوا علی ابن ابی طالب دے جو ہک ہک کفار کوں بھجھند ارہیا۔ تمام فوج رسول کریم ﷺ  
 دی مال نفیست دخیل کئی جیڑھے سپاہی عبداللہ بن جبیر دے کولہوں ہن او بھی سواستاں دے لٹ  
 تے پہنچ گئے شیطان دانیو مجمل کے ہج تاں کھڑے لیکن ایندا خمیازا اسلام کوں ایہ اٹھانواں پیا جو  
 بھنے ہوئے کافراں دے قدم ول جم گئے پچھاں ول کے اسلامیاں کوں گھیر گھدا تے جناب عبداللہ  
 محافظ درے کوں مع قلیل جماعت دے شہید کر چھوڑیا۔ ول تاں کیا ہا کافر یکدم الٹ پئے ایس

افرا اتفری دے وچ جنگ کر بندی جاہ تے جناب امیر حمزہ چاچے جناب سرور کائنات دے کون  
 ہک غلام جہشی نے جیڑھا ابوسفیان دی تریت ہند ملعونہ دا اُکسایا ہو یا ہا کین گاہ دے وچ چھپ  
 کے وار کیتس جناب زین توں اُتے زمین دے آئے۔ خیال دامقام ہے بنی ہاشم دے نال بنی امیہ  
 دیاں عورتاں کون بھی اتنا دیر آہا جو جیڑھے ویلے خبر امیر حمزہ دے مرتکب دی ہند کون پئی۔ لاش تے  
 آکے اعھاء جدا کتونس تے کلیجہ نکال کے تے ڈنداں دے وچ چھندی ہائی تے رت بھرے منہ  
 دے نال آہدی ہائی کیا توہیں حمزہ رحمۃ اللہ علیہ دی امداد کرن والا۔ دوستو ایس ملعونہ دی ایہ پہلی ایجاد ہے  
 لاشاں دے مختلف اعھاء قطع کرن دی۔ ایس سنگ بنیادی تاثیر آہی جو کہ بلادے میدان وچ فوج  
 یزید دی قسم و قسم دے ظلم حسین دی لاش تے ورتے۔ بھینٹ غریب کون یار ہو یں دی رات بے وس  
 ہو کے بھراتوں پکھٹا پئے کیا۔

بھلا وے ویرن سفران وچ ڈکھیاں بھینٹیں آن رلیونی  
 توں ہانویں امان پیغمبر دی ایہ کجھیں حال بنزیونی  
 سر تاں شمرے کپ نیوہ ہتھ کیں بے دین کپیونی  
 گھن قبر وچالے دیرویاں جیڑھے بھینٹ کون درد ڈیتیونی

خیر آدم برسر مطلب۔ ہند جناب حمزہ دا جگر چھایا۔ اے تاہیں تاریخاں دے وچ اکلا  
 الاکباد یعنی ہاں کڈھن والی ڈہن مشہور ہے۔ جسیں مقام تے جناب سرور کائنات موجود آہن  
 عبداللہ ابن قمریہ ملعون نے آکے ہک وار ایس زور دا کیتا کہ خود دیاں ڈول کڑیاں پیشانی دے وچ  
 لہہ گیاں۔ سعد ابن ابی وقاص دے وار کنوں دردندان داشکستہ ہو یا۔ شیطان ملعون نے ہک پہاڑی  
 تے چڑھ کے ہوکا ڈتا کہ قتل محمد۔ ایہ آواز سن کے جناب امیر جانشین محمد دے دوبارہ فوجاں کو الٹا  
 شروع کیتا۔ کافراں کون مرینداں ہو یا صفاں کون چریندا ہو یا۔ جلدی کعبہ مقصود دی خدمت دے  
 وچ حاضر ہو یا۔ نقطہ دائرہ کائنات دا چہرہ لہو لہان ڈٹھس چشمے توں ڈھال پائی دی بھر کے گھن آیا۔  
 زخم دھو کے پٹیاں بڈھیاں بوجہ کثرت جنگ دے تیغ کند ہو گئی سردار کون عرض کیتس جناب شاخ



ہول تر وڑ کے علی دے ہتھ دے رکھی تے فرمایا وُح یا علی جہاد کرو چ راہ پروردگار دے اہج امداد دا  
 دیتی کافراں دا ہوں زورے۔ تاریخاں والے آہن پئیں برتاں شاخ ڈتی ہائی علی دے ہتھ تے  
 آنوٹ نال لکوار جو ہر دار بن گئی علی اینویں وچ نرغے کفار دے داخل ہو یا جیویں جو قریضوں  
 اٹھیا باز کمزور چڑیاں دے سرتے چھٹ ویندے تاں شاعر آہدے۔

قتل رسول دا ہوکا ملیا اُحد وچالے جڈے  
 فوج نبی وچ بھاگڑ پئی سب بھنے چھوڑ کے اڈے  
 بعد ایمان نہ کفر کرو ہن دل آؤ سرور سڈے  
 ہر کوں ہائی سر پیر دی لکھی کون ڈیندا دل سڈے  
 ید عو کم فی آخری شاہد بھج دے رہے مٹر ڈے  
 ہرناں وانگوں چٹکیاں چانوٹ تگن نہ بناں اڈے  
 شمر توں منڈھوں خالی ہن ایہ نخل جہنمی تھڈے  
 لٹ دے سر ہک ہئے توں ودھ ہن بھنے پاڑ کے چڈے  
 تیغ دی منڈ جاں گنڈ کھی گئے جان بچا کڈ کڈے  
 پڑ دے اندر دل کم آندن نہ اصلوں قد وڈے  
 ترے تیغاں تر وڑ آیا پڑ وچ گٹ گٹ کفر دے پڈے  
 کہے ہجے صفدر گجے ہور بھناں کل منڈے  
 بن ہتھیار لاچار سپاہی سکیں اہکوں ہتھ اڈے  
 اعصا دان ڈھیا سرکاروں صفدر چنتے چھڈے  
 سرور آکھے وُح صفدر دل ویڑھ کفار دے تڈے  
 تمنے نی میں احمد دے اہج کیے نی دل ٹھڈے  
 چوٹی لسن قہر دی لکھی کون بچے چڑھ اڈے

تہڈے تیغ ولہیٹ چھڑندی جو صف کردی تہڈے  
 کتھ لک ناری جند لکاوٹ یکساں تھئے کھوئی کھڈے  
 نہ جیندے نہ مردے لائے ساہ تے موت مہڈے  
 آکھن کئیوں سفیان نہیں لڑا اندھے منڈھے بھڈے  
 ستے شیر جگا لک پھندے ہئے گل پودن بھڈے  
 سریاں تے سروجدے آہن چور پڈیاں تے پڈے  
 لاشاں توں دلداداں بھریاں پر تھئے کھاہی کھڈے  
 تھکا مالک ملک کھلیندیں طرف جہنم گڈے  
 پلپل غازی تازی ڈیوس بل کفار دی لڈے  
 سونہہ جوگی جڑھ رہن نہ ڈیوے جنیں پوٹی کوں تھڈے  
 کفر دے کھیت کوں کرتے بیلانچ فتح دے گڈے

جے ارشادا بعد نبی نہ بن سفیان رُجھیندا  
 ذوالقرنین دی حد تیں شہ حد جگو چہ دین دی نیندا

صاحب تاریخ اسلام جلد دوم و تاریخ کریندے کہ ایں جنگ اُحد دے وچ میڈے مولّا  
 کوں اٹھارہ زخم لے مگر چار زخم ایہو جنیں لے جو جہاں دی واری زمین تے ڈھسٹ دے قریب  
 ہوندے ہن تے ہک خوبصورت جوان خوشبو کنوں مہکدا ہویا آ کے مونڈھانپ کے زین تے  
 سنبھال چھڑیندا ہاتے آہدا ہا۔ یا علی دشمنان تے ودھ کے حملہ کر جو توں خدا تے اوندے رسول ﷺ  
 دی اطاعت دے وچ ہیں۔ خدا و رسول ﷺ میڈے اتے راضی ہن۔ میڈا مولّا عصا دی ٹیک گھن  
 نیکے صفاں ودا لئیندے۔ ایں پاسے گھمسان دا عالم ہے۔ جو ہک پاسوں جناب کافراں کوں  
 مریندے دے ہوندے ہن جو ڈو جھی طرف کنوں کفار پیغمبر دے سرتے آ ویندن اللہ دا



رسول ﷺ آواز ڈیندے ”یا علی امددنی فی سبیل اللہ“ اہاں کافر نبی تائیں نہیں پوجتے ہوندے جو اللہ دے شیر دی تلواری منہ اُتے ٹھک آتھیں دی ہائی۔ پیغمبر پچھدے یا علی! کیا وجہ ہے جو توں نہیں چھوڑ کیا۔ علی ہتھ نہہ کے عرض کریندے ”یا رسول اللہ اکفر بعد ایمان ان بک اسوہ“۔ مولّا جیڑھے تیکوں چھوڑ گئے بن کیا میں بھی ایمان دے بعد کفر کوں چٹا ماراں ہا۔ سکیں میں تاں حضور ﷺ دے پسینے توں اپنا خون قربان کرن والا ہاں۔ تے حضور ﷺ دے نقش قدم تے چلن والا ہاں۔ جبرائیل نے پیغمبر ﷺ کوں آکے مبارک ڈتی تے عرض کیا یا رسول اللہ ﷺ شالا وڈیاں حیاتیاں ہودن تیڈے ایں بھرا دیاں جواں مردی تے جان نثاری نال لڑدا ودے۔

آہا ستار ہاں دا او ڈینہہ تمنے پائے حق دے ولی  
گویا کھلی آرتیجھے ڈینہہ ڈوں روز دی نازک کلی  
تیغاں تھیاں بے کار سب کہیں تاب نہ جنگ دی جھلی  
حق توں ملی او تیغ جو ہائی قہر دے سانچے ڈھلی  
کفار دے جیوٹ دا ہس ساغر تھیا آ مٹلی  
کوہ قاف دے پردے وچوں خوناں پری بن ٹھٹھن چلی  
پونجی دے وچ پونجی رضا صفدر دی پائی اوں منجلی  
تائید دے پیریں لچھے نصرت دی گل چپا کلی  
اللہ اکبر کر جڈاں کیتا اچا دست جلی  
تاں چرخ نیلی قام تے چڑھ موت دی کھڑکی ملی  
گٹھ گٹھ پھری افلاک دی آہس طبیعت جھلیلی  
بدلان دے وچ بجلی لکے آہس نظر نہ کئی بگی  
بجھ کے جہنم دے وچوں کر منہ اُحد دو ول ولی

دھرتی سبھا تھڑ تھڑ کنبے آکھے کریں رب سیں بھلی  
 مشرق توں گھن مغرب تیں امکان دی ہر شے ہلی  
 جبل الاحد دی ہر پڑی آنوں کنوں پہلے ڈلی  
 وحدت نگر دی تیغ ہائی وحدت نگر دا مہلبی  
 چترگاں چھٹیاں جاں تیغ دیاں پاٹی دے وچ ونج بھاہ ہلی  
 ہو گئے نمونے حشر دے وچ پڑ دے ساگی منجلی  
 اکھ پھر دی وچ میدان کل ہويا صفا وانگوں تلی  
 پڑھیا مناقب چرخ تے رل مل کے ملکوت جلی  
 لا سیف الا ذوالفقار و لا فتا الا علی  
 وچ گئے نقارے فتح دے ارشاد آکھے بو الحسن  
 ہاں! آن نہ من باشم کہ روز جنگ بنی پشت من



## سید تصدق حسین شاہ شیرازی

آپ داناں تصدق حسین اُتے تصدق تخلص ہئی۔ اُو ذات دے سید شیرازی ہن۔ انہاں دے والد داناں سید شاہ نواز شاہ شیرازی ہا۔ اُو چک 2/10L عباس پور ہڑپہ تحصیل و ضلع ساہیوال وچ 1922ء کوں پیدا تھئے۔ آپ دی تعلیم ایم اے ہئی۔ سید تصدق حسین شاہ شیرازی پاکستان نیوی وچ آفیسر رہ گئے۔ اُوہوں اچھے شاعر تے ذاکر اہلیت ہن۔ ایندے نال نال زراعت کاری وی جاری رکھی۔

آپ نے کڈاہیں مجلس پڑھن دا معاوضہ نہ کھدا ہئی۔ بلکہ ثواب سمجھ تے پڑھدے ہن۔ اُو تلمیذ الرحمن ہن۔ انہاں دے ہک پتر ہن جہاں داناں سید افتخار حسین شاہ ہے۔ سید تصدق حسین شاہ شیرازی دے نواسے سید مراتب حسین شاہ نے انہاں دا کلام کٹھا کرتے ”جواہرات تصدق“ دے ناں نال چھاپے۔ اُو اُردو تے سرائیکی ڈوہیں زبانوں دے شاعر ہن۔ انہاں تقریباً سرائیکی دیاں ساریاں صنفیاں وچ مدح اہلیت کیتی۔ ایویں تاں انہاں دا سارا کلام ودھیک ہے۔ پر انہاں دا ڈوہڑا مصائب کنوں بھرل اے۔ انہاں دا ڈوہڑا پڑھ تے غم دی اتجھی کیفیت پیدا تھی ویندی ہے جو اکھیں بے وس نیرو ہندیاں ہن۔

مسموم بھرا دے قلب دے کڑے رکھے زینت طشت وچالے  
 کلثوم اٹھا کے ہر حصہ، رہی لندی ہاں دے نالے  
 جھڑی ماء قاسم دی بے وس تھی کے مظلوم دے بہتر نالے  
 آیا روضہ چھوڑ رسول اپناں آئی زہرا کھول کے والے

سید تصدق حسین شاہ دی شاعری بارے غلام حرخان کنداٹی لکھدن:

”کلام میں صنائع، بدائع، معانی آفرینی، بحدت خیال، سہل ممتنع، پر شکوہ  
الفاظ دی ہیبت و حشمت، طمطراق، لہجہ دی گھن گرج، بحور دیاں روئیاں،  
قافیہ وردیف دیاں آسانیاں، الفاظ دابا نکمین، پڑ و ہڑے وچ وین داسماں، نظم  
وچ سندھ سانوٹ دی روانی، نثر وچ جادو بیانی، مسدس وچ اثر جادوئی،  
الفاظ دی مصوری وچ فخر بہزاد و عانی، مرثیہ وچ رثائی ادب دا پورا مزاج،  
نوحے وچ نوح ادب توں خراج، قصیدے دے الفاظ پر شکوہ تے دلپسند،  
الغرض نظم و نثر وچ منفرد رنگ، ہر یک صنف وچ ماہر تے یکتا ہے۔“

سرائیکی نظم دے نال نال انہاں دی نثر وی بہوں جاندار ہے۔ سید تصدق حسین شاہ  
شیرازی 26 جولائی 2007ء کوں وفات پاتی اے۔ اُتے اپنے پیو پڑاؤ دے دے قبرستان وچ  
دفن تھے۔

شہادت امام حسن عسکریؑ و حالات سرکار امام حجتہ القائم:

معروف دشمن آل محمد ہارون رشید عباسی خاندان دے ہک ظالم بد بخت بد کردار بادشاہ  
معتد عباسی تخت نشینی توں بعد بغض آل محمدؑ اپنی سنگدلی تے دشمنی دا مکمل ثبوت ڈتا ایس دے ناپاک  
وجود دے وچ آتش حسد دے شعلے بھڑکے اس نا اہل عرفان دے تاجدار فرزند حیدر کرار سرکار امام  
حسن عسکریؑ کوں وطن دے دینے وچوں بلا کے زندان وچ قید کر ڈتا۔ مشہور دشمن اہلبیت علی بن  
ادعاش کوں نگران مقرر کیا۔

جاں تخت تے اے بد بخت آیا ایس شاہ کوں قید کرایا  
یا شہر دے دے دسا ہا بے دین نے وطن چھوڑایا  
ادعاش دے ہر علی کوں ظالم نگران کیجے لایا  
تکلیفاں دکھاں وداں وچ شاہ ادکھا وقت لگھایا



بے دین نے خصوصی احکام جاری کیے کہ سرکار حسن عسکریؑ دی زندگی دا ہک ہک پل مصیبت دے وچ گزرے جتنا ظلم ہو سگدا اے اختیار کیا ونجے۔ شاہی دربار وچوں زیادہ ظلم تے زیادہ انعام عطا ہوئی۔ علاوہ ازیں جاگیراں وچ اضافہ کیا ویسی اے واقعہ سرکار دی دوبارہ قید دے وقت پیش آیا۔ ڈوجھی واری قید تے ہک انتہائی ظالم محافظ مقرر کیا گیا جیندا ناں تاریخ دے وچ تحریر ملدے۔

جاں ڈوجھی واری قید تھئے تحریر کیتی نگرانی  
اے ظالم حاسد جاہل ہا سادات دا دشمن جانی  
ڈتی سید کوں اندھاری کوٹھی ملعون ظلم دے بانی  
ہوں عرصہ رہی زندان دے وچ زہرا دی پاک نشانی  
اقلیم ولایت دے یار ہویں تاجدار دا تمام وقت نماز، عبادت، تسبیحات تے ذکر الہی  
وچ گزرے ہا۔ اے ظالم ودھ توں ودھ تکلیفاں ڈیندا رہیا۔ اللہ دا پاک امام عبادت دے معیار  
کوں بلند توں بلند تر تے بلند تر توں بلند ترین اہتمام تے خلوص دے نال پایہ تکمیل تک پہنچیندا رہیا  
آخری حربہ ظلم و ستم بے دین اے تجویز کیا۔

جیں پنجرے وچ ہن شیر تے چیتے ڈتا حکم نسل مامونے  
سٹو سید کوں سامنے شیراں دے جیڑھا دین دا اصل ستونے  
او فوراً پاڑ کے کھا ویں نہ ذمے لکھی خونے  
حیوان جھکے آ قدام تے شرمندہ تھئے ملعونے  
بے دین اپنے ارادے وچ بری طرح ناکام تھئے جڈاں ہر پاسوں ناامیدی نظر آئی  
دشمنان دین مصمم ارادہ کیا کہ ہن زہرا پرانا تجربہ دہرایا ونجے انوں ربیع الاول دا جن چرخ تے  
نمودار تھیا انویں آل رسول دے ازلی دشمن امام حق کوں زہرا ڈوالی۔

چن چڑھیا ربیع الاول دا بے دین نے زہر ڈوائی  
 ہا سید تنہا قید دے وچ ناہی بھین قریب نہ بھائی  
 جاں زہر دی شدت تنگ کرے ہا آکھے لکھ لکھ شکر الہی  
 ہئی اٹھویں چن دی ڈہنہہ جمعے دا مظلوم نے جھوک لڈائی

جناب حسن عسکریؑ دا ہک غلام جیندا ناں ابو الادیان ہا آخری ایام توں کجھ عرصہ قبل  
 زیارت کیے حاضر تھیا۔ خدمت اقدس وچ حاضر تھی کے عرض کریندے۔ سرکار کانی نجیف تھے ہو  
 کمزوری دی شدت نظر آرہی ہے۔ میں سفردو ویندا پیاں امام فرمیندن جڈاں توں واپس آسیں  
 میں کوئی نہ ہوساں تیکوں شہر دے وچ مختلف مقامات تے آہ بکا دے منظر نظر آسن۔ اے غلام  
 روایت کریندے میں مدائن دے سفر کنوں 15 ربیع الاول کوں واپس آیا میں ڈٹھا مظلوم امام دی  
 شہادت دا سوگ کل رعیت منارہی ہے میں غم دے بھرے ہوئے وین ٹٹے جہاں سارا شہر ہلاڈٹا  
 ہر اکھ وچ آنسو نظر آئے۔

ہک شخص ابو الادیان آہدے میں پندرہ چن گھر آیا  
 مظلوم دی پاک شہادت دا کل وسدیاں سوگ منایا  
 میں غم دے بھرے ہوئے وین ٹٹے جہاں دل میڈا تڑپایا  
 ہر اکھ وچ آنسو نظر آئے ڈٹھا ہر چہرا کملا یا

سرکار دی شہادت توں بعد جنازہ تیار تھیا سرکار حسن عسکریؑ دا بھرا جعفرؑ جنازہ پڑھاوٹ  
 کیے صف توں ہا ہر آیا۔ لیکن فوراً ہک انتہائی حسین و جمیل معصوم ظاہر تھے۔ جیندے وجود کنوں  
 حسن محمدیؑ تے چہرے کنوں جلال حیدرئی جھلک رہیا ہا۔ ارشاد فرمیندن اے جنازہ میڈا حق ہے  
 میں پڑھیاں۔ اے واقعہ کتاب تذکرہ المعصومین دے وچ درج ہے۔

میں تذکرۃ المعصوم کون پڑھ کے پیا لکھداں غم دے حالے  
 آیا جعفرؑ جنازہ میں پڑھویندا ہک نکلیا کسن ہالے



اوندے رخ اطہر توں ظاہر ہا احمد دا رعب جلالے  
 فرمایا شاہ میں مہدی ہاں حق دار ہوندن حق والے  
 سرکار کوں سامرے دے وچ دفن کیتا کیا سرکار مہدی دی تلاش شروع تھئی بے دین  
 خانہ اطہر دے وچ داخل تھئے۔

جاں سامرے دے وچ دفن تھیا مسموم شہید امائے  
 گھن آؤ پکڑ کے مہدی کوں ول پلایا بد انجامے  
 تھئے فوجی داخل گھر دے وچ ہا ماتم دا کھراے  
 مستوراں ساریاں قید تھیاں آئی یاد نینب تے شامے  
 سادات دے پاک گھر دے کونے کونے دی تلاشی شروع ہوئی مگر سرکار امام مہدی دا  
 کوئی پتہ نہ چل سکیا بے دیناں کوں کیا معلوم کہ سرکار عیسیٰ کلیم اللہ دی طرح خالق کائنات سرکار  
 مہدی کوں اٹھی قدرت کاملہ نال غائب کر چھوڑیا ہے۔

ایں دارنا پائیدار دے وچ آدم، نوح، یعقوب دا گریہ ہوں مشہور ہے لیکن اے ترے  
 پیغمبر پاٹی رو گئے۔ امام زین العابدین چاہلی سال رت رو کے ایں جہاں توں تشریف گھن گئے  
 ہن۔ لیکن سرکار حجت القائم دارت رووٹ دا عرصہ ہوں طویل ہے سرکار اکٹھ ہجری کنوں رت  
 رووٹی شروع کیتی سرکار کوں خون روندیاں تیرھاں سو باٹھ سال گزر گئے ہن۔

ایں فانی جگ دنیا دے وچ رت رو گئے ڈوں ذیشانے  
 پہلا او قیدی جیڑھا کڑیاں پا کے تھیا امت دا مہمانے  
 میڈے باہروں آقا مہدی داسٹ اے مومن فرمانے  
 میڈی رت نہیں رکدی جئیں ڈی نہہ دی تھئی نینب سرعریانے  
 امام زمانہ سرکار مہدی اٹھی رت رووٹ دی وجہ کتاب مواعظ حسنہ دے وچ اظہار

فرمیدن۔

شیر دے تن تے گرم ہوا جیڑھی مخدومہ ناہی سہدی  
میں ڈٹھا ہے زہرہ نو جاتے رہی قول قول اٹھدی ہاہندی  
میں ڈہدا رہیاں زینب دی رہی سر توں چادر لہندی  
اوں ڈنہہ توں گھن کے اُج تائیں ودی رت اکھیاں دی دہندی

ہک مومن باہرویں سرکار دی خدمت عالیہ وچ عرض کیتی سرکار اٹھی رت رووٹ دی  
وجہ تاں بیان فرماؤ آخر او کیڑھا عظیم درد ہے او کتنا عظیم غم ہے جیہدی وجہ کنوں سرکار دیاں چشماں  
توں اُج تائیں مسلسل تے متواتر رت جاری ہے سرکار ارشاد فرمایا۔

کیا رت رووٹ دا باعث پچھدئیں اے درد بھرا مضمونے  
آئی بن چادر بازار دے وچ اسلام جیہدا مضمونے  
گئی وچ دربار شرابی دے دو عالم دی خاتونے  
تائیں اُج تائیں میڈیاں اکھیاں توں پیا وسدے تازہ خونے

شاعر آہدے میں امام زمانہ دی خدمت وچ عرض گزار تھیاں مولائے کائنات زیارت  
ناحیہ وچ فرمایا ہے کہ میں ۶۱ھ کوں رت رووٹ دی ابتداء کیتی ہے۔ ہن ۱۳۲۸ھ آگیا ہے۔ سرکار  
دی گریہ زاری کوں ۱۳۶۲ سال گزر دے پئے ہن تسافا فرمان ہے میکوں ۶۱ھ جمعے دا ڈنہہ  
ڈھلدی ظہرتے سید الشہد اُدی نماز دا آخری سجدہ نہیں بھلا سرکار قدرت کوں علم ہے کڈاں سرکار دا  
ظہور تھیں کتنا عرصہ دنیا تے قیام فرمیسو ول کڈاں دنیا توں تشریف گھن ویسو۔ مولا کیا اے طویل  
عرصہ اے لمبی مدت رت رووٹ وچ گزار ڈیو سو ذہن دے وچ ایندا جواب آیا ہے خدا کرے اے  
سرکار دی طرفوں ہووے۔

میں جے تائیں جیساں چشماں توں ودا خون وسیاں تازہ  
کچھ سوچ تاں سکی رہی ترے ڈنہہ ٹردی جیڑھی کرنا ہی سنگدی لکھ  
زہرا دی دھی دا کھلا سر اکوں ساعت والا دروازہ  
ساڈی کل غیرت دربار وچہ گئی ہے میڈے درد دا کر اندازہ



میں عرض کیتی سرکار کیا کوئی ایسی صورت ہو سنگدی ہے کہ سرکار دیاں چشماں وچوں اس  
تازہ خون دی آمد دا سلسلہ بند تھی ونجے۔ میڈے دل حزیں ایں دا جواب ڈتا ہے۔

میڈی رت دا رکنا نا ممکن ترے درد جگر کوں کھا گئے  
پہلا درد بتوں دی چادر دا جیڑھی سر توں لوگ لہا گئے  
بازار دے قطرے بارش دے جیڑھے سرخ لباس بٹا گئے  
دربار دے خطبے زینب دے میڈے کل درداں تے چھا گئے

میڈی رت نہیں رکدی زینب تے بازار جگر کوں کھا گئے  
تلق دے تھم وچ زینب تے اغیار جگر کوں کھا گئے  
نہیں ہاں توں لہندے زینب تے زردار جگر کوں کھا گئے  
تلسمہ دی ملکہ زینب تے دربار جگر کوں کھا گئے

☆☆☆

## سید جعفر الزمان نقوی

آپ دا اصل ناں سید جعفر الزمان نقوی اے قلمی ناں جعفر نقوی ہا۔ آپ دے والد دا ناں سید طالب حسین شاہ ہئی۔ سید جعفر نقوی ۱۹۵۴ء کوں جن شاہ ضلع لیہ وچ پیدا تھئے۔ آپ نے منڈھلی علوم اپٹے والد کنوں حاصل کیتے۔ سید جعفر نقوی انگریزی، عربی، فارسی، اردو، سندھی، پشتو، پنجابی تے سرائیکی زباناں تے مکمل عبور رکھیندے ہن۔ انہاں کوں سائنس و ٹیکنالوجی نال وی گہری واقفیت ہئی۔ سید جعفر الزمان نقوی ۹ سال دی عمر وچ شاعری شروع کیتی۔ انہاں علم عروض، صنائع و بدائع تے تلمیحات وغیرہ دا علم حاجی نظام الدین توں حاصل کیتا۔

سید جعفر الزمان نے پہلی واری واقعہ کر بلا دی مکمل تاریخ سرائیکی زبان وچ پنج جلداں وچ لکھی اے۔ جیڑھی انہاں دا بہوں وڈا کم اے۔ جیندا ناں ”مجالس الممتظرین علی روضۃ المظلومین“ اے۔ ایس توں علاوہ انہاں سرائیکی نوحہ نگاری وچ وی کمال ڈکھائے۔ انہاں دے نوے آج وی مجلس و ماتم وچ پڑھیے ویندن۔ نوے دے حوالے نال انہاں دی کتاب ”داغ ماتم“ جیڑھی ترائے جلد اں تے مشتمل اے چھپ گئی اے۔ ایس توں علاوہ انہاں دیاں اے کتاباں ہن۔ عرفان، حجت، طریق الممتظرین، معدن العمت فی سیرت، ام القائم، اسرار۔ لعبیات، افکار الممتظرین، انتظار مظلوم، قلندر نامہ، گستاخیاں، عرفایہ، اسما القائم، ترائے جلد اں، مصباح ہیئت، دین نصرت، واحدیت مطلقہ، موعود الرسل، The last reformer of the world شامل ہن۔



## رحلت جناب شریکۃ الحسین

(صلوات اللہ علیہا)

لکھت: سید جعفر الزمان نقوی

شہنشاہ انبیاء ﷺ دا زمانہ ہے چالھی ڈہنہہ دی طویل جنگ دے بعد امیر کائنات علیہ الصلوٰات والسلام دی شمشیر قدیر دیاں ضرباں دی تاب نہ لا کے خیبر فتح ہو یائے۔ جس وقت امیر المؤمنین علیہ الصلوٰات والسلام دے سرا طہر تے فتح دا سہرہ پدھوایا جا رہیا ہا عین اوں ویلے ہک غلام نے آ کے شہنشاہ انبیاء ﷺ دی خدمت دے وچ مبارک باد پیش کیتی ہے جناب نے فرمایا کیا توں ساکوں فتح خیبر دی مبارک پیش کر رہیا ئیں یا کوئی ہئی خوش خبری ہے؟

اوں غلام عرض کیتائے جناب میں ہنٹریں ہنٹریں ڈکھ آئیاں جو اٹھ نوں سال دی ہجرت توں بعد اجہ جناب جعفر طیار علیہ الصلوٰات والسلام جشہ توں تشریف گھن آئیں اور انہاں دا کارواں خیبر دی سر زمین دے پاسے محو سفر ہے اور چند گھڑیاں دے وچ او خیبر پہنچن والے ہن۔ شہنشاہ انبیاء ﷺ نے فرمایا اج ساڈے پاک بھرا دی مدت بعد واپسی ہو رہی ہے ایس واسطے سارے انہاں دے استقبال دی تیاری کر داساں انہاں دا اہکوں تے ونجہ کے استقبال کرنا چاہندے ہیں۔

استقبال دیاں تیاریاں ہوئوں لکھیا کین شہنشاہ انبیاء ﷺ نے پاک بھرا جناب جعفر طیار دا اہکوں تے ونجہ کے استقبال کیتائے۔

ساریاں ڈٹھائے جواو جشہ توں آئوں والے کارواں دے اہکوں اہکوں جناب

جعفر طیار ناقہ تے سوار ہن اور انہاں دے اہکوں ہک کسں شہزادہ سوارن گویا جن دے نال مشتری ستارہ جلوہ کش ہا اے شہزادہ پاک جناب عبداللہ ہن اور انہاں دی دنیا تے آمدتوں پہلے جناب جعفر طیار دو گرامی نامہ تحریر فرمایا ہا جو عنقریب تہاڈے گھر کوں ساڈا ہک لخت جگر زینت ڈیسن او شکل و صورت دے وچ ساگی ساڈے بابا پاک علیہ الصلوٰات والسلام دی شبیہ ہوسن ایں واسطے جڈاں او دنیا تے تشریف گھن آنون تاں سب توں پہلے ساڈی طرفوں انہاں کوں پیار کرا ہے اور انہاں دا نام پاک ساڈے بابا پاک علیہ الصلوٰات والسلام دے نام پاک تے رکھنائے یعنی جناب عبداللہ علیہ الصلوٰات والسلام انہاں دا نام ہوسی لہج او شہنشاہ بابے پاک دے نال ناقہ تے سوار ہن اور انہاں دے اہکوں ناقہ دے پاکھرے (زین) تے مسکراندے آندن۔

شہنشاہ انبیاء ﷺ کوں سامنے موجود پاکے جناب جعفر طیار علیہ الصلوٰات والسلام کوں خود وچہ کے ناقہ توں لہا کے ہاں دے نال چالایا اور اوندے بعد آکے شہنشاہ بھرا جناب جعفر طیار علیہ الصلوٰات والسلام نے پاک بھرا دی قدم بوسی کیتی ہے شہنشاہ معظم ﷺ نے انہاں کوں ہاں دے نال لایائے اور لوگاں دور رخ کر کے فرمایا۔

”ما ادری با یہما افرح لقدوم جعفر علیہ السلام او بفتح خیر“

اے لوگو! ہج سا کوں ڈ خوشیاں کٹھیاں ملین مگر اساں اے فیصلہ نہیں کر پئے سبکدے جو سا کوں خیر فتح ہووٹاں دی زیادہ خوشی ہوئی ہے یا پاک بھرا دی حبشہ توں واپسی دی زیادہ خوشی حاصل ہوئی ہے۔

خیر توں واپس مدینے آٹوٹ توں کئی ڈیہہ بعد جناب جعفر طیار علیہ الصلوٰات والسلام نے شہنشاہ انبیاء ﷺ دی خدمت دے وچ عرض کیتا جو اگر سا کوں اجازت ہووے تاں اساں ہک دفعہ تجارت دے سلسلے وچ شام و بٹاں چاہندے ہیں۔  
شہنشاہ انبیاء ﷺ نے انہاں کوں اجازت فرمائی۔



جس وقت انہاں دی تیاری مکمل ہو گئی تاں اوشہنشاہ معظم ﷺ دی زیارت واسطے تشریف گھن آئے اوں ویلے شہنشاہ معظم ﷺ اٹھی پاک دختر ملکہ عالمین علیہ الصلوٰات والسلام دے گھرا طہر دے وچ تشریف فرما ہن اتھاں انہاں دنیا دے دستور دے مطابق آکے عرض کیتا جو اگر کوئی شے شام وچوں تہاڈے واسطے خریدی ہووے تاں حکم فرماؤ شہنشاہ انبیاء علیہ السلام دیاں اکھیں دے وچ آنسو تر آئین فرمیدن اے کالھ انہاں کنوں پچھو جہاں کوں شام دی کئی شے ضرورت ہووے۔

اوں ویلے جناب جعفر طیار علیہ الصلوٰات والسلام نے محسوس کیتا جو انہاں وچوں کہیں کوں کئی شے ضرورت تاں ہے مگر ڈسا نہیں رہے۔

انہاں اپنے چھوٹے بھرا شہنشاہ امیر المومنین علیہ الصلوٰات والسلام دور رخ کیتا اور فرمایا شاید تہا کوں کوئی شے ضرورت ہووے تاں آگاہ فرماؤ۔

انہاں دیاں اکھیاں دے وچ وی آنسو آگئے فرمیدن تاں اوں کنوں پچھو جہاں کوں شام دی کئی شے ضرورت ہووے۔

اوندے بعد جناب جعفر طیار علیہ الصلوٰات والسلام نے ملکہ عالمین سیدی پاک علیہ الصلوٰات والسلام دور رخ کر کے عرض کیتاے شاید تہا کوں کوئی شے ضرورت ہووے ایس واسطے اساں عرض کریندے ہیں تاں اٹھی ضرورت دی چیز توں آگاہ فرماؤ۔

ملکہ عالمین سیدی پاک علیہ الصلوٰات والسلام دیاں اکھیاں توں وی آنسو جاری ہوئیں روکے فرمیدن اوں کنوں پچھو جیکوں شام دی کوئی چیز ضرورت ہووے۔

جناب جعفر طیار علیہ الصلوٰات والسلام نے ایہوتا کیں برداشت کیتاے اوندے بعد روکے آہن تاں سارے روندے ہوڈ سیندے نوہے تہاڈے وچوں کہیں کوں ضرورت ہے تے شام دی کیزمی چیز ضرورت ہے؟

اوں ویلے پاک امڑی علیہ الصلوٰات والسلام دے کند پچھوں ہک کسن شہزادی علیہ

الصلوات والسلام دی آواز آئی ہے چاچا انہاں کنوں کیوں کچھ دے ہو کوئی انہاں شام ونچٹائے؟  
 جناب جعفر طیار علیہ الصلوٰۃ والسلام دی نگاہ اٹھی کسن بہوتے پئی فوراً آکے پاک  
 دختر علیہ الصلوٰۃ والسلام کوں چایائے پیار کیتائے اوندے بعد روندے ہوئے کچھ دن کیا  
 تہا کوں کوئی چیز ضرورت ہے؟ سہین پاک فرمیدن چاچا تاں پئے ویندے ہو شام ساکوں ہک  
 نہیں ڈو چیزاں دی ضرورت ہے۔

ہک تاں ساڈے واسطے شام توں ہا ہر ہک جاگیر خرید کرٹی ہے۔  
 جناب جعفر طیار علیہ الصلوٰۃ والسلام روکے فرمیدن میڈی لائق دھی جاگیراں تاں  
 پتر اں واسطے ہوندین ڈو جھی گالھ اے ہے جو جاگیر دی ضرورت ہے تاں اتھاہیں مدینے دے وچ  
 جتنی جاگیر آکھو اساں خرید ڈیندے ہیں نو نہاں کنوں تاں کئی شے پیاری نہیں ہوندی۔

پاک سہین علیہ الصلوٰۃ والسلام فرمیدن چاچا ساکوں شام دے ہا ہر ہی ہک جاگیر  
 خرید فرماڈو ممکن ہے کڈاہیں ساکوں شام ونچٹاں وی پووے تاں اٹھی رہائش گاہ واسطے ساکوں  
 کہیں داحتاج نہ تھیو تاں پووے اساں چاہندے ہیں ساڈی اٹھی جاگیر اتھاں موجود ہووے  
 ڈو جھی گالھ اے ہے جو ساکوں شام توں ہک ایسی کنیز خرید کر کے آن ڈو جیڑھی شام دے شہرتوں  
 پوری طرح واقف ہووے جیکوں اے بھی معلوم ہووے جو شام دا بازار کیویں ہے اوندیاں ہگلیاں  
 اوندے چوک کیویں کیویں ہن۔

اے گالھیں ایویں تاں تاں ہن پاک شہزادی علیہ الصلوٰۃ والسلام دی ہر گالھ دے  
 وچ ہک قیامت چھپی ہوئی ہئی انہاں دیاں گالھیں سٹ کے سارے پاک روندے رہن۔  
 جناب جعفر طیار علیہ الصلوٰۃ والسلام آکھین شام دے وچ اتھاں آکے انہاں جھٹ  
 دے ہک تاجر دے گھر دے وچ قیام فرمایا۔

رات کوں جس وقت تنہائی میسر آئی ہے جناب جعفر طیار علیہ الصلوٰۃ والسلام نے  
 اوکوں فرمایا بھائی اساں اتھاں ہک جاگیر خرید کر لیا چاہندے ہیں کوئی بہترین جگہ تپڈی نگاہ دے



دج ہودے تاں ڈ ساؤ۔

اوں تاجر نے عرض کیتا جناب کل شام توں کئی میل ہا ہرک جا کیر دی نیلا می تھیوٹی ہے  
اگر مناسب سمجھو تاں کل اوکوں ڈیکھ گھنوں پسند آسی تاں خرید گھنوں۔

ڈوجھے ڈ۔ نہہ جناب جعفر طیار علیہ الصلوٰات والسلام اوں تاجر دے نال اوں مقام  
تے پہنچے جتھاں او جا کیر ہی انہاں کوں او جگہ ہوں اچھی لگی ہے جس وقت اے جا کیر دا چکر لاکے  
واپس مرکزی مقام تے آئیں تاں اتھاں نیلا می شروع ہو چکی ہئی۔

ہک آدمی نے پولی ڈتی ہے پنج ہزار دینار

ڈوجھے شخص پولی ڈتی ہے چھی ہزار دینار

ترتکھے پولی ڈتی ہے ست ہزار دینار

اے پولیاں جناب جعفر طیار سے ٹردیں ہوئیں سزین جس وقت اے مجھے دے دج  
پنجن ایس کنوں پہلے جو کوئی میا پولی ڈیوے ہا انہاں ٹردیں ہوئیں دور کنوں پولی ڈتی ہے سٹھ ہزار  
دینار۔

جتنے لوگ پولی ڈیوں واسطے آئے ہوئے ہن انہاں دے رنگ لڑا گھین اور ول کہیں  
پولی ڈیوں دی جرأت نہیں کیتی انہاں دے نال جو تاجر ہن انہاں انہاں داسوئٹھا ہلا کے عرض  
کیتے تاں تاں فن تجارت توں آشنا ہا دے تاں یکدم اتنی اچھی پولی کیوں ڈتی ہے کیوں جو اے  
زمین زیادہ توں زیادہ دس پندراں ہزار تک ونجے ہا اور اساں ایس کوں زیادہ توں زیادہ ویسہ ہزار  
تک خرید گھنوں ہا تاں تجارت دے سارے اصول ہالائے طاق رکھ کے ہوں زیادہ پولی چاڈتی  
ہے۔

شہنشاہ فرمیں دن توں ایس گالھ کوں نہیں چاؤدا اے جا کیر اساں اٹھی پاک بہودے  
کیتے خرید کرٹی ہئی اور اساں اے تاں چاہندے جو ساڈی پولی توں بعد کوئی پولی ڈیوے خرید  
کیوں جو جس وقت اساں پولی ڈیوں ہا اوں ویلے اے انہاں دے نام منسوب تھی وچٹی ہئی

اوندے بعد کہیں دالیندی خریداری واسطے پلی ڈیوٹ ساڈی غیرت کوں گوارا ناہی  
 ڈوجھی وجاے ہے جو اساں چاخذے ہیں کل ساڈی پاک بہو صلوات اللہ علیہا دے  
 پاک بھرا جاگیر خرید کرنی ہے اور انہاں دی جاگیر دی قیمت سٹھ ہزار مقرر ہوئی اساں اے نہیں  
 چاہندے جو ساڈی پاک بہو صلوات اللہ علیہا دی جاگیر دی قیمت پاک بھرا دی جاگیر کنوں گھٹ  
 ہووے۔

جاگیر دی خریداری توں بعد واپس دمشق دے شہر دے وچ حبشہ دے اوں تاجر جو  
 ہمیشہ دے ملک التجار شمار ہوندے ہن دے گھر دے وچ آتے پٹھن رات کوں اوندے نال سلسلہ گفتگو  
 دے دوران انہاں فرمایا بھائی ساڈی پاک بہو صلوات اللہ علیہا دی فرمائش ہئی جو ساڈے واسطے  
 شام توں ہک ایسی کنیز بھی گھن ادا ہے جو شام دے شہر کوں پوری طرح چاخذی ہووے کل اساں  
 سب توں پہلے کوئی ایسی کنیز خرید کریوں۔

اوں ملک التجار نے عرض کیٹا ہے ہک میڈی گزارش ہے اگر قبول فرماؤ تاں میں عرض  
 کراں؟ شہنشاہ فرمایا تہا کوں تاں اساں اپنا بھرا بنزایا ہو یائے بلا تکلف چالھ کرو اوں عرض کیٹی  
 اساں تہاڈے غلام ہیں آقامیڈی ہک کسن دھی ہے اوند اٹھ نوں سال داسن ہے اور اوندے مزاج  
 دی ساکوں سمجھ نہیں آندی جو ادکوں شام دے بازار دے وچ پھرک داپہوں شوق ہے مگر جس وقت  
 او شام دے بازار کوں ڈھیدی ہے اوندیاں اکھیاں توں آنسو جاری تھی ویندن اگر تاں مناسب  
 سمجھو تاں میڈی ایس دھی کوں تاں اٹھی کنیز بنزاکے پاک بہو صلوات اللہ علیہا دی خدمت دے  
 وچ پیش چا کرو تاں تہاڈا خرچ کچھ نہیں ہونو تاں اور میڈی آخرت سدھرو لیسی۔

انج دی مجلس کنوں ہوں پہلے میں ہک مجالس داسلسلہ شروع کیٹا ہا حیدر دے وچ میں  
 اے بیان کیٹا ہا جو کہ بلا دے وچ ملکہ شام سینک پاک صلوات اللہ علیہا دے نال ڈاہ پاک کنیزاں  
 ہن انہاں دے واقعات میں بیان کیٹے ہن اور اوندے دوران میں ایس پاک کنیز دے حالات بھی  
 بیان کیٹے ہن ایس واسطے میں اتھاں انہاں دے واقعات دا اعادہ نہیں کرنا چاہندا۔



## روانگی شام:

جس وقت شہنشاہ کربلا علیہ الصلوٰات السلام دی شہادت ہوئی ہے اوں ڈی۔ بہہ توں  
عرب دے وچ ہک قحط دی فضا بنز، مگئی ہئی کیوں جو اہل مدینہ شہنشاہ کربلا علیہ الصلوٰات السلام  
دی نصرت ناہی کیتی ایں واسطے اللہ دے انتقام دی تلوار نے اپٹے حملے دا آغاز مدینے کنوں فرمایا با  
حید اکھ حصہ واقعہ حرہ بھی ہا جہاں لپٹیاں جاناں بچائیاں ہن انہاں کوں گھر دے وچ قتل ہو وٹاں  
پیا با۔

جس وقت قحط دے عالم نے شدت اختیار کیتی ہے تاں لوگاں دی بکھ مرٹ تے نوبت آ  
مگئی اور کئی لوگ ایں قحط دے وچ بکھ کنوں مروی گئے۔

اوں دور دے وچ جناب عبداللہ علیہ الصلوٰات السلام دے گندم اور غزا دے اٹھ شام  
کنوں آندے ہن تاں لوگ انہاں دے بارے جاندے ہن جو انہاں دے بابا پاک علیہ  
الصلوٰات السلام ابوالساکین سہ ویندے ہن اور اے خود بحر الجود مشہور ہن ایں واسطے انہاں دے  
کرم کوں ڈیکھ کے لوگ سارے اٹھ ہا ہری ہا ہر پہا کے غریباں دے وچ تقسیم کر ڈیندے ہن اور  
گھرا طہر تک کوئی شے ناہی پہنچدی اور جس وقت جناب عبداللہ علیہ الصلوٰات السلام کوں اطلاع  
ملدی ہئی تاں او جبدہ شکر ادا فرمیںدے ہن جو لوگاں کوں ساڈے اتے کتنا نیک گمان ہے جو سا کوں  
پہنچدے وی نہیں اور اس ڈے مال وچوں اپٹے ضروریات پورے کر گھندن۔

لیکن اتوں سردیاں دے موسم دا جڈاں آغاز ہویا تاں جو لوگ بکھ کنوں مر رہے ہن  
انہاں دی وجہ توں مدینے دے وچ اللہ دا ڈیو جھا عذاب نازل ہویا اور اہل مدینہ تے طاعون دی  
بیماری کوں مسلط کر ڈیا گیا۔

۶۲ ہجری جمادی الاول دے وچ سردی دے موسم دے آغاز دے وچ جناب عبداللہ  
علیہ الصلوٰات السلام نے جناب سجاد علیہ الصلوٰات السلام نال مشورہ کیتا جو سردیاں دے وچ  
طاعون اور قحط دے وچ اضافہ ہووے ایں واسطے سا کوں مدینہ چھوڑ ڈیوٹاں چاہیدائے۔

اور ایں مشورے دے وچ مناسب جگہ دا انتخاب بھی لازم ہا لیکن اوں دور دے وچ بنی امید دی طرفوں سختی نال حکم ہا جو بنی ہاشم علیہم الصلوٰات السلام مکہ مدینہ اور شام توں علاوہ کتھا بیوی رہائش نہیں رکھ سکدے اور اے حکم انہاں دے پورے دور دے وچ نافذ رہے۔

ایں وجہ کوں ڈہدیں ہوئیں فیصلہ اے ہو یا جو ساکوں شام دے وچ رہائش رکھیاں چاہیدی ہے اور ایں فیصلے دے تحت شام دا سفر کیتا ہکھا ہا۔

تاریخ ساکوں اے نہیں ڈہندی جو مدینے توں شام دا جو سفر کیتا ہکھا ہا او کوئے دے رستے نال ہا یا بد رتوں تبوک والا رستہ ہا۔

قرآن کنوں معلوم تھیندے جو انہاں تبوک والے رستے کوں اختیار فرمایا ہوئی کیوں جو کوئے والے رستے نال ہک ہزار میل دے قریب اضافی سفر کرنا پوندا ہا کیوں جو مدینے کنوں جتنی دور کوئے ہے اتھوں اتنی ہی دورا ہکوں شام ہے ایں واسطے سدحاشام و نجش زیادہ قرین عقل ہے۔ شام دے سفر دے وچ پاک گھر دے ہوں سارے افراد ہن انہاں دی تفصیل دل کہیں ویلے عرض کریاں۔

جس وقت قافلہ پاک شام پہنچائے اتھاں آکے جناب عبداللہ علیہ الصلوٰات السلام نے انہی بابے پاک علیہ الصلوٰات السلام دی خرید کردہ جاگیر دے وچ قیام فرمایا مگر پاک سینی صلوٰات اللہ علیہا کوں ایں مگری دی آب ہوار اس نہیں آئی۔

جس وقت پہلی دفعہ اتھاں تشریف گھن آئے ہن اوں دور دے وچ انہاں دی ایں مگری دے وچ ہک تغردا درخت ہا جیندے اتے کچھ وقت واسطے امام مظلوم علیہ الصلوٰات والسلام دے سراطہر نے قیام فرمایا ہا۔

۳۰ مارچ سن ۶۸۲ عیسوی چوڑاں ماہ رجب سن ۶۲ ہجری جمعہ دی رات ہے پاک بھرا دی بھائیوال سینی پاک صلوٰات اللہ علیہا نے جناب سجاد علیہ الصلوٰات والسلام کوں فرمایا میڈا لعل لہج میڈا دل پاک بھرا دے کہتے ہوں بیقرار ہے اجازت ہووے تاں اساں پاک کینراں اور



سارے مستورات کوں نال لا کے تغردے اوں درخت کنوں ویر دا پر سہ جمل آؤں جبر حالہج توڑیں  
مظلوم دی مظلومیت تے خون دے آنسو بہا رہے۔

جناب سجاد علیہ الصلوٰات والسلام کنوں اجازت گھن کے رات دے پردے دے وچ  
تطہیر دی چادر پاک کے پاک کینراں اور باقی اہل حرم کوں نال لا کے پاک سین صلوٰات اللہ علیہا اوں  
درخت دے قریب آئین حیند یاں شاخاں کنوں شہنشاہ مظلوم کربلا علیہ الصلوٰات والسلام دا خون  
جاری ہا جس وقت پاک بھرا دے خون دی خوشبو پاک سین صلوٰات اللہ علیہا محسوس کیتی ہے انہاں  
دارمگ متغیر ہونوں لگائے۔

پاک سینیں انہاں کوں تھلیندیاں تاں رہ گھن مگر پاک سین صلوٰات اللہ علیہا وچ  
کے شجر کوں ہاں دے نال لایاے ڈوسن کیتن رو کے فرمیدن۔

تساں کر گئے ہو کلبا اجوی کوں میں ودی ہاں درد مھیدی  
تھاڈیاں ڈیکھ کے جاہیں درد بھریاں ہاں ہر دم نیر ویندی  
ہنر درداں توں میں تھک پئی ہاں نمی روح برداشت کریندی  
آؤ گھن وچو بھین کوں جن ویرن میں ودی ہاں ویر گولیندی

جس وقت پاک سین صلوٰات اللہ علیہا نے اے وسن کیتاے تغردے درخت دے  
وچوں تازے خون دی بارش شروع ہوئی ہے سین پاک صلوٰات اللہ علیہا آ کے درخت کوں گل لا  
کے ہک وسن کیتاے دل زمین تے جھڑ پھین پاک مستورات نے آ کے پاک سین صلوٰات اللہ  
علیہا کوں چایاے پاک سین صلوٰات اللہ علیہا نے رو کے دل ہک وسن کیتاے۔

اوں ویلے سین نے درد بھرے کیتا ویاں دا آغازے  
آکھن آ مل بھین مسافر کوں میڈے درداں دا ہرازے  
ہنر میں نہیں درد پچا سکدی ڈکھ آئے ہن بے اندازے  
اے وسن کیتا جڈاں روندیں ہوئیں کیتا سین دی روح پردازے

چوڑاں دی رات ڈھلی ہوئی ہے مگر سارے مستورات واسطے کہ قیامت دی گھری  
 اہی بھرا دی بھائیوال بھین صلوات اللہ علیہا کوں، گل لا کے ساری رات روندیاں رین ایویں  
 روندیں روندیں صبح ہو گئی ہے۔

رات کوں پاک سین صلوات اللہ علیہا کوں غسل ڈتا ہئے دائی پاک توں روایت ہے  
 جس وقت اسان غسل ڈیوں دا ارادہ کیتاے اور اسان جام پاٹی دا بھریاے اوں ویلے پاک سین  
 صلوات اللہ علیہا دے جسم اطہر دے وچ جنبش ہوئی ہے روکے فرمیندن۔

توں فضع خاص خیال رکھیں میکوں ایویں غسل ڈیوانویں

میڈے دیرتاں پیاسے ٹرہ گئے ہن نہ توں میڈے درود دھانویں

میکوں غسل ڈیویں پر توں دائی نہ منہ تے پاٹی پانویں

میکوں پیاس بھرا دی نہیں بھلدی میکوں پیاسہ دفن کرانویں

پاک گھر دا دستور ہا جو پاک پردہ داراں دی تدفین ہمیشہ رات کوں فرمیندے ہن  
 چنداں رجب دی رات آگئی ہے جس وقت رات ڈھلی ہے جناب فضع آکے جناب سجاد علیہ  
 الصلوات والسلام دی خدمت دے وچ عرض کیتاے آقا تہاڈی مسافر پھچی پاک صلوات اللہ  
 علیہا دا تابت تیار ہے۔

جناب سجاد علیہ الصلوات والسلام پاک پھچی صلوات اللہ علیہا دے قریب آئین رو  
 کے فرمیندن اسان پاک پھچی صلوات اللہ علیہا دا آخری دیدار کرنا چاہندے ہیں۔

جہڑاں پاک پھچی دے چہرے توں لڑکھن دالسل ہٹایا

ہے دس سجاد لے روندیں ہوئیں ناں ہا بے پاک دا چایا

سن نام بھرا دا کفن دے وچ میڈی سین دامت کدھایا

ہنجواں دا پاٹی کفن کنویں خود اچھل کے ہا ہر آیا



تساں آؤ بسم اللہ لعل میڈے اتے صدقے پاک بھرا دے  
 لکھ پیار کراں کیوں جو لعل تساں ہوئے محسن عمن دی مادے  
 تساں عزت و دھائی ہی امڑی دی میڈے ویر دی کرا دے  
 آؤ سکدی ما کوں گل لاؤ ہی دل وچ درد زیادے  
 ڈوہاں شہزادیاں آکے پاک امڑی کوں گل لایائے جناب سجاد علیہ الصلوٰات والسلام  
 دی نگاہ پئی ہے انہاں ڈٹھائے انہاں دے پچھوں کہ ذات نظر آئی ہے جیڑھے سر جھکا کے روئوں  
 دے وچ مصروف ہن انہاں فرمایا تساں کون ہوا ہکوں تے کیوں نو ہے آئے ہوئے آواز  
 آئی ہے۔

میں ایس بی بی دا نوکر ہاں کھڑاں ایس گلھوں اجھکا دے  
 ہاں ضامن سین دے پردے دا ہاں مان یکیاں بھیٹاں دا  
 میڈے سامنے خیمے ٹھر گئے ہن ایس اجھک توں میں نہیں آندا  
 کیوں منہ ڈکھلاواں سین کوں میں ہاں دور کھڑاں شرما دے  
 جس وقت پاک سین صلوٰات اللہ علیہا پٹے پردیاں دے ضامن ویر دی آواز سنوی  
 ہے روکے فرمیں دن۔

آغازی میکوں گل تاں لا نہ ایس ویلے شرما توں  
 ناہی اذن ڈتا اساں خود تھا کوں نہ ایس گلھوں اجھکا توں  
 میڈے کوھوں لہج نہ انجہ کھڑ کے میڈے سامنے نیر دہا توں  
 میں تاں سکدی ویدی ہاں پکھن کوں میکوں آغازی گل لاتوں  
 سارے رل کے دعا کروام المصائب سین پاک صلوٰات اللہ علیہا دے مصائب ختم

ہوون۔

جعفر دے ہنڑاں اے بی بی جہاں شام دے امن مہمائے  
 پاوے سہرے ہنڑاے ہنڑاں کوں پکھے دسدے پاک بھرائے  
 لونہاں توں بھما گھر پکھن ہونوں اکبر سہرے پائے  
 رہے دسدی ہارش خوشیامدی نت ہونوں رنگ سوائے

آمین یا رب العالمین

☆☆☆





مرید عباس عارف بہوں تھوڑا لکھدن۔ لیکن انہاں دے لہجہ انداز اسلوب توں انہاں دے مہان لکھاری ہووے دا ثبوت ملدے۔ اے کتاب انہاں دی محنت آتے اپنئے موضوع دے نال محبت دی غمازی کریندی اے۔ انہاں دے سوئے آتے دکرے اسلوب دا سہٹپ ہک ہک لفظ وچ ڈٹھا وچ سکدے۔ سرائیکی مرثیے دی تاریخ بہوں پرانی اے۔ مگر مرید عارف نے ہک مخلص کھوجی والی کاراں سارے مواد کوں کٹھا کرتے تحقیق نگاری دا لوہا منوائے۔ انہاں نہایت دیدہ ریزی دے نال بہوں سوئے انداز اچ تحقیق دا فریضہ انجام ڈتے تے اے ثابت کر ڈکھائے جو راجن پور جنیں دور افتادہ ضلع وچ وی صحت مند تحقیق کیتی وچ سکدی اے۔ میں انہاں واسطے دعا گو ہاں جو او تحقیق و تدقیق دا اینویں سفر جاری رکھن تاں بہوں جلد سرائیکی وسیب دے عظیم محقق دی حیثیت نال اپنا لوہا منوا کھنسن۔

ڈاکٹر شکیل پٹانی